



BIBLIOTECA NAZ.
Vittorio Emanuele III

XLIII

B

NAPOLI

4-35

JOANNIS CLERICI
A R S
CRITICA,
IN QUA AD STUDIA

Linguarum

LATINÆ, GRÆCÆ, ET HEBRAICÆ,

Via munitur; Veterumque emendando-
rum, Spuriorum

SCRIPTORUM

A Genuinis dignoscendorum, & judicandi
de eorum

LIBRIS

Ratio traditur.

Editio Quarta auctior & emendatio.

VOLUMEN SECUNDUM.



AMSTELÆDAMI,

Apud **JANSSONIO-WAESBERGIOS;**

M. DCC. XII.

01

100



LECTORI

S. P. D.

JOANNES CLERICUS.

MOnitus à Typographo aliquot hinc superesse paginas vacuas, occasionem adripui, LECTOR, iterum te adloquendi, hujusce alterius Voluminis initio; & quidem de ratione scribendi nonnullorum, qui Opuscula nostra, & præsertim hancce Artem Criticam, admordere conati sunt.

Socrates apud *Platonem*, in *Gorgia*, ostendit duas esse persuadendi vias, unam διδασκαλικήν, quæ accuratam cognitionem ejus, quod persuadetur, animis audientium inserit; alteram πιστευτικήν, quæ fidem tantum & opinionem parit, quamvis res ipsa etiamnum sit ignota. Prior
* 2 qui-

AD LECTOREM.

quidem persuadendi ratio id solum inquit quod est in re aut exploratum, aut certe maximè probabile; posterior verò non quid sit certum, aut verisimile, petitumque ex re ipsa spectat; sed quid sit idoneum ad persuadendum quod libet iis, qui verba potius attendunt, quàm res, & de earum Veritate, non adcurato examine instituto, sed ex alienis quibusdam circumstantiis judicant. Homines nonnulli planè imperiti Artis, quam hinc tradidi, sed non inepti ad commovendum imperitum vulgus, cum priore viâ nihil proficere se posse sentirent, posteriore me adgressi sunt. Quem grammaticis aut criticis rationibus oppugnare debebant, sed non poterant, eum *argumentis Theologicis ab Invidia ductis*, de quibus *Diatriben* edidi, ad calcem *Logicæ*, impetiverunt, remque conficere se posse putarunt.

Ego quidem eodem armorum
ge-

AD LECTOREM.

genere, quod viro probo indignum puto, cum iis non certabo; quamvis nihil esset cur quererentur, si iisdem armis, quibus contra me priores usi sunt, contra eos pugnarem; sed monebo homines ut de rebus criticis, interpretationibusque, quæ ex Linguarum cognitione pendent, possint rectè judicare, duo esse planè necessaria. Unum est ut Artem ipsam, ad cujus normam talia exigenda sunt, pernoscant, omnesque ejus partes adtentè animo versent. Alterum ut Linguam, qua usi sunt Scriptores, de quorum interpretationibus judicare adgrediuntur, probè intelligant; quod non potuerunt adsequi puerilibus illis studiis Scholarum, aut tumultuariâ lectione pauculorum Recentiorum, adhibito subinde, prout subitus usus postulabat, Lexico; sed longâ atque adtentâ lectione Scriptorum Veterum, de quorum sententia

AD LECTOREM.

judicare volunt. Tum demum idonei judices interpretationum grammaticarum poterunt esse, ipsique etiam aliquid in eo rerum genere, si ita ferat animus, moliri. At absurdum est & dignum ludibrio, velle, post lectos aliquot libellos recentiores, & quidem maxima ex parte hominum imperitorum harum rerum, aut etiam vernaculâ Linguâ scriptos, judicem agere omnium quæ prodeunt, & adgredi etiam confutare quæ non intelligas. At peritiæ loco est id quod solent nonnulli, veriùs quam putant, *zelum* vocare; hoc est, vehemens adfectus, quo alienis laudibus invidentes, cupientésque famam consequi ex aliorum probro, coelum terræ miscent, ut bonos viros & Litterarum studiosos infament.

Quando non inveniunt in ipsa re quod carpant, ad sophisticas artes conversi fingunt quod nusquam est,
ut

AD LECTOREM.

ut hominibus invidiam creent. Est nonnemo, apud vicinam gentem, qui ab aliquot annis artem conviciandi optimis quibúsque proficitur. Is, ut in aliquot populares suos doctissimos viros, ita & in me acerbissimè invecus est larvâ tectus, atque hoc meum Opus suspectum imperitis, iis artibus quas dixi, reddere conatus est. Primum mihi tribuit opiniones, quas novit non tantum me pro meis non agnoscere, sed etiam confutasse; quasi nosset animum meum, quod est hominis ferreæ frontis. Deinde vult meam Criticam eò spectare ut opiniones illas, quas mihi pro arbitrio tribuit, confirmem.

Atqui Deum testem vocare possum, cujus solius iudicio nobis omnibus standum est, aut cadendum, in hoc Opusculo me præ oculis hunc unum habuisse finem, ut Artem, quam explicare conatus sum, illustrarem, exemplis ex graviori-

AD LECTOREM.

bus rebus , quoad ejus fieri posset ,
desumptis ; ne Critica haberetur Ars
nihili , & intra fines angustiores
multò , quàm par est , coercenda.
Ideò sæpe hîc occurrunt , quæ à
plerisque Criticis adtingi non sole-
bant , qui intra profanos Scriptores
se continebant. At ea non faciunt
ad persuadendum quod quispiam
Picrocholus vulgo persuasum vellet,
ut ipse magni fieret , & optimi qui-
que ac eruditissimi spernerentur.
Non diffiteor ; nec quisquam , nisi
insanus , mihi exprobrarit , me ope-
ram non dedisse ut , conculcatâ
rectâ Ratione , regulisque omnibus
criticis perfractis , pro oraculis ha-
berentur quæ placerent Censori ,
qui vix ipse novit quid velit , quæ
verò existimarem ipse esse vera ea
falsa haberentur. Quis bonus aliter
sua studia comparat , nisi ut Verum
ante omnia cognoscat ; deinde ut
cognitum confirmet ; atque aliis
etiam persuadeat ?

Cùm

AD LECTOREM.

Cùm autem multa sint vera , est una primaria Veritas , ad quam confirmandam atque illustrandam omnes ingenii nervi sunt contendendi. Ea est Veritas Religionis Christianæ , quam non sophisticis ratiunculis , & ab invidia ductis , dissimulationibúsque quæ sunt illà indignæ ; sed argumentis petitis ex adcuratis rectæ Rationis atque Criticæ Artis Canonibus ubique probare , atque illustrare conatus sum , & porrò conabor. Nec vera tantùm Religio habenda , sed illi soli parendum , si beatitudinem consequi velimus. Præcepta ejus amanda , extollenda , sibi & aliis inculcanda sunt , & præsertim quidem quæ ad amorem proximi pertinent. Hæc est sententia cui omnia mea studia serviunt , & post hac , Deo juvante , servient. Scio quidem Religionem Christianam non eodem modo ab omnibus intelligi , quia Novo Testamento

AD LECTOREM.

multi hominum decreta adsuunt. At ego Christianam Religionem voco, quæ habetur in sacris illis libris, & ab iis ne latum quidem unguem discedit. Non probari mihi multa *Unitariorum* interpretamenta satis ostendî, cum hîc, tum alibi; sed fraudibus & malis artibus eos oppugnare judico esse eorum quibus Religio Christiana sit ignota, aut qui ei nequaquam credant, sed faveant potentioribus, ut gratiam sibi apud eos, munerâque & honores comparent; similia facturi, *Unitariorum* causâ, sicubi rerum potirentur. Quales non puto paucos esse, inter Zelotas; certè tam malis subinde argumentis utuntur, ut, nisi ea iracundissimè proponerent, omnes credituri essent ab iis partes prodi, quas propugnandas susceperunt. Non magis probo eorum sententiam, qui Scholasticas voces Apostolis ignotas nobis imponunt, quasi
ne-

AD LECTOREM.

necessarias ; séque , dum volunt explicare quod revelatum non est , in mæandros inexplicabiles repugnantiarum conjiciunt. Mihi media via videtur tenenda inter duo illa extrema , & dum meritò contendimus loca esse insignia , de Divinitate Christi deque ejus Sacerdotio , quæ à *F. Socino* ejúsque sequacibus torquentur ; fatendum etiam rationem , quâ se *Scholastici* expedire conantur , multò plura complecti , quàm quæ sunt revelata , nòsque pro expeditis impeditiores quàm antea reddere. Quid ergo nobis faciendum erit ? Adquiescemus , si sapimus , in loquutionibus Apostolorum , quas non sine summa ratione ab iis adhibitas esse credemus ; quamvis eas omnes adcuratissimè interpretari non possimus. Quod si fecerimus , nec *Scholastici* , nec *Sociniani* erimus , sed Apostolorum discipuli , qualem me adhuc professus

AD LECTOREM.

fessus sum & semper profitebor.
Quem in sensum, nonnulla jam dixi
hujus Artis Criticæ P. II. S. 2.
C. VIII, 10. & seqq. Vale.

Nonis Decembris anni MDCXCIX.



I N-

I N D E X
CAPITUM
TOMI SECUNDI.

P A R S III.

De emendandi ratione, Libris sup-
positis, & Scriptorum stylo.

S E C T I O I.

De Emendatione.

- CAPUT. I. **D**E origine mendorum. 1
CAP. II. **D**E antiquitate mendorum. 12
CAP. III. De mendis ex imperitia Distantis
ortis, 1. quòd litterarum ductus non adse-
queretur. 28
CAP. IV. 2. Quòd adfines figurâ litteras,
ductusque similes miscuerit. 40
CAP. V. 3. Quòd omiserit quæ erant inter
eamdem vocem repetitam, aut in alio ver-
borum situ. 48
CAP. VI. 4. Quòd malè pronunciaret. 56
CAP.

I N D E X

CAP. VII. 5. Quòd Glossemata in margine scripta contextui intulerit.	79
CAP. VIII. De mendis à negligentia Scribentis ortis, 1. quòd quæ cogitaret, non quæ audiret, scriberet; 2. quòd perperam audiret.	87
CAP. IX. 3. quòd non adsequeretur orthographiam, aut antiquiores litteras.	104
CAP. X. Distinctionum omissionem multa menda peperisse.	123
CAP. XI. De signis Parentheseos, &c.	145
CAP. XII. Ex compendiaria scriptura multa esse nata menda.	165
CAP. XIII. De mendis ex incuria Librarium. natis.	179
CAP. XIV. De mendis ex Criticorum temeritate, aut imperitia ortis.	193
CAP. XV. De mendis, quæ impostoribus tribuenda.	212
CAP. XVI. De mendis à Vetustate ortis.	244
CAP. XVII. Leges emendandi.	256

S E C T I O II.

De locis & scriptis spuriiis à genuinis
seccernendis.

CAPUT I.	V	Eterum testimonia, de fraudibus quibus inserta ve-
----------	---	--

CAPITUM.

<i>veteribus Scriptoribus loca, suppositique iis integri libri.</i>	302
CAP. II. <i>De indiciis, ex quibus colligere licet librum esse suppositicium, aut interpolatum. I. & II. indicium.</i>	324
CAP. III. <i>Indicia III. & IV.</i>	336
CAP. IV. <i>Indicia V. & VI.</i>	346
CAP. V. <i>Indicia VII. & VIII.</i>	358
CAP. VI. <i>Indicia IX. & X.</i>	372

SECTIO III.

De judicio de stylo & charactere Scriptoris ferendo.

CAPUT I. D E iis quæ sunt in quovis Scriptoris animadvertenda, ut de eo rectè judicare possimus, deque forma scribendi Q. Curtii.	395
CAP. II. Q. Curtium fuisse Astronomiæ & Geographiæ planè imperitum.	402
CAP. III. Malè elegisse quæ sequeretur & fabulas subinde describere.	421
CAP. IV. Nonnulla malè descripsisse, & repugnantia prodidisse.	430
CAP. V. Inutilia narrare, necessaria omittere.	436
CAP. VI. Fabularum Græcarum documenta apud Indos quærere, Asiæque remotissimis	

INDEX CAPITUM.

- mis omnibus nomina Græca imponere.* 448
 CAP. VII. *Perperam omittere annos & tempestates, quibus singula gesta sunt.* 457
 CAP. VIII. *Perpetuò propemodum Declamatoris stylo uti.* 475
 CAP. IX. *2. Curtium laudatorem potius esse ambitionis nimia Alexandri, quàm vituperatorem. Egregia de illa Senecæ & Lucani loca.* 494
 CAP. X. *Aliquot loca Curtii tentata aut emendata.* 506

Addenda P. 3. S. I. C. IX, 7. Postea deprehendi eandem loquutionem apud *Tacitum* Annal. III, 12. ubi de cadavere Germanici oculis plebis exposito : *Quò pertinuit nudare corpus, & contrectandum vulgi oculis permittere.* Sed & illic quoque *conlustrandum* legi oportere censuerim, quamvis durioribus metaphoris gaudeat *Tacitus*; nam ne manibus quidem *contrectantur* cadavera à vulgo, nedum ut oculis *contrectari* dici possent. Scio *Ovidium* de Tereo *Philomelæ* amore flagrante dixisse :

Speçtat eam Tereus præcontrectâtque videndo.

Sed mollior hîc multò est metaphorâ, quia Tereus *Philomelam* contrectare cupiebat.

F I N I S.

AR-

ARTIS CRITICÆ

P A R S III.


De Emendatione locorum corruptorum , de Libris suppositiciis à veris dignoscendis , ac Judicio de stylo & charactere Scriptorum ferendo.

S E C T I O I.

De emendatione locorum corruptorum.

C A P U T I.

De Origine Mendorum.

- I.  I Deo Optimo , Maximo visum fuisset antiquissimorum mortalium ita adflare animos, ut inter ea quæ invenerunt vitæ utilia ac necessaria , fuisset pulcherrima artium mechanicarum Typographia ; non modò innumera Veterum monumenta , quæ ob paucitatem exemplarium interciderunt , manibus
- Tom. II.* A bus

2 ARTIS CRITICÆ P. III. S. I. C. I.

bus nostris nunc tererentur ; sed illa etiam , quæ vim vetustatis omnia perdentis effugerunt , ad nos multò emendatiora pervenissent. Cùm enim olim , dum libri manu describerentur , singula exemplaria non aliter possent emendari , quàm si à viro docto & diligente adcuratè legerentur , quod longum erat , & difficile ; nunc unus atque alter , iteratâ unius exemplaris lectione , millena aliquot exemplaria emendare faciliè possunt. Sed quoniam , ut ille ait , * *nullum habemus in præterita jus , præterquàm oblivionis* ; iis missis , quibus remedium nullum adferre possumus , videndum nobis superest , an sit Ars aliqua , quâ possimus loca Veterum in mendocubantia dignoscere , ab iis quæ sana sunt , & veram in ea lectionem revocare. Hoc certè profitentur CRITICI à se fieri posse , atque hac in re potissimùm Artem suam sitam esse dicunt ; nec dubium est , quin sæpissimè id præstiterint quod polliciti erant ; & sanitatem innumeris locis ægris restituerint.

2. Quod illi factitarunt id , in hac Criticæ nostræ Parte , ad certas Regulas revocare , & in Artis , quatenus licebit , formam redigere , consilium nobis est. Ut autem tutiorem ac breviorẽ viam incamus , quâ possimus pervenire ad cognitionem veræ lectionis locorum corruptorum ; quærendum , ante omnia , quibus potissimùm modis corrumpi potuerint. Cognitâ enim morborum causâ & origine , facilius & certiùs curari poterunt.

3. Menda ergo quatuor causis originem suam debent , **LIBRARIIS** , **CRITICIS** ;

* *Plinius Lib. II. c. 7.*

CIS, IMPOSTORIBUS & VETUSTATI, quæ omnia paullatim adterit.

I. LIBRARIORUM *incuriâ*, aut *imperitiâ*, pleraque sine dubio menda irrepserunt, quæ nos nunc exercitos habent; cùm enim plerosque libros describerent, ab iis longè maximam mendorum segetem provenire necesse fuit. *Incuriæ* peccata tot & tanta sunt, ut difficillimum sit sibi ab ea cavere. Novit enim quisque, si quid exscribat parum adtentus, non modò se ad finia vocabula, dum animus peregrinatur, miscere; sed diversa planè scribere, detrahare, addere, & nescio quot peccata admittere, quorum rationem ipse postea reddere non posset, nedum ut alii eam deprehendere queant. *Imperitia* quoque in describendo, si magna sit, ut sine dubio magna sæpissimè fuit in Librariis, monstra etiam mendorum peperit; cujus exemplorum ingentem copiam omnes MSS. Codices, omnes Criticorum libri suppeditant.

4. Sed variis modis imperiti, aut indiligentes Librarii in errorem delabi potuerunt; quos indicasse, quoad licebit, inutile non erit. Cùm alii dictarent, alii scriberent, ab utrisque varia provenire potuerunt menda. Ut à *dictante* incipiam, ille, licèt statuamus emendato Codice esse usum, si non fuit satis peritus, sæpissimè decipi potuit, dum non bene legit, quæ bene scripta erant. Cùm enim manu exararentur omnia, multique sine dubio non pulchrè pingerent litteras, ut hodie fit, loca fuere, in quibus legendis homines rei aut Linguae non satis periti cespitare po-

4 ARTIS CRITICÆ P. II. S. I. C. I.

tuerunt. Voces adfines, aut similes litteras facile miscebant. Si vox quæpiam bis repeteretur, & fortè ad eam usque vocem, ubi primum occurrebat, dictassent; sæpe fiebat ut, omissis interjectis, ea quæ vocem secundò repetitam sequebantur priori proximè subjicerent; aut etiam integros versus, aliud agentes, omitterent. Præterea dictantis, & festinantis, lucri causâ, vox non semper fuit satis clara, aut pronuntiatio satis distincta; ita ut scribentes, licèt adtenti, quid dixisset, non satis intelligentes scriberent quod sibi audivisse videbantur, adfinésque sono litteras, syllabas, voces confunderent. Vocabula varia, apud Græcos præsertim, aut eodem, aut pænè eodem modo pronunciabantur, quamvis diversissima, ut postea ostendemus; eaque à scribentibus, aut imperitis, aut parum adtentis, facile poterant misceri; cùm præsertim celeriter scribentibus, & sequentia adtendentibus, non satis esset temporis ad videndum, utrum vox, quam scripserant, loco conveniret, aut ad interrogandum dictantem.

5. Præterea cùm *dictans* videret sæpe, in margine exemplaris, quo utebatur, quiddam scriptum; poterat suspicari, verba esse à Librario festinante omissa, quæ Criticus ad oram postea scripsisset; præsertim si commodè possent inseri, ita ut orationis series iis nequaquam turbaretur. Attamen ejusmodi verba sæpe interpretationes sunt Grammaticorum, aut eorum qui Codicibus illis usi erant; quo factum, ut tam sæpe Critici in context-

textum orationis admissa *glossemata*, querantur.

6. Dubium non est quin Librarii, qui vitam tolerabant quæstu, quem in describendis libris faciebant, pluribus simul dictarent, ut unâ operâ plura haberent ejusdem operis exemplaria; sed fuerunt etiam sine dubio pauperiores, qui vendebant ea quæ ipsi ex libris, nemine dictante, *descripserant*; qua in re, eadem ferè irreperere potuerunt menda, quæ vitio *dictantis* debentur, exceptis iis quæ ex mala pronuntiatione oriebantur. Præterea dum integra commata, aut etiam integras periodos legunt ac postea scribunt, festinandi causâ; quid mirum, si quidpiam omittunt, aut synonymas voces pro aliis scribunt? quod in omnibus antiquis Scriptoribus animadvertent, quicumque varias lectiones, è veteribus MSS. Codicibus collectas, paullo adtentius expendent. Innumera sunt ejusmodi, in variis lectionibus Veteris Testamenti, ex Versione LXX. Intt. & Novi, ut omnibus liquebit, ex inspectis collectionibus dudum & non ita pridem editis. Postremis præsertim sæculis, quicumque imperiti veteris orthographiæ, ex antiquis Codicibus quidpiam transcribebant facilè falli poterant, dum alias esse voces putarent, quàm reipsâ erant.

7. Hanc in rem observandum non semper, apud omnes Gentes, eandem fuisse rationem pingendorum characterum, aut accentuum adscribendorum. Apud Latinos antiquissimis temporibus, character erat quadratus & majusculus, qualis in veteribus Inscriptionibus

6 ARTIS CRITICÆ P. II. S. I. C. I.

& MSS. etiamnum cernitur ; nisi quoddam figuræ litterarum calamo tam eleganter pingi non solerent , ac scalprio. Deinde invaluit scriptura , quæ *Langobardica* dicitur , rotundior & similior huic nostræ , quâ hodie utimur. Hac exarati sunt plerique omnes MSS. Codices , qui nunc exstant in Bibliothecis , perpauca vetustiore illo Romano. Creditur ita dici ea Scriptura , quoddam MSS. plerique ejus ævi , quo *Langobardi* Italia potiebantur , eo characterum genere sint conscripti. Sunt & qui *Saxonice* scripturam aliâsq; huic addant ; sed non tantum est earum à priore discrimen , ut seorsim expendi debeant. Vide , hac de re , *Joannis Mabillonii* Lib. V. de re Diplomatica , ubi omnium earum scripturarum specimina profert.

8. Sunt in Veteribus , seu majusculis litteris , aliquot sat similes , præsertim si parum eleganter pingantur ; quæ non difficulter à Librariis rerum ipsarum imperitis , nec vocum significationem tenentibus , misceri potuerunt. Cujus rei ratio , in emendationibus , maxima habenda est. Similia animadvertenda , de litteris *Langobardicis*. Sæpe factum ut menda irreperent in Codices Romano vetere characterē scriptos , quæ in *Langobardicos* transfusa sunt ; deinde & nata nova eorum progenies , ex *Langobardica* scriptura ; quibus mendis plurima nunc loca usque aded depravata sunt , ut in integrum restitui nullâ ingenii ope possint.

9. Græcorum etiam characterum aliqua videtur esse facta mutatio , nam cum antiquissimi

mi

mi quadrati essent, quales in Inscriptionibus visuntur, postea inter scribendum videntur rotundiores esse facti. Qua de re consulenda *Palæographia Græca* doctissimi Monachi Benedictini *Bernardi de Montfaucon*, Lutetiæ nuper edita. Sed præterea accentus, & spiritus, qui in antiquissimis Codicibus nulli erant, in recentioribus sunt additi; unde nata etiam nova menda, dum hæc perperam adpinguntur. Vide, apud eundem, veterum Exemplarium MSS. specimina.

10. Apud Hebræos, ante tempora captivitatis Babylonicæ, in usu erat id litterarum genus, quod à Phœnicibus acceperant, & quod vulgò *Samariticum* vocatur, eò quòd id servarint Samaritæ. Deinde is character in Assyriacum mutatus est, in Captivitate, ut demonstrarunt viri doctissimi, & potissimum *Lud. Cappellus*, in Diss. de Litteris Hebræorum. Sed & nos quædam diximus, in Dissertatione de Nummis characteribus Punicis signatis, XI. *Bibliothecæ Selectæ* Tomo. Cùm Hebræorum Librarii, aut *Scribæ*, homines essent, quemadmodum Græcorum & Latinorum, menda similia admittebant, ut postea liquidò ostendemus.

11. Verùm aliud animadvertere licet, in Codicibus antiquissimis, cùm Græcis, tum Latinis, quod & in Hebræicis fuisse, ante Massoretharum tempora, nonnulli Judæi farentur; voces, nimirum, nullis interstitiis sejunctas, nec ullis interpunctionibus separatas esse; aut, minimùm, quàm plurimas ita conjunctas, quasi essent una vox; quo factum

ut non modò falsis interpunctionibus, ab hominibus non satis peritis, corrumpere posseta sensus; sed etiam ut syllabæ conjungerentur, quas divelli oportebat; aut contrà divellerentur, quæ conjungendæ erant. Hinc intelligere licet, munus *Anagnostæ*, temporibus illis, non fuisse indocti prorsus hominis, cùm ejusmodi Codicibus utebantur; nam ex tempore orationem interpositis moris dividere, cùm divisa in Codice non esset, cujusvis certè non erat. Insigne ejus rei exemplum legere est, apud *A. Gellium*, Lib. XIII. c. 30. *Laudabat*, inquit, *venditabátque se quispiam in Libraria sedens*, homo ineptè gloriosus, tamquam unus esset, sub omni cælo, satirarum *M. Varronis* enarrator; quas partim *Cynicas*, alii *Menippeas* adpellant; & jaciebat inde quædam non admodum difficilia, ad quæ conjicienda adspirare posse neminem dicebat. Tum fortè eum ego librum ex iisdem *Satiris* ferebam, qui *ὁ ποινὸν* inscriptus est. Propius igitur accessi & nosti, inquam, magister, verbum illud, scilicet, è *Græcis* vetus; musicam quæ sit abscondita eam esse nulli rei? Oro te legas hos versus pauculos, & proverbii istius, quod in his versibus est, sententiam dicas mihi. Lege, inquit, tu mihi potiùs, quæ non intelligis, ut ea tibi ego enarrem. Quonam, inquam, pacto legere ego possum quæ non adsequor? Indistincta namque sient & confusa quæ legero & tuam quoque impedient intentionem. Tunc aliis etiam, qui ibi aderant, compluribus idem comprobantibus desiderantibusque, accepit à me librum veterem fidei spectatæ, luculentè scriptum; accepit

an-

antem inconstantissimo vultu & mœstissimo. Sed quid deinde dicam? Non audeo hercle postulare, ut credatur mihi. Pueri in ludo rudes, si eum librum acceperint, non ii magis in legendo deridiculi fuissent; ita & sententias intercedebat, & verba corruptè pronuntiabat.

12. Ad hæc omnia, si accedat incuria dictantis, aut scribentis, aut utriusque simul; potuit alter dictare quod cogitabat, non quod erat in libro, aut alter scribere id quod animum ejus avocabat; quod nobis contingit, cùm animus distrahitur aliis cogitationibus. Indidem variæ luxationes ac transpositiones, sequentium ætatum Criticis crucem fixuræ, provenire potuerunt.

13. Præterea & hoc sæpe accidit, ut à festinantibus Librariis per compendium multa scriberentur, omissis aliquot syllabis, quæ Lectori conjiciendæ relinquebantur. Eæ verò vocum contractiones sæpe malè à Librariis aut Criticis intellectæ pepererunt maxima menda; cùm in nominibus adpellativis, tum etiam in propriis.

14. Antiquissimis temporibus, cùm litterarum studia in Græcia atque in Italia etiamnum florerent, Librariis pænè solis aut Criticis imperitis, vel æquo audacioribus tribui poterant omnia menda; sed cùm barbaries Orientem, sub Imperatoribus Christianis jam invasisset, & unà cum ea crevisset mirum in modum Monachorum numerus; hi cœperunt veteres libros in Monasteriis exscribere, cùmque plerique homines indocti essent, præsertim ad humaniores litteras quod adtinet,

quippe in legendis Liturgiis potissimum occupati, menda innumera admittebant. Quod fiebat in libris Græcis, apud Græciæ & Asiæ Monachos, idem facitabant in Occidente alii Monachi, ad libros Latinos quod spectat. Hinc fit ut perpauci sint Græci, aut Latini Codices MSS. qui non scateant mendis, præsertim qui complectuntur res non ita vulgò notas.

15. Igitur cum antiquissimi Librarii parum emendatè Codices describerent, isque Codices postea in manus Monachorum ignariorum inciderent; quid mirum, si depravatissimi pervenerunt in manus nostras? Cum autem inventa est Typographia, viri docti, pro illo ævo, qui ex MSS. primùm typographicis litteris descripta ediderunt Veterum monumenta, persæpe nimis ingenio suo indulserunt, in emendandis quæ vitiosa ipsis videbantur; unde nata in Editionibus, ex primis illis expressis, nova menda; quæ nonnisi inspectis de novo Codicibus MSS. hoc & præteritis sæculis, tolli à viris doctis potuerunt. Sed & horum multi imperitiâ, aut audaciâ nimîâ, quâ conjecturas suas, quasi exploratas lectiones, in Veterum contextum admiserunt, eorum Scripta conspurcarunt; ne jam loquar de Typothetarum mendis, quæ vix possunt omnino vitari.

16. II. Quot & quanta orta sint ex Librariorum aut indiligentia, aut imperitia menda satis, ut opinor, liquet ex superioribus. Hæc cum CRITICI jam olim animadverterent, hoc in se laboris susceperunt, ut exemplaria opti-

optimorum quorumque Scriptorum manu suâ emendarent; cùm in gratiam amicorum, tum etiam lucelli causâ, quòd exemplaria ab eruditis Grammaticis emendata majore pretio emerentur. Sed cùm hi Critici non omnia æquè intelligerent, nec pari omnes judicio valerent, sæpe quæ emendatione indigebant, quasi sana transvolarent; aut contra violentas manus iis, quæ rectè posita erant, adtulerunt. Quæ omnia exemplis singillatim postea comprobabimus.

17. III. Sed & homines nequam; quos non Criticos vocaverim, cùm Critica nequaquam uterentur, sed FALSARIOS; datâ operâ, varia in Veterum scriptis mutaverunt, aut iis detraxerunt, vel adfuerunt, ut legentes fallerent. Quod in antiquitatibus Ethnicis rariùs contigit, in quibus operæ pretium non erat fallere; sed in Ecclesiasticorum Scriptorum antiquissimis monumentis, quæ contententes Christiani in suas quique partes trahere conabantur, frequenter accidit; ut in hujus Operis Præfatione jam monuimus, & aliis exemplis manifestis postea ostendemus. In vita *Lanfranci* Benedictini primùm Monachi, deinde Cantuariensis Archiepiscopi, edita cum ejus Operibus Lutetiæ, anno MDCXLVIII. hæc leguntur: *Quia Scripturæ, Scriptorum vitio, erant nimium corruptæ, omnes tam Veteris, quàm Novi Testamenti Libros, nec non etiam Scripta SS. Patrum SECUNDUM ORTHODOXAM FIDEM STUDUIT CORRIGERE.*

18. IV. Ad hæc omnia accessit VETUSTAS,

12 ARTIS CRITICÆ P. III. S. I. C. II.

TAS, quâ factum ut antiquissimæ membranæ & chartæ laceræ, vel ita situ adfectæ, ut litteræ sæpe deletæ essent, ad posteros pervenerint. Hoc modo, sine culpa ulla Librarium, Criticorum, aut Falsarium, plurimæ lacunæ in Veterum Scriptis factæ sunt, quæ sæpe nullo ingenio expleri possunt; aut si non incommodè expleantur, desiderium tamen in nobis verorum Scriptoris verborum relinquunt. Exempla rem postea clariorem efficient

C A P U T II.

In quo Mendorum antiquitas, Veterum testimoniis, exemplisque demonstratur.

1. QUAMVIS quæ à nobis superiore Capite dicta sunt certissima sint, ut cum ex ipsa re jam constat, tum etiam exemplis postea liquebit; attamen quia multi de sinceritate atque integritate Codicum sacrorum & profanorum judicant, qui non tam ratione moventur, quàm exemplis, & præsertim auctoritate; age, superiora, hoc etiam modo, extra omnem dubitationis aleam collocemus.

2. Ut à veteribus Hebræis initium faciamus, ab iis Libros Sacros non satis diligenter servatos esse, si dixero, nihil dicam quod non facillimum sit creditu; ob frequentes eorum ad Idololatriam defectiones, quibus fiebat ut Prophetarum Scripta negligerent. At ipsa

ipſa hiſtoria ſacra rem , ſine ulla conſectario-
rum ope , nos docet , cū narrat Librum Le-
gis qui in Templo adſervabatur , & ſeptimo
quoque anno publicè legi debebat , diu deli-
tuiſſe ; nec , inventus cū fuiſſet , ſine ad-
miratione , à Rege alioqui pio , Joſia , fuiſſe
lectum. Vide 2. Paral. XXXIV, 15. Si Rex,
quem ex Lege oportebat ejus exemplar habe-
re , quod quotidie lectitaret , nullum habuit;
non eſt credibile vulgò Jerofolimæ ejusmo-
di libros emendos , aut deſcribendos proſti-
tiſſe.

3. Quòd ſi , ſtante ac florente regno Ju-
daico , tam negligentes fuere Judæi Legis
ſuæ , cū non modò deberent ejus exempla-
ria multa habere , quæ diurnâ ac nocturnâ
manu verſarent , ſed etiam facilè poſſent ;
non eſt veriſimile eos , non modò acciſis re-
bus , ſed planè proſtigatis , cū in alieno ſo-
lo , procul à patria , duram & inopem vitam
agerent , majorem curam adhibuiſſe , ut mul-
tos ac emendatos haberent Codices ; aut cu-
râ ſuâ efficere potuiſſe , quod , ſtante Repu-
blicâ , à viris piis fieri non potuerat. Imò ve-
rò multi Patres credidere libros ſacros , in
Captivitate Babylonica , planè intercidiſſe.
Duorum dumtaxat teſtimonium proferemus.
Prior erit *Clemens Alexandrinus* , Stromat.
* Lib. I. quem credibile eſt rem habuiſſe à Ju-
dæis ſui ævi : Κἀν τῇ Ναβυχοδονόσορ αἰχμα-
λωσίᾳ , διαφθαρεῖσιν τῶν γραφῶν , κατὰ τὰς
Ἀρταξέρξεϊ τῷ Περσῶν βασιλείῳς χεῖρας , ἐπι-
γνῶς

14 ARTIS CRITICÆ P. III. S. I. C. II.

γνῶς Ἐσδρας ὁ Λευίτης Ἱερεὺς γενόμενος, πά-
 σας τὰς παλαιὰς αὐτῆς ἀνανεῶμεν & προεφή-
 τευσε γραφάς: *etiam in captivitate Regis Na-*
buchodonosor, cūm periissent Scripturæ, Esdras
Sacerdos, temporibus Artaxerxis Persarum
Regis, adflatu omnes veteres iterum renovans
*prophetavit Scripturas. Idem antea * dixerat;*
 sed paullò obscuriùs. Scriptor *Synopsicos*, quæ
 exstat in secundo *Athanasii* volumine, in *Sy-*
nopf. Lib. XII. qui est *Esdræ*: Ἱστορεῖται δὲ
 ἡ τῆτο περὶ τῆ Ἐσδρα, ὅτι ἀπολομένων τῶν
 βιβλίων, ἐξ ΑΜΕΛΕΙΑΣ τῶν λαῶν, ἡ διὰ
 τὴν πολυχρόνιον αἰχμαλωσίαν, αὐτὸς Ἐσδρας
 φιλόκαλῳ ὦν, ἡ εὐφυῆς, ἡ ἀναγνώσης,
 ἐφύλαξε πάντα καὶ ἑαυτὸν, ἡ λοιπὸν προή-
 νεγκε, ἡ πᾶσιν ἐκδέδωκε, ἡ ἕτως διασώζε-
 ται τὰ βιβλία: *narratur & hoc de Esdra,*
cūm periissent Biblia NEGLIGENTIA
populorum, & propter diuturnam captivita-
tem, ipsum Esdram, cūm esset rerum honesta-
rum studiosus, bonæ indolis, & lector, ser-
vasse omnia apud se, & postea protulisse, ac
omnibus edidisse, quo pacto servata sint Biblia.
 Similia possent ex † *Chrysostomo* & † *Theodo-*
rito proferri.

4. Quæ non adfero, quòd credibile mihi
 fiat *Esdræ* ex memoria, aut adflatu omnes
 libros veteres restituisse; sed quia videtur om-
 nino hæc historia orta esse, ex aliqua vera
 narratione. Nimirum, corrupti erant Libri

Sa-

* P. 329. † *Homil. VIII. in Ep. ad Hebr.*

† *Præfat. in Cantic.*

Sacri, negligentia populorum & longinquitate temporum, eosque Esdras recensuit, quatenus licuit. Hæc enim est opinio vulgò inter recentiores Judæos recepta. *Elias Levita*, in Præf. tertia sui *Massoreth hammassoreth* fol. 44. Ed. Seb. Munsteri, ita eam exponit "בגלות ראשונה אכרו רוב ונו" *in captivitate prima, perierunt plurima exemplaria, distracta sunt, paucaque incorrupta manserunt, & præterea qui noverant biblicos libros mortui erant; ut coactus fuerit Esdras & Concilium ejus reformare coronam, secundum vetustatem suam, & emendare libros. Vide & sequentia.*

5. Verùm antiquiores Judæi, post hæc etiam tempora, non satis emendatos fuisse libros suos fassi sunt; fortè propter negligentiam eorum, qui postea vixerunt. Ita *Demetrius*, apud *Aristeam* p. 13. Ed. nuperæ Oxoniensis, de libris Judæorum, qui in Bibliotheca Alexandrina decrant, Ptolemæum adloquitur: Τῶ νόμῳ τῶ Ἰσθαίων Βιβλία, εὐν ἐτέροις ὀλίγοις τισὶν, ἀπολείπει. τυγχάνει γὰρ Εἰβραϊκοῖς γράμμασι καὶ φωνῇ λεγόμενα. ΑΜΕΛΕΣΤΕΡΟΝ ᾧ, ἢ ἔκ ὧς ὑπάρχει, ΣΕΣΗΜΑΝΤΑΙ, καθὼς ὑπὸ τῶ εἰδότην προσαναφέρεται, προνοίας γὰρ βασιλικῆς ἔ τέτευχε. δέον δὲ ἐστὶ ἢ ταῦτα ὑπάρχειν παρῶσσι διηγεῖσθωμένα: *legis Judaicæ libri, cum paucis quibusdam aliis, desunt. Dicuntur enim esse Hebraicis litteris & linguâ; sed negligentius, nec ut merentur, exarati, sicut ab intelligentibus perhibetur. Regia enim providentia*

16 ARTIS CRITICÆ P. III. S. I. C. II.

tia nondum iis contigit. Oportet autem ut & illi sint, apud te, diligenter descripti. Hæc pænè verbatim repetit *Josephus* Ant. Jud. Lib. XII. c. 2. habétque etiam: *συμβέβηκε δ' αὐτὰ ἢ ἀμελέστερον ἢ ἐχθροῦ σεσημάνθαι: contigit eos negligentius, quàm oportuit, exarari; nam pro ἐχθρῷ, quod nihil hîc significat, legendum ἐχθρῶν, aut ἐδδῷ, oportebat, quod respondet τῷ ὑπάρχειν, Aristæ, quod aliquando significat promereri.* Hanc etiam historiam præstare nolim, sed hoc saltem hinc patet, ante versionem LXX. Intt. non solitos esse Judæos, magnâ diligentîâ, Codices Sacros describere.

6. Neque hoc figmentum esse, aut Hellenistæ Judæi vanam opinionem, ostendit ipsa LXX. Interpretum Translatio; ex qua manifestò liquet eos exemplari emendatissimo, aut adcuratè descripto usos non esse. Frequenter enim falluntur, dum aliter legunt, quàm oportet, aut adînes figurâ litteras miscent; ut cùm in *Critica Sacra*, tum in *Notis Criticis*, multis ostendit *Lud. Capellus*, & nos quoque, in Commentario in Pentateuchum ceterosque V. Testamenti libros, non rarè demonstravimus. Scio aliter sensisse *Joan. Buxtorfium*, virum Rabbinicâ eruditione instructissimum; sed in rebus Criticis planè hospes fuit, & ab omnibus pænè peritioribus Interpretibus cùm Veteris, tum Novi Testamenti, hac in re, dissentit.

7. Cùm autem Judæi, aliquot pòst sæculis, animadvertenter Codices non satis emendatos

tos circumferri ; quæsitis antiquissimis ; sed exiguo numero, ex iis Massoram conflarunt, atque descriptum iri posthac Codices sacros decreverunt ; quod quando & quomodo factum sit docuit is, quem modò laudavimus, *Lud. Cappellus*, in *Arcano punctationis*, ejusque *vindicis*. Idem etiam ostendit non aliter de Judæorum Criticis, quos illi *Massorethas* vocant, quàm de aliis judicandum ; adeoque illorum judicium à quovis viro erudito iterum ad examen revocari posse.

8. *Samaritæ* etiam, qui Pentateucho veteribus, ut antea diximus, Hebræorum litteris exarato utantur, passi sunt in suum Codicem multa menda illabi ; ut passim obiter demonstravimus, in *Comment. in Pentateuchum*. Habuerunt quoque illi suos Criticos, qui multos locos aut emendarunt, aut emendare conati sunt ; sed & nonnullos corruerunt, ut exemplis postea liquebit.

9. Nunc ad Græcos libros veniendum est ; eosque cùm sacros, tum profanos ; & à posterioribus quidem initium faciemus, quia minus est, ad eos quod adinet, difficultatis. Nemo est, cui sanum sit sinciput, qui, re ipsâ spectatâ, in dubium revocare possit, an facile potuerit fieri ut menda admitterent Græcorum Librarii, ob rationes, quas superiore Capite adtulimus. At si unquam inspexerit manu scriptos Græcos Codices, etiam optimæ notæ, & antiquissimos ; aut etiam viro- rum eruditorum, qui illustrandis veteribus Scriptoribus Græcis operam dedere, Scripta nonnulla legerit ; non modò potuisse fieri,

ut multa menda irrepserint in MSS. Codices, sed reverâ irrepfisse illico fatebitur. Qui hæc in animum revocare neglexerit, nec umquam considerarit, & tamen volet de iis quæ diximus judicare; is verò non rationibus, sed hel-leboro indigebit.

10. Adferam tamen duo loca doctissimi Geographi *Strabonis*, ex quibus adparebit novas non esse de corruptelis Librariorum que-relas, & quantam diligentiam solerent Græci adhibere, ne iis fallerentur. Igitur ille Lib. XIII. p. 419. ubi agit de *Aristotelis* & *Theophrasti* libris, déque mendis quæ vetustate, & malorum Criticorum operâ, in illos irrepse-rant, pergit his verbis de Librariis loqui :
 βιβλιοπωλαίτινες ΓΡΑΦΕΤΣΙ ΦΑΥΛΟΙΣ
 χρώμενοι, ἢ ἐκ ἀντιβάλλοντες, ὥστε ἢ
 ἐπὶ τῶν ἄλλων συμβαίνει τῶν εἰς πρᾶσιν γρα-
 φομένων βιβλίων, ἢ ἐνθάδε, ἢ ἐν Ἀλεξαν-
 δρείᾳ : *Multum etiam hanc in rem & Roma*
contulit — & *Bibliopolæ* quidam LIBRA-
 RIIS MALIS *usi, neque conferentes* (de-
 scripta exemplaria cum Archetypis) *quod &*
aliis accidit libris, qui vendendi causâ scribun-
tur, & hic (Romæ) & Alexandria.

11. Cùm *Strabo* de Nilo scripturus esset, & conquisivisset eos qui ante ipsum de eo flumi-ne egerant; invenit, inter alios, *Eudorum* & *Aristonem* Peripateticos; sed exemplaribus suis satis fidere non audebat, ut testatur, nisi eos cum aliis contulisset; quæ tamen cùm non posset reperire, eos Scriptores inter se contulit :

Εἰ γὰρ

Εγὼ γὰρ, inquit Lib. XVII. ἀπορέμεν ὁ ἀντιγράφων εἰς τὴν ἀντιβολὴν, ἐκ πατέρε πα-
 τερον ἀντέβαλον: ego igitur destitutus exem-
 plaribus, ad collationem faciendam, alterum
 cum altero contuli. Qua in re, Geographus
 propriis utitur vocibus. Glossæ Veteres:
 ἀντιβάλλω βιβλία, confero. Ἀντιβάλλω,
 recognosco.

12. Proprium hoc munus fuit Criticorum,
 quod necesse fuit, inter Græcos, exerceri, ex
 quo lectitare antiquiorum monumenta, cum
 aliqua voluptate, cœpere; nam ejusmodi lec-
 tionis studiosis nihil antiquius est, quàm ut
 habeant emendata exemplaria. Certè nulla
 est voluptas legentium ea quæ non intelligun-
 tur, aut quæ nescimus an edita sint eo modo,
 quo à nobis leguntur, ab eo qui primus ea
 scripsit. Sic cùm Alexander secum ferre sta-
 tuisset Iliadem, quasi τῆς πολεμικῆς ἀρετῆς ἐ-
 φώδιον, virtutis bellicæ viaticum, ἔλαβεν Ἀ-
 ριστοτέλης διορθώσαντι, ἣν ἐκ τῆς νάρθηκος
 καλῶσιν, accepit ab Aristotele, qui emendarat,
 quam ex narthecio vocant. Fuit, nimirum,
 ejusmodi editio, quam ita vocabant, quia ex-
 acta dicebatur ad id exemplar, quod *Aristote-
 les* emendarat, quòdque Alexander in nar-
 thecio circumferre solebat, ut docet in ejus
 vita *Plutarchus*.

13. Hinc factum ut multi crediderint *Ari-
 stotelem* primum Criticam invenisse. *Dio
 Chrysostomus* Orat. LIII. de *Homero*:

* Ἀριστοτέλης, ἀφ' οὗ φασὶ τὴν κριτικὴν τε καὶ

γραμματικὴν ἀρχὴν λαβεῖν, ἐν πολλοῖς δια-
 λόγοις περὶ τῆ ποιητῆς διέξεις, θαυμάζων
 αὐτὸν, ὡς τὸ πολὺ, ἢ τιμῶν: *Aristoteles*, à
 quo aiunt Criticam & Grammaticam initium
 cepisse, in multis dialogis de Poëta agit, eum
 summopere miratur, & magni facit. Sed ante
 hæc tempora, fuerant qui *Homeri* lectione de-
 lectarentur, & qui proinde emendata ejus
 Poëmatum habere exemplaria conarentur. I-
 taque antiquiores videntur fuisse Critici, licet
 eorum nomina ad nos non pervenerint. Quod
 liquet ex *Æschinis* Dial. III, 7. ubi vide quæ à no-
 bis adnotata sunt. At ab ætate *Aristotelis*, cœ-
 pit hæc scientia florere, * potestque ab illo ve-
 luti διαδοχῇ Criticorum, non secus ac Phi-
 losophorum, tradi. Sed nunc id non agimus,
 ut Criticorum Historiam texamus; satis nobis
 erit, si ipsam Artem illustrare, aliqua ex par-
 te, possimus.

14. Liqueat ex superioribus hanc non fuisse
 novam Eruditorum querelam, de negligentia
 aut imperitia Librariorum, à quibus Ethnico-
 rum Græci Codices descripti sunt. Cùm ve-
 rò ab iisdem, aut similibus Librariis describe-
 rentur Exemplaria Versionis LXX. Interpre-
 tum, & Novi Testamenti; non erit mirum,
 si dicamus ab iis similia in Sacris admissa pec-
 cata. Neque enim putandum est homines lu-
 cri cupidos multò majorem curam adhibuif-
 se, in describendis Libris Sacris, quàm pro-
 fanis. Imò verò quò plura vendi poterant ho-
 rum exemplaria, quàm illorum, postquam

NO-

* Vide G. J. Vossium in *Aristarcho* Lib. I. c. 6.

nomen Christianum crevit; eò plures, imperitiorésque Librarii, aut Monachi ei rei operam dabant, & magis festinabant. Inanes non esse has conjecturas, manifestò ostendunt Codices MSS. Veteris & Novi Testamenti, quorum nullum invenire licet, qui non scateat mendis. Qua de re consulendæ sunt variarum lectionum in utrumque collectiones, in Bibliis Polyglottis Londinensibus, & in Editione Novi Testamenti *Milliana*. Cave autem putes, postremis dumtaxat sæculis, ita se gessisse Librarios; jam enim, ab antiquissimis temporibus, similia questi sunt Patres.

15. Eorum aliquot loca sunt hîc à nobis adferenda, in eorum gratiam qui cùm nunquam eos legerint, de hoc negotio, ex metaphysicis quibusdam notionibus judicare aliquando adgrediuntur. Sic ergo *Origenes*, vir non modò sui sæculi doctissimus, sed & corruptorum Codicum diligentissimus emendator, in Comment. in Matthæum pag. 439. Edit. Huëtianæ, laudato loco è Ps. CXVII. Hebraicè: δοκεῖ μοι ὑπὸ Ἑλλήνων συνεχῶς γραφόμενα τὰ εὐαγγέλια, μὴ εἰδόντων τὴν διάλεκτον, συγκεχύσθαι ἐν τοῖς κατὰ τὴν τόπον ἔχουσιν αὐτὰ ἀπὸ προειρημένων ψαλμῶν: *Evangelia, à Græcis dialecti (Hebraicæ) ignavis frequenter exscripta, corrupta esse mihi videntur in hoc loco, in iis quæ habebantur ex memorato Psalmo. Idem Comment. in Joannem, p. 151. Οὐ καταφρονητέον ἔν τῃ περὶ τὰ ὀνό-*

22 ARTIS CRITICÆ P. III. S. I. C. II.

ματα ἀκριθείας τῷ ἀπαραλείπτως βελομένῳ
 συνιέναι τὰ ἅγια γράμματα τὸ μέντοιγε ἡ-
 μαρτῆσθαι ἐν τοῖς ἑλληνικοῖς ἀντιγράφοις τὰ
 περὶ τῶ ἰνομάτων πολλαχῶς, ἢ ἀπὸ τέτων ἄν
 τις πεισθεῖν ἐν τοῖς εὐαγγελίοις : *contemnenda
 non est adcurata circa nomina diligentia, ei
 qui voluerit, probè intelligere sanctas litteras.
 Peccatum quidem frequenter fuisse, (in Evan-
 geliiis,) ad nomina quod adtinet, in Græco-
 rum exemplaribus, facilè quis hinc persuadea-
 tur.*

16. Sed est utroque illo loco insignior alius,
 in Comment. in Matth. p. 381. ubi suspicatur
 hæc verba Matth. XIX, 19. *Ἐὰν diliges proxi-
 mum tuum, sicut teipsum*, addita fuisse Evan-
 gelistæ ; quod an verum sit nunc quidem non
 quæram, nec rationes *Origenis* expendere ad-
 grediar. Tum verò subjicit : πολλὴ γέγονεν
 ἡ τῶ ἀντιγράφων διαφορὰ, εἴτε ἀπὸ ῥαθυ-
 μίας τινῶν γραφέων, εἴτε ἀπὸ τόλμης τινῶν
 μοχθηρῶς τῶ διορθώσεως τῶ γραφομένων, εἴτε
 ἢ ἀπὸ τῶ τὰ ἑαυτοῖς δοκῶντα ἐν τῇ διορθώσῃ
 προσθέντων ἢ ἀφαιρέντων : *magna fuit exem-
 plarium discrepantia, sive propter negligentiam
 quorundam librariorum, sive propter audaciam
 quorundam, malè corrigentium quæ scrip-
 ta erant, sive etiam propter eos qui in correc-
 tione quæ sibi videntur addunt, aut detra-
 hunt.*

17. Hæc ille, de Novo Testamento, de
 Vetere verò ita : Τὴν μὲν ἔν ἐν τοῖς ἀντιγρά-
 φοις

φοις τῇ παλαιᾷ διαθήκῃ διαφωνίαν, Θεὸς δὲ δίδόντῃ, εὖρομεν ἰάσασθαι, κριτηρίῳ χρησάμενοι ταῖς λοιπαῖς ἐκδόσεσι. τῇ γὰρ ἀμφιβαλλομένων παρὰ τοῖς ἑβδομήκοντα, διὰ τὴν τῇ ἀντιγράφῳ διαφωνίαν, τὴν κρίσιν ποιησάμενοι ἀπὸ τῇ λοιπῶν ἐκδόσεων, τὸ συνᾶδον ἐκείναις ἐφύλαξαμεν, καὶ τὰ ἐξῆς: *discrepan-
tiam verò, quæ occurrebat in exemplaribus
Veteris Testamenti, Deo favente, invenimus
quæ sanaremus, reliquis editionibus usi, un-
de judicium ferremus; nam cùm judicassetus
de iis, quæ dubia sunt apud LXX. Intt. prop-
ter varietatem exemplarium, ex ceteris edi-
tionibus, servavimus id in quo consentiebant,*
ἔσ.

18. At diligentia Origenis non obstitit quo-
minùs paullò pòst *Lucianus* & *Hesychius* simi-
les recensiones instituerent, ob mendorum
multitudinem & editionum varietatem. Ope-
ræ pretium est audire quæ de *Luciano* habet
Suidas: Τὰς ἱερὰς βίβλους θεασάμεντῃ πολὺ
τὸ νότον εἰσδεξαμέναις, τῇ γε χρόνῳ λυμνη-
μέναις πολλὰ τῇ ἐν αὐταῖς, καὶ τῇ συνεχῆς ἀφ'
ἐτέρων εἰς ἕτερα μεταθέσεως καὶ μὲν τοι καὶ τι-
νων ἀνθρώπων πονηροτάτων, οἳ τῇ ἑλληνισμῷ
προεισηκέισαν, παρατρέψαι τῇ ἐν αὐταῖς θε-
λησάντων νῦν, καὶ πολὺ τὸ κίβδηλον ἐνσκευασα-
μένων, αὐτὸς ἀπάσας ἀναλαβὼν ἐκ τῇ ἑβραϊ-
δος ἐπανεσώσατο γλώσσης, ἣν καὶ αὐτὴν ἐς τὰ
μάλιστα ἦν ἡκριβηκώς, πόνον τῇ ἐπανορθώσῃ

πλεῖστον εἰσενεγκάμενⓈ: *hic cum animadver-*
tisset sacros libros multa adulterina recepisse,
quod tempus in illis multa depravasset, &
propter continuam ab aliis in alia translatio-
nem. Quin etiam cum improbissimi quidam ho-
mines, qui Hellenismo favebant, eorum sensum
pervertere voluissent, & *multa adulterina in*
eos introduxissent, ille omnes libros adsumptos
ex Hebraica Lingua restituit in integrum, eā
adcuratè percognitā, & *multo labore in emen-*
datione collocato. Vide eundem, in voce
 νοθεύει; unde liquet hæc ex Symeone *Meta-*
phrasæ, in Martyrio Luciani, esse petita. For-
 tasse, ut suspicantur viri docti, & *Origenes,*
 & *Lucianus* & *Hesychius* corruerunt ipsi non
 raro LXX. Intt. dum Codices corruptos e-
 mendare nituntur. Verum hoc ad nostrum
 institutum nihil facit, qui hoc unum hic agi-
 mus, ut ostendamus, ab antiquissimis tem-
 poribus, multa à Librariis in Sacris Libris
 corrupta fuisse; quod ex adlatis locis li-
 quet.

19. Possemus hisce adjungere multa *Hie-*
ronymi loca, ex quibus idem comprobaretur.
 Sed in re clara temperandum est stylo, pos-
 sūntque Lectores ejus Prologos adire in Scrip-
 turæ libros. Videantur præsertim Prologi in
 libros Paralipoménon, & in quatuor Evan-
 gelia. Sed & postea nonnulla, prout res
 postulabit, ex eo loca proferemus. Aliorum
 quoque Patrum testimonia adjicere liceret,
 sed profectò & res ipsa & quæ jam dicta sunt
 ac dicentur satis haberi debebunt, aut nescio
 quid sit satis.

20. De Cōdicibus Latinis similia dici posse, ac de Græcis, nemo negaverit; & similiter corruptos esse docent omnes omnium Gentium Critici, qui MSS. Codices tractarunt. Aliquot tantum hac de re loca Veterum proferam; ex quibus liquebit, quàm antiqua sint menda, & quantæ ea de re fuerint dudum Eruditorum querelæ. *Livius* Lib. XXXVIII. C. 55. indicatâ, ex *Val. Antiæ*, summâ auri & argenti, quam *Antiochus* dedisse dicebatur *L. Scipioni*, & quæ falsa videbatur: *malim*, inquit, *librarii mendum*, quàm mendacium *Scriptoris* esse. *Cicero* vero *Ep. ad Quintum fratrem* Lib. III. *Ep. 5. De Latinis* verò (libris, quos sibi comparari cupiebat *Quintus*) quò me vertam nescio, ita mendosè & scribuntur & veneunt. *Symmachus* de servis suis, à quibus *Plinium* transcribi curaverat, Lib. I. *Ep. 18. ad Aufonium*: Si te amor habet naturalis *Historiæ*, quam *Plinius* laboravit, en tibi libellos quorum præsentanea copia fuit; in qua, ut opinor, opulentia eruditioni tue negligens veritatis librarius displicebit. Sed mihi fraudi non erit emendationis incuria. Malui enim tibi probari mei muneris celeritate, quàm alieni operis examine. *Palladius* in Præfatione libri de *Insitione*: Quòd volumina hæc ruris colendi, seriùs quàm jussieras, scripta sint, librarii manus segnior fecit; cuius ego tarditatem numquam malignè æstimo. Scio enim quò frequenter inclinet argutia famulorum. Malo operam ejus expectare, quàm timere. — Velocitas procurrit in facinus, segnities figuram benignitatis imitatur. Non ergo nos soli que-

26 ARTIS CRITICÆ P. III. S. I. C. II.

rimur Librarios nimium festinasse. Nonnulla ex hisce locis & alia quædam, hanc in rem, laudavit *Joann. Wowerius Polymathiæ Cap. XVIII.* ab initio. Ipsum, si videatur, adeat Lector.

21. Hinc factum ut eruditi Grammatici gloriam, saltem apud posteros, nacti sint, ex collatione veterum librorum, diligentique eorum emendatione; ut *Valerius ille Probus* cuius meminit *Suëtonius*, in libro de Illustribus Grammaticis, c. 24. *Legerat in Provincia*, inquit, *quosdam veteres libellos, apud Grammatistam, durante adhuc ibi antiquorum* (Codicum, ut videtur) *memoriâ, necdum omnino abolitâ, sicut Romæ* (ubi libri recens exscripti præferebantur veteribus) *Hos cum diligentius repetere, atque alios deinceps cognoscere cuperet; quamvis se contemni, magisque opprobrio legentibus, quàm gloriæ & fructui esse animadvertenter, nihilominus in proposito mansit; multaque exemplaria contracta emendare, ac distinguere, & adnotare curavit, soli huic, nec ulli præterea Grammatices parti deditus. Alii similia fecerunt, quorum nomina collegit J. Ger. Vossius in Aristarcho, Lib. I. c. 6.*

22. Libri qui veteres & emendati habebantur cariore pretio veniebant, qua in re ne fallerentur studiosi à Librariis, sæpe Grammaticos adhibebant; qui libros, quos cupiebant emere, prius inspicerent. Discere hæc licet ex historiola, quæ habetur apud *A. Gellium*, Lib. V. C. 4. *Apud sigillaria, fortè in Libraria, ego & Julius Paulus, vir memoriâ nostrâ doctissimus, confederamus; atque ibi expositi*
erant

erant Annales Fabii, bonæ atque sinceræ vetustatis libri, quos venditor sine mendis esse contendebat. Grammaticus autem quispiam de nobilioribus, ab emtore ad spectandos libros adhibitus, reperisse unum in libro mendum dicebat; sed contra Librarius in quodvis pignus vocabat, ni in una nuspiam littera delictum esset &c. Quin & magnâ pecuniâ à litterarum studiosis conducebantur libri emendati ab eruditis Grammaticis, si quid difficultatis occurreret. Exemplum ejus rei suppeditat idem Gellius Lib. XVIII. c. 5. Antonius Julianus contendebat scripsisse Ennium, in quodam versu quadrupes eques, non equus; quod probabat non tantum Virgilii & Lucilii locis, sed etiam vetusto codice, de quo ita loquitur: *Librum summæ atque reverendæ vetustatis, quem ferè constabat Lampadionis manu emendatum, studio pretioque multo, unius versûs inspiciendi causa conduxi, & eques, non equus, scriptum in eo versu inveni.*

23. Hæc cum ita sint, nemo, qui non sit in Veterum lectione planè hospes, negare sustinuerit, posse in eorum Scriptis superesse menda, imò permulta re verâ etiamnum iis inesse; ac proinde Antiquitatis studiosis utilissimam eam esse Criticæ partem, quæ de emendatione agit. Aliorum, qui nihil legunt præter Systemata Theologica, aut ejusmodi libros, & de hisce rebus ex præconceptis temerè opinionibus judicare audent, suffragia nihil moror. Neque illi hæc legent, neque nos eorum Scripta evolvemus; sed Juventuti, quæ ab illis decipi potest, succurrendum judicavimus.

C A-

CAPUT III.

*De Mendis ex imperitia Dictantis ortis ;**1. quòd litterarum ductus non adsequeretur.*

1. QUÆ antea diximus , de variis rationibus , quibus menda nasci potuerunt , ea nunc sunt. exemplis illustranda ; qua quidem in re , nobis facilius esset modum excedere , quam intra modum manere ; si vellemus exempla congerere è Scriptis Criticorum superioris aut hujus sæculi , apud quos innumera omnium generum exstant. Sed hanc nobis legem imposuimus , ut ferè ubique aut antiquiora duntaxat , aut à nobis animadversa proferamus , & paucis contenti simus. Antiqua exempla non modò probabunt quod volumus , sed & auctoritate eorum à quibus ea accipimus iis , qui quàm maximè *νεωτεριστὲς* nihil tamen nisi antiquitatem crepant , os occludent. In nostris verò , si peccemus , venia digniores crimus , quia conjecturas tantum proferre nos profitemur. Fortè (nam & hoc monendum) contigisse posset , ut conjecturæ hæ nostræ , ab aliis Criticis essent interdum occupatæ ; sicut accidit sæpe viris eruditis , ex quo Critica colitur , ut similia inficii protulerint. Neque enim semper plures editio-

tiones consulere potuimus, aut omnes Criticorum commentarios evolvimus, aut inspicere etiam licuit, vel omnium olim lectorum recordamur. Itaque si quid hîc occurrat ab alio præceptum, non minùs nostrum est; quàm ejus qui præcepit, quicumque sit. Si quis tamen felicioris fortè conjecturæ gloriam alii tribuere malit, id æquo animo fereamus, & nobis occinemus illud Homericum

Τέτλαθι δὴ καρδίη, ἢ κύντερον ἄλλο ποτ'
ἔτλης.

Cùm verò ab initio hujus Opusculi Linguas Latinam, Græcam & Hebraicam conjunxerimus, ex tribus illis Linguis exempla passim petemus. Sequemur autem ordinem, quem antea Cap. I. in originibus mendorum adsignandis observavimus; incipientisque proinde à mendis, quæ ex vitio *Dictantis* orta sunt.

2. I. Cùm nec omnes Librarii, aut quicumque exemplar, ex quo dictabatur Opus quodpiam, scripserant, satis eleganter litteras pingerent, & vetustas ductus earum partim delere potuisset; non mirum est, si qui dictabat interdum malè legeret, & perperam quidpiam efferret. Tria ejusmodi erroris exempla proferemus, ex Præfatione *C. Plinii Secundi*, in Historiam Naturalem; quamvis possent etiam tribui auri *Scribentis*, fateor enim persæpe non unam posse esse unius mendî originem. At nobis satis est, in re ejusmodi,
di,

30 ARTIS CRITICÆ P. III. S. I. C. III.

dī, si ea menda, non sine verisimilitudine, ex priore fonte manare potuisse judicentur. Quod & de ceteris exemplis, postea proferendis, semel dictum esse volumus.

3. In * Parisiensi Editione, aliam enim, cum primū hæc scripsimus, non inspexeramus, ita loquitur *Plinius*, de suis collectaneis: *Viginti millia rerum dignarum cura—ex lectione voluminum circiter duū millium, quorum pauca admodum studiosi adtingunt, propter secretum materie, ex exquisitis auctoribus centum, inclusimus triginta sex voluminibus, ABJECTIS rebus plurimis, quas aut ignoraverant priores, aut postea invenerat vita.* An ergo *Plinius* quæcumque priores ignoraverant, aut quæ vita invenerat, post illorum ætatem, *abjecit*; ut nihil prorsus diceret, nisi quod ante ipsum litteris mandatum esset? An timuisset sibi vitio verti, si quid scriberet, quod in priorum monumentis dudum non legeretur; cum id laudari soleat, in omnibus Scriptoribus, & maximopere omnes facere nitantur? Non opinor, inò verò contrarium liquet ex hoc opere, ubi innumera † suo ævo reperta memorat, quæ à nemine fortè umquam scripta erant. Itaque lege *ADJECTIS*, atque intellige eum *adjecisse* iis, quæ antea scriptæ fuerant, *res plurimas, quas aut ignoraverant priores, aut postea invenerat vita.* ‡ Fortè dictantem adfinis figura B & D in

* Ann. 1685. in usum Delphini. † Scripsit sine dubio primus, quæ habet Lib. XVIII. C. 20. De Treverico agro.

‡ Vide hujus ipsius Cap. §. 12. unde liquet mendum esse Editionis Harduinianæ.

D in litteris Romanis decepit , quæ , ducta interiore litteræ B deleta , non multum abít à figura τδ D.

4. In sequentibus verbis mendum etiam esse videtur , haud multò minùs manifestum : *Nec dubitamus* , inquit , *multa esse , quæ nos præterierint. Homines enim sumus , & occupati officiis , subcivisq; temporibus ista curamus , id est , nocturnis , ne quis vestrùm putet HIS cessatum horis. Dies vobis impendimus , cum somno valetudinem computamus.* Sic in MS. legerat *Jac. Dalechampius* , sic edidit *Joan. Harduinus*. Frigidum omnino est illud : *nequis vestrùm putet his cessatum horis* ; legendumque prorsus videtur S U I S , ita ut *Plinius* hoc velit : *nequis vestrùm putet , ut hæc scriberem , me cessasse ab officio , quod suis horis à me expectare potuit , scitote me nocturno tempore hæc scripsisse. Plinius* ita tempus suum descripserat , ut nec amici queri possent *suas horas* , quas , nempe , officiis ipsis exhibendis impendere cum oportebat , in studiis ab eo collocari. *Horæ illæ* , quæ hîc spectantur , erant hora , exempli gratiâ , salutandorum Cæsaris & magistratuum , & hora quâ causæ dicebantur , de quibus *Martialis* Epig. Lib. IV. Ep. 8. ubi curas totius dici describit :

*Prima salutantes , atque altera distinet hora ,
Exercet raucos tertia causidicos.*

Vide *Plinium* juniorem in Ep. V. Lib. III. ubi
de

32 ARTIS CRITICÆ P. III. S. I. C. III.

de vita avunculi sui , quæ Epistola mirè hæc ejus verba illustrat.

5. Est in eadem præfatione tertius locus, in quem mendum irrepsit , ut videtur , eodem modo ; idque eo facilius , quòd Librarii vocem non adsequerentur , ubi ita *Plinius* , de historia à se scripta : *Nos quidem omnes , patrem , te , fratremque diximus , opere justo ; temporum nostrorum historiam orsi , à fine Ausidii Bassi. Ubi sit ea quæres ? Jam pridem peracta* SANCITUR. Conjecit nuperus editor *Plinii Harduinus* , *sarcitur* , quod interpretatur : *revocatur , retractatur , adcuratius eliminatur*. Certè is videtur esse oportere sensus *Plinii* ; sed *sarcire* hoc non significat. Malim SARRITUR , voce petità è re rustica , & quæ significat sarculo noxias aut inutiles herbas evellere ; ita ut velit *Plinius* , se perfecisse quidem historiam , sed eam veluti *sarriendam* , hoc est , inutilibus aut falsis circumstantiis liberandam. De *sarritione* ipse multis egit Lib. XVIII. Capp. 21. & 26. Novam fateor esse metaphoram , sed similes passim , & audaciores etiam in *Plinio* leguntur.

6. Ut exempla nonnulla è Græcis adferamus , mihi videtur locus *Platonis* , initio *Phædri* , eodem modo corruptus , quòd litteræ in media voce dictantis oculos fugerint. Postquam Socrates explicuit fabulam , de *Orithyia* à *Borea* rapta , quasi septemtrionalis venti impulsu delapsa & mortua esset , subjicit : *ἐγὼ δὲ , ὦ Φαῖδρε , ἄλλως μὲν τὰ τοιαῦτα χαρίεν-*

ρίεντα ἡγῆμαι· λίαν δε δείναι καὶ ἐπιπόναι, καὶ
 ἔπ' ἅπαντι εὐτυχῆς ἀνδρὸς, κατ' ἄλλο μὲν ἔδεν,
 ὅτι δι' αὐτῷ ἀνάγκη μετὰ τῆτο τὸ ἴππο-
 κενταύρων εἶδος ἐπανορθῆσθαι, καὶ αὖθις τὸ
 ἴδιον Χιμαίρας. καὶ ἐπὶ ῥεῖ ἢ ὅχλῳ τοιούτων Γορ-
 γόνων καὶ Πηγάσων καὶ ἄλλων ἀμηχάνων πλή-
 θος τε καὶ ἀτοπία τερατολόγων τινῶν φύσεων.
 αἷς εἴ τις ἀπιστῶν προσβιβᾷ κατὰ τὸ εἶκος ἑκα-
 στον, ἅτε ΑΓΡΟΙΚΩΙ τινὶ σοφία χρώμενος,
 πολλῆς αὐτῷ σχολῆς δέησις : ego autem ; ὁ
Phædre, ingeniosa quidem illa existimo, sed
hominis acerrimi ἔσ' laboris patientissimi, nec
valde felicitis; non alia de causa, quàm quòd ei
postea necesse sit formam Centaurorum, ut ἔσ'
Chimæra, emendare. Confluit ἔσ' turba ejus-
modi Gorgonum ἔσ' Pegasorum, ἔσ' aliarum,
quæ esse nequeunt cùm multitudine, tum ab-
surditate, monstrosarum naturarum. Quibus si
quis non credens diligentiam adhibeat, ut sin-
gula, quemadmodum par est, interpretetur,
 RUSTICA quapiam sapientia usus, otio
 nimium indigebit. Neminem esse puto, qui
 intelligat cui usui sit rustica sapientia, ad in-
 veniendum fabularum latentem sensum, &
 absurdas narrationes ad rectam rationem ac
 verisimilitudinem argutâ interpretatione revo-
 candas. Certè Stoici alisque Philosophi, qui
 talia adgressi sunt, non verebantur ne prop-
 terea rus redolerent. Plato ipse aliquando
 idem facit, & antea hæc interpretamenta
 χαρίεντα vocat, hoc est, ingeniosa & scita.
 Contrὰ ἀγροϊκῶς illepidum & parum scitum
 Tom. I. C sonat.

sonat. Sed legendum ΑΓΡΕΥΤΙΚΗ: τινὶ σοφίᾳ, *venatoriâ quadam peritiâ*; quâ, nimirum, vir sagax evanida veri vestigia sequutus id à fictionibus poëticis acutè secernat. Tralaticio sensu ἀγρεύειν Græcè & *venari* Latinè significant diligenter & sagaciter quærere, ut quævis Lexica docebunt. Eodem etiam tralaticio significatu, non rarò occurrunt, apud ipsum *Platonem*, & *Xenophontem*, θηράω & θηρεύω, quæ proprio sonant *venari*. Cicero ait *physicum esse venatorem, speculatorémque naturæ*. Αγρευτικὸς in vetere Onomastico vertitur *captiosus*, hoc est, capiendi cupidus & peritus; quo factum ut *Eustathius* Dianam vocet * ἀγρευτικὴν, quemadmodum observavit *Henr. Stephanus*, qui nullum aliud exemplum vocis adfert. Vox est, fateor, paullò rarior, sed analogicam esse ἀπὸ τῆ ἀγρευτῆ, à *venatore*, nemo negarit; & idè quia rara est, deletis mediis litteris, à dictante legi non potuit; èstque in aliam absonam mutata. Ea tamen etiam utitur *Scholias* *Pindari*, ad *Pyth. Od. IX.* ubi ἀγροτέρων interpretatur τὴν θηρευτικὴν καὶ ἀγρευτικὴν, vocibus profæ Scriptorum, cùm ἀγροτέρα sit tantùm Poëtarum.

7. Insignem locum *Theophrasti* in *Charact. Cap. III. de Adulatione*, omisâ in medio litterulâ corruptum, emendabimus, ubi describens adulatorem: *Jam verò*, inquit interprete *Casaubono*, *si aliquid dicat ille* (cui adu-

* *Ed. Rom. pag. MCCXLVII. l. 3.*

adulator vult blandiri) *silentium omnibus imperare*, καὶ ἐπαινέσαι τὸ ἀκούειν, & *laudare invitum*. Quod frigidum est, & locum hîc non habet, quo factum ut *Casanbonus* suspicatus sit legendum ἀκούειν & *audiente*, verteritque *in os laudare*. At legendum ἀκούειν, *tacentem*. Non modò *silentium* imponit aliis, si loqui velit, & loquutum laudat adulator; sed etiam nōn loquutum, quasi *silentium* illud esset prudentiæ indicium. Vox ἀκούειν eo sensu frequens est, apud *Homerum*. Ejusmodi adulationis exemplum accipe ex *Ovidio*, *Ponticorum Lib. II. El. 5.* ubi ita *Germanico* adulatur:

Dūmque silens adstat, status est vultusque
diserti,

Spēmque decens, doctæ vocis, amictus
habet.

Mox, ubi pulsa mora est, atque os cæleste
loquutum,

Hoc Superos jures more solere loqui.

Optimos Scriptores, etiam in prosa, interdum *Homericas* voces usurpare notum est, vel ex indice *Xenophontis*, ab *Æmilio Porto* confectō, & iis qui *Platonem* legerunt.

8. Alterum locum ejusdem Scriptoris emendabimus, in *Charactere* τὸ ἀρέσκειν, hoc est, hominis qui urbanitate, & cultûs, vitæque elegantia omnibus placere nititur. Mendum inde ortum, quòd initium vocis, aut non satis eleganter scriptæ, aut vetustate fugientis

oculos, adsequutus non sit qui hunc libellum dictabat. Ait ergo *Theophrastus*, Cap. VI. ejusmodi hominem è longinquiore spatio salutare & virum adpellare præstantissimum; tum subdit καὶ θαυμάσας ἱκανῶς ἀμφοτέραις ταῖς χερσὶ μὴ ἀφιέναι, quod vertit *Casaubonus*: fortunamque ejus admirari soleat, & utraque manu prehensens non dimittat. Sed de fortuna & prehensione nihil *Theophrastus*, nec vocem ἱκανῶς expressit *Casaubonus*. Sensum tamen partim vidit. At legere debuit: καὶ ἀσπάσας ἱκανῶς ἀμφοτέραις ταῖς χερσὶ μὴ ἀφιέναι, & complexus diu utraque manu, nondum dimittat. Hanc nostram emendationem iterum *Homerus* confirmabit. Sic ille *Odyss.* r. vers. 35. de Nestore & Pylis, hospites *Telemachus* & Mentorem excipientibus:

Οἱ δ' ὥς ἔν ξείνους ἶδον, ἄθροοι ἦλθον ἅ-
παντες,
Χερσὶν τ' ἡσπάζοντο, καὶ ἐδριάσθαι ἄνω-
γον.

Illi igitur, ut viderunt hospites, confertim omnes venerunt, manibus verò amplexabantur & jubebant sedere. Docet Eustathius idem esse ac περιπλέκεσθαι, circumfundere brachiis.

9. Hisce exemplis, è Latinis Græcisque Scriptoribus, Hebraïca nonnulla, prout pollicitus sum, adjiciam. *Deut.* XXXIII, 23. *Moses* ita *Nephtalin* adloquitur: *O Nephtalis,*

lis, qui satur es favore, plenus benedictio^{is} e
Jehovæ, occasum & meridiem (ים ודרום j. m.
 vedarom) posside. At Nephthalitæ obtinue-
 runt agros in septentrionali Chananæ tractu
 sitos, nec in ejus tractûs occidentali parte,
 nam eam habuerunt Aseritæ. Viri docti ita
 interpretantur, Nephthalitas habuisse agros ad
 occasum & meridiem spectantes; si compare-
 tur eorum situs cum situ urbis, quam Dani-
 tæ nonnulli ad Jordanis fontes occuparant.
 Danitis autem Moses, in proximè præceden-
 tibus verbis, bene adprecatus erat. Si omnis
 Tribus Danitica iis sedibus consedisset, pos-
 set hæc interpretatio ferri; sed perpauci illi
 Danitæ à Mose illic non respiciuntur, ut
 ostendimus ad eum locum. Itaque legendum
 videtur, non, ut est in nostris Codicibus,
 ים ודרום sed ים מרומ jam merom, *mare Me-*
rom, hoc est, lacus qui ita vocabatur, &
 cinctus maxima ex parte fuit Nephthalitarum
 agris. Vide quæ illic notavimus. Facillimè
 potuit וי misceri cum מ, si ductus litterarum
 minùs adcurati erant. Fateor, in Assyriaca
 seu Judaïca Scriptura, majorem esse ductuum
 similitudinem, quàm in Samaritica sive Phœ-
 nicia; sed in hac etiam litteræ, minùs benè
 scriptæ, præsertim in nomine proprio, facile
 potuerunt legentem fallere; & posset fieri ut
 Samaritarum Critici ex Judaïco Codice suum
 emendassent.

10. Ad eandem mendorum classem referri
 possunt multa nomina propria Hebraïca, quæ
 in versione LXX. Intt. malè scribuntur; cum
 non ipsis Interpretibus, qui legere poterant

38 ARTIS CRITICÆ P.III. S.I. C.III.

Hebraicè, sed Græcis Librariis solis tribui queant. Sæpe hac de re queritur *Origenes*, sæpe *Hieronymus*. Cùm, nempe, nomina propria minus claris ductibus essent exarata, nec à Græcis Librariis legi possent, ea mirum in modum mutarunt. Non possunt enim mendi suspecti esse Hebraici Codices, qui semper eodem modo habent ea nomina scripta, & ut debent scribi ex ingenio Linguae Hebraicæ. Vide *Origenis* loca adlata superioris Cap. §. 15. Illustriora duo nomina satis erit protulisse, nam ex minùs notis innumera possunt exempla colligi, ut sciunt omnes, qui varias lectiones Versionis LXX. Viralis & *Josephi* inspexerunt. Josua, qui dicitur, in Judaicis & Samariticis exemplaribus, *filius jn nun*, à LXX. Intt. constanter vocatur *filius vavñ*. Sed omnino videntur scripsisse N A T N, cujus vocis cùm posterius N non satis accurate pictum esset, mutatum in H à Librariis; quod mendum cùm in aliquot antiquissima exemplaria, Alexandrinæ fortè Bibliothecæ, admissum esset, per reliqua omnia recentiora propagatum est.

11. Nec mihi possum persuadere Prophetam *בְּבַכְבָּקוֹן* *bhabakkonk*, dictum à Linguae Hebraicæ peritis *ἀμβάκκωμ*, quemadmodum vocatur in Codicibus LXX. Intt. Scripserant omnino illi A B B A K K O T K, sed tam barbarum nomen, fortè nec sine litura scriptum in Archetypo, aut non satis eleganter, non adsequutus Librarius legit A M B A K O T M. Sic nomen proprium ABILIOC, secundi
Alexan-

Alexandriæ Epifcopi, mutatum in MILIOC, ut obſervat *Joan. Bap. Cotelierius* in Conſtitut. Apoſt. Lib. VII. c. 46. num. 21. in Ed. Amſtelodamenſi. Si invertatur, nempe, B, ut ſiniſter ductus fiat ſuperior, & deſcantur aliquantùm hemicyclorum mediæ partes, fit M. Eamdem litteram facies, ſi K uno atque altero ductu augeas.

12. Cùm jam ad Typothetam miſſa eſſent ſuperiora, inſpexi in Bibliopolio Editionem Dalecampianam in 8. ut vocant, deinde & majorem in folio, & vidi rectè in ea ſcriptum eſſe, in loco primo *Plinii* antea adlato, *adjectis*. Itaque *abjectis* mendum erit aut Editoris, aut Typothetæ Pariſienſis, quod tamen in Erratis omiſſum. Nihilominùs ſcripta mutare nolui, ne in iterata quidem Editione; quòd exemplum non multò minùs adpoſitum ſit, ad oftendendum errare poſſe Librarium, dum malè legit. Quidni enim contigerit Librario, quod viro erudito, *Joanni Harduino*, contigit? Præterea hinc diſcet Lector non eſſe ſemper elegantibus & ornatis editionibus credendum; ſed ſi quid certò ſcire velimus, exemplarium ἀντιβελὴν eſſe inſtituendam.

CAPUT IV.

De Mendis ex imperitia Dictantis ortis:
 2. quòd ad fines figurâ litteras, ductûsque
 similes miscuerit.

1. **D**ICTANTEM fallere potuit, ut modò videbamus, ductuum & litterarum adfinitas; neque hoc tantùm factum in nominibus propriis Linguæ Librariis ignotæ, quælibet proferebamus, sed & in notiore Lingua, vocibûsque frequentissimis, cujus rei exempla passim suppeditant Critici. Conferant studiosi harum rerum Glossaria Latino-Græcum, & Græco-Latinum *Henr. Stephani*, postea à *Bon. Vulcanio* & *Car. Labbæo* edita, innumerâque exempla in iis ejusmodi hallucinationum invenient. Nos pauca ex iis quæ observavimus, atque ex optimis Scriptoribus, omnis alienis, proferemus. Sed & subinde conjecturas nostras ex Glossariis illis confirmabimus; quia in iis menda manifestiora sunt, cùm ob ordinem *Alphabeticum*, tum etiam ob additam interpretationem Græcam, aut Latinam. Quod ante nos factum postea vidimus à *Joan. Passeratio*, libro de *Litterarum cognatione & permutatione*.

2. Adfinitas est figura litterarum N & M, præsertim si scribentis incuriâ aut pennæ errore superior pars dextri ductûs τὰ N aliquantùm inflectatur ad inferiorem, aut simili-

le

le quid accidat. Idè aliquando miſtæ ſunt. *Gloſſæ* Veteres : *Caprens*, *rimus* (lege *prinus*, aut *rinus*, hoc eſt, *caprinus*, repetitâ ex antecedente voce ſyllabâ *ca*) αἴρειν. Infra : *caprina*, αἴρειον, αἴρεια. In iſdem *Gloſſis*, aliſſque Veteribus libris, eſt *collimare* συλλάμειν, quæ vox ſuſpecta eſt nonnullis ; qui putant ubique ſcribendum *collineare*, à *linea*, quod in *Gloſſis* proximè ſequitur. At alii volunt dici *collimare*, quòd id fiat *limis* oculis. Prius defenditur loco *Q. Claudii Quadrigarii*, apud *A. Gellium* Lib. IX, 1. quod probat *J. F. Gronovius* in notis ad locum & *Chr. Becmannus*, in *Origin. Linguae Latinae*; poſterior placet *J. G. Voſſio*, in *Etymologico*. Alterutra opinio erit vera, hinc ſequetur N pro M, aut M pro N multis in locis ſcriptum fuiſſe. Sic *Livius* Lib. II. c. 58. ubi deſcribit contumaciam exercitûs *Ap. Claudio* ægrè parentis, quòd hic ſe plebis Romanæ inimicum profiteretur : *Si citiùs agi vellet agmen, tardiùs ſedulo incedere ; ſi adhortator operis adeſſet, omnes ſuâ ſponte MOTAM remittere induſtriam*. Imò verò NOTAM, ita ut liquidum eſſet datâ operâ, non naturâ, ſegnes eſſe, quòd alioqui *nota eſſet eorum induſtria*. Sic *Nepos* in *Cimone* Cap. III. *Confeſtim NOTÆ ejus virtutis deſiderium conſequuntur eſt*. Sic *Phædrus* Lib. I. Fab. IX. inducit paſtorem ſic adloquentem leporem captum ab aquila :

— ubi pernicitas

C 5

No.

NOTA, inquit, illa est? Quid ita cessarunt pedes?

* Gaspar Scioppius, cui debemus, ex parte dispositionem hujusce Sectionis Criticæ nostræ, animadvertit etiam in Critica sua, sæpe N & M misceri.

3. Sed & alterum exemplum ex Livio addemus. Ita ille loquitur Lib. X. c. 25. *Inde nusquam stativa Romanis fuere; negabat (Q. Fabius Consul) utile esse uno loco sedere exercitum; itineribus, ac mutatione locorum, NOBILIOREM, ac salubriorum esse. Scribo MOBILIOREM, hoc est, ΕΥΧΙΝΗΤΟΤΕΡΟΝ, mutatione enim locorum non fit nobilior exercitus, sed mobilior; quia adfuetus itineribus facilius movetur, quam qui in præsiidiis torpescit. Curtius Lib. IV. c. 14. §. 16. ita loquentem Darium inducit: nostrum mobile & expeditum agmen est, illius prædâ grave.*

4. Vicissim, apud Sallustium, in Bello Catilinario Cap. XLIX. occurrit *mobilitas pro nobilitate*, ut ante nos animadvertit G. Scioppius in Critica. Nonnulli, ait Sallustius, equites Romani qui, præsidii causâ, cum telis erant circa ædem Concordiæ, seu periculi magnitudine, seu animi mobilitate impulsî, quò studium suum in Rempublicam clarius esset, egredienti ex Senatu Cesari gladio minitabantur. Postrema verba ostendunt nobilitate veram esse lectionem. Ceteroqui mobilitas ani-
mi

* Adi & Joan. Fred. Gronovium Observ. Lib. I. c. 15.

mi inconstantiam ſignificat , cujus incuſari non poterant hi equites ; qui antea nec amici Cæſari , nec inſenſi Reipublicæ fuerant. Igitur hîc intelligenda ea animi adfectio , quæ nobiles viros deceret. Sic Medea , apud *Ovidium* , Metam. Lib. VII, 44. de Jaſone :

— *Sed non is vultus in illo,*
Non ea nobilitas animo eſt , ea gratia formæ ,
Ut timeam fraudem , &c.

Idem Lib. 2. ex Ponto Elegiam II. ita orditur :

Maxime , qui tanti meſuram nominis im-
ples ,
Et geminas animi nobilitate genus.

Vide etiam ad locum *Salluſtii* quæ habeat vir doctiſſimus *Jof. Waſſenſ.*

5. Quòd ſi M & N miſcentur , multò faciliùs M & IN vel NI , confundi poterunt , quod reverà contigiffe aliquot exempla oſtendent. *Gloſſæ* veteres habent : *Abſtenis*, *νηφάλις* , ὁ ἀπέχων αἵνυς. Primùm , pro *Abſtemius* ſcriptum *Abſtemis* , ut eſt in Cod. S. Germani , deinde *Abſtenis*. *Livius* Lib. I. c. 29. ubi deſcribit quâ ratione Romanorum Rex Tullus Albanos Romam tranſtulerit , poſt ſupplicium de *Mettio Suffetio* ſumtum , dum Albanus exercitus inermis ab Romanis armatis cingeretur : *Inter hæc* , inquit in *Gronoviana* Editione , jam præmiſſi *ALBANI*
erant

erant equites qui multitudinem traducerent Romam. Legiones deinde ductæ, ad diruendam urbem. Non ea erat stultitia Tulli, ut Albanos equites mitteret, ad delendam suam ipsorum patriam, & suos invitos Romam duccendos. Intellige ergo equites Romanos, & lege A L B A M : quemadmodum postea animadverti habere alias Editiones. Certè Dionysius Halicarnasseus huic lectioni manifestò favet, hoc enim ipsum ita describit, Ant. Rom. Lib. III. p. 172. ΕΝ ᾧ ἡ ταῦτα ἐγένετο. χρόνῳ, Μάρκῳ Οὔρατιῳ ὁ προεσαλµένῳ μετὰ τῷ ἐπιλέκτων ἐπὶ τὴν καθαίρεσιν τῆς Ἀλβας, ταχέως διανύσας τὴν ὁδὸν καὶ καταλαβὼν πύλας τε ἀκλείδας καὶ τεῖχος ἀφύλακτον εὐπετῶς γίνεται τῆς πόλεως κύριῳ : inter hæc M. Horatius præmissus cum delectis, ad diruendam Albam, celeriter confecto itinere, portas patentes & incustodita munia occupat, facileque urbe potitur.

6. Planè mihi persuasi Lactantii Lib. II. in præfatione, pro IN positum esse M. Gestio enim, inquit, Constantine Imp. convictis MANIBUS, & hominum impiâ vanitate detectâ, singularis Dei adserere majestatem. Nam legendum omnino videtur IN ANIBUS, nempe, Diis, qui rectiùs opponuntur singulari Deo, quàm manes; ctsi non diffiteor Lactantium ostendisse Deos Ethnicorum esse manes, id est, homines mortuos.

7. Aperiam hîc suspicionem de loco celebri Terentii, quem similiter corruptum opinor.

Is eſt in Phormione Aët. II. S. I. verſ. 75. Demipho, auditis filii nuptiis ſe abſente factis, ſtomachans inducitur hiſce verbis :

— non, non ſic futurum eſt, non poteſt.

Egône illam cum illo ut patiar nuptam unum diem?

Nibil ſuave MERITUM eſt.

Adi, ſi libet, Interpretes fruſtra in hiſce poſtremis verbis inſudantes; tum verò cum iis quæ legeris confer hanc noſtram conjecturam: *Nibil ſuave NICITUM eſt*, hoc eſt, ut beneficium ſuave non eſt, niſi citò fiat: ſic nec ultio grata eſt, niſi cita ſit. Hæc egregiè concordant cum ſuperioribus, in quibus Demipho negat ſe vel unum diem paſſurum filio nuptam eſſe Phanium; habéntque aliquid παροιμιῶδες, quod Græcè non malè dixeris: ἡδὺ μὴδὲν, εἰ μὴ ταχύ.

8. Græci Librarii ſimilia frequenter peccarunt, ut viri docti oſtenderunt. Unum atque alterum exemplum proferam, & prius quidem ex *Arriano* Lib. VI. p. 132. Edit. *Henr. Stephani*. Sic loquitur de temeritate Alexandri: πὸ μέγας τε τῷ ἐν ταῖς μάχαις, ἢ τῷ ἔρωτι ὁ δόξης, καὶ ἀπερεὶ ἈΛΛΗΣ τινός, ἐξηγούμεν, ὁ κατὰ τὸν ἦν ἀπέχεσθαι τὸ κινδύνου: fortitudini in præliis & amoris gloriæ, quæquam alii cuidam, temperare nescius non perat abſtinere à periculis. Maniſteſtum quidem

46 ARTIS CRITICÆ P. III. S. I. C. IV.

dem mendum est, nam ἄλλη nihil hoc in loco sonat; sed quid scripserit *Arriannus* non ita liquet. Attamen scribendum crediderim ΟΛΚΗΣ, hoc est, *adtractioni*, quæ dicitur * de vi quadam, quâ, veluti occulto pondere, trahimur ad ea quæ sunt indoli nostræ consentanea. Primum K resecto dextro cornu visum est esse Λ, deinde cum ὅλλης nihil significaret, mutatum in ἄλλης, quæ Græca quidem vox est, sed hoc in loco sensu caret. Hisce editis, *Grunnius*, *Arriani* editor, contumeliosè me invasit, obtentatam hujus loci emendationem; quia *Suidas*, qui eum, omisso nomine Scriptoris, protulit, habet οἱ ἄλλης τινὸς ἡδονῆς ἡτλώμενοι *ut ii qui aliâ quam voluptate victi sunt.* Quæ lectio si melior judicaretur, non esset quod meæ me puderet conjecturæ, quæ est propior lectioni omnium MSS. nec sensum minùs commodum parit. In conjectura errare licet & labi, non in iis quæ pro imperio aliis imponuntur. Sed me defendit amicus, qui se *C. Veratium Philellenem* vocavit, & cujus Epistolam inferui *Bibliotheca Selectæ* Vol. IX. nec conviciis, quæ reposuit *Corocotta*, ut sententiam mutem moveor.

9. Alterum erit ex Constitutionibus Apostolicis Lib. II. c. 20. ubi de officio Episcopi inter alia habetur, τὸ κατεαγμένον ἐν ἁμαρτίαις εἰς χωλείαν ὁδὸν ΕΠΙΔΕΝΝΩΝ, δι παρακλητικῆς νεφείας, vertit *Joan. Bar. C.*
tel

* Vide *Henr. Stephanum*, ad hanc vocem, in *Thesouro*.

telerius : peccatis fractum, ut in via claudicet, vinciens per exhortationem consolatoriam. Attamen, in indice, retinuit eam vocem, quæ Græca non est, & quæ sine dubio est pro ΕΠΙΔΕΣΜΩΝ, ligans. Sic in loco Ezechielis XXXIV. qui adfertur ejusdem libri Cap. XVIII. συντετριμμένων & κατεδήσατε, fractam ovem non ligastis. Sic & Cap. XLI. eadem de re: μὴ μόνον τέμνων ἢ καίων, ἢ ξηρία προσφέρων, ἀλλὰ καὶ ἐπιδεσμῶν, καὶ μοτῶν, καὶ ἐνιείς γλυκέα φάρμακα ἐπιληπτικά, καὶ καταβρέχων λόγοις παρακλητικοῖς : non solum secans, aut urens, aut sicca & mordacia remedia adhibens; verum etiam adligans, & linamentum indens & immittens phar-maca lenia, & detergentia, ac irrigans verbis consolationis.

10. Apud Hebræos, valde adfines sunt literæ ב & כ, *beth & caph*, ג & נ, *gimel & nun*, ו & י, *vau & jod*, ד & ר, *daleth & resh*, nec multum inter se differunt ז & ט, *tsade & hajin*. Itaque mirum esset numquam inter se à Librariis mistas. Certè sunt exempla cum in Judaïco, tum in Samaritico Pentateucho, ex quibus liquet Librarios sæpe eas confudisse. Sic Gen. X, 4. qui dicuntur in Judaïcis exemplaribus דודנים *dodanim*, in Samariticis, ut & 1 Paral. I, 7. dicuntur רודנים *rodanim*, quam posteriorem lectionem veram judicavit Sam. Bochartus. At nos priorem, non sine gravi ratione, prætulimus. Sic Gen. XLIX, 10. pro רגליו *raglau*, *pedibus ejus*, Sa-

48 ARTIS CRITICÆ P. III. S. I. C. V.

Samarita habet דגלוי daglau *vexillisejus*, quod melius visum viro doctissimo *Jobo Ludolfo*; ut testatur in singulari Diatribe, quam de hoc loco edidit. Neque nos ab hac sententia abhorremus, quamvis ceteroqui Judaicum Codicem Samaritico præferamus. Possent & alia plura exempla proferri, sed nos indicem variarum lectionum non scribimus, & adlata quod diximus satis confirmant. Quisquis talia avebit *Lud. Cappelli* Criticam Sacram adeat, quæ sat multa suppeditabit, per omnes litteras Alphabethi.

10. Potuissemus etiam in aliis Linguis similes alias inter se litteras conferre, ut fecit *Joan. Passeratius* in libro *de Litterarum inter se cognatione & permutatione*, quem sequutus est *Gasp. Scioppius*, in sua *Critica*; sed necesse esse non judicavimus, cum paucis exemplis res æquè demonstretur ac pluribus, præterquam quod & alia in sequentibus adferentur.

C A P U T V.

De Mendis ex Dictantis negligentia ortis.

3. quod omiserit quæ erant inter eandem vocem repetitam, aut in alio verborum situ.

1. **D**UM varia opuscula, quæ cum Gallicè, tum Latinè ab hisce viginti quinque & pluribus annis edidi, ipse corrigerem; in

in speciminibus , quæ madida à prælo ad me adferebantur , sæpiſſimè animadverti Typothetam omiſſiſſe quæ erant inter eandem vocem interpoſita , ſi repeteretur in altero verſu ; aut etiam , ſine ulla ejusmodi occaſione , voces aliquot præteriſſe. Non ſemel hoc in animum revocavit quæ legeram , apud viros eruditos , de omiſſionibus in Veterum monumentis , quas eodem modo contigſſe credibile eſt. Qui dictabat , nimirum , interdum aliud agens , amotis oculis à libro ex quo dictabat , cùm oculos denuo ad exemplar ſuum converteret , & incideret in vocem ad quam dictaſſe ſe ſciebat , ab illa iterum incipiebat dictare , non animadvertens eam repeti , adeoque omittebat quidquid interceſſerat. Poterant & innumera alia incidere , quæ , dum interpellarent Dictantis animum , faciebant ut quidpiam omitteret.

2. *Livius* Lib. X. c. 14. ubi deſcribit acerrimum prælium à Romanis cum Samnitibus commiſſum ; ait Q. Fabium Maximum Conſulem , cùm vidiffet ne vim quidem Equitum quidquam profeciſſe , ratione graſſandum eſſe ratum ; itaque juffiſſe Scipionem legatum haſtatos primæ legionis ſubtrahere ex acie , & ad montes proximos , quàm poſſet occultiſſimè , circumducere. In medio verò pugnæ ardore , *improvifa* , inquit , *ex montibus ſigna* , *clamorque ſublatus non vero tantum metu terruere Samnitium animos*. Lego non vero tantum MOTOS metu terruere Samnitium animos. Hoc vult *Livius* , Samnites & adverſus legiones , & adverſus incitatas turmas im-

motos fletisse, quamvis vera esset metuendi causa; nec tantum timuisse, quantum falso illo metu pauculorum hastatorum. *Motos* videtur omissum, quia qui dictabat, animo non satis adtento, aut errantibus oculis, hanc vocem miscuit cum sequente *metu*. At sensus eam, aut similem postulat; nam frigidum est dicere signa Romana in montibus prospecta terruisse Samnites, *non tantum vero*, sed etiam falso, *metu*. Quis credat *Livium*, Scriptorem nequaquam languentem aut frigidum, præsertim in pugnarum descriptionibus, ita loquutum? Profectò hoc noluit, sed Samnitium animos non usque adedò motos fuisse signis infestis legionum, aut equestri procellâ, quâ eorum ordines turbare conatus erat Fabius, quibus non sine ratione terreri potuissent; quàm falso illo metu, quem pauci hastati iis injecerunt. Hoc sequentia ostendunt: *nam & Fabius Decium collegam adpropinquare exclamavit, & pro se quisque miles adesse alterum Consulem, adesse legiones gaudio alacres fremunt; errorque utilis Romanis oblatus fugæ, formidinisque Samnites implevit, MAXIME TERRITOS ne ab altero exercitu integro, intactoque fessi opprimerentur.*

3. Omissionis insigne exemplum proferemus ex *Theophrasti* Characteribus, è similitudine duarum vocum ortæ, quam mirum est *Is. Casaubonum* supplere non potuisse, cum sit res facilis & clara. Locus est Cap. XV. in ἀναισθησίας caractere. Τὸν ὅτε τῷ Διὶ εἰ-
πεῖν,

πειν, ἡδύ γε τ' ἄσρων νομίζῃ, ὅτι ἡ καὶ οἱ ἄλλοι λέγουσι ** πίσεως : ad verbum : *pluente Jove*, dicere (solet) *suave astrorum putat*, quia ἔ' alii dicunt ** *pice*. Describit Theophrastus hominem, qui adeò vecors est, ut nesciat pænè quid dicat, & contraria iis quæ videt blateret, quasi deliraret, sicut antecedentia legenti liquebit. Igitur suppleverim : ἡδύ γε τ' ἄσρων ΦΩΣ. ΚΑΙ ΝΥΚΤΑ ΑΙΘΡΙΑΝ νομίζειΝ, ΗΝΤΙΝΑ οἱ ἄλλοι λέγουσι ΜΕΛΑΝΤΕΡΑΝ πίσεως : *jucunda est astrorum lux*; ἔ' *serenam noctem putare, quam alii dicunt pice atriores*. Quatuor priora verba omissa videntur à dictante, qui vagantibus oculis miscuit vocem ΑΙΘΡΙΑΝ cum ΑΣΤΡΩΝ, & cum κῶλον dictasset ad vocem ἄσρων, transvolavit interjectas dictiones. Illis corruptis, cetera minùs fortè eleganti manu scripta facilè posteriores exscriptores, cum sensus eos non juvaret, fefellerunt.

4. Ut supplementi nostri singulas partes confirmemus, postquàm vidimus mentionem fieri *pluentis Jovis*, facile est intelligere ei opponi *serenum cælum*, & quidem, si de nocte sermo sit, ut est hîc sine dubio, nisi astra interdiu fulgere putemus; ἡδύ γε ἄσρων, *jucundum astrorum*. Quid tandem? Φῶς, *lumen*, nullâ enim aliâ re stellæ jucundæ sunt. At qualem noctem esse oportet, ut lux astrorum fulgeat? Nimirum, αἰθρίαν, *serenam*, nam αἰθήριος Ζεὺς opponitur τῷ ὕμνῳ. Theocritus Idyll. IV.

Χὼ Ζεὺς ἄλλοκα μὲν πέλῃ αἰθρῇ , ἄλλοκα δὲ ὕφ.

Jupiter interdum serenus est , interdum vero pluit.

Pro νομίζῃ scribere necessariò oportet νομίζειν, ut εἰπεῖν, nam solet hæc omnia *Theophrastus* infinitivo exprimere, subauditis vocibus δεινός, aut οἷον. Ἦντινα legimus, pro vocibus nihili ὅτι δὴ καὶ, ita postulante orationis serie.

Denique μελαντέραν supplevimus, ob vocem πίσσης, cùm ex ipsa rei natura, tum quia Græci ita loqui solebant. Sic *Homerus* de pastore tempestatem prospectante, *Iliad.* Δ. vers. 275.

Ὡς δ' ὅτ' ἀπὸ σκοπιῆς εἶδεν νέφος αἵπολόν
ἀνὴρ

Ἐρχόμενον κατὰ πόντον, ὑπὸ ζεφυροῖο ἰωῆς,
Τῷ δέ τ' ἄνευθεν ἰόντι μελάντερον, ἥυτε
πίσσα,

Φαίνεται.

Quemadmodum è specula videt nubem pastor, venientem per mare à Zephyri flatu, eique stanti procul nigra ceu pix adparet. Sic loquuntur & Latini, ut Ovidius, in Ep. Leandri ad Heronem, vers. 7.

Ipsa

*Ipsa vides cœlum pice nigrius, & freta ventis
Turbida, pèrque cavas vix adcunda rates.*

Alia exempla quærent, & invenient quibus vacabit.

5. Alterum etiam *Theophrasti* locum obiter supplebimus, è Cap. XXVIII. in fine characteris ὀψιμαθῆς, ubi legimus: καὶ παλαιῶν, ἐν τῷ βαλανείῳ πυκνὰ ἔδραν σρέφειν. Legendum ἢ ὥσπερ παλαιῶν, & *quasi luctans, nates in balneo subinde vertit.* Luctando, nempe, necessariò totum corpus contorquebant, atque hinc inde cum reliquo corpore nates ἔσρεφον; at in balneo nihil co-gebat, & turpe erat. Absurdè *Casaubonus*: idem luctans & in balneo lavans nates subinde agitat indecenter. Etenim nec fenes luctabantur, nec qui luctabantur poterant à torquendis natibus abstinere.

6. Omissionis, ex repetitione eorundem vocum natæ, exemplum memorabile est in versione *Hieronymi* Jos. V, 6. *Per quadraginta annos itineris latissimæ solitudinis incircumcissus fuit, donec consumerentur, qui non audierant vocem Domini & quibus antè juraverat, ut non ostenderet iis terram lacte & melle manantem.* Omissum est post vocem terram: quam juraverat Dominus patribus eorum dare nobis, terram; ἢν ὠμοσε κύριος τοῖς πατράσιν αὐτῶν δῶναι ἡμῖν γῆν: אשר נשבע ארץ ארץ ליהוה לאבותם לתת לנו ארץ propter repetitionem, nimirum, vocis ארץ *terram.*

7. Similem omissionem animadvertit *Hieronymus* Esai. Cap. XL, 7. in Versione LXX. Intt. ubi is versus, ob repetitionem earumdem vocum, excidit: יֵשׁ חֲצִיר נָבֵל צִיץ *exsiccatum est fœnum, cecidit flos, quia Spiritus Domini sufflavit in eo. Verè fœnum est populus*; sequitur enim iterum: יֵשׁ חֲצִיר נָבֵל צִיץ *exsiccatum est fœnum, cecidit flos &c.* ad quem locum sic *Hieronymus*, col. 302. Ed. Parisinæ Benedictinorum: *Hoc quod asteriscis notatur: quia Spiritus Dei flavit in eo, verè fœnum est populus, aruit fœnum, cecidit flos, ex Hebraico & Theodotionis editione additum est. Ex quo manifestum est, vel à LXX prætermisum, vel paullatim Scriptorum vitio abolitum, dum prior & sequens versus finitur in flore.* Sed verba omissa non satis adcuratè notavit; omissio enim orta est ex simili initio, non ex simili fine, ut animadvertent qui locum inspicient. Hîc mirari subit Complutensium impudentiam, qui hunc versum supplerunt ex ingenio, ut passim. Abest etiam à Codicibus Romano & Alexandrino.

8. Sed & alteram omissionem idem notavit Jerem. Cap. XXX, 15. Sic habent verba Prophetæ, ex translatione *Hieronymi*. 14. *Omnes amatores tui obliti sunt tui, teque non quaerent, plagâ enim inimici percussi te, castigatione crudeli*; PROPTER multitudinem iniquitatis tuæ, dura facta sunt peccata TUA. 15. *Quid clamas super contritione tua? insanabilis est dolor tuus*; PROPTER multitudinem iniquitatis tuæ, dura facta sunt peccata TUA. In quæ verba ita scribit *Hieronymus*

nymus col. 673. Quòdque sequitur : quid clamas super contritione tua, &c. in LXX. non habetur ; videlicet , quia secundò dicitur , propter multitudinem , &c. & qui scribebant à principio additum putaverunt. Hinc discere est exemplaria Græca , quæ hunc versum habent , eum ex alia editione habere.

9. Eadem prorsus de causa , in ipso Textu Hebraïco , Jos. XXI, 36, & 37. in antiquis multis exemplaribus , deerant. Enumerantur illic asyla è variis Tribubus , & versus quidem 35. ita desinit : *urbes quatuor* , Hebraïcè , ערים ארבע. Sequebatur verò , ut res ipsa ostendit , & liquet ex 1. Paral. VI, 78, 79. *Et de Tribu Ruben , Betser & ejus suburbana , & Jabtza & ejus suburbana ; Cademoth & suburbana ejus , Mephahath & suburbana ejus , urbes quatuor* ערים ארבע. Quarum duarum postremarum vocum repetitione , factum est ut Librarii versus 36. & 37. omiserint. Massora eos desideratos ostendit , in antiquis Codicibus , ut & *R. David Kimchi* ; nec eos verterat olim *Hieronymus* , ut liquet ex antiquissimis ejus versionis exemplaribus. Attamen esse oportere locus Paralipoménon indicatus , & versio LXX. Intt. ostendunt , ne rem ipsam adtingam. At possunt esse loca hiulca , ab antiquissimis temporibus , simili de causa ; quorum tamen hiatum deprehendere , aut supplere aliunde non licet.

10. Sic 1. Paral. XXIV, 6. in Chaldæo Interprete aliquot verba , propter repetitionem excidisse ad eum locum notavimus. Sed & in ipso contextu Hebraïco simile quid videri con-

tigisse ad 1. Reg. VII, 15. & 2. Par. IV. 16. observavimus. Quæ loca adibit Lector, si libeat, & quæ ad ea dixerimus videbit; neque enim hîc repetere visum est.

CAPUT VI.

De Mendis ortis ex imperitia aut negligentia Dictantis; 4. quòd malè pronunciaret.

I. **P**RAVA Dictantis pronuntiatio permulta Menda parere potuit, & reverà peperit; quod multis rationibus contigit, quarum præcipuas aliquot hîc indicasse satis erit. I. Dictantes sæpe miscebant vocales inter se & consonantes, ut cum Hebræis Grammaticis loquar, *ejusdem organi*. II. Fines vocum non satis distinctè pronunciabant, nec à sequentibus satis dictando sejungebant; quo factum ut litteræ ultimæ, aut primæ vocum omitterentur, aut non satis clarè à scribentibus audirentur; vel etiam separabant syllabas conjungendas. III. Adspirationes aliquando omittebantur, aut addebantur.

2. I. Tribus verbis hîc dicendum est, in eorum gratiam qui Hebraicè nesciunt, non in Hebraïca tantum Lingua, sed & in reliquis omnibus, litteras posse in certa genera dividi, pro organis, quibus potissimum efferruntur. *Gutturales* dici possunt A, E, I, O, U, Y vocales, cum adspiratione H; *Labiales* sunt B, F, M, P, PH, V; *Palatinæ* C ante A
&

& O, G, J, K, Q; *Dentales*, D, L, N, T & TH; *Linguales* R, S, Z, X, C ante E & I, & T ante I. Quemadmodum autem, apud Orientales, sæpe miscentur litteræ ejusdem organi: idem etiam inter pronunciandum fit, apud alias Gentes, quamvis fortè paullò infrequentius. Exempli causâ, apud Latinos, sæpe miscebantur B, F, P & V. inter pronunciandum, ut cùm ex MSS. veteribûsque Editionibus, tum etiam ex mendis adparet. *Joan. Passeratius*, Professor olim Regius eloquentiæ, in Academia Parisiensi, vir elegantissimi ingenii, hæc & similia anno 1606. ostendit, in libello *de Litterarum inter se cognatione ac permutatione*; quem, nisi his iterum editis, videre non contigit. Multa etiam hanc in rem animadvertit *Gul. Canterus*, in Syntagm. *de Ratione emendandi Græcos auctores*, Antuerpiæ anno 1571. iterum edito. Sed & varia hanc in rem habet *Gasp. Scioppius*, in *Critica*.

3. Edidit ut antea diximus, *Henr. Stephanus*, ad calcem sui *Thesauri*, Glossaria; ex quibus atque *Isidori* Glossis, in nostrum usum, multa exempla collegimus permutationis litterarum sono adfinium, sive *ejusdem organi*; ex quibus exemplis, paucula tantum proferemus. Primùm quidem vocales, & diphthongi cùm in Latinis, tum etiam potissimùm in Græcis, passim miscentur; quòd facillimum sit unam pro altera, titubante lingua, efferre; aut, aure non satis adtentâ, audire. Exempli gratiâ, A est pro AE, in his verbis: *Abaci, delfica, μηνίσηριον, ὡς Ἰσθενάλιος*.

58 ARTIS CRITICÆ P. III. S. I. C. VI.

Legendum *Delphicæ* & *μηνισηρίς*. * Nam *abaci* est in Genitivo, etiam apud *Juvenalem*, Sat. III. vers. 24. ubi vide Scholiasten. Est pro E, in his verbis: *Jantaculum*, ἀκρατισμὸς. *Janto*, ἀκρατίζω. Est pro I, in *Instata*, *superaria*, ἐπενδύτης, nam legendum *instita* ex Cod. S. Germani; & in *Monator*, σημαντήρ, ubi idem Codex docet legendum *monitor*, ut & res ipsa. Est pro O, in *Despalat*, διασπᾶ, pro *despoliat*. Est pro U, in *Pallatus*, μελανείμων, legendum enim *pullatus*. Similia, de singulis vocalibus & diphthongis Latinis, possemus proferre.

4. Non minor est confusio in Græcis, imò major, quòd soni trium vocalium, & plurium diphthongorum non multum, in Græca Lingua, diversi essent. Η, nempe, Ι, & Υ, sono valde erant adfinia; diphthongisque ΑΙ, ΑΥ, ΕΙ, ΕΥ, ΗΥ, ΟΙ, & ΤΙ pænè idem sonabant auribus parum adtentis, aut si minùs distinctè pronunciarentur. Hinc fit ut & inter se, & cum tribus memoratis litteris, in antiquissimis MSS. misceantur. ΑΙ sæpe quoque confunditur cum Ε, non secus ac ΑΕ apud Latinos. Qui tractarunt Codices MSS. norunt verissimum esse quod dico. MS. Codex *Alexandrinus* Bibliorum, qui in Bibliotheca Regia Londinensi servatur, & antiquissimus fortè est omnium MSS. Codd. qui exstant, aut certè inter antiquissimos, ejus-

* Sic emendatum postea vidi à Joan. Mourio in Lexico Græco-barbar. in voce μηνισήριον.

ejusmodi mendis passim laborat, ut testati sunt qui * Oxonii Librum Psalmodum, ex eo Codice, ediderunt. Sed & aliquot exempla ex Glossis sunt addenda.

5. H. frequentissimè scribitur pro I. Sic *Abbatissa* vertitur Ἀρχιμανδρίτης, pro ἀρχιμανδρίτης, nam prius Cænobii præfectum, vel Abbatem significat. *Circus* dicitur esse avis, μεταβληθείσης τῆς Σκύλλης τῇ νήσῳ Μεγαρέων, *mutatâ Scylla Nisi* (legendam Νίσσῳ) *Megarensium Regis*. Pro τ similiter occurrit, ut *Asperserit* προσκλήση, pro προσκλύση: *Ad limina*, Θηρωροί pro Θυρωροί. i vice versâ loco η legitur, ut *Præli*, λινῶ, pro ληνῶ: *Antruare*, σπιλεῦσαι, pro σπηλεῦσαι: *Nuptiles* (L. *Nuptiales*) γαμήλης, γαμήλιοι. T cum i miscent Grammatici, cūm κῡτ⊕ idem ac κῆτ⊕ esse censent. *Phavorinus*: Κῡτ⊕, ὄγκ⊕, χώρημα, βάθ⊕, πλάτ⊕, σῶμα: *moles*, *spatium*, *profunditas*, *latitudo*, *corpus*. Idem: κῆτ⊕ ἀπὸ τῆς κῡτ⊕ (lege κῡτ⊕) τὸ πλάτ⊕. ὡς τ' ἔμπανιν ἀπὸ τῆς ἰσημι σῆλ⊕ ἢ σύλ⊕. Adi & Etymologicum Magnum, in Ἀλμυρός, quod dicitur ἀπὸ τῆς ἀλμῆς pro ἀλμυρός. Vide quoque quæ habet in Ἀλυσ, & in Ἀτρυτα. Hinc factum ut permulta menda, ex harum litterarum & diphthongorum mutatione orta, sint etiamnum in veteribus editionibus Venetis & Basileen-

leenſibus Scriptorum Græcorum, quæ ex MSS. Codd. exſcriptæ ſunt. Editio *Joſephi Frobeniana* iis ſcatet, quæ & improvidè in *Genevenſes Editiones* ſunt transfuſæ. Similia, in aliis, paſſim animadvertent ſtudioſi.

6. Plura harum mutationum exempla congeſſit vir doctus *J. Rod. Wetſtenius*, in Orationibus de Pronunciatione Linguae Græcæ; ut vidi, cùm ſuperiora jam eſſent ſcripta. Idem etiam multis oſtendit Diphthongorum eſſe frequentiſſimam confuſionem; quo fiet ut ne actum agamus, cùm præſertim ſit è re noſtra ſi conſulatur; quoniam ea quæ dicta ſunt, de confuſione vocalium & diphthongorum, partim nituntur ea ſententia de illarum pronunciatione, quam propugnat vir eruditus. Addam hîc tria exempla vocum idèd corruptarum. Sic *Galenus* Comment. I. in Lib. *Hippocratis* de natura Hominis, ad text. 41. T. III. Ed. *Charterianæ* p. 125. obſervat pro *ὀφείλει oportet*, *neceſſe eſt*, legi in aliis *φιλεῖ, ſolet*, quod ipſe interpretatur *πρωσθήκη*. *Herodianus* Lib. I. c. 8. §. 11. poſtquàm narravit Hemam urbem, in Alpibus ſitam, vacuam ac incenſam relictam ab incolis, eamque ingreſſos Maximini milites, addit, *διανυκτερεύσαντες ἔν οι μὲν ἐν τῇ πόλει, ἐν αἰθύροις ἢ κοιναῖς πάντων οἰκίαις, οἱ δ' ἐν τῷ πεδίῳ ἢ τὰ ἐξῆς*: vertit *Politianus* in hunc modum: *cùmque noctem exegiſſent partim intra patentes, communèſque omnibus domos, partim in planitie &c.* Legendum *κεναῖς*,
ver-

vertendūmque *vacuas omnibus domos*. *Julianus* Imp. in Ep. ad Judæos, quæ est XXV, ita loquitur de Jerosolima: ἐμοῖς καμάτων ἀνοικοδομήσας οἰκήσω: *meis laboribus refectam incolam*; imò verò οἰκήσω, *incolis instruat*, neque enim *Julianus* habitare cupiebat Jerosolimæ, qui minimè erat Judæus; nec Judæis ea in re gratificari volebat, nisi ut Christianis mœrorem crearet.

7. Apud Orientales, litteræ, quæ *gutturales* dicuntur, & quas nonnulli suspicati sunt vocalium loco olim fuisse (quibus tamen non adfentior) passim etiam inter se miscentur, ut docent Grammatici, sine dubio ob soni adfinitatem. Idem ostendunt de litteris *quiescentibus*, quarum duæ sunt etiam gutturales. Animadvertere hoc licet, non modò in Judaïco Codice, in quo eadem voces, non semper uno modo, scribuntur; sed etiam ex Samaritici cum eo collatione. Exempli gratiâ, א & ה, in fine verborum *quiescentes*, sæpe miscentur, ut ברא & ברה, א & פלה, פלא, קרה, & קרא & similia. Sed & quæ scribuntur per א in Judaïco Codice, leguntur exarata per ח in Samaritico & vicissim, imò etiam per ח & per י. Non exigui est momenti hæc diligenter observare, in Linguis Orientalibus; quia sæpe ex ea animadversione pendet cognitio sensûs locorum, qui frustra alioqui quæritur. Sic * ostendimus ad Gen. XXXVI, 24. ex collatione Codicis Samaritici cum Hebraïco, הים in eo loco debere legi

* In Comment. Philologico,

legi *hemim*, non *hajjemim*, cùm Samaritæ habeant **חמ** *emim*; quo posito, nulla amplius est difficultas, in eo loco, qui omnes Interpretes exercitos habuit.

8. Indidem etiam intellexi, quod me fugerat cùm primùm ederem Commentarium in Exodum, & quod etiam fugit *Edm. Castellum*, virum doctissimum, quid sentiant Samaritæ de coloribus lapillorum pectoralis Aharonis. Interpres Samariticus primum ordinem lapillorum his nominibus exprimit: סמק סמק סמק סמק *samok, samak, samakmak*, hoc est, *rubrum, rubicundior, rubicundissimum*; secundum verò hisce: חכח חכח חכח *hhachom, hhacham, hhachamcham*, quæ nomina quid significarent tum demum vidi, cùm in animum venit Samaritas pro **אכ**, quod, apud Chaldæos, sonat *niger fuit*, dicere **חכ**, quod frequentissimè א & ח confundant. Tertium ordinem vult *lutei* coloris fuisse, quartum ita exprimit **עב עב עב עב** *havar, abar, habarbar*, quod verbum idem est ac Chaldaicum **חור** *hhour*, albus fuit, nam miscentur ע & ח. Observandum, in hisce vocibus, etiam confundi ע & א, & ו cum ב. De re ipsa alibi agemus.

9. Non multò minùs miscentur, in aliis Linguis, consonantes ejusdem *organi* à Librariis, ob soni adfinitatem; quod videtur potissimùm ortum ex parum adcurata dictantium pronuntiatione, & quod exemplis est demonstrandum. Sed ne, in re clara, æquo longiores simus, unius tantùm *organi* consonantes, inter se comparabimus. Diximus
la-

labiales esse B, F, M, P, PH, & V consonantem; constat autem, innumeris exemplis, eas à Librariis permixtas fuisse.

10. B loco M positum est, in voce *submanum*, in Glossis: κεραυνόβολον ἀπὸ πρῶτ νυχτερινόν, *fulgur submanum*. Dicebant Romani *summanum*. * *Plinius* auctor est à Romanis *fulmina diurna tributa Jovi, nocturna Summano*. Similia docet *Festus*, in *Proversum*. Igitur verè † *Claud. Salmasius* emendandum censuit *summanum*. At Glossarum Scriptor, cum legisset *submanum*, credidit compositum esse ex *sub* & *mane*, perperam, unde ἀπὸ πρῶτ vertit.

11. Idem *Salmasius*, in Solinianis Exercitationibus, non semel animadvertit frequentissimum esse § Latinis Librariis M & B invicem permutare, in scribendo. Exempla autem hæc profert. Apud *Arnobium*, formas pro *Phorbas*; *Cumamum*, pro *Cubabo*; *Mascanda*, *bascauda*; μέμηξ, βύμηξ; μάσκα, βάσκα, quibus innumera alia similia esse ait.

12. Idem vir summus ‡ animadvertit quoque Librarios sæpe confundere B cum P; quo intellecto, felicissimè emendat *Justini* locum Lib. XLIV. c. 1. de fluviis Hispaniæ: *plerique etiam divites auro, quod in paludibus vehunt*. Legit *balucibus*, quæ vox auri ramenta sonat, ut ostendit. Idem etiam sustulit, in hac ipsa voce, mendum apud *Martialem* Lib. XII. Epig. 57. ubi legitur:

Illinc

* Lib. II. c. 53. † In Solin. pag. 804. Ed. Ultr.

§ Pag. 284. & 923. nitobique Col. I. ‡ Pag. 196. col. L.

*Illinc paludis malleator Hispanæ
Tritum, nitenti fuste, verberat saxum.*

Emendandum liquet *balucis*, ut jam, ante *Salmasium*, viderat *Adrian. Turnebus*. Sic quoque populi Thraciæ, qui *Herodoto* *Briantes* dicuntur, sunt *Plinio* & *Solino* *Priantes*. In *Glossis*: *Captura*, ἐμβολή, pro ἐμπολή, quod *lucrum* sonat. Simili de causa, *Galenus* in *Comment. IV. Libri Hippocratis* de articulis, text. 12. dubitat an calceamenti genus, cujus meminit, dicendum sit *πηλοπατίδες*, vel *πηλοβατίδες*. Εἰ μὲν, inquit, διὰ τῶ Π γράφοιτο *πηλοπατίδες* διὰ τὸ πατεῖσθαι τὸν πηλὸν ὑπ' αὐτῶν, εἰ δὲ διὰ τῶ Β *πηλοβατίδες*, ἐπεὶ δὲ ἀνβαίνειν ἀσφαλῶς ἐν πηλῷ δυνατόν ἐστι τοῖς ὑποδεδεμένοις τοῖς τὸν ὑπόδημα. Posterius videtur verius, certè Analogiæ convenientius est.

13. Nihil est frequentius * in MSS. quàm confusio B & V consonantis. Centies occurrit in Veteribus *Glossis*, ubi legas *Benditorem*, *Benenum*, *Berbenam*, *Berbicem*, *Bibium*, *Cabernum*, *Cabillationem*, *Ablatibum*, *Abum*, &c. Hinc emendandum viderunt viri docti locum, in *Isidori Glossis*, ubi ita legimus: *Nibita*, aqua ex nubibus facta. Manifestò legendum: *nivata*, aqua ex nivibus facta. Quin & B, pro U vocali, in prioribus illis *Glossis*, legitur. *Abetuarium*, ἐπίμετρον, pro

* Vide *Jos. Scaligeri Conject. in Varron. p. 38. Ed. Paris. anni 1565.*

pro *Auctuarium*. Primum *c*, mutatum fuit in *e*, *avetuarium*; deinde *Dictator* librarius, Vasconico more, pronuncians *V* instar *B* fecit *abetuarium*, ut sæpe ex uno mendo natum alterum. Hinc Veteres quidam Grammatici Latini seorsim scripserunt de *B* & *V*. ut docerent Librarios, in quibus syllabis occurrerent; ut *Martyrius*, quem legi vult *Cassiodorus* à Monachis *Antiquariorum*, hoc est, Librariorum artem exculturis, *Divin. Lect. Cap. XXX.* ejusque Operis Epitomen habet in *Orthographiæ* Capp. V, VI, VII, VIII, Nec ipse omni errore vacat *Adamantius*, qui *balvam* vult scribi quod *balbam* scribimus, (ubi profert locum *Persii*, quem sic scribit *balva de nare loquutus*) & *valbas*, quas *valvas* vocamus.

14. *F* pro *PH* frequenter occurrit, ut in *Glossis*, *Epifonema*, *Filosofia*, &c. & *P* pro *F*, ut in iisdem: *ξανθεία*, *pucatrix*, ubi legendum *fucatrix*, ut rectè conjecit *Bon. Vulcanius*; *sulpor vivum*, *θεῖον ἄπυρον*, id est, *sulfur vivum*. Sic & passim scribitur *triumphus* pro *triumfo*, quod est à *θρίαμβος*, ac proinde debet scribi *triumfus*; cùm *o* non sit in Græca voce, neque sit Latina littera. Sic in *Pandectis Florentinis*, constat scriptum esse *triumfator*; nec desunt Inscriptiones, in quibus similis orthographia cernitur. Antiquissimi Romani dicebant *triumpum*, mutato *B* in *P*. Sed tempore *Ciceronis*, mutata jam erat pronuntiatio, ut liquet ex *Oratoris* C. 48. Simili de ratione, scribendum videtur

tropaum, aut *trofæum* ἀπὸ τῆ τροπαίᾳ, non *trophæum*, quod neque Græcum, neque Latinum est. Malim more Græco *tropaum* scribere, cum Glossographo, Vetustissque Codicibus, & Inscriptionibus: quemadmodum etiam censuit G. Joan. Vossius, in Etymologico.

15. M pro B occurrit in Glossis, ubi est *Ummilicus*, ὀμφαλὸς ἀνθρώπου. *Ummo*, ὀμφαλός. Hæc permutatio frequentissima est in Etymologiis, verum hîc, non mutationes litterarum Etymologicas; sed, ex Librariorum dictantium mala pronuntiatione, exortas spectamus.

16. P pro B non rarò legitur, ut in Glossis: *χυδαῖον ἄρτον*, *ciparius*, pro *cibario*; *Scoba*, κοσμητήριον, pro *Scopa*; *Calpitur*, ἐξαπατᾷ, pro *calbitur*, aut *calvitur*. Scriptum etiam pro V consonante, ut *Impastis* (id est, *investis*) *imprubēs*, ἀφθορον: *Passacriarium*, ὑδρία, pro *Vas aquearium*.

17. Quemadmodum B ponitur pro V, sic & V pro B. Glossæ veteres: *Acervu uva*, ὄμφαξ. *Acervatio*, σφοδρότης. *Acervitas*, δριμύτης. *Acervo*, δεινοποιῶ. *Acervus*, δεινός. *Caccavum*, χύτρα. *Valbus*, ψέλλον. *Valbuicio*, ψελλίζω. *Vitumen*, ἄσφαλτον. V etiam occurrit pro F, in iisdem Glossis: *Vita Deum immortalium*, ὡ πόποι, ἐκφώνησις ἀρχαϊκή, ὡς Κάτων. Scripserat Cato: *fidem Deum immortalium*, vel, *proh fidem*, &c. Sed pro
F au-

F auditum est à Librario V, & pro D in sequente syllaba T, unde factum *vitem*; quod cum planè absurdum esset, ab indocto homine mutatum in *vita*, quia videbat in Scriptura per Deum *vivum* jurari. V pro P aliquando etiam legitur, ut *Stivo*, σοῖσάζω, pro *stipo*.

18. Hæc exempla satis ostendunt litteras ejusdem *organi* facilè inter se misceri à Librariis; nam quod de *labialibus* demonstratum est, id de ceteris quoque litterarum classibus facilè posset ostendi. Quin etiam *Joan. Passeratius*, in libro de cognatione & permutatione litterarum, *Guil. Canterus*, de ratione emendandi Græcos Auctores, *Gasp. Scioppius* in *Arte Critica*, & *Claud. Dausquius* Lib. I. *Orthographicorum*, assatim exemplorum suppeditabunt, si necesse sit; quamvis non satis adtenderint litterarum adfinitatem, & aliam viam iniverint. Igitur non modò in inquirenda vocum origine, ratio habenda est litterarum adfinium; sed etiam in investiganda vera lectione locorum corruptorum, cum eas à Librariis tam frequenter inter se misceri constet.

19. II. Ad alterum *Dictantium* vitium transitimus, quo fiebat ut finem vocum non satis distinctè pronunciarent, unde orta sunt gravissima menda. Nam aut litteræ propterea omissæ sunt à scribentibus, aut junctæ voces, quas oportebat separari. Contrario prorsus errore, dum moras interponunt dictantes, ubi non oportuit, sejunctæ sunt syllabæ; quas

conjugi necesse erat. Quarum depravationum exempla aliquot, more nostro, colligemus.

20. Quisquis *Glossaria*, quæ diximus, evolvat, frequentissimè videbit in ultima syllaba à Librariis erratum; quod ortum aliunde esse non videtur, nisi ex Dictantis vitio. Manifesta ejusmodi menda innumera observarunt viri eruditi, quorum conjecturæ ad calcem Labbæanæ Glossariorum Editionis adjectæ sunt. Duo tantum exempla illinc profereamus, ex quibus liquebit litteram voci ereptam, ut vicinæ adderetur, aut prorsus omisissam. *Herba sinaria*, ποδοδάφνη. Bon. *Vulcanius* rectè conjecit *herba asinaria*, ex Lib. XI. *Apuleianæ Metamorphoseos*. Igitur A secundæ vocis elisum est, ob antecedentis terminationem in A, permixtam cum initio sequentis. Detracta est littera posteriori voci, in hisce: *Profundum*, βάθιον, βάθια, βυσσόν, ubi legendum βάθυ, ἄβυσσον.

21. Detractione litterulæ eaque planè necessaria, medicina fieri potest loco *Julii Cæsaris*, qui Interpretibus hætenus crucem fixit. Legitur Lib. IV. de Bello Gallico C. XVII. ubi descriptionem pontis, quem Rheno imposuit, ita claudit: *Nihilò secius publicæ ad inferiorem partem fluminis oblique adigebantur, quæ pro pariete subjectæ & cum omni opere conjunctæ, vim fluminis exciperent*. Non capiunt Interpretes quæ sit inferior pars fluminis, cum liqueat intelligi partem fluminis quæ erat supra pontem; in qua, ut solet fieri, col-

collocari oportebat sublicas vim fluminis excepturas. Sed legendum *flumini*, & intelligenda *inferior pars* non fluminis, sed pontis, quæ opponitur superiori, de qua Cæsar, in proximè antecedentibus verbis, loquutus erat: *hæc directâ materiâ injectâ contexebantur, ac longuriis cratibûsque consternebantur*; quæ superiori parti pontis imposita erant. Sic & antea *inferioris partis* pontis meminit. Fefellit Interpretes, quòd verbum *adigere* soleat conjungi cum præpositionibus *ad*, vel *in*, sequente accusativo. Sed & aliquando cum dativo construitur; quod aliquoties apud *Plinium* in Naturali Historia, observare licet. Certè ejusmodi verba utraque illâ constructione gaudere solent, ut *adfigere aliquid alicui rei*, & *ad aliquam rem*, aliâque similia.

22. Restitutione litterarum, emendabimus locum *Theophrasti*, in charactere ἀναισθησίας, Cap. XV. Describit hominem usque aded bardum, ut non adtendat quod agit, & absfona passim loquatur & faciat. Inter alia, hoc de eo habet: Τὰ παιδία ἑαυτῷ παλαίειν ἀναγκάζων, ἢ τροχάζειν, ἢ εἰς ΚΟΠΟΥΣ ἐμβάλλειν. Vertit *Jf. Casaubonus*: *Puerulos quin etiam suos, ut luctâ se exerceant, & cursu contendant usque ad fatigationem; cogere solet.* Sed ἀναγκάζων ἐμβάλλειν εἰς κόπας, numquam fuit, numquam erit, *cogens usque ad fatigationem.* Sed legendum ΕΙΣ ΣΚΟΠΟΥΣ *in scopos jacere*, nempe, lapides; aut tela. Posterius Σ propter prius excidit.

Describit *Theophrastus* summam hominis ineptiam, qui cogit puerulos ea facere, quæ sponte suâ & nimis libenter faciunt, & quæ alii parentes ne nimium faciant impedire solent; quod est bardi, & nescientis quæ sit indoles puerorum. Primum est *παλαίειν* *luctari*, quod pueruli inter se nimis frequenter facere amant, & aliquando non faciunt sine periculo, dum æquales solo gravius adlidunt. Alterum est *τροχάζειν*, quod non est *currere*, sed *trocho* ludere; de quo ludo, vide *Joseph. Scaligerum* ad hæc *Dionys. Catonis*: *trocho lude, aleam fuge*. Est puerilis ludus, cujus sunt pueri omnes avidiores, & à quo sunt sæpe deterrendi. Miror hoc fugisse virum summum, cum certum sit puerulos cursu exerceri non solitos, sed adolescentes dumtaxat. Tertium est *εἰς σκοπὸν βάλλειν*, *lapides* aut *tela* in certum *scopum* jacere, quod etiam nimis quàm frequenter faciunt pueri. Character est insani eos id cogere facere, à quo potiùs sunt revocandi. Intelligenda hæc omnia de prima pueritia, quæ nimis infirma est, quàm ut exerceatur; nam confirmatis viribus pueri etiam exercebantur. Sic *Xenophon* Ed. Cyri Lib. I. C. VI, 19. *ἐπὶ σκοπὸν βάλλειν*, de exercitio puerili.

23. Dux voces ex una, vitio Dictantis, factæ duplex præterea mendum in loco *Terentiano*, nisi vehementer fallor, pepererunt; de quo postea mira scripserunt viri eruditi. Est versus 46. Scenæ II. Act. IV. *Adelphorum*, ubi *Syrus* simulans se scire ubi sit *Micio*

eio , locum Demeæ indicat , & poſtquàm per multas ambages eum circumduxit , tandem in *fabrica* eſſe dicit ; Demea verò quærit *quid ibi faciat* , reſpondétque Syrus :

Lectulos in ſole ilignis pedibus faciundos dedit.

Ad quem locum *Donatus* : in urbe convivium in ſole & in umbra , pro conditione temporis , inſtruebatur. *Adrianus* verò *Turnebus* Adverſar. Lib. I. c. 18. In ſole autem , inquit , quòd *Athenis* vere interdum & æſtate ſub ſole & dio cœnare ſolebant. Debuit potiùs dicere in ſole hieme convivatos , cùm ſol eâ tempeſtate gratiſſimus ſit , & facilè toleretur ; præterquàm quòd *lectuli* , in eum uſum deſtinati , non dicerentur magis *lecti in ſole* ; quàm alii *lecti in umbra* ; quæ enim Latinitas hæc eſt : dare faciundos lectulos in ſole , pro eo quod eſt , dare faciundos lectos in quibus *ad-cumbas* , cùm in ſole epulari libebit ? Deinde quare oportebat lectorum , in quibus in ſole *ad-cumbebant* , *ilignos* eſſe pedes , potiùs quàm ex alio ligno ? Legendum omnino

Lectulos ILLIC SALIGNIS pedibus faciundos dedit.

Servus nequam , dum quærit quid reſpondeat inſtanti Demeæ , quod primùm occurrit ad-ripit , & *ſalignos* etiam pedes dicit , ut riſum excitet ; nam nonniſi pauperiores ſolebant uti eo ligno in pedes lectorum ; nec ſenex dives

propter rem tantillam tam procul ivisset, aut in fabrica sedisset, ut eos videret fieri. Sed quo ineptiore dolo fallit Demeam, qui sibi acutus videbatur, eo majorem risum spectatōribus movet. Certè anteedentia non sunt acutiora, & Demea, si sapuisset, facilè fraudem animadvertisset. Vidit tamen viles lectos dici, cū responderit: *ubi potetis vos?* nempe, servi, quos nemo dixerit interdū mensæ adcubuisse. At fiebāntne, inquires, lecti *salignis pedibus*? Quidni, cū salices plurimæ adhiberentur *agricolarum supellectili*, ut loquitur *Plinius* Lib. XVI. c. 37? Ideò *Ovidius* describens convivium Philemonis & Baucidis *Metam.* VIII. hæc habet:

——— *In medio torus est de mollibus ul-*
vis
Impositus lecto, spondi, pedibusque SA-
LIGNIS.

Verū unde ortum in *Terentiano* loco mendum? Nimirum, ex mala pronunciatione Librarii scriptum primū videtur *sal lignis*, dein ex *sal* factum est *sol*; ac tandem, ut aliqua esset constructio, *illic* mutatum à Critico in præpositionem *IN* & scriptum *in sole ilignis*.

24. Contrà, in eadem Comœdia, Act V. S. VII. vers. 16. duæ voces in unam conjunctæ, cui præfixa littera ex antecedente, sed malè lecta, gravissimum mendum peperit, quod Criticos omnes frustra exercitos habuit. Ita loquitur Demea de sumtibus, quos

quos à fratre ferri oportere videbat , traduc-
tâ ad illum Soſtratae familiâ :

—— turbam domum,
*Adducet & ſumtum admittet ; multa. Quid
mea ?*
*Ego lepidus inea gratiam ; jube nunc jam
Dinumeret illi Babylo viginti minas.*

Nec quò referendum ſit illi , nec quis ſit Ba-
bylo , nec quæ orationis ſeries expedire poſ-
ſunt viri docti ; quos adibit Lector , tædio-
ſum enim eſſet eorum inanes diſputationes
huc transferre. Paucis potiùs quid ſentiam
dicam , quod ſi audacius videbitur , at certè
egregium parit ſenſum , cùm nullus ſit in
aliorum interpretamentis. Demea ergo adlo-
quitur hîc *Æſchinum* , ut in antecedentibus ,
& cogitans de paupertate totius familiæ Pam-
philæ , quam *Æſchinus* domum ducturus erat ;
quæ vix patiebatur ut ſumtus ullos facerent ,
qui tamen aliqui erant neceſſariò faciendi ,
auctor eſt filio ut à Micione jubeat iis , qui-
bus ea familia conſtabat , viginti minas nu-
merari. *Viginti* autem *minas* dicit , quia reſ-
picit ad parem ſummam , quam à Micione
numerari curarat *Æſchinus* Sannioni , & quâ
Cythariſtriam amicam fratri emerat ; ut ſibi
ſimili pretio uxorem redimere videatur , ne-
dum ut dotem ab ea accipiat , quam tamen
neceſſariam antea judicarat Demea. Ait ergo :

—— jube nunc jam
Numerent illis AB ILLO *viginti minas*
E 5 Pro

74 ARTIS CRITICÆ P. III. S. I. C. VI.

Pro *dinumeret*, in plurali numero legimus *numerent*, quia deest nominativus, & quia *dinumerent* vitiat versum, nec voci additum videtur *di*, nisi metri vitiati causâ. Quid autem sit *numerare ab aliquo* omnes norunt; nempe, alicujus pecuniâ solvere. Quod si quis ignoret, adeat *Rob. Stephanum*, ad præpositionem *ab*. Valeat ergo commentitius BABYLO; quam vocem perinde esse ac *Babylonium* qui dixit primus, & significari Micionem putavit, quod Babyloniorum luxum æquaret, is

— jungat vulpes, & mulgeat hircos.

Vel pueri sciunt Babylonium hominem non magis *Babylonem* posse dici, quàm *Romam* hominem *Romanum*. Ethnica sunt, ut docet *Stephanus*, βαβυλώνι & βαβυλωνεύς, non βαβυλῶν, quod esset contra omnem analogiam. Scriptum erat ILISABILO, quia Veteres litteras duplices non scribebant, & cum I & S propiores æquo essent, videbatur esse B cujus superior pars oculos fugeret; unde natum BABILO, ex quo factum postea BABYLO ab Criticis. Nec quisquam dixerit durum esse *illis ab illo*, repetitione syllabæ IL, talia enim nequaquam vitant Comici. Visne exemplum, ab ipso Terentio? Lege versum 86. Scenæ 2. Act. I. Hecyræ:

Disjunxit illam ab illa, postquam & ipse se.
Possit

Possit tamen etiam legi, *dinumerent his ab illo &c.*

25.. Est locus *Rutilii Numatiani*, in Itinerario, ubi ita loquitur vers. 73.

*Inventrix oleæ colitur, vinique repertor,
Et qui primus humo pressit aratra puer.
Aras Pæoniam meruit Medicina per artem,
Factus & Alcides NOBILITATE
Deus.*

Legendum NOBILIS ARTE *Deus*, ut superior versus, & sensus docent. *Factus* autem *Hercules arte Deus* dicitur, ut opponatur iis, qui credebantur *naturâ Dii*, de qua loquutione multis diximus Part. II. S. I. C. VII, 4. & seqq. Vocatur etiam *nobilis Deus*, ut distinguatur ab ignobilibus quibusdam Diis, quorum nomina in uno loco nota erant. *Cicero de Nat. Deor. Lib. III. num. 50. Alabandenses quidem sanctius Alabandum colunt, à quo est urbs illa condita, quàm quemquam NOBILIUM Deorum; apud quos non inurbanè Stratonicus, ut multa, cum quidam ei molestus Alabandum Deum esse confirmaret, Herculem negaret: ergo, inquit, mihi Alabandus, tibi Hercules sit iratus. Videtur & ante oculos habuisse Rutilius versus hosce Horatii Lib. III. Od. 3.*

*Hac arte Pollux & vagus Hercules
Innixus arces adtiguit igneas.*

26. III. Dictantis vitio factum esse diximus,
ut

ut adspirationes omitterentur, aut detraherentur; cujus vestigia, in omnibus pænè veteribus Codicibus, animadvertuntur. In *Glossis* legimus, *abena*, *abilis*, *aborreo*, *era*, pro *habena*, *habilis*, *abhorreo*, *bera*; & vice versâ, *abominor*, *barena*, *hostium*, *huber*, pro *abominor*, *arena*, *ostium*, *uber*, & multa similia. Attamen non dissimulandum variis sæculis variatâ prononciationem, deinde & scribendi rationem, quæ prononciationem sequitur. *Quintilianum* audiamus *Inst. Orat. Lib. I. c. 5.* de littera H loquentem: *Parcissime eâ Veteres usi, etiam in vocalibus, cum œdos, ircosque dicebant. Diu deinde servatum ne consonantibus adspiraretur, ut in Graccis & triumphis. Erupit brevi tempore nimis usus, ut Choronæ, chenturiones, præchones &c.* Idèò veteres Grammatici scriberant de adspiratione, ut docerent Antiquarios, quibus locis exprimenda esset; qua de re vide quæ ex *Entyche* habet *Cassiodorus Orthographiæ Cap. IX.*

27. Dictantis culpâ, an scribentis nescio, factum est, ut omitteretur adspiratio apud *Terentium*, in *Andria*, *Actûs 2. Scenæ II. vers. 33.* quâ omissâ, sensus & Latinitas vitiatur. Ita loquitur Charinus adolescens: *Liberatus sum hodie, Dave, tuâ operâ*; respondet verò Davus: *ac nullus quidem*, hoc est, & quidem non, quod Latinum non est, in eo situ verborum. Itaque alii fecerunt, *at nullus quidem*; sed *at quidem non* meliùs non dicatur. Legendum HAC *nullus quidem*, hoc est, *hac quidem operâ meâ, nullus lipe-*
ra-

ratus es ; quaſi ſubinnuat glorioſus ſervus poſſe ſe eum liberare , ſi id operam det. Similis loquutio apud *Plautum* , in *Pſeudolo* Aët. I. S. I. verſ. 102. *Spero alicunde hodie me bonâ operâ , aut HAC meâ , Tibi inventurum eſſe auxilium argentarium.* Omiſſa pariter eſt adſpiratio , apud *Plautum* , *Mercatore* Aët. IV. Sc. 4. verſ. 15. ubi coquus *Dorippam* videns :

Satis ſcitum filum mulieris ! virum hercle avet.

At MSS. *Camerarii* alter habet *an. et* , alter *amet* , quod eſt pro *hamet*. Reſpicit ad ambiguitatem vocis *filum* , quæ ſignificat quidem hîc formam , ut ex *Lucilio* & aliis viri docti probarunt ; at propriè ſonat quod ex lino , lanâve trahendo ducitur , quales erant *lineæ* (ſubaudiendum , chordæ) quibus addito hamo piſcabantur. Senſus eſt , pro conſuetudine *Plauti* , egregius , *ſcitum filum mulieris ! hercle virum hamet* ; hoc eſt , facilè *hamare* , ſeu adjungere , ac ſibi devincire queat. Participium *hamatus* frequens eſt in optimis Scriptoribus , quamvis nondum , quod meminero , mihi occurrerit verbum *hamo*. Fateor ſpondæum eſſe in ultima ſede , ſed hoc patitur licentia Comica , qua de re vide *Phil. Pareum* , de metris Comicis , ſub finem.

28. Contrâ , apud eundem *Plautum* in *Amphitruone* Aët. II. S. 2. verſ. 137. eſt adſpiratio , ubi nullam eſſe oportuit. Cùm *Amphitruo* cum uxore aliquamdiu jam contendiffet ,
mi-

78 ARTIS CRITICÆ P. III. S. I. C. VI.

mirarique se dixisset qui se donatum aureâ paterâ sciret, addit. *Quid hoc sit HOMINIS!* ubi legendum *ominis*; erant enim quæ videbat & audiebat Amphitruo portentosa, poterântque faciliè in omen verti. Ut scribi vidimus, in *Glossis*, *abominor*, nihil vetat quin hîc scriptum sit *hominis*, *ὄντι τῷ ominis*. Sic apud *Ciceronem* Ep. ad Fam. Lib. IV. Ep. 4. variant MSS. Codd. in voce *hominis*, aut *ominis* adserenda, nec minùs eruditi dissentiunt. Est, pro licentia Comica, Amphibrachys in secunda sede, vel Amphimacer, si legas, *Quid hoc 'st*, quod fortè melius.

29. Antequàm ad alia transeamus, duo exempla ex Hebraïca Lingua proferemus, ex quibus liquebit Librarios Judæos similia peccasse. Apud Mosem, excepto uno loco Deut. XXII, 19. pro נערה *nabarab* quod *puellam* sonat, ubique in Judaïcis Codicibus, resecto ה, scribitur נער *nabara*. Quod non aliunde ortum videtur, quàm ex vitiosa dicantis pronunciatione, qui ultimam syllabam non satis distinctè pronunciabat. Certè perpetua atque indubitata Hebraïcæ Linguae analogia postulat scribi נערה ubique, & sic in Samaritico Codice scribitur. Exstat Exod. VIII, 9. insigne exemplum, ex quo constare potest Librarios miscuissè litteras ejusdem organi, ubi pro eo quod vulgò diceretur התבאר אלי *hithbaer elai*, scriptum est : התבאר עלי *hithphaer balai*, sine mutatione sensûs, hoc est, *significa mihi*. Quæ tamen mutatio fefellit recentiores Interpretes, ut ad eum locum ostendimus.

CA.

CAPUT VII.

*De Mendis ortis ex imperitia Dictantis ; s
dum Glossemata in margine scripta in se-
riem orationis infert.*

I. QUI vetustos Codices versarunt , mul-
tos potuerunt videre , in quorum oris
adnotatæ erant vocum , aut loquutionum dif-
ficilium explicationes. Sæpe etiam inter ipsos
versus sunt Scholia , cùm contigit à Librariis
inter eos satis amplum spatium relinqui. Hæ
autem interpretationes duplici mendorum ge-
neri occasionem præbuere. Interdum enim
Librarii crediderunt iis Glossematibus signifi-
cari , omissum in orationis serie id quod com-
plectebantur ; cùm incolumi constructione ac
sententiâ potuerunt inferi ; adeoque purpuræ
optimorum Scriptorum centones Grammati-
corum adsuerunt. Aliquando etiam perperam
rati sunt Grammatici ea Glossemata non esse,
sed veras lectiones margini à Critico illitas ,
& in orationis contextum recipiendas ; quò
factum ut eliminatâ priscâ lectione , novam
intruserint , quæ veteris dumtaxat explicatio
erat. Utriusque generis mendorum exempla
quædam primùm proferemus , tum verò quæ
Glossemata à vera lectione secerni soleant
ostendemus. Sed & tertius error addi queat ,
eorum qui Glossemata crediderunt esse varias
lectiones , quod exprobrat *Henr. Stephano* ,
viro

viro doctissimo, *Joan. Leunclavius*, vir itidem eruditus, ad calcem *Xenophontis* *Wecheliani*, anni 1596. quem vide pag. *MXIII*. Sic *Galenus* *Comm. III. in VI. Epidemiorum*, ad textum 40. *Tom. IX. p. 70. Ed. Chart.* Τῆς παλαιᾶς γραφῆς ἕσης ταύτης, ἐπὶ τὸ σαφέστερον αὐτὴν (non αὐτὸν) μετατεθείκασι πολλοὶ ἡ ἐξηγητῶν : *cum hæc esset antiqua scriptura, eam in clariorem multi interpretum mutarunt* Sic quoque in *Prognostico Hippocratis*, text. 26. ubi de sudoribus, postquam dixit pessimos esse frigidos, qui circum caput tantum & faciem & cervicem oriuntur, addit, ἔτοι γὰρ ξὺν μὲν ὀξεῖ πυρετῷ θάνατον προσημαίνεισι, ξὺν δὲ πρηϋτέρῳ μῆκ^{ον} νόσ^{ου} : *hi enim cum acuta febris mortem prænunciant, cum mitiore longitudinem morbi*; libri *Dioscoridis*, ut testatur *Galenus*, *Com. I. T. VIII. pag. 611. Ed. Charter.* habebant tantum, ἔτοι γὰρ θάνατον σημαίνεισι ἢ μῆκ^{ον} νόσ^{ου}. Reliqua addita sunt, interpretationis causâ : nam *Hippocratis* stylus brevitate, potius quàm verborum abundantia, peccat.

2. Sichemenfes ita adloquuntur filii Jacobi, *Gen. XXXIV, 15. Hac lege vobis obsequemur* (לכבד) *si fueritis sicut nos, adeò ut vobis omnis masculus circumcidatur.* Ita habent Codices Hebraïci, at *LXX. Intt.* sic verterunt : ἐν τῷ ὁμοιωθῆσόμεθα ὑμῖν, ἢ κατοικήσομεν ἐν ὑμῖν, εἰάν γένησθε ὡς ἡμεῖς καὶ ὑμεῖς, ἐν τῷ περιτμηθῆναι ὑμῶν πᾶν ἀρσενικόν : *hac lege similes fietis vobis, & habitabimus in-*

inter vos, ſi & vos ſitis inſtar noſtri, in circumciſione omnium veſtrorum maſculorum. Sic legitur hic locus, in antiquiſſimis Codicibus Vaticano & Alexandrino. Atqui manifeſtum eſt duplicem eſſe interpretationem vocis נאם, quarum altera margini illita fuerat primùm, deinde irrepiſit in orationis contextum, ut ad eum locum diximus. Significavimus etiam ad Gen. XLVI, 20. quæ illic in Verſione eorundem Interpretum leguntur & Codicibus Hebraïcis deſunt; videri e margine in textum translata fuiſſe, ſimiliâque animadvertimus ad Exod. XII, 40. & alibi.

3. Talia etiam occurrunt in Codice Samaritico, quæ non infrequenter in Comment. in Pentateuchum notavimus, & diximus quidem ſimile eſſe Gloſſema Exod. XII, 40. in hoc Codice ac in verſione LXX-Virali. Verùm non modò is Codex multa addit, interpretationis cauſâ; ſed etiam voces quaſdam habet, loco earum quæ leguntur in Judaïco Exemplari. Qua in re, ſæpe mihi viſæ ſunt veteres lectiones Moſi ereptæ, ut novæ iis ſufficerentur. Sic Gen. XXIX, 15. ita Potipharis uxor, ex Judaïco Codice, loquitur de Joſepho: *ut audivit me vocem tollentem & clamantem, reliquit veſtem ſuam apud me* (אצלי etſli) *fugit, & egreſſus eſt foras.* Ad explicandam vocem אצלי, videtur in antiquo Samaritarum Codice fuiſſe, in ora, ברי *in manu mea*, ut ſignificaretur voce clariore idem intelligendum hic, ac verſ. 12. in quo hæc vox occurrit. Lex exiſtat Exod. XXI, 20. *Cùm quiſpiam ſervum ſuum, aut ſervam ba-*
Tom. II. F culo

82 ARTIS CRITICÆ P. III. S. I. C. VII.

culo ferierit , & sub manu ejus interierint , ultio sumetur , נקם ינקם *nakom jinnakem.* In Samaritico Codice , est מוֹת יוֹמָת moth joumath , *morte morietur* , quæ est interpretatio verborum , quæ leguntur in Judaïcis Codicibus. Talia multa in eo Codice animadvertimus , & protulimus , in Commentario nostro in Pentateuchum. Vix crediderim ullum Samaritam Criticum usque adeò audacem fuisse , ut Mosem emendandum , sine necessitate , censuerit. Probabilius multò mihi fit Samaritas glossemata marginis credidisse varias esse lectiones , quas subinde ut veriores , loco Judaïcarum , amplexi sint. Plurima exempla indicavimus , in Indice Commentarii nostri.

4. Suspicio etiam ingentem varietatem , quæ fuit olim in Codicibus Græcis & Latinis Novi Testamenti , partim indidem esse ortam , quòd ii qui iis utebantur , aut ex ingenio interpretationes scribebant in marginibus , aut etiam ex aliis locis Novi Testamenti , præsertim in Evangeliiis ; quæ inter se ita conferri volebant , aut alterum ex altero intelligi. Postea verò homines imperiti Glossemata miscuerunt cum veris Apostolorum verbis ; sive illa varias lectiones , seu emendationes ex antiquioribus codicibus esse censuerint. Ne quis à nobis fingi putet quæ de varietate exemplarium diximus , audiat *Hieronymum* , è præfatione in Evangelia : *Magnus* , inquit , *hic in nostris Codicibus error inolevit , dum quod in eadem re alius Evangelista plus dixit , in alio , quia minùs putaverint , addiderunt.* Vel dum
eum-

eundem ſenſum alius aliter expreſſit, ille qui unum è quatuor primùm legerat, ad ejus exemplum, ceteros quoque æſtimaverit emendandos. Unde accidit ut apud nos miſta ſint omnia, & in Marco plura Lucae atque Matthæi; rursus in Matthæo, plura Joannis & Marci, & in ceteris reliquorum, quæ aliis propria ſunt, inveniantur. Cujus confuſionis plurima exempla, quæ etiamnum ſunt in Codicibus noſtris, Deſ. Eraſmus & Th. Beza, in adnotationibus in Novum Teſtamentum, obſervarunt.

5. Nunc videndum quî Gloſſema poſſit à priſca lectione dignoſci. I. Cùm ſint duogenera Gloſſematum, quorum unum additur veteri lectioni, alterum verò ei ejeclæ ſubſtituitur, non eodem modo internoscuntur. Igitur à priore genere Gloſſematum ut incipiam, adjectum eſſe primùm docet res ipſa; quando, nimirum, re paullo obſcuriùs expreſſâ, aut vòce vel loquutione, cujus ſignificatio ſciolòs, vel imperitos fugit, videmus, præter neceſſitatem & conſuetudinem Scriptoris, idem illico aliis verbis exprimi. Inſignis Gloſſematis, ut dudum animadvertent viri eruditi, exemplum exſtat, apud Plautum, in Aulular. A&T. IV. S. 7. verſ. 14. ubi ita Eunomia filio :

*I hac intrò mecum, gnate mi, ad fratrem
meum,
Ut iſtuc quod tu me oras efficiam tibi,
Ut iſtuc quod me oras impetratum ab eo au-
feram.*

84 ARTIS CRITICÆ P. III. S. I. C. VII.

Manifestum est hîc esse Glossema, cùm nulla sit aut necessitas, aut elegantia in hac repetitione, *quod tu me oras efficiam tibi, impetratum ab eo auferam*; nempe, à fratre. Attamen MSS. *Joach. Camerarii*, & Palatini quatuor habebant: *ut istuc quod me oras efficiam tibi, impetratum ab eo auferam*, quasi esset unus versus; atque ita antiquissimæ Editiones. Duo verò MSS. Palatini omittebant, *impetratum ab eo auferam*. Utrum Glossema erit? nempe, versus 14. *Ut istuc quod tu me oras efficiam tibi*; nam hæc verba nemo umquam interpretatione indigere judicare potuit. Sed Grammaticus, in imperitiorum gratiam, iis interpretatus est hæc: *impetratum ab eo auferam*; quæ interpretatione indigere videbantur, quia non est sermo de re, quam Eunomia ablatura esset, sed de uxore, quam avunculum concedere filio suo volebat. Igitur quando duorum quæ idem significant, & quorum alterutrum Glossema esse necesse est, unum obscurius, alterum verò clarius est, dubium non est quin clarius sit Glossema obscurioris. *Philippus Pareus*, in *Analectis Plautinis*, agnoscit hîc esse Glossema. Sed in tertia Editione sic locum refinxit:

*Ut istuc, quod me oras, nunc efficiam; tibi
Spero impetratum, quidquid vis, ab eo auferam.*

Quæ non sunt inepta, si è MSS. petita essent, aut leviori mutatione reficta; sed nimis audacter se gessit, qui talia ex ingenio nobis obtru-

trufit , ut paffim in illa editione facit ; quæ alioquin , in multis , laudari queat.

6. II. Glossemata possumus etiam agnosce-
re 1. in Archetypo ex MSS. Codicibus , in
quibus id dumtaxat habetur quod obscurius
est , omisso interpretamento clariore ; 2. aut
in Translatione ex Archetypo , in quo semel
exstat , quod bis est in Versione ; sed & in-
terdum 3. ex antiquiore Translatione cognos-
cere licet Glossemata , quæ irreperunt in re-
centiores Codices. 1. Sic Marc. X, 6. ita
loquitur Christus ἀπὸ ἀρχῆς κτίσεως , *ab ini-
tio creationis masculum & fœminam fecit eos* ,
ex plerisque Codicibus ; at Codex antiquissi-
mus T. Bezae omittit vocem κτίσεως , quæ
addita videtur , ut melius intelligeretur
ἀπ' ἀρχῆς. 2. Hieronymus ex Græcis exem-
plaribus Latina olim emendavit , ut testatur
in Præfat. in IV. Evang. ubi sic confutat eos
qui consilium ejus carpebant : *Si Latinis ex-
emplaribus fides est adhibenda , respondeant
quibus ; tot enim sunt exemplaria pænè , quot
Codices. Sin autem veritas est quærenda de
pluribus , cur non ad Græcam originem rever-
tentes , ea quæ vel à vitiosis Interpretibus ma-
lè edita , vel à præsumptoribus imperitis emen-
data perversius , vel à librariis dormitantibus ,
aut addita sunt , aut mutata corrigimus ?*
3. Glossemata ex antiquioribus Translationi-
bus cognosci posse idem testatur , in eadem
Præfatione. Prætermitto , inquit , eos Codi-
ces , quos à Luciano & Hesychio nuncupatos ,
paucorum hominum adserit perversa contentio ;

quibus utique nec in *Vet. Instrumento*, post *Septuaginta Intt.* emendare quid licuit, nec in *Novo* profuit emendasse, cum multarum *Gentium Linguis Scriptura ante translata doceat ea falsa esse, quæ addita sunt.* Hæc addita-
menta erant, ut ex reliqua Præfatione liquet, Glossēmata singulis Evangelistis, ex aliis addita, quæ ex priscis Translationibus cognosci poterant. Sic vocem *κρίσεως*, in loco Marci antea laudato, Syrus Interpres non habet; unde colligere est Glossēma esse, versione Syriacâ recentius. Plura hac de re non addimus, quia in sequente * Capite iterum dicemus quæ ad eam pertineant.

7. III. Glossēmata verò, quæ sita sunt in vocibus, quæ antiquioribus loco pulsas successerunt, possunt dumtaxat agnosci ex antiquis Codicibus, in quibus vetus lectio adpareat. Tum eam distinguere licet à Glossēmate aliorum Codicum, aut Editionum, eodem indicio, quod antea signum esse diximus recentioris lectionis, unà cum vetere exstantis. Nimirum, si Codex quispiam inusitatiorē & minùs claram vocem aut loquutionem exhibeat, quàm alii (si modò proba sit, & cum Scriptoris Stylo consentiat) illa plerumque vera lectio est; quia cum nulla fuerit ratio quare clara lectio in obscuriorem mutaretur, obscuræ clara substitui potuit, ob rationes quas adtulimus. Sic cum viri docti animadverterint, apud *Cornelium Nepotem*, Miltiadis Cap. IX. alios Codices habere: in
Mil-

* In Exemplis §. 3. subjectis.

Miltiade erat cùm summa humanitas, tum mira COMITAS, ut nemo tam humilis esset, cui non ad eum aditus pateret; alios verò COMMUNITAS, mihi dubium non est quin prius sit glossema posterioris; quia cùm vocis comitas notissima sit significatio, non ita vulgò notum est voce communitas significari eam mentis adfectionem quæ civem Reipublicæ, qualis erat Atheniensis, decet, & qua sibi cum aliis civibus communia omnia esse patitur. Vide quæ habet de hac voce J. F. Gronovius, ad Terentii Heautontim. Act. V. S. I. vers. 39. à quo mirum est non esse adlatum locum hunc Cornel. Nepotis. Frustra illic animo communi nonnulli comem substituebant, ut optimè vir doctissimus ostendit. Adi & Franciscum Juretum in Epist. LXXIX. Lib. II. Q. Aurelii Symmachi.

C A P U T VIII.

De Mendis à negligentia Scribentis ortis;

1. *Quòd quæ cogitaret, non quæ audiret, scriberet;* 2. *Quòd perperam audiret.*

1. **V**IDIMUS potissima Mendorum genera, quæ ex *Dictantis* incuria aut imperitia oriri potuerunt; neque enim omnia observasse nos putamus, qui latissimè patere hoc argumentum, si alius quisquam, novimus. At satis nobis est, summa rerum ca-

pita, in hoc Opusculo, adtigisse. Nunc ad id mendorum genus veniemus, quod *Scribentibus* tribuendum videtur. Sed & interdum *Dictanti* tribui possent, at satis est, ut alibi dixi, à *Scribente* quoque ea esse posse. Nec dubium est quin multa sint exemplaria descripta à Librariis, aut aliis, qui eam artem non profitebantur, non tam vitio *Dictantis*, quàm *Scribentis* mendosa.

2. I. Certè cùm qui scribit aliud agit, quod sæpe potuit contingere, facilè fit ut quæ cogitat, non quæ dictantur, scribat. Innumera menda, quæ cernuntur in MSS. aliunde orta non videntur, sed ea potissimùm quibus voces idem, aut ad fine quidpiam significantes miscentur, vel ordo orationis, transpositis verbis, mutatur; vel voculæ quædam non prorsus necessariæ sensui adduntur, aut detrahuntur. Scribentes enim non modò verba, sed etiam sensum adtendunt, & in longa scripture, sæpe fit ut sententiæ ratio major habeatur, quàm verborum. Si præsertim qui dictabant, lucri causâ, quàm maximè poterant festinarent, ut sine dubio sæpe factum est; nihil mirum si voculæ sæpe minùs necessariæ à Scribentibus omittebantur, aut miscebantur synonymæ.

3. Quisquis expendet variarum lectionum Syllogas, quas in plurimos Scriptores ediderunt viri docti, innumera talia deprehendet. Sed inspiciantur potissimùm variæ lectiones Novi Testamenti, quæ XVII. demum sæculo, præeunte doctissimo & optimo viro *Steph. Gurcellæo*, diligentius collectæ sunt, quàm
um-

umquam antea fuerant ; atque exemplorum major suppetet copia , quàm quisquam non expertus credere possit. Ut tamen rem Lectoris oculis subjiciamus , nonnullas ex variis lectionibus Cap. XX. Actorum Apostolicorum huc transferemus.

Vers. 1. προσκαλεσάμενΘ. Tres Oxonienses Codices & alii habent, μεταπεμψάμενΘ, quod idem planè sonat.

Ibid. ἀσπασάμενΘ, cùm salutasset. Alexandrinus & octo alii, plurésque Codices habent ante has voces, ἢ παρακαλέσας *consolatus* ; Græco-Latinus, πολλὰ παρακαλέσας, *multis consolatus*.

Ibid. περὺθῆναι in Aoristo. Alexand. & alii quatuor Codices, πορεύεσθαι in præsentī.

Vers. 3. μέλλοντι ἀνάγεσθαι, *navigaturo*. Codex Bodleïanus, μέλλων ἄγεσθαι *abduendus*, malè sine dubio. Non moror Claromontanum, cùm ab omnibus aliis Codicibus nimium diversus abit, ut hoc in loco ; quia paraphrasin potiùs, quàm varietatem lectionis, exhibet. Sed obiter hîc monebo cavendum esse, ne hujuscemodi Paraphrases misceamus cum Exemplaribus bonâ fide & verbo tenus descriptis.

Vers. 4. Vocī ΣώπατεΘ addunt Codex Alexandrinus, Græco-Latinus, & alii Πύρρῃς, *Pyrrhi*, nempe, *filius*. Legitur etiam in Latino Interprete. Pro ΣώπατεΘ, alii Codd. F 5 ha-

habent , ΣωσίπατεϛⓈ. Æthiops Int. legit ΠέτεϛⓈ , perperam.

Vers. 5. Οὔτοι προελθόντες , *hi cum prævissent.* Alexandrinus Cod. habet ἔτοι ᾗ , idem & alii προσελθόντες , *cum advenissent.*

Ibid. ἡμᾶς , *nos* ; nempe , *expectarunt* , Paulum & Lucam , aliósque itineris comites. Cantabr. αὐτόν , *illum* , scilicet , Paulum , quod sapit manum Criticam.

Vers. 6. ἄχρις ἡμερῶν πέντε , ἔδιετρίψαμεν , &c. *intrà dies quinque , ubi commorati sumus* , &c. Codex Bodleianus & alii habent : ἀπὸ ἡμερῶν , *à diebus* , &c. & ὅπερ pro ἔ.

Vers. 7. συνηγμένων τῶ μαθητῶν τῷ κλάσαι , &c. *congregatis discipulis ad rumpendum* , &c. Alexandrinus & aliquot alii : συνηγμένων ἡμῶν κλάσαι , *congregatis nobis ad rumpendum.* Ita etiam Syrus , Arabs , Latinus , & Æthiops Interpretes.

Vers. 8. ἦσαν συνηγμένοι , *erant congregati.* Alexandrinus & alii , præter memoratos Interpretes , ἦμεν *eramus.* Sunt & qui omit- tant συνηγμένοι , quæ vox faciliè subaudi- tur.

Vers. 9. καθήμενⓈ , *sedens.* Alexandrinus & alii , καθεζόμενος , quod est idem.

Vers. 13. προελθόντες ἐπὶ τὸ πλοῖον , *pro- gressi ad navem.* Alexandrinus & alii προ- σελθόντες . *cum pervenissemus ad navem.*

Ibid

Ibid. εἰς τὴν Ἀσσον, in *Affum*. Codex Bodleianus, ἐπὶ τὴν, pro εἰς τὴν. Alii Oxonienses Νῆσον *Insulam*, quòd Librarius aut Criticus non intelligeret Ἀσσον esse nomen proprium loci, & crederet mendosè scriptum ἄσσον *propè*, pro νῆσον. Sic & versu 14. Syrus & Arabs Interpretes habent mendosè θῆσος, misto Α cum Θ, quod facilè fit, si contigerit crura τῷ Α ex inferiore parte paulò propiora esse, quàm oportet.

Vers. 15. ἡ μείναντες ἐν Τρωγυλλίῳ, & *cum mansissemus apud Trogyllium*. Desunt hæc in Codice Alexandrino, unòque ex Bodleianis, nec lecta sunt à Latino Interprete. Habent illi Codices, in sequentibus verbis, τῇ ᾗ ἐχομένη.

Vers. 18. ὡς ᾗ παρεγένοντο πρὸς αὐτὸν, εἶπεν αὐτοῖς, *cum ad eum venissent, dixit illis*. Codex Alexandrinus, qui mutilus videtur vers. 15. hîc est auctior tribus verbis, nam post αὐτὸν habet: ὁμοῦ ὄντων αὐτῶν, *cum unà essent*. Alii ὁμόσε ὄντων αὐτῶν. Eadem tamen etiam exhibet Græco-Latinus, at alii nonnulli ὁμοθυμαδὸν, *unanimiter*. Sic & *Vulgatus*: & *simul essent*. At nec *Arabs*, nec *Syrus* Intt. nec alii veteres Codices ea verba agnoscunt. Sed cùm nulla fuerit addendi ratio, fuit aliqua detrahendi; quòd, nimirum, inutilia iudicarentur, & sapere Glossema. Verùm cùm superiora verba nequaquam obscura sint, non opus erat Glossemate. Itaque retinenda censue-

fuerim , ut innumeras alias repetitiones , aut voces non necessarias , quas nemo umquam circumcidendas putavit.

Vers. 19. δαλεύων τῷ Κυρίῳ μετὰ πάσης , &c. *serviens Domino , cum omni , &c.* Duo Oxonienses Codd. addunt , μεθ' ὑμῶν , *serviens Domino vobiscum , cum omni , &c.* Sic & *Chrysostomus*.

Ibid. πολλῶν δακρύων , *multis lacrimis*. Alexandrinus alisque omittunt πολλῶν , nec legerunt Latinus ac Syrus Intt. Additum videtur , ut plenior esset oratio , quia antecedenti substantivo suum etiam erat Epitheton.

Vers. 23. διαμαρτύρεται , Alexandrinus Codex : διεμαρτύρατό μοι , *mibi testatus est*. Est præterea levis mutatio , in ordine verborum. At non modò Claromontanus , sed alii etiam Codices addunt huic versui : μοι ἐν Ἱεροσολύμοις , quæ verba legit & Latinus Int. qui habet : *tribulationes Ierosolymis me manent*. Videtur tamen esse Glossēma , quod potuit addi , quasi circumstantia necessaria hîc prætermissa ; cùm nulla esset detrahendi ratio.

Vers. 24. εἰδενὸς λόγον ποιῆσαι , εἰδὲ ἔχω τὴν ψυχὴν μὴ τιμῆαν. Alexandrinus transponit ποιῆσαι & ἔχω , ut sit unum pro altero.

Ibid. διαμαρτύρασθαι , *testari*. Addunt Græco-Latinus & alii Codd. Ἰσρααίῳς ἢ Ἑλλήσιν , *Judæis & Græcis*.

Vers. 25. βασιλείαν τῷ Θεῷ , *regnum Dei*.
Deest

Deest Θεῷ, in Alex. & aliis quibusdam Codd. & pro eo est Ἰησοῦ, in Græco-Latino.

Vers. 26. καθάρως ἐγὼ, mundus sum. Græco-Latinus & tres Oxonienses habent pro ἐγὼ, verbum εἰμι, quod est convenientius Græcæ Linguae, ut altera lectio Hebraicæ. Fini versûs addunt aliquot Codices ὑμῶν, à sanguine omnium vestrûm. Sic & Syrus.

Vers. 28. τὴν ἐκκλησίαν τῷ Θεῷ, Ecclesiam Dei. Habent Alexandrinus, Græco-Lat. & tres Oxonienses, aliique, τῷ Κυρίῳ, Domini, nempe, Jesu, prout legit etiam *Irenæus* Lib. III. c. 14. & MS. Cod. *Athanasii* Ep. I. ad Serapionem, aliique Patres & Codd. quos laudat. *Joan. Millius*; alii eodem sensu τῷ Κυρίῳ καὶ Θεῷ, Domini & Dei. Posteriores hanc lectionem sequitur Arabs, priorem Syrus, ut & aliquot Codd. MSS. Ep. I. *Athanasii* ad Serapionem. Existimat *Hug. Grotius* veram lectionem esse κυρίῳ, sed facilem lapsum fuisse in compendiosa Scriptura θυ pro κυ. Non negaverim sanè fieri sæpe potuisse, ut miscerentur hæc compendia; sed cùm hic locus sit ex iis, quibus in controversiis maximè olim usi sunt Nestoriani & Eutychiani, non tam incuriæ Librariorum has varietates tribuerim, quàm Theologorum consilio, qui ex alterutra parte conati sint Paulum suum facere. Sic & *Millius* in Ep. *Ignatii* ad Ephesios C. I. ἐν αἵματι Θεῷ putat ab Interpolatore mutatum in αἵματι χριστῷ, hominis illius fraude. At-

94 ARTIS CRITICÆ P. III. S. I. C. VIII.

Attamen, quod ille non notavit, Interpres vetus Latinus verarum Ignatii Epistolarum habet hîc : *sanguine Christi Dei*, unde liquet utrumque in ejus Codice lectum, aut in margine fortè alterutrum fuisse; quod quidem sine consilio partibus alterutris favendi factum non puto. Alioqui passim permutantur in Novi Testamenti Codd. MSS. Θεός & Κύριος, ut hoc ipso Cap. vers. 32.

Ibid. διὰ τῆς ἰδίας αἱμάτων, proprio sanguine. Alexandrinus transponit hoc modo : διὰ τῆς αἱμάτων τῆς ἰδίας. Sic & alii aliquot Codices.

Vers. 29. ἐγὼ γὰρ οἶδα τῆτο, ego novi hoc. Τῆτο omittunt Alexandrinus Codex & alii, ut minùs necessarium.

Vers. 31. ἓνα ἕκασον, unumquemque. Nonnulli Codd. Veteresque Interpretes addunt ὑμῶν, vestrûm.

Vers. 32. τῷ Θεῷ. Cant. & alius Cod. habent τῷ Κυρίῳ, pro consuetudine Librariorum has voces miscantium.

Ibid. ἐποικοδομῆσαι, superstruere, ἢ δῆναι ὑμῖν κληρονομίαν, ἐν τοῖς, &c. Ἐδare vobis hereditatem, inter. Alexandrinus habet : οἰκοδομῆσαι ἢ δῆναι τὴν κληρονομίαν αὐτῷ, ἐν τοῖς, edificare Ἐδare suam hereditatem inter, &c. Sic etiam Codex Græco-Latinus & Bodleianus. Codd. nonnulli subjiciunt ὑμᾶς.

Vers. 33. Post ἔθενός addit Bodleianus & Græ-

Græco-Latinus, ὑμῶν, nullius vestrām.

Vers. 34. αὐτοὶ δὲ γινώσκετε, vos nostis,
MS. Alexandrinus, αὐτοὶ οἶδατε, vos scitis.

Vers. 35. ἀντιλαμβάνεσθαι ἢ ἀσθενούντων,
adjuvare infirmos. MS. Alexandrinus: ἢ
ἀσθενούντων ἀντιλαμβάνεσθε, ubi E scrip-
tum mendosè pro AI. ob rationem adlatam
Cap. VI.

Ibid. κυρίῃ Ἰησοῦ. Deest in Alexandrino
aliisque vox Ἰησοῦ.

Ibid. Μακάριόν ἐστι διδόναι μᾶλλον ἢ λαμ-
βάνειν, *beatum est dare magis quàm accipere.*
Transponit Codex Alexandrinus, μᾶλλον
διδόναι ἢ, ut Latinus: *magis dare, quàm.*
Vertendum crediderim: *beata res est potius
dare, quàm accipere*; quasi diceret Christus:
homines vulgò putant beatos esse, qui multa
ab aliis accipiunt, pauca reddunt; at si bea-
tos dicere oportet eos, qui dant atque acci-
piunt terrenas opes, eos potius beatos dixe-
rim qui dant.

Hæc satis supérque ostendunt quàm sæpe
Scribentes nonnulla omiserint, verborum or-
dinem mutarint, & miscuerint synonyma.
Quæ quidem ut plurimum non mutant sen-
sum, sed tamen non levem interdum muta-
tionem in eo pariunt, ut adparet ex vers. 28.
Est interea cur Deum laudemus, quòd no-
luerit fidem nostram pendere ex uno aut al-
tero loco, aut ex aliquot voculis; in quæ
mu-

mutatio irreperere potuit, negligentia aut nequitia Librariorum, vel Theologorum. In iis quæ necessaria sunt, sat magnus est Codicum consensus, ut omnem dubitationem nobis eximat. Verum hæc non sunt hujus loci. Eadem idem significantium mistura in omnis generis libris contigit, unde factum ut *Galenus* Comment. I. in Epidem. V. text. 1. postquam observavit in Codicibus *Hippocratis* illic legi $\delta\sigma\eta\sigma\iota$, $\acute{o}\kappa\acute{o}\sigma\eta\sigma\iota$, & $\acute{o}\pi\acute{o}\sigma\eta\sigma\iota$, quæ idem significant, id est, quibuscumque mulieribus; dicat sibi visum esse eas lectiones omittere, ut eas solas memoraret, quæ sensum mutarent, $\acute{o}\sigma\alpha\iota\ \tau\acute{o}\ \delta\eta\lambda\acute{o}\mu\epsilon\nu\omicron\nu\ \acute{\upsilon}\pi\alpha\lambda\lambda\acute{\alpha}\tau\eta\sigma\iota$. Idem repetit in Lib. VI. Com. IV. text. 2. $\pi\alpha\rho\eta\tau\eta\sigma\acute{\alpha}\mu\eta\nu\ \acute{\gamma}\ \mu\epsilon\mu\eta\eta\sigma\theta\alpha\iota\ \tau\ \acute{\epsilon}\nu\ \tau\alpha\iota\varsigma\ \gamma\rho\alpha\phi\alpha\iota\varsigma\ \delta\iota\alpha\phi\omega\nu\acute{\iota}\alpha\varsigma$, $\acute{o}\tau\alpha\nu\ \eta\ \alpha\upsilon\tau\eta\ \phi\upsilon\lambda\acute{\alpha}\tau\eta\tau\alpha\iota\ \delta\iota\alpha\nu\omicron\iota\alpha$.

4. II. Facillimè etiam contingere potuit ut Dictantem, clarâ licèt voce legentem & rectè pronunciantem, parum adtenti Scribentes non satis audirent; ita ut aliter scriberent, quàm dictabat. Innumera certè menda hinc orta esse videntur, ut facilè intelligent, quicumque variarum Lectionum Syllogas paulò diligentius lustrabunt, aut Criticorum Commentarios legerint; nec necesse est, multis exemplis, rem comprobari. Aliquot tamen, more nostro, proferemus, eadèmq; operâ loca optimorum Scriptorum hactenus à viris doctis intacta, quoad quidem intelligere licuit, corrupta esse ostendemus, atque emendabimus.

5. Ci-

5. Cicero * Lib. III. de Oratore Cap. 12. *Quare Cotta noster*, inquit, *cujus tu illa lata*, Sulpici, *nonnumquam imitaris*, ut *Iota litteram tollas* & *E plenissimum dicas*, non *mibi oratores antiquos sed mēssores VIDERIS imitari*. Imò verò VIDETUR, adloquitur enim Crassus Sulpicium, qui aderat; non Cottam, qui non aderat, & de quo Capite antecedente. Aderat quidem C. Cotta adolescens, at non L. Cotta, de quo hīc loquitur, qui Catuli grandioris jam natu fodalī erat. Sed cū præcessissent TU, triāque verba in secunda persona, & C. Cotta adesset; Scribens, pro videtur, audivit *videris*.

6. In eodem libro Cap. XVIII. ita loquitur Crassus de Stoīcorum stylo: *Orationis genus habent fortasse subtile*, & *certè acutum*; sed *ut in Oratore*, *exile*, *inusitatum*, *abhorrens ab auribus vulgi*, *obscurum*, *inane*, *jejunum*, ATTAMEN *ejusmodi*, *quo uti ad vulgus nullo modo possit*. Si attamen proxime subjiceretur primo periodi membro, & quidem voci *acutum*, nihil esset quod nos in hoc loco moraretur; aperta enim esset oppositio styli Stoīcorum cum eo, qui coronæ acceptus esse possit. Sed in eo ordine verborum, legendum omnino est AC TANDEM, pro quo à dormitante Librario auditum attamen. Vitiis Stoīci styli enumeratis, omnia paucis verbis complexurus, *ac tandem*, inquit, *ejusmodi*, *quo uti ad vulgus*
 Tom. II. G nub-

* Uter Edit. Schreveliana in 4. & nupera Gronoviana in 12. Postea vidi notatum hoc à Dionys. Lambino, in Ed. majore.

nullo modo possit. Ita conjecisse Dionys. Lambinum postea vidi ; quod reticere non debuit à Jano Grutero , qui nimis libenter Lambinum mordet.

7. Nescio an typographicus error haberi debeat locus Actionis I. in Verrem, ubi hæc leguntur, Cap. VI. *Quæ res primò, Judices, pertenui nobis argumento, judiciòque patefacta est* ; sed certum est legi oportere *indicio*, ut legitur in majore Editione Lambiniana. Vidi tamen hoc mendum antiquioribus Editionibus insedisse, nec esse emendatum in Græviana anni MDCXCIX. Simile peccatum est Lib. I. in Verrem Cap. L. sed, in Gronovianis erratis, quasi typographicum notatum, & in aliis Editionibus emendatum. Miror priorem locum industriorum virorum diligentiam fugisse.

8. In Oratione pro P. Quinctio, locus est insignis, in quo malè audiens Dictantem Librarius effecit ut Cicero à viris doctis, quasi ineptus, traducatur. Cap. XV. ita loquitur de turpi damnatione Quinctii, quam timebat ; *Etenim mors honesta sæpe vitam quoque turpem exornat : vita turpis ne morti quidem honestæ locum relinquit.* Ac sanè posterius membrum priori contrarium est. Itaque censetur Cicero, dum acumen captat, nescivisse quid diceret. Sed auribus Scribentis hoc peccatum debetur, non Ciceroni ejusmodi ineptiis minimè obnoxio. Scribe *ITA turpis* &c. egregio sensû : mors quidem honesta sæpe vitam turpem exornat, at ita turpis vita ne morti quidem honestæ locum relinquit ; hoc est, id
tur-

turpitudinis genus, vel usque adeò turpis vita non patitur quemquam honestè mori. Qua quidem in sententia est hyperbole, sed non κακοζηλία. Non possum non tribuere Librario loquutionem, quæ legitur in Oratione pro S. Roscio Amerino, Cap. LII. *Non satis habet avaritiam suam pecuniâ explere, nisi etiam crudelitate sanguinis perlitus sit.* Non ferunt aures meæ, in Cicerone, *crudelitate sanguinis perlini*; nec hoc ulli alii condonaremus, qui sermonis elegantia spreto non esset. Legendum CRUELITATI SANGUINE PERLITARIT. Quod elegantissimè exprimit crudelitatem hominis, *Crudelitati* quasi Deæ Sacra facientis, etque *perlitantis*, sive καλλιεργῶντ^{ος} sanguine Roscii, quem spoliaverat; hoc est, explentis crudelitatem, ut avaritiâ jam expleverat.

9. Oscitantia etiam Scribentis Librarii, factum esse puto, ut vox nihili legatur, apud Lactantium Inst. Divin. Lib. V. c. 12. ubi de persecutionibus Ethnicorum: *Cur tam crudeliter sciant, nisi quia metunt, ne in dies invalescente justitiâ, cum Diis suis NARINOSIS relinquuntur.* Sic audiit, pro araneosis, hoc est, circa quos absentibus Sacerdotibus, araneæ suas operas conficerent. Irridet Ethnicorum Deos, quorum simulacra indigebant operâ hominum, ut ab iis araneæ arcerentur; quæ, relictis eorum sacris, Tempia & statuas telis suis implerent; & quas æditi ac Sacerdotes dejicere solebant. Propertius Lib. II. El. VI, 35. de Diis neglectis:

*Sed non immeritò velavit Aranea fanum
Et mala desertos occupat herba Deos.*

Sunt MSS. qui habent *varicosis*, quod absurdum, Ed. Betuleii, *curiosis*; Isæi, *cariosis*, quæ sunt conjecturæ. In Editione Antuerpiensi, apud Joannem Gymnicum, quæ per Des. Erasmum recognita dicitur, legimus: cum Diis *curiosis* (quos *Narinosos* appellant, quod odoribus *thuris* colantur) relinquantur. Glossa inepta, quæ est intra parenthesis, ostendit Editorem quoque *Narinosos* legisse.

10. Unum *Theophrasti* locum duplici hîc liberabo mendo, orto utroque, ut videtur, ex oscitantia Librarii Dictantem perperam audientis. Sic ille loquitur Cap. XXVIII. in ὀψιμαθίας caractere, περὶ τῆ ὀψιμαθῆς: εἰς ἀγρόν ἐφ' ἱώπῃς ἀλλοτρίῃς ἰχθύμεν, ἅμα μελετᾷν ἀσπάζεσθαι, ἢ πεσὼν τὴν κεφαλὴν καταισχύναι. Vertit *Casaubonus*: dum rus pergit, alieno equo vectus, simul obvios salutare meditatur, cadens verò caput deturpat. Quænam est illa salutandi meditatio? & quidem ex equo? An aliis verbis salutabant equitantes, aliis pedibus incedentes? Non opinor. Sed fortè qui equo insidebant, ut conjectat *Casaubonus*, certos gestus habebant, quibus utebantur in salutandis obviis. At nunc quidem hoc fit, quia inflexo corpore salutamus, & detracto Capitis integumento; verùm olim nihil simile, cùm verbis tantùm salutarent, ut χαῖρε Θεόφρασε. Legendum est

ἱώ-

ἰππάζεσθαι, & μελετᾶν ἰππάζεσθαι est *se exercere equitando*, ut faciunt qui eam artem discunt, dum in varias partes equum convertunt, calcaribusque & freno adigunt ut variis modis subsiliat, tum etiam ut concitatiùs currat. Sic, apud *Xenophontem*, τὴν ἰππικὴν μελετῶντες, *in arte equitandi se exercentes*, & alia, quæ *Henr. Stephanus*, aliisque Lexicographi suppeditabunt; nam res est manifesta, & frequens. Unum addam è *Xenophonte*, περὶ ἰππικῆς, C. II, 1. κρεῖττον — ἰππάζεσθαι μελετᾶν, *satius — exerceri equitando*.

II. Dum autem ὀψιμαθῆς ab equo vehementiùs concutitur, tandem cadit ὥς κεφαλὴν κατεαγέαι, *ut caput frangat*, non καταισχύναι *deturpet*, ut frigidè *Casaubonus*, ex hac lectione Vet. Cod. κατεσχέαι. Qui cadit ex equo concitato, non modò sibi deturpat caput, sed plerumque lædit, & sæpe frangit. Fortè legendum etiam κεφαλῆς, sic enim loquuntur Attici. *Aristophanes* in *Acharnensibus* Act. V. S. I.

Καὶ τὸ κεφαλῆς κατέαγε περὶ λίθον πεσών.

Fregit caput in lapidem incidens, ubi *Scholias*, ex *Grammaticorum canonibus*, ut ait, interpretatur *partem capitis*, non *totum caput*. Idem in *Vespis* p. 533. Edit. Majoris *Genevensis*:

Ἀνὴρ Συβαρίτης ἐξέπεσεν ἐξ ἄρματος,
καὶ πῶς κατεάγη τῇ κεφαλῇ μέγα σφό-
δρα.

Vir Sybarita excidit ex curru, & sibi magnam capitis partem fregit? Idem contingere dicit *Theophrastus* seni, qui graviore ætate discit equitare, & quidem equo, cui non est adfuetus, & dum it in villam. Certa mihi videtur conjectura, & quam, si necesse esset, aliis locis firmarem.

12. Audientis vitio, videtur factum ut cū legatur apud *Hippocratem* de alimentis, text. 58. αἷμα ὑγρὸν ἀσειόν, αἷμα ξερὸν φλαῦρον; *sanguis fluidus, probus; sanguis spissus, præ-
vius; Galenus* Comment. IV. interpretetur vocem φαῦλον, τὸ φαῦλον, inquit, σημαίνει τὸ μοχθηρὸν. Vox eadem in textu & in commentario sit oportet, sive sit φλαῦρον, sive φαῦλον, sed soni & significatūs similitudo Librarios fefellit. Indidem factum est ut in *Hippocratis* Prognostico, Sent. II. pro ὑποφάσις τῶν ὀφθαλμῶν, quomodo scribendum esse liquet, quia sunt dictæ eò quòd ὑποφαίνεται τι τῷ λευκῷ pars aliqua albi oculorum adpareat, non commissis palpebris; *Artemidori* tamen & *Dioscoridis* exemplaria haberent ὑποφύσις, quod meritò rejicit ad eum locum *Galenus*, Comment. I. Tom. VIII. p. 529. Ed. Charter. In Prædictionum Lib. I. Com.

Com. II. ad text. 38. Θαλερόν πνεῦμα legitur & Θαλερόν, ut docet *Galenus*, quod aurium vitio deberi videtur, & doctissimo viro dubitationem creat, utrum sit legendum; quamvis *turbidum* ac *floridum* diversa sint. Sic & eodem libro, text. 58. pro ἔρα ἐπίπωνα, *laboriosæ urinae*, legebatur in Codicibus quibusdam πέπωνα *matura*, quod prætulit *Zenxis*, rejecit verò *Rufus*, & meritò, ut ostendit *Galenus*. Iterum textu 73. κωματώδεις *sopore oppressi*, & καυματώδεις *ardentes* legebatur; textu 86. ὀμματος κατάκλεισις *oculi clausio* & κατάκλασις *fractio*; textu 89. ἀνέλκεται *sursum trahitur* & ἀνέρεχεται *adscendit*, & ἀνέχεται *cohibetur*; & 94. λαμπῶδες *lucidum*, & λαππῶδες, quod quid sit hîc non adsequor. Similiter Comment. I. in Officin. Medici, textu 19. non satis constat *Galeno*, ob varietatem Codicum, an legendum sit ἐκτρεψιν, vel ἐκσρεψιν, vel ἐκτρεψιν, quod discrimen auribus Librariorum debetur. Indidem factum ut Epidem. Lib. III. text. 61. non constet, ut docet *Galenus* Com. III. p. 293. Tom. IX. an excrementa ægri nescio cujus dicantur ὕδατιχολα, *aquosa & bilis colore tincta*, an ὕδατιχλοα *aquosa & herbae colore tincta*? Quin & alia exemplaria, minùs vetusta, nec satis emendata, habebant ὕδατιχροα, *coloris aquei*. Sic ἐντερον *intestinum* & ἑτερον, *alterum* mis-

ta docet idem in Lib. VI. Comm. IV. text. 3. Multa alia similia apud *Galenum* occurrunt, sed hæc satis superque sunt, ut quod volumus intelligatur.

CAPUT IX.

*De Mendis ex imperitia Scribentis ortis,
3. dum non adsequitur Orthographiam,
aut antiquiores litteras.*

1. QUOD in hodiernis Linguis animadvertimus, intra tria aut quatuor sæcula, mutationem fac magnam factam esse, cum in Orthographia, tum etiam in ipsarum litterarum figura; idem veteribus Linguis olim accidit, ut antea partim animadvertimus, unde etiam plurima menda orta sunt. Quod hic paullo plenius persequemur, & aliquot exemplis illustrabimus.

2. I. Ut ab Orthographia incipiamus, certissimum est, jam apud antiquiores Latinos, non semper eandem fuisse; nec opus est rem hic demonstrari, quandoquidem de industria id dudum à viris doctis, diligentérque & copiosè factum est. Legenda hac de re quæ habent *Quintilianus* Institut. Oratoriarum Lib. I. Capp. 4, 6, & 7. *Marinus Victorinus* initio operis de Orthographia, & ratione carminum, & Orthographia *Cassiodori*. Inter recentiores verò adiri præ ceteris à tironibus potest *Claud. Pausanius*, initio prioris voluminis Orthogra-

graphicorum. Exemplum duntaxat unum proferam ex *Cicerone*, ut eum obiter illustrem. Sic ille, in *Oratore* Cap. XLVIII. *Ego ipse, cum scirem ita Majores loquutos esse, ut nusquam, nisi in vocali, adspiratione uterentur, loquebar sic, ut pulcros, Cetegos, triumphos, Cartaginem dicerem, aliquando, idque serò, convicio aurium, cum extorta mihi veritas esset, usum loquendi populo concessi, scientiam mihi reservavi.* Orcivios tamen & Matones, Otones, Cæpiones, sepulcra, coronas, lacrimas dicimus, quia per aurium iudicium semper licet. *Burrum semper Ennius, numquam Pyrrhum.* Vi patfecerunt Bruges, non Phryges, ipsius antiqui declarant libri. *Nec enim Græcam litteram adhibebant, nunc autem etiam duas.* At hoc videtur factum, non tam ad vitandam litteram Græcam, quàm quia Macedones, quorum Dialectus cum victoriis per totam Græciam, ante *Ennii* tempora, sparsa fuerat, ut ostendit *Claud. Salmasius* in *Comment. de Hellenistica*, ita vulgò loquebantur. Hoc nos docet auctor *Etymologici Magni*, in voce Α'Φροδίτη: Τὸ Β τῷ Φ σύγγενές ἐστι δῆλον ἐκ τῆ Μακεδόνος μὲν τὸ Φίλιππον Βίλιππον καλεῖν, καὶ τὸν Φαλακρὸν βαλακρὸν, καὶ τὰς Φρύγας Βρύγας, καὶ τὰς ἀνέμους διὰ τὸ Φυσᾶν Φυσήτας ὄντας βύκτας.

* Alii similia animadverterunt.

3. Verùm *Cicero* miram Orthographiæ anomaliam, eodem loco, memorat: & cum Phrygum, & Phrygibus dicendum esset, ab-

G 5

sur-

* Vide *Enstatium* in *Homer.* pag. 1614. Ed. Rom.

surdum erat aut tantum barbaris casibus Græcam litteram adhibere, aut recto casu solum Græcè loqui; tamen & Phryges & Pyrrhum, aurium causâ, dicimus. Ex hisce intelligere est, Ciceronis ævo, dici solitum Phryges & Pyrrhus, cum in aliis casibus, Enniano more, pronunciarent Brugum, &c. Burri, &c.

4. Hæc & similia multa, quæ congeri possent, qualia plurima collegit *Cl. Dansquius*, Critico debent esse notissima, si velit cum laude Artem Criticam exercere. Idem *Cassiodorus* *Divin. Lectionum* c. XV. Monacho suo, quem volebat Librarii munus obire, *Orthographos*, inquit, *priscos frequenter relege, quos ego inferius titulo trigesimo, qui de Antiquariis legitur, propter notitiam Librariorum utiliter instruendam, deflorandos esse judicavi & extrinsecus huic libro de Orthographia titulum dedi. Ita contigit, ut & istud studioso profit legere, ubi cognoscit quæ in Scripturis Sanctis minimè debeat violare; & illud necessariò latius discitur, ubi generaliter præsumta vitia corrigantur.*

5. Acute * Criticus emunctæ naris, in Epistola, in quâ profert vetus monumentum, initio sæculi XVII. Romæ effossum, amicum monet ad emendationem tot errorum, quibus hodièque scatet *Plantus*, fons ille genuinæ, puræque Latinitatis, nihil utilius esse, quam eam tabulam ante oculos habere; ut, ubi quid in *Plauto* occurrit, quod suspicionem mendii habeat, statim tibi dicas quam ratione illud, aut illud *Planti* ævo scribebatur? Quæ forma
lit-

* *Tan. Faber Epist. Lib. II, Ep. 32.*

litterarum erat ? Quæ litteræ interdum omittebantur ? Hanc in rem , non pœnitebit legiſſe eruditiffimam Digreſſionem *Jof. Scaligeri* , de Litterarum Ionicarum origine , ad locum Eufebiani numeri MDCXV. illuſtrandum. Sed & ſtudioſè verſandæ ſunt collocationes Veterum monumentorum , quales ſunt Inſcriptiones æri & marmori incifæ , quæ ſuperſunt in collectaneis *Jani Gruteri* , *Thomæ Reineſii* , *Jac. Sponii* , *Raphaëlis Fabretti* & aliorum. Eminent , meo judicio , inter alia id genus , *Fulvii Urfini* notæ ad Leges & Senatûs Conſulta , quæ nuper recuſæ ſunt , in ſecundo Antiquitatum Romanarum volumine ; & *Pet. Ciaconii* interpretationes Vett. aliquot inſcriptionum quarto volumini earundem Antiquitatum inſertæ. Sed hõs & ſimiles libros nihil opus eſt à nobis indicari , cùm ſatis noti ſint , aut facilè ex lectione Criticorum innotefcant.

6. Non procul erit nobis mendi ex ignorantia Orthographiæ orti quærendum exemplum , cùm Cap. VI. §. 24. emendaverimus conclamatum *Terentii* locum , qui depravatus fuerat , partim eò quòd litteras * duplices antiquiſſimi Romani non ſcriberent. Nempe , pro *illis ab illo* factum eſt *illi Babylo* , quia ſcriptum fuerat *ilis abilo*. Deinde quia Critici judicarunt hîc ad luxum civium Metropoleos Chaldaïci Imperii reſpici , pro I. ſcripſere Y , & *Babylonem* in hunc locum invexere.

7. Veteribus uſitatiffimum erat præpoſitiones

* *Adi* , ſi neſcis , *Claud. Danſq. Orthog. Princip. Sæc. II.*

nes verbis compositis præfigere, sine mutatione, quæcumque littera sequeretur; non eas emollire mutatione, ut solemus. Sic in *Glossis* scriptum *Adclivis*, *Adfaber*, *Inprobare*, *Inremeabilis*, *Adcelero*, *Obfensus*, *Obpono*, &c. Idem factum in inseparabili præpositione CON, ut *Conlacrimo*, *Conlactaneus*, *Conlapsus*, *Conlatio*, *Conlaudo*, *Conloco*, &c. pro quibus, nos N mutamus in L, *Collacrimo*, *Collactaneus*, &c. Vetus illa orthographia passim, in antiquissimis Codicibus, cernitur. Quod cum ignorarent Monachi, qui *Lactantium* nobis, Latinorum Patrum tersissimum, exscripserunt, absurdè loquentem virum disertissimum induxerunt, in eleganti Libello de Opificio Dei, C. I. Ait * *tantâ temeritate homines exstitisse, qui vulgè Philosophi nominantur, ut ea quæ abstrusa prorsus atque abdita Deus esse voluit, scrutarentur, ac naturam rerum cœlestium, terrenarumque conquirent; quæ à nobis longè remotæ, neque oculis CONTRECTARI, neque tangi manu, neque percipi sensibus possunt.* Scripsit *Lactantius* CONLUSTRARI, sed imperiti exscriptores, cum crederent scribi COLLUSTRARI, non agnoverunt hoc verbum in hoc loco, mutaruntque in *contrectari*. Quo absurdius nihil fingi potuit, cum *conlustrare oculis* non modò proba sit loquutio, sed etiam *Ciceronis*, quem imitari nititur *Lactantius*. Scribitur autem hæc vox, in *Glossis* quoque, co, quem diximus, modo:

* Pag. 778. Ed. Oxoniensis, ex Theatro.

do : *Conlustrat* , συμπεριέρχεται: *Conlustrō* , συμπερινοσῶ , συμπεριέρχομαι.

8. II. Verùm non modò tenendum quæ fuerit Veterum Orthographia , ut varia menda inolita in eorum libris retegamus , & feliciter emendemus ; sed & probè sciendum quibus characteribus usi sint , idque diligenter ad animum est revocandum. Nemo dubitat quin Latini litteras suas Græcis debeant, sed initio litteræ Latinæ multò similiores erant Græcis , quàm postea fuerunt , ut constat ex antiquissimis Inscriptionibus & Nummis. Exempli causâ P Latinum ferè scribebatur ut π Græcum , nisi quòd crus dextrum brevius esse soleret ; quo factum , ut celeritatis causâ angulus rectus qui eo crure , & superiore lineâ constat , in hemicyclum tandem mutaretur. Cernere hoc licet in monumento de quo antea diximus , aliisque antiquissimis Inscriptionibus.

9. Quod cùm ita sit , & constet Græcos suum *Sigma* nunc ita pinxisse ut σ , nunc verò ut C , crediderim etiam Latinos , antiquissimis temporibus , posteriore hac figurâ interdum esse usos. In lapidibus sanè aliquando confunduntur C & S etiam ante A, ut CATULLII pro SATULLII , in Classe VI. Inscr. 112. *Thomæ Reinesii* , in cujus Indice alia etiam exempla reperire est. Itaque , quemadmodum aliquando Græcalescentes Latini imperitiores S & C miscuerunt : sic & , in Latinarum vocum lectione , similiter erratum. In *Glossis* , legere est
BO-

BOCLUCA, pro BOS LUCA, ἐλέφαντ*, * notum enim est Romanos, cū primū vidissent Elefantos, eos *Boves Lucas*, seu *Lucanos* dixisse. In iisdem *Glossis*, BOSBUC est pro BOS, βῆς. CUPPLANTO pro SUPPLANTO, συμποδίζω, quod est à *Passeratio* animadversum. Sed est alius insignior locus, in littera C, ubi legimus: *Cana*, Πανάκεια Θεός, πολιά. *Cana* à *Canus* est πολιά; sed *SANA* à *Sanus* est *Panacea Dea*, *Æsculapii* filia. Attamen utrumque sub eodem titulo latet, quod in priscis characteribus Latinis S interdum ut C pingeretur. Non dubito quin ex antiquissimo Scriptore Latino hanc significationem vocis *Sana* hauserit *Glossographus*, aut ii quorum industria illi præiverat, quicumque fuerint. Certè in Scripturibus, qui ad nos pervenerunt, quod equidem sciam, ea vox non exstat; potuit tamen rectè dici *Sana Dea*, quæ sanaret, ut *Suada* quæ suadet, *Panda* à pandendo, *Horta* ab hortando, *Deverra* à deverrendo, & similes.

10. Credibile est in Veterum Scriptis, cū majusculis litteris scribendi consuetudo paullatim inolesceret, sæpe à Librariis recentiori characteri adfuetis peccatum esse, dum ambiguas ejusmodi litteras legere nesciunt; quas postquā semel, pro capto suo, characterē Langobardico expresserunt, men-

da-

* Vide *Plinii Hist. Nat. Lib. VIII. c. 6. & ad eum Inst.*

da consensu Manuscriptorum Codicum ita exaratorum consecrarunt. Potest, ut videtur, exemplum ejus rei è *Terentio* proferri ubi Librarius expressit perperam figuram C litterâ S, cum debuisset eam servare. Locus est Adelphorum Act. V. S. 7. vers. 19. ubi mendum est, quo structura planè turbatur. Auctor est Demea filio, ut, missâ inani pompâ, in horto maceriam jubeat dirui, & illac sponsam, matrem & familiam omnem transducatur in ædes Micionis. Cum adsentiretur Æschinus, tum, verò Demea, Syre, inquit, cessas ire, & facere? Nempe, diruere. At Syrus: quid ago? quid me jubes facere; nam, proximè antecedentibus verbis, alia nonnulla dixerat Demea, quibus factum erat ut ne à Syro intelligeretur. Tum Demea: dirue (maceriam,) tu ILLAS, abi, & traduce; hoc est, tu Syre, dirue, tu verò Geta, illas abi & traduce; quorum verborum ordo est, ut aiunt, abi, & traduce illas; sed quis hanc trajectionem verborum ferat, in Comico æquè terso, ac *Terentius* est? Certè Dithyrambici est Poëtæ, non *Terentii*. Lege: tu (Geta, nimirum) ILLAC abi & traduce; hoc est, cum dejecta à Syro erit maceria, illac tu, abi domum, & per eandem viam traduce sponsam & totam familiam. Vult Getam quàm brevissimâ viâ domum ire, ne mora ulla sit. Qui veteres Codices *Terentii* describebant videntur C interpretati, quasi esset S, cum esset tertium Alphabeti elementum.

II. Quodd si hæc menda non videantur ex
figu-

figura illa litteræ S nata, quod tamen verissimum est, confugiendum erit ad similitudinem ductuum; si eorum aliqua pars deleta sit vetustate, aut à Librario non satis absoluta. Si enim inferior hemicyclus litteræ S oculos fugiat, quod supererit simillimum erit litteræ C. Sic pro BOS, potuerit fieri *boc*; & pro SANA, *cana*. Vicissim, si inferioris partis litteræ C particula reflecteretur, potuit facile haberi S, ut pro ILLAC fieret *illas*.

12. Characteribus *Romanis* quadratis successerunt, ut antea diximus, *Langobardici* rotundiores; quorum etiam considerata similitudo, cum locus quispiam mendæ est suspectus, ut divinare possimus quomodo antea scriptum fuerit, & quid mendo occasionem præbuerit. Et si exempla adtulimus Cap. IV. quæ huc referri possunt, nihil vetat unum atque alterum hîc addi, quod res manifestior fiat; potest enim multò facilius atque evidentius probari exemplis, quàm ratiocinatione. Igitur ex *Plauto* unum, ex *Terentio* verò alterum proferemus.

13. Est locus *Plauti* conclamatus, eò quod pro *ui* legatur *u*, pro *n* scriptum sit *r*, *os* pro *am*, & *a* pro *o*. Truculenti Act. I. S. 1. Dinarchus adolescens describit quæ sint in amore incommoda.

*Non omnis ætas ad perdiscendum sat est
Amanti, dum id perdiscat quot pereat mo-
dis.*

Tum

Tum interpositis octo versibus, quibus describit varias amantium calamitates, addit, ex MSS. Camerarii:

Primum dum miror annua; (aut miros annuus) is primus bolu'st,
Ob eam, tres noctes utor. Interea loci, aut
era, &c.

Illud *ob eam* docere potuit Criticos legendum, in antecedente versu, *duim minam, annuo*; hoc est, primum rogat sibi *dem minam*; annuo daturum, & re ipsâ do; *ob eam, tres noctes utor*. Cùm Librarii legissent *dum* pro *duim*, quod est veteri more * pro *dem*, mutarunt *minam* in *miror*, & *annuo* in *annua*, quæ nihil quidem significant, sed speciem constructionis præbent. Nimirum, corruptâ unâ voce *duim* in *dum*, antiquiores Librarii sensum nequaquam adsequuti, duas sequentes non satis eleganter scriptas legere non potuerunt, aut ductus fortè non satis integros supplere: ut solet fieri, cùm ex superioribus sententia clara est. Postea Critici locum frustra tentarunt, ut liquet ex editione *Frid. Taubmanni*, & *Lugdunensi*, apud Batavos, in qua sunt inanes conjecturæ duorum, in Republica Litteraria, sine controversia, summorum virorum, *Claud. Salmafii* & *Joan. Fred. Gronovii*.

14. Locum in *Terentiana Eunuch*o, ob levem depravationem, non intellexere Inter-
 Tom. II. H pre-

* Tam *duim* quàm *perduim*, *Anular. Aët. IV. S. 6. vers. 6.*

pretes, quos equidem vidi, nam omnes confulere nec possum, nec vacaret, si possem. Ea depravatio orta est ex eo quod ex *n*, producto ad superiorem partem crure dextro, errante calamo, factum est *d*. Legat Lector, si vacat, Actus IV. Scenam VII. ab initio ad vers. 24. ne quod habet *Terentius* nobis narrare hîc necesse sit. *Thais* exprobranti militi quod ipsi ante oculos amatorem suum adduxisset, *Chremetem*, nimirum, qui aderat, respondet: *quid cum illo agas?* quod hîc caret sensu. Lege *QUIN cum illo agas*; quibus verbis significat à milite ea de re cum *Chremete*, qui præsens erat, agi oportere, non secum; quia res *Chremetis* agebatur, cum sororem operâ *Thaidis* invenisset, eaque de causâ eum ad militem venire iussisset, & illinc, simul ac *Chremes*, se subduxisset. Sic in eadem Scena vers. 41. *quin abeamus*, pro imò abeamus, & sexcenta similia. Hæc cum non animadvertissent nonnulli Interpretes, verba, *quid cum illo agas*, tribuerunt Militi. Sic *Anna Fabra*, eruditissima matrona:

THRASO.

— rogitas?

*Quæ mi ante oculos coram amatorem adduxti
tuum?*

*Quid cum illo ut agas, & cum illo clam te
subduxti mihi.*

At adparet, ex *Donato*, verbis illis præfixum fuisse nomen *Thaidis*. Præterea *ut*, contra

VE-

veterum Codicum fidem , hîc infarcitur , ante agas. Sic sæpe locus non intellectus , ob mendum , novo mendo corrumpitur. Imò verò ex ipsa versione Gallica liquet vim inferri loco , sic enim vertit : *Me le demandez-vous , vous qui à mon nez m'avez amené votre galand , & qui vous êtes dérobée de chez moi avec lui ? Pour quelles affaires donc , je vous prie ?* Nam non est inversa hæc translatio , alia de causa , quàm quia verba Thrasonis hæc omnia esse non possunt , si ordo hic servatur. Vertendum erat , hoc modo.

THRASON. *Me le demandez-vous , vous qui avez amené votre galand en ma présence ?*

THAIS. *Que ne vous adressez-vous à lui-même. (En montrant Chremès)*

THRASON. *Et qui vous êtes retirée secretement de chez moi , avec lui ?* Simile mendum suspicor esse apud *Plantum* , in *Bacchidibus* , Act. I. S. 1. vers. 7. ubi cùm *Bacchis* dixisset : *miserius nihil est quàm mulier* : suggerit *Pistoclerus* : *quid esse dicis dignius ?* quod interpretantur , meritò mulieres esse dignas miseriis , quas queruntur , nihil enim iis dignius esse. Qui sensus quidem loci est , sed interrogatione hujusmodi vix exprimatur. Itaque legerim , *QUIN esse dicis dignius* , nempe , miseriis omnibus ; ita ut adolescens emendet sermonem meretricis. Usam hunc particulæ *quin* si quis ignoraret , intelligi posset ex *Casinæ* Act. III. S. 4. ubi duodecies repetitur , in paucis versibus.

15. Ut à Latinis ad Græcos transeamus , duplici etiam charactere habemus MSS. Codd.

Græcos, quorum vetustiores exarati sunt caractere grandiore & quadrato; alii verò rotundo & minore, qualis est is, quo nunc vulgò utimur. Magni autem est momenti, in originibus mendorum inquirendis, conferre inter se litteras; cùm persæpe menda ex similitudine majuscularum orta; vix ex minuscularum ductibus oriri potuerint, & vicissim: Itaque qui legunt Scriptores Græcos, iis characteribus, quibus nunc solent edi, sæpe non adsequuntur quâ litteræ tam diversæ misceri potuerint.

16. Exempli causâ, Α, Δ & Λ in majusculis litteris facilè misceri potuerunt, difficiliùs in minusculis α, δ & λ. Si enim lineola media τξ Α deleatur, aut non satis plenè scribatur, videbitur esse Λ: ut contrà si quid inciderit inter crura posterioris, credetur esse Α. Littera Δ, si infima lineola paullò adtollatur, potest fieri Α; si non plenè exaretur, videbitur esse Λ: ut si fortè quid incidat inter infima crura hujus, credetur esse Δ, quemadmodum etiam Α, si media linea nimium deprimatur.

17. In *Glossis* legimus: *Gibus* (lege, *gilbus*) γιαβϞ, pro ΓΙΑΒΟΣ. *Studio*, χαμρακιον, pro ΧΑΜΟΥΤΑΚΙΟΝ. *Setosus*, δάσιϞ, pro ΔάσιϞ. *Fastidium*, λέτωμα, pro *Fastigium*, Α'έτωμα. Harum litterarum permutationem frequentem esse observavit * *Claud. Salmasius*, emendâtque, ex hac observatio-

ne,

* *Pag. 178, Ed. Utrajecti, col. 2.*

ne, *Dioscoridis* locum *Lib. V. c. 146.* ubi, pro Πλαγισπόλεως, legit Παλαιοπόλεως, additque notum esse Gracè intelligentibus Α & Α sæpe invicem mutari in eorum scriptura. Alibi, postquam egit de variis sententiis Geographorum, de situ populorum Arabiæ, qui *Catabanes* dicebantur, animadvertit mendosè eos à *Dionysio*, vers. 958. dici κλεταβηνός. * *Scriptum* erat, inquit, ΚΑΤΑΒΗΝΟΙ, nam Α & Α sæpe invicem permutantur; unde postea, adjecto Ε, fecerunt κλεταβηνοί, quod copiosius probat. Suspiciatur etiam fluvium, qui in *Oxum* à *Plinio* & *Solino* labi dicitur, à *Ptolemæo* non Δάργιδον, sed Δάργιλον dictum; † ut Α & Α, inquit, sæpenumero confunduntur.

18. Ut liquidiùs adpareat quanti sit momenti, omiſſis figuris librorum editorum, antiquas adtendere, duo exempla addemus quatuor aliarum litterarum; quas ante aliquot sæcula mistas fuisse constat, & quæ tamen in rotundiore charactere vix possunt confundi. Θ & Ο facillimè misceri potuerunt, si media incola τξ Θ fortè abraſa eſſet, aut guttula atramenti in Ο delapſa. *Galenus*, Præfatione in Comm. I. in *Lib. VI. Epidemior.* p. 354. Tom. IX. Ed. Charterianæ. Επει ὅ ἐνίοτε καὶ κατ' ἀμφω σφάλλονται, ποὺ βέλτιον ἔδοξε μοι φυλάττοντι τὴν ἀρχαίαν γραφὴν, αἰεὶ μὲν σφαλδάζειν ἐκείνην ἐξηγεῖσθαι, μὴ δυνηθέντι δέ

H 3

πο-

* *Ibid.* p. 353. col. 2.† *P.* 153. col. 1.

ποτε τῷτο πρᾶξαι, πιθανὴν τὴν ἐπ' ἀνόρθωσιν αὐτῆς ποιεῖσθαι, καθάπερ ὁ Ἡρακλείδης ἐν τῷ δευτέρῳ τῷ ἐπιδημιῶν ἐποίησατο, κατὰ τὴν λέξιν ἐκείνην ἢ γέγραπται. Πρὸς δὲ τὸ Ἀφροδίσιον αἱ Οὐραὶ ἔβλεπον. Ἐπειδὴ περ τοῖς ἐξηγησαμένοις τὴν Οὐραὶ γραφὴν, ἀπιθανῶς εἴρηται, τάχα, φησὶ, Θυραὶ μὲν ἦν γεγραμμένον, διὰ τῷ Θ, τῇ μέσης δὲ γραμμῆς ἐν αὐτῇ διαφθορῆσεως ἔδοξεν ὁ βιβλιογράφος Οὐραὶ γεγράφθαι. *Quandoquidem in utroque aliquando falluntur, multò melius mihi visum est servare veterem scripturam, & semper quidem conari eam interpretari; si verò aliquando id præstare non possem, ejus correctionem probabilem facere: sicut Heraclides in * secundo Epidemiorum fecit, in ea sermonis parte ubi scriptum: Ad Aphrodisium αἱ Οὐραὶ spectabant: nam cum interpretantibus scripturam Οὐραὶ, improbabiler dictum esse videatur, fortè, inquit Heraclides, Θυραὶ scriptum fuit per Θ, cum verò media linea in littera Θ deleta fuisset, credidit Librarius Οὐραὶ scriptum fuisse. Similiter vir eruditus feliciter conjecit indicem libri, qui inter Ethica Democriti Opera recensetur à Diogene Laërtio, non debuisse ita concipi, ὑπομνημάτων ἢ Οἰκῶν, sed ὑπομνημάτων ΗΘΙΚΩΝ. Vid. Æg. Menagium, ad Lib. IX. §. 46.*

19. Similitudo τῷ Π & Τ, si prioris alte-

* Vide Com. H. in Lib. II. ad text. 22. p. 141. T. IX.

terum crus evanuerit, facile errorem parere potest & peperit. Sic *Hippocratis* Prædictionum Lib. I. præd. 16. ita habet: οἱ φρενητικοὶ βραχυπόται, ψόφα καθαπτόμενοι τρομώδεες: *phrenetici qui parum bibunt, strepitu percussi, tremuli.* Observat ad eum locum *Galenus* Comment. I. Tom. VIII. p. 712. Ed. *Charterianæ*, quosdam legere βραχυπόπες, hoc est, ὑποπλέοντας τὰ βραχύτατα, *res levissimas suspectas habentes*; nec sensus est ineptus. Sic & alibi, apud eundem, Τόν@, Πόν@, & Γόν@ confusamemini, ob ductuum similitudinem. Vide Comment. I. *Galeni* in Lib. I. Prædictionum, præd. 35. Tom. VIII. p. 723.

20. Notum est † à *Plinio* sæpissimè exscribi *Dioscoridem*, quem etiam interdum imperitè ab eo conversum ostendit summus Criticorum *Claud. Salmasius*. Locum nunc proferam, ex quo liquebit ambiguis ductibus litterarum majuscularum fuisse deceptum. Eum suppeditabit idem, quem laudavi, Criticus. Sic *Dioscorides* describit *Glycyrrizam* Lib. III. c. 7. εἰς τὸ θαμνίσκ@ ῥάβδ@ς ἔχων διπλήχεις, περιέσται φύλλα πυκνά, εἰκότα ΣΧΙΝΩι, λιπαρὰ καὶ κολλώδη ἀψαμένω. τὸ δὲ ἀνθ@ύακίνθω ὁμοιον, καρπὸς δὲ πλατάνω σφαιρίων μέγεθ@. Integrum locum descripsi, ut liqueret *Plinium Dioscoridis* interpretem agere. Sic loquitur Lib. XXII. C. 9. *Sine dubio in-*

H 4 ter

† Vide *Præfat. ad Exercit. Plinianas in Solinum*, & ad Lib. de *Homonymis Hylæ latricæ*.

*ter aculeata est (Glycyrriza) foliis ECHINATIS, pinguibus, tactuque gummosis, fruticosa; binum cubitorum altitudine, flore hyacinti, fructu pilularum platani magnitudinis. Jam audi Salmasium * : Plinius, inquit, legit εἰκοῦτα ἐχίνω vel suis oculis malè usus, vel alienis malè credulus, vel certè vitio corrupti exemplaris seductus. Vetustissimum Bibliothecæ exemplar σχίνω disertè scriptum præfert. In illis antiquis & grandioribus literis Græcis, nulla ferè discretio est inter Ε & Σ. Utraque siquidem semicirculi figurâ depinguntur. Exiguo tantum apice, qui in medio ferè ponitur, distingui solet Ε'ψιλον, sic facillè subrepere Plinio potuit ἐχίνω pro σχίνω.*

21. Hæc vir summus, quæ mihi in memoriam revocant salubre rei Criticæ monitum, quod omnes qui ex Codicibus MSS. edunt, aut denuo emendant Veteres, in animo scriptum habere oporteret. Hoc, nimirum, est; debere eos diligentissimè describere Manuscriptos suos Codices, & illorum Characterum specimen quodpiam æri incisum edere, ut Lectores possint integrum Alphabetum cernere; quo cum antiquitatem Codicis intelligant, tum etiam de locis corruptis judicare possint. Sæpe enim non licet viris doctis eos MSS. adire, seu ob distantiam locorum, seu ob præfectorum Bibliothecis invidiam, aut inhumanitatem, seu ob alia impedimenta, quæ memorare nihil adtinet. Sæpe tamen contingit ut qui MSS. Codd. non

vi-

* Pag. 123, col. 1,

viderunt eruditione multum superent eos , quibus illos Codices evolvere licet ; quo fit ut multa felicissimè emendent , quæ alios fugerunt. Plura autem sine dubio & certius peccata retergerent , & emendarent , si liceret ex forma ipsa Characterum conjecturam facere. Vixit olim in Anglia vir eruditus *Patricius Junius* , qui primus edidit Epistolam *Clementis* Romani , ex antiquissimo illo MS. Alexandrino ; quem ne dignatus quidem est describere , cum hoc magni interesset. At tum vivebant extra Angliam multi , qui *Junio* haud paullo doctiores erant , & qui ex descriptione , qualem diximus , multa colligere potuissent , quæ vir bonus non potuit ; qui quam magnus Theologus fuerit nescio , sed modicè in rebus Criticis versatum fuisse , ex ejus Præfationibus & Notis , facillè intelligent omnes qui eas legent. Interea grato in cum nos animo esse oportet , qui quod potuit præstitit , si descriptionem Codicis , quo usus est , excipias.

22. Sed ut ad rem redeamus , ignoranda non est Critico , ut jam diximus , orthographia etiam vetustissima , quod exemplo è *Galeno* petito ostendam. Comment. III. in VI. Epidem. ad text. 40. p. 70. T. IX. Ed. Chart. ubi occurrit vox *σκήψις* , pro *ἀποσκήψις* , quam *decubitus* humoris , vel *abscessum* vertunt , postquam locum est ex hac lectione interpretatus : Δοκεῖ δέ μοι δύνασθαι ἢ ἔτιωσ ἀκῶειν τῇ ῥήσεως , εἴγε κατὰ τήνδε τὴν λέξιν εἴρητο· σκέψις μὲν ἐστὶ , πάντα ἐφ' οἷσι γενόμενα

H 5

μενα

μενα ῥύεται, τῶν προγενομένων κωλύειν, γραφόντων γὰρ τῷ παλαιῶν τὸν τε τῷ Η δίφθογγον, ἢ τῷ τῷ Ε, δι' ἐνός χαρακτήρῳ, ὃς νῦν μόνῳ σημαίνει τὸ ἕτερον φθόγγον τῷ Η. *Mihi autem ἔστι in hunc sensum accipi posse oratio videtur, si hac voce dictum fuisset: Σκέψις, consideratio quidem est omnia, quæ post aliqua, orta liberant, eadem, si antevertant fieri prohibere; nam cum veteres duos sonos Η ἔστι Ε ὑπο caractere exprimerent, qui nunc solus alterum sonum Η significat. Abrupi verba ut indicarem hinc esse mendum, nam constat à Platonis Cratylo, ut observavit Jos. Scaliger ad num. Euseb. MDCXVII. veteres Græcos pro Η scripsisse Ε. Itaque legendum, apud Galenum τὸ ἕτερον φθόγγον τῷ Ε. Sic deinde pergit: πολλὰ γέγονεν ἀμαρτήματα τῷ ἐγγραφομένων, ἡ κατὰ τὴν γνώμην τῷ γραψάντων ἢ μετάθεσιν τῷ γραμμάτων ποιησάμενων: multa contingere peccata exscriptorum (nam legendum ἐκγραφομένων) qui, non secundum eorum qui scripserant mentem, mutationem litterarum fecerunt. Quamobrem hoc subjicit monitum Galenus: Διὸς ἢ προσέχειν ἀκριβῶς χρὴ τοιαύταις γραφαῖς, ἐν αἷς δυνατὸν ἐστὶ τῷ Η φθόγγον εἰς τῷ Ε μεταβληθέντας, ἢ τῷ μπαλιν γράψαντας ἑπανορθώσασθαι τῷ γραφῆν. ὁμοίως δὲ καὶ ἀπὸ τῷ Ω ἢ Ο ποιητέον, ἐπειδὴ ἢ τῶν ἀμφοτέρων οἱ φθόγγοι δι' ἐνός χαρακτήρῳ ἐγράφοντο:*

Quo-

Quocirca diligenter adtendendæ sunt ejusmodi scripturæ, in quibus potest fieri, ut mutato sono H. in E, aut contra scripto (E pro H) scripturam emendarint. Idem & in elementis Ω & O faciendum, quandoquidem & horum amborum soni uno charactere scribebantur.

C A P U T X.

Distinctionum omissionem multa Menda peperisse.

1. **N**EMO nescit longè maximum esse intelligendi auxilium, quod petitur ex adcurata distinctione Vocum, Periodorum, Commatum, & Colorum, qualem in libris potissimum, qui à scisquifæculo eduntur, cernimus; ut jam taceam alia quæ de notis Parenthesium, punctis interrogationis, admirationis, accentibus, majuscularumque & minuscularum litterarum distinctione inventa sunt. At veteres Librarii, ut norunt qui MSS. Codices antiquiores viderunt, hæc omnia sæpe negligebant. Grammaticorum aut Criticorum munus erat exemplaria, quæ recensabant, distinguere. Hæc primum probabimus, deinde exempla aliquot mendorum indidem natorum addemus.

2. Constat ex Inscriptionibus, antiquissimisque MSS. plurima olim scripta, sine ullis prorsus distinctionibus; aut esse additum punctum, post omnes voces, aut post singu-

gulas duntaxat clausulas. Sunt enim plurimæ Inscriptiones, sunt Codices non pauci, sine ullis punctis, aut distinctionibus; sunt in quibus singula verba puncto distinguantur; sunt denique, in quibus periodi, aut longiores *ῥήσεις* distinctione quapiam sejunguntur. Certum tamen est non parum ad intelligentiam facere, non modò periodorum distinctiones, sed & ceteras omnes, quæ postea sunt inventæ, ut ostendemus.

3. De Inscriptionibus nihil dicam, quia in Collectionibus *Jan. Gruteri*, & aliorum singulæ pænè paginæ exempla suppeditabunt, aut etiam *ἀντοψία*. Exstat verò de Pandectis Florentinis, testimonium *Angeli Politiani*, *Miscellaneorum* Cap. XLI. *Volumen ipsum*, inquit, *Justiniani Digestorum seu Pandectarum*, dubio procul archetypum, in ipsa Curia Florentina à summo Magistratu adservatur, magnæque veneratione, quamquam rarò id etiàmque ad funalia ostenditur. Est autem liber hand quota spoliolum prædæque Pisanæ portio, sæpe à Consultis citatus; majoribus characteribus, NULLISQUE INTERVALLIS dictionum, nullis item compendiariis notis; quibusdam etiam, saltem in præfatione, velut ab auctore planè, & à cogitante, atque generante, potiùs quàm à librario & exceptore inductis, expunctis ac superscriptis; cum Græca Epistola, Græcòque etiam pulcerrimo Epigrammate, in prima fronte. Id Epigramma subjicit, dein ita pergit, ut scias non ex aliorum narratione hominem loqui: *Cu-*
ju

jus tamen voluminis legendi ac versandi, per otium, mihi est uni facta copia, Laurentii Medicis operâ. Sed & nos habemus plures versus ex eo adcuratè depictos, ubi nulla sunt interstitia, nec ullæ distinctiones.

4. Similia animadvertere licet in Græcis Codicibus, non eorum dumtaxat, qui prosâ oratione usi sunt, sed etiam Poëtarum. Idem *Politianus*, Cap. LVIII. *Sibyllini versus*, inquit, *nunc quoque, apud Zosimum, vetustissimis quidem codicibus, citra ulla fastigia* (hoc est, sine distinctione versuum) *qualisque de industria subjecimus, reperiuntur.* Inepti homines, qui præfuere editioni Miscellaneorum *Politiani*, qualis habetur in Tom. I. *Theauri Critici Jani Gruteri*, eos versus distinxerunt, & interpunxerunt, ut solent hodie, ita ut sibi constare *Politianus* non videatur; sed sunt ad eundæ antiquiores Editiones. Certè jam olim ita descriptos *Sibyllinos* versus colligere est ex *Suida*, in voce *Sibylla*: ὅτι ἡ οἱ εἴχοι αὐτῆς ἀτελεῖς καὶ ἀμετροὶ εὐρίσκονται, καὶ τὸ προφήτιδος ἔστιν ἡ αἰτία, ἀλλὰ τὰ ταχυγράφων καὶ συμφθασάντων τῇ ῥύμῃ τῷ λόγῳ, ἢ καὶ ἀπαιδευτῶν γενομένων καὶ ἀπείρων γραμματικῆς: quod versus ejus imperfecti, & sine metro inveniuntur, ejus rei causa non est Prophetis, sed notariorum, qui impetum sermonis sequi non poterant, vel qui ignari fuerunt, aut imperiti Grammaticæ.

5. Sine distinctionibus, aiunt esse antiquissimos * illos Codices, ex quibus edita
est

* Vid. Prefationem Flaminii Nobilii, Ed. Rom. præfixam.

est Romæ versio LXX. Intt. ut & Alexandrinum ; quod non modò de distinctione commatum , qualis nunc habetur , sed de omni prorsus distinctione intelligendum. Primus Libros Sacros interpungere adgressus Hieronymus. Sic enim ille , in Præfatione in Josuam : *Monemus Lectorem , ut silvam Hebraicorum nominum , & distinctiones per membra divisas diligens Scriptor conservet , ne & noster labor & illius studium pereat.* In Præfat. in Paralipomena : *quod nunc DABRE JAMIM , id est , verba dierum interpretatus sum , idcirco feci ut inextricabiles moras , & silvam nominum , quæ Scriptorum confusa sunt vitio , sensuumque barbariem , apertius & per versuum cola digererem ; mibi met ipsi & meis , juxta Ismeniam , canens , si aures surdæ sunt ceterorum.* In Præfat. in Ezechielem : *Legite & hunc , juxta translationem nostram , quia per cola scriptus & commata manifestiorem legentibus sensum tribuit.* Quartum etiam ejus locum , hac de re , postea proferemus. Eum propterea laudat Cassiodorus , Præfat. Institut. Sacrarum Litterarum , cujus verba §. 12. proferemus.

6. Observavit vir eruditus , quamquam sæpe æquo acrior , & adfectu peccans , Joan. Morinus , in Exercit XVII. Operis de Hebræi , Græcique textûs sinceritate , * *Antiquos tam Græcos , quàm Latinos , continuâ litterarum serie scripsisse , nullis super aut inter verba distinctionibus , aut accentibus adscriptis.* Tum verò , ejusmodi , inquit , adhuc visun-

tur

* Num. V,

tur multi Codices, cum Græci, tum Latini. Hoc modo Græcè scripta sunt majoribus, seu uncialibus litteris, in Regia Bibliotheca S. Gregorii Nazianzeni opera. Epistolæ S. Pauli Græcè & Latine, majoribus litteris descriptæ eodem modo, conservantur in fratrurn Puteanorum Bibliotheca, aliique Codices alibi exstant, antiquum scribendi morem retinentes. Magna pars librorum, qui ante centum, supra mille annos, scripti supersunt, est istiusmodi.

7. Fatendum tamen est, antè hæc tempora, interpunctionem inventam fuisse, quâ non modò vocabula singula, interpositis punctis, fecernerentur, sed etiam cola, & periodi. Certè verba διασίξαι & interpungere hoc significato non potuere usurpari, nisi res inventa fuisset; nemo enim rei, quam non novit, nomen excogitaverit. Est insignis, hanc in rem Aristotelis locus, quem sub finem hujus Capituli proferemus, ubi eo sensu occurrit vox διασίξαι. Cicero * videtur significare suo tempore, in Orationibus, id jam fuisse observatum. Clausulas, inquit, atque INTERPUNCTA verborum animæ interclusio, atque angustiae spiritûs adtulerunt. Perspicuum est eum agere non modò de clausularum, seu finium periodorum distinctionibus, sed & de colorum; quid enim essent interpuncta verborum, præter membrorum interpunctiones? At paulò antea negat, inquires, hoc Veteribus fuisse usitatum: † Versus, inquit, Veteres illi in hac soluta oratione pro-

* De Oratore Lib. 3. C. XLVI. † Ib. Cap. XLIV.

*propemodum, hoc est, numeros quosdam adhibendos nobis esse putaverunt. Interspersionis enim, non defatigationis nostræ, neque LIBRARIORUM NOTIS, sed verborum & sententiarum modo, INTERPUNCTAS clausulas in Orationibus esse voluerunt. At hoc vult Cicero, veteres Rhetoras voluisse, non tam notas Librariorum, quàm divisionem colorum & sententiarum, spectari in interspirationibus; unde liquet eas notas non fuisse inusitatas. Justus quidem Lipsius, * in Epistola, in qua de Interpunctione agit, prolato posteriore loco Ciceronis, & priore dissimulato, ait cum altrovorsum duci planissimè posse; quasi dicat Veteres ideò non usurpasse in clausulis interpuncta, ne ea potiùs quàm modum & modulum, in verbis, considerarent. Sed Cicero non dixisset Veteres noluisse interspirationes esse, pro interpunctionibus & notis Librariorum, si nullæ fuissent; sed fuisse ignotas, nec interspirandi ulla habuisse eos indicia, præter sententiam verborum, & constructionis perfectionem. Res est clara, sed en Hieronymi locum, quo mirum in modum confirmatur. Ita loquitur in Præfatione Isaïæ: Nemo cum Prophetas versibus viderit esse descriptos, metró eos æstimet apud Hebræos ligari, & aliquid simile habere de Psalmis vel Operibus Salomonis; sed quod in Demosthene & Tullio fieri solet, ut per cola scribantur & commata, qui utique prosâ & non versibus conscripserunt: nos quoque utilitati legentium providentes, interpretationem*

no-

* Cent. 3. Miscell. Ep. XXXIX,

novam novo scribendi genere distinximus. Ut, nimirum, Rhetores solebant in gratiam Discipulorum interpungere Scripta Oratorum, ut intelligerent adolescentes ubi essent moræ interponendæ: ita etiam *Hieronimus* fecit, in usum eorum, qui legebant Scripturam. Quid velit autem *Hieronimus*, videre licet in Editione Canonis Hebraïci, quam curarunt nuper Lutetiæ *Benedictini Monachi*. Scripsit etiam * *Claud. Salmasius*, in Bibliotheca Regis Galliæ, exstare Codicem Tusculanarum Quæstionum, manu exaratum, satis magnæ vetustatis, in quo non ordine continuo, sicut in aliis tralaticium est, libri descripti feruntur; sed saltuatim per inæquales periodos, eo prorsus modo, quo Biblia sacra videmus. Ejus etiam specimen eleganter pictum & ipsi habemus.

8. Ad hoc interpunctionis genus crediderim respicere *Senecam* Ep. XL. sive Lib. V. Ep. V. ubi ostendit virum gravem non decere nimis celerem orationem; eosque castigat qui, uno veluti spiritu, quæ pronunciabant recitare videbantur: *Q. Haterii cursum*, inquit, *suis temporibus oratoris celeberrimi, longè abesse ab homine sano volo. Numquam dubitavit, numquam intermisit; semel incipiebat, semel desinebat. Quædam tamen & nationibus puto magis, aut minùs convenire. In Græcis, hanc licentiam tuleris; nos etiam cum scribimus, INTERPUNGERE consuevimus.* Hæc *M. Ant. Muretus* & *Just. Lipsius* intelligunt de interpunctione post singula verba;
Tom. II. I ba;

* *Prolegom. in Solinum, sub finem.*

ba; & *Muretus* quidem, *omnia*, inquit, *scribebant Veteres iis litterarum formis, quas hodie majusculas vocamus. Neque ulla ferè erant inter singulas voces intervalla. Punctis interjectis, vocem à voce distinguebant, hoc modo:*
QUAMQUAM. TE. MARCE. FILI.

Non nego ita persæpe esse factum, idque ex veteribus monumentis liquet; sed semper factum non puto. In hoc *Senecæ* loco, ubi de Oratore sermo est, videtur interpunctio per cola, & periodos significari; in iis enim locis oportet Oratorem, non post singula verba, aut ubicumque visum fuerit, interspirare. Puncta, qualia memorat *Muretus*, hunc tantum usum habebant, ut ne voces miscerentur; non ut, ubi interspirandum, aut mora interponenda esset, docerent.

9. Sed & in instrumentis publicis ac privatis, Jurisconsulti solebant diligenter interpunctiones curare, ut significat *Cicero* in * Oratione pro Murena, ubi ita de Jurisprudencia: *Primum dignitas, in tam tenui scientia, quæ potest esse? Res enim sunt parvæ, propè in singulis litteris, atque INTERPUNCTIONIBUS verborum occupatæ.* Ad quæ verba ita *Lipsius*, in Epistola memorata: *Locus alter dicat, Juris interpretes in minutis occupari, scrutari in Contractibus apices litterarum, & puncta verborum: quia, nempe, ambigua sæpe hæc ista, & ad anteriora aut sequentia ducenda. Id enim eveniebat in illis solitariis punctis, quæ verba, ut dixi, singula, non membra, aut sensus, secernebant.*

* Cap. XI.

bant. Atqui ex omissione ejusmodi puncti, non magna nascitur ambiguitas, nec additione tollitur; sed subinde maxima est, nisi partes orationis distinguantur, quod cavere conabantur Jurisconsulti. Nulla est ars, in interpungendis singulis verbis, iis qui Linguam tenent; sed est aliqua in dividendis aptè membris & periodis, cùm & permultos in ea re peccare videamus, cùmque non pauca loca, in Scriptis Veterum, propterea non satis intelligantur. Itaque capienda sunt verba *Ciceronis*, de hac posteriore interpunctione; & ita cepit vir eloquentissimus *Aonius Palearius*, in Oratione in * *L. Murenam*, quam *Ciceronianæ* pulcherrimâ æmulatione opposuit. Dignus est locus, qui legatur.

10. Sed *Lipsium* ex ipso *Lipso* confutemus, cùm præsertim hoc ad nostrum institutum pertineat. *Franc. Raphelengium*, de MS. suo Codice *Tragædiarum Senecæ*, ita monet †: *Illud te moneo, interpunctiones & discrimina esse; quorum cùm in ejusmodi subtilioribus Scriptoribus GRANDE MOMENTUM sit, tu vide ut concinnes.* In monitis, quæ præfixit suis Politicis, ita adloquitur Lectorem: *Ut distinctiones observes, id est, in fine cujusque clausulæ cola posita, semicola, puncta aut bipuncta.* Nam pro his, sententia tibi tota terminanda est, scilicet, aut sustentanda. In Introductione verò ad *Senecam*: *Alterum*, inquit, *quod à me propriè imputo, est interpunctio, & sensuum, ver-*

I 2

bo-

* Pag. 25. Editionis nupera *Amstelodamensis*.

† *Præf. Animadvers. in eas Tragædias.*

borumque distinctio ; quæ confusa , aut indecora antea in Seneca — Præter lucem sententiæ , quam largiter infudimus , faciem eloquentiæ reddidimus , uberis illius & profluentis. Si tanti momenti sit interpunctio , quali nunc utimur , an credibile est veteres Jurisconsultos , quorum erat cavere ne qua in Contractibus esset ambiguitas , aliud nihil curasse , nisi ut singula vocabula essent punctis divisa ; quod maximas ambiguitates ex oratione nequaquam exterminat ; præsertim , cum jam inventæ à Librariis essent notæ , quibus verba & clausulæ interpungebantur , ut ex Cicerone ostendimus ?

II. Ejusmodi interpunctionem intelligi à Suetonio crediderim , ubi dicit à Valerio Probo multa exemplaria *distincta* fuisse. Locum* antea adtulimus , nec repetere necesse est. Similem laborem suscepit Nicanor , Grammaticus Alexandrinus , sub Hadriano , qui varios libros scripserat † περί σιγμῆς καθ' ὅλην , *de interpunctione universè* , & περί σιγμῆς παρ' Ὁμήρῳ ἢ παρὰ Καλλιμάχῳ , *de interpunctione , apud Homerum & Callimachum* : qua de causa σιγματίας , quasi *interpunctior* , dictus erat. Ostenderat autem *differentiam* , quæ inde in sensu oritur , ἢ ἐξ αὐτῶν διαφορὰν ἐν τῇ διανοίᾳ.

12. Quæ cum ita sint , fatendum interpunctionem Veteribus non fuisse ignotam ; at nec minùs certum sæpissimè fuisse neglectam , ut antea ostendimus. Certè in Græcis & Latini-

* Cap. II. §. 21. † Vide Suidam.

tinis Scripturæ Codicibus, ante ævum Hieronymi, planè omiffa fuerat. Quâ omiffione, lectio diftincta Scripturæ difficilis fiebat, nec committi publicè hominibus prorfus indoctis poterat. Ac fanè Caffiodorus, Præf. Divinarum * Litterarum Institutionis, obfervat Hieronymum simplicium fratrum confideratione pellectum, in Prophetarum præfatione dixiffe, fe propter eos qui diftinctiones non legerant, apud Magiftros facularium litterarum, colis & commatibus translationem fuam, ficut hodie legitur, diftinxiffe. Quod nos quoque, fubjicit Caffiodorus, tanti viri auctoritate commoti, fequendum effe judicavimus, ut cetera diftinctionibus ordinentur — Reliquos verò Codices, qui non funt tali diftinctione fignati, Notariis, diligenti tamen curâ follicitis, relegendos atque emendandos reliqui.

13. Cùm ergo Scriptores non diftinxiffent ut plurimum Scripta fua, ea cura ad alios devoluta eft, feu Grammaticos, feu Notarios, ut loquitur Caffiodorus, hoc eft, Librarios Grammaticis multò imperitiores, qui perfæpe malè diftinxerunt, quæ non fatis adfquebantur. Proferebamus modò verba Lipfii, Senecam malè habitum ab iis querentis, & inter ea, quæ præftitit in Editione Senecæ, interpunctionem non ultimo loco ponentis. Aliquot tamen exempla fubjiciemus. Sed priùs monebimus Lectorem multa menda orta effe, è continente illa fcriptura, quâ, ne vocabulis quidem diftinctis, ufi erant Veteres. Sic cùm negaffet Hippocrates, Lib. de

* Vide & Cap. XII. ejufdem operis.

134 ARTIS CRITICÆ P. III. S. I. C. X.

Natura Hominis, text. 1. è divisione *Galenii*, Tom. III. p. 96. Edit. Charterianæ, se dicere hominem esse unum è quatuor elementis, aut aliud quidquam, hanc rationem subijcit: ὅτι ἔφανερόν ἐστιν ΕΝΕΟΝ ἐν τῷ ἀνθρώπῳ, cūmq; ita conjunctæ essent tres syllabæ majusculis litteris à nobis scriptæ; erant qui scriberent ἐνεὸν unâ voce, quæ quod *ine*st, significat; quod sensu hîc caret. Itaque rectè *Galenus* Commentar. I. ad hunc locum: ἢ κατὰ τὸ τέλῳ τῆς ῥήσεως φωνὴν ἀμφίβολον ἔσαν, ἐν τῷ παρὰ διαίρεσιν ἢ σύνθεσιν γένεσι ἀμφίβολίας, ἀμεινόν ἐστι κατὰ διαίρεσιν ἀναγινώσκειν, ἐνθαί φησίν· ἔτ' ἄλλο ἔδεν, ὅτι μὴ φανερόν ἐστι ἐν ἐόν, ἐν τῷ ἀνθρώπῳ. τὸ γὰρ ἐν ἐόν ἔχ, ὡς οἱ ἢ προτέραν τῆς ἐξηγήσεων πρεσβεύοντες οἴονται, μέρος ἐν ἐστὶ τῆς λόγου, λεγόμενον ὑπὸ τῶν ἄλλων Ἑλλήνων ἐν δυοῖν συλλαβαῖν ΕΝΟΝ, ὑπὸ τῶν Ἰώνων ἐν τρισὶν ΕΝΕΟΝ, ἀλλὰ δύο ἐστὶ λόγου μέρη, τὸ μὲν ἕτερον ὄνομα μονοσύλλαβον, ὡς ἐπειδὴν λέγομεν ἀριθμῶντες, ἐν, δύο, τρία· τὸ δὲ ἕτερον, ὅπερ ἡμεῖς μὲν ὄν λέγομεν, οἱ τῶν Ἰώνων ἐὼν ἐν δυοῖν συλλαβαῖν. *Dictionem ad finem orationis positam, cūm ambigua sit, in eo ambiguitatis genere, quod ex divisione ἔ compositione nascitur, satius est divisim legere, ubi ait: neque aliud quidquam, quia manifestum non est unum esse in homine; in qua sententia ΕΝΕΟΝ non, (ut priorem Interpretationem defendentes censent) una est ora-*

orationis pars, quæ ab aliis Græcis duabus syllabis effertur ἐὼν, ab Ionibus tribus, ἐνέων, verum duæ sunt orationis partes; prior nomen monosyllabum, ut cum numerando dicimus, ἐν, δύο, τρία, altera, quam quidem nos ἐν dicimus, Iones verò duabus syllabis ἐὼν. Sed & spiritus omissus ambiguitatem augebat. Censet etiam Galenus Comment. III. ad Librum de victu in morbis acutis, textu 44. μετακέρασμα, & μετὰ κέρασμα æquè posse legi. Tom. XII. Ed. Chart. p. 108.

14. Ita loquitur Crassus, apud Ciceronem, Lib. III. de Orat. C. 13. Prætereamus igitur præcepta Latine loquendi, quæ puerilis doctrina tradit, & subtilior cognitio, ac ratio litterarum alit, aut consuetudo sermonis quotidiani, ac domestici libri confirmant, ac lectio veterum Oratorum ac Poëtarum. Sic lego in duabus Editionibus, quæ sunt à Gruteriana expressæ; * alias consulere nunc non vacat. At sine dubio domestici debet sejungi à sequente voce libri. Quotidianus ac domesticus sermo dicitur, quem habemus cum iis quibuscum vivimus, cuius non semel meminit Cicero, in his libris, & cuius mentionem fecerat in superioribus verbis, ubi de Lælia. At domesticos libros nescio an ullus umquam dixerit. Est ergo interpungendus locus, hoc modo: domestici, libri, &c. hoc enim vult Cicero: præcepta Latine loquendi alit cognitio

I 4

lit-

* Sic etiam locus est distinctus in Ed. Genev. à Dion. Gothofredo curata, anno 1596. & qua Lambinianam sequitur. Sic & Lambiniana major, apud Santandream, habet comma post quotidiani.

litterarum , aut consuetudo sermonis domestici , confirmant libri , &c.

15. *Livius* Lib. III. C. II. ita describit Cæsonem Quinctium : *Ferox juvenis , quâ nobilitate gentis , quâ corporis magnitudine ac viribus. Ad ea munera data à Diis , & ipse addiderat multa belli decora , facundiâque in foro : ut nemo , non linguâ , non manu promptior , in civitate haberetur.* Ita hic locus vulgò interpungitur , ex qua interpunctione dici posset *nemo non manu promptior fuisse* Cæsone , nam *promptior* conjungitur cum *manu* ; quod menti *Livii* planè contrarium est , qui Cæsone quemquam manu promptiorem fuisse negat. Itaque sic interpunge : *ut nemo , non linguâ , non manu , promptior , ut promptior conjungatur cum nemo ; nam ordo est : ut nemo haberetur promptior in civitate , non manu , non linguâ : hoc est , nec manu , nec linguâ.*

16. At , inquires , an hoc est tanti ? Ego verò nihil sperni debere puto , quod ad perspicuitatem orationis conferat ; & ut aliud nihil esset , interpunctionis cura negligi non deberet. Sed præterea viri docti sæpe delusi , omissione distinctionis , voluerunt violentas manus inferre Veterum Scriptis. Exemplum suppeditabit *Dionys. Lambinus*. Lib. I. de Oratore C. 59. ita loquitur *Antonius* : *Quid est Oratori tam necessarium , quàm vox ? Tamen , me auctore , nemo dicendi studiosus , Græcorum more , & Tragediorum voci serviet , qui & annos complures sedentes declamitant , &c.* In his verbis mendum esse credidit *Lambinus*, quòd

quòd deesset distinctio, quæ * de causa, invitis libris, legit, *Græcorum more, Tragædorum voci serviet*, deletâ copulâ; quasi, nempe, voci conjungendum esset cum *Tragædorum*. Sed ita interpungendum: *nemo dicendi studiosus, Græcorum more & Tragædorum, voci serviet*, &c. ordo est: *nemo voci serviet, more Græcorum & Tragædorum, qui annos*, &c.

17. Imò verò interpunctio vitiosa fecit ut, in locis Scripturæ, ea interdum quærentur, quæ iis inesse nemo somniasset, si rectè interpuncta fuissent. Hæc sunt verba Pauli 1. Tim. III. 15. Ε'ὰν ᾗ βραδύνω, ἵνα εἰδῇς πῶς δεῖ ἐν οἴκῳ Θεοῦ ἀναστρέφεισθαι, ἥτις ἐστὶν ἐκκλησία Θεοῦ ζῶντος, σῦλς ἡ ἐδραῖωμα τῆς ἀληθείας. 15. Καὶ ὁμολογεμένως μέγα ἐστὶ τὸ εὐσεβείας μυστήριον. 15. Si autem tardaverò, ut scias quomodo oporteat te in domo Dei conversari, quæ est Ecclesia Dei vivi, columna, & firmamentum veritatis. 16. Et manifestò magnum est pietatis mysterium. Post ζῶντος vivi debet esse τελεία σιγμή, hoc modo: quæ est Ecclesia Dei vivi. Columna & firmamentum veritatis, & manifestò magnum est, &c. ita ut summa Evangelicæ doctrinæ, quæ sequitur, dicatur esse Columna, &c. non Ecclesia. Rem non probabo, quia dudum probata est à pare nobilium Athletarum Sim. Episcopo, Institut. Theolog. Lib. I. S. I. c. 8. & Joan. Camerone, cujus rationes vide in Myrothecio. Adversatur quidem iis

I 5

H. Gro-

* Vide Jan. Gruterum, ad hunc locum.

H. Grotius, quòd illud τὸ, quod ponitur ante τῆ εὐσεβείας μυστήριον, ostendat novum esse sensum, non titulorum cum sequentibus continuationem, & illud μυστήριον poni *subjectivè*, non *prædicativè*, ut loquuntur Scholæ. Sed vir summus non vidit ordinem verborum hunc esse: τὸ τῆ εὐσεβείας μυστήριόν ἐστι σῦλος καὶ ἐδραῖωμα τῆ ἀληθείας, καὶ ὁμολογούμενος μέγα, *Mysterium pietatis est columna*, &c. Quod si adtendas, suo sibi gladio confoditur vir maximus; qui si in Hollandia scripsisset suas Adnotationes, aliter fortè sensisset.

18. Libri VIII. Constitutionum Apostolicarum Cap. 46. ita definit: *Igitur etiam Philippus & Ananias non se ipsi constituerunt, sed electi sunt*, ὑπὸ τῶ Χριστῷ τῷ ἀρχιερέως ἀσύγκριτος Θεῷ. Si comma ponas, post ἀρχιερέως, vertes cum *Joan. Bapt. Cotelerio*: *Pontifice, Deo incomparabili*. Sin verò, sic interpreta-beris: *Pontifice maximo Dei incomparabilis*, ut sine dubio vertendum, cùm Christus alibi sæpe, & in hoc ipso Capite, dicatur ἀρχιερεὺς Θεῷ. Scriptor hic, si voluisset quod habet *Cotelerius*, interposuisset conjunctionem καὶ, præsertim in fine orationis. Præterea homo qui idem sensit ac postea Arius, ut multis ex locis liquet, numquam Christum vocasset ἀσύγκριτον Θεόν, *incomparabilem Deum*. Titulus is erat solius Patris, ex eorum hominum sententia. Scriptor Ebionæus Clementinarum Homiliarum, Hom. XVI. §. 16.
de

de Patre & Filio : γεννητὸν ἢ ἀγεννήτῳ , ἢ
 καὶ αὐτογεννήτῳ & συγκρίνεται : *genitum cum*
ingenito , *vel etiam sponte exsistenti non com-*
paratur. Vid. & §. 17. Est celebris locus Ire-
 nei , de jejunio Quadragesimæ , apud *Euse-*
bium Lib. V. c. 24. Hist. Eccles. cujus loci
 dubia interpunctio magnam peperit contro-
 versiam ; de qua eruditè egit *Guil. Bevere-*
gius , vir doctissimus , ad Canonem Apost.
 LXIX.

19. Non hodie , atque heri , Critici anim-
 adverterunt interpunctionem non levi esse ad
 intelligendum subsidio. *Aristoteles* ipse , qui
 Criticæ conditor perhibetur , questus est *He-*
racliti Scripta , idèd esse obscura , quòd dif-
 ficulter interpungi possent. Sic loquitur Rhe-
 toricorum Lib. III. C. 5. Ὅλως ἡ δεῖ εὐα-
 νάγνωσον εἶναι τὸ γεγραμμένον , καὶ εὐφρασον.
 ἔστι ἡ τὸ αὐτὸ , ὅπερ οἱ πολλοὶ σύνδεσμοι ἔκ-
 ἔχουσιν , ἔδ' αὖ μὴ ῥάδιον ΔΙΑΣΤΙΞΑΙ ,
 ὥσπερ τὰ Ἡρακλείτε. τὰ γὰρ Ἡρακλείτε δια-
 σίξαι ἔργον , διὰ τὸ ἄδηλον εἶναι ποτέρῳ
 πρόσκειται , τῷ ὕστερον ἢ τῷ πρότερον. οἷον ἐν
 τῇ ἀρχῇ αὐτῆ τῆ συγγράμματος , Φησὶ γὰρ ,
 τῆ λόγῃ τῆδ' ἐόντ' αἰεὶ ἀξύνετοι ἄνθρωποι
 γίγνονται. ἄδηλον γὰρ τὸ αἰεὶ , πρὸς ὅποτέρῳ
 διασίσξαι : *Ommino autem oportet facile legi &*
proferri posse quod scriptum est. Est verò ejus-
modi id quod multæ conjunctiones non continent,
& quod non facile est INTERPUNGE-
RE , ut scripta Heracliti. Nam scripta He-
ra-

heracliti interpungere operosum est, quia incertum utri vox conjungenda, an priori, an verò posteriori, ut in principio ipsius libri; ait enim: rationis hujus quæ est semper imperiti homines nascuntur; incertum enim est illud semper utri interpunctione jungas.

20. Ex hoc loco tria colligere licet, 1. *Aristotelis* ævo ignotam non fuisse interpunctionem, quamvis non semper adhiberi soleret; ut adparet ex eo quòd nomen ejus inventum esset; nam *διασίζαι* non est propriè voce distinguere, sed *συνμαῖς*, punctis: 2. non fuisse tamen semper adhibitam, cùm *Heracliti* Scripta non essent interpuncta: 3. facilimè posse à sensu Scriptoris abire, qui eum interpungunt, nisi sint homines adtenti & rei & Linguae periti. Ad primum horum trium observare præterea licet hinc liquere errasse *Claud. Salmasium*, qui in Ep. inter Sarravianas CLXXXIII. inventionem interpunctionis tribuit *Aristophani* Grammatico *Aristotele* multò recentiori. Digna tamen est ea Epistola, quæ expendatur, quamvis à festinante scripta. Digna etiam sunt, quæ legantur, quæ habet ad locum *Aristotelis* vir doctissimus *Pet. Victorius*, p. 490. Edit. Junctæ an. 1548. ubi observat in verbis *Heracliti*, pro τῶ δ' ἰόντῳ, scriptum fuisse, in aliis Codicibus, τῶ δ' ἐόντῳ; quàm oportet esse, contra mentem Scriptoris; quod ob distinctionum omissionem factum est.

21. Sed & aliud exemplum adferam è *Galen.*, Comment. I. in 1. Lib. Prædiction. *Hippo-*
po-

procratis, prædict. 25. Tom. VIII. p. 710.
 Ed. Charter. Sic habet *πρόρρησις Hippocratis*:
 οἱ ἐκσάντες ὀξέως ἐπιπυρέξαντες σὺν ἰδρῶτι
 Φρενίτικοι γίνονται: *insanientes acutè in fe-*
brem relapsi cum sudore phrenetici fiunt. Quam
 orationem perspicuam esse negat *Galenus*,
 quòd omiſſis commatibus triplici ratione pos-
 sint inter se verba jungi: μία μὲν γὰρ ἐστὶ
 σύνθεσις αὐτῶν, οἱ ἐκσάντες ὀξέως, εἴτ' ἀπ'
 ἄλλης ἀρχῆς, ἐπιπυρέξαντες ὀξέως, ἄλλη
 δ' αὖ πάλιν σύνθεσις τὸ σὺν ἰδρῶτι, ποτὲ μὲν
 τῷ πρὸ αὐτῶ, ποτὲ ἢ τῷ μετ' αὐτὸ συντατλί-
 μενον. *Una enim est eorum constructio*, qui
 acutè insaniunt; *deinde ab alio initio*, acutè
 præterea febricitantes; *alia rursus constructio*,
 cum sudore, *quod aliquando conjungitur cum*
antecedente, *aliquando cum consequente.*
 Δύναται γὰρ ἢ ἕως ἢ ῥῆσις ἀναγνωσθῆναι,
 ἐπιπυρέξαντες σὺν ἰδρῶτι· κ' ἀπειτα ἀφ' ἐτέρας
 ἀρχῆς, Φρενίτικοι γίνονται, δύναται γὰρ ἢ
 σὺν ἰδρῶτι Φρενίτικὸς αὐτὸς γίνεσθαι λέγειν ὁ
 γράψας ταῦτα. *Potest enim* ἔσ' *ita oratio legi*,
 præterea febricitantes cum sudore; *deinde al-*
tero principio, phrenetici fiunt. *Potest etiam*
ἔσ' qui hac scripsit, cum sudore phreneticos
 fieri, dicere. Legendum videtur additis com-
 matibus: οἱ ἐκσάντες, ὀξέως ἐπιπυρέξαντες
 σὺν ἰδρῶτι, Φρενίτικοι γίνονται: *qui emotie*
mentis sunt, *si acrior febris accedat cum sudo-*
re, *phrenetici fiunt.* Hinc quantæ ambigui-
 tates, ex distinctionum omissione oriuntur

fatis liquet. Rectè ergo *Cassiodorus* Instit. Divin. Litter. c. XV. Si corpus nostrum, inquit, indiget per membra cognosci, cur lectio, cum suis partibus videatur esse distincta, confusa relinquitur? Istæ si quidem positurae, seu puncta, quasi quadam viæ sunt sensuum, & lumina dictionum, quæ sic Lectores dociles faciunt, tamquam si clarissimis expositoribus imbuantur. Prima est media, secunda subdistinctio, tertia plena; quas à Majoribus nostris ideò constat inventas, ut spiritus longâ dictione fatigatus, vires suas per spatia discreta resumeret. Quas si mavis cupidus Lector agnosceret, Donatum lege, qui te possit, de hac re, brevi compendio, diligenter instruere. Sed hæc *Ars* nostrâ Critica Lectoribus jam nota statuit, cum ad Grammaticam pertineant.

22. Cùm Accentus & Spiritus Græcorum videantur ideò partim figuris expressi, ut facilius verba nequaquam interpuncta distinguerentur; hîc possemus agere de mendis, quæ orta fortè sunt ex mala Accentuum ac Spirituum positione. Sed sequente Capite ea de re iterum dicemus. *Homerus* Iliad. Ψ. vers. 28. inducit Nestorèm metam describentem, dicentemque esse *lignum siccum*

Ἡ δρυὸς, ἡ πεύκης, τὸ μὲν οἱ καταπύ-
εται ὄμβρῳ.

Cùm neque Accentus olim essent, neque Spiritus, fuerunt qui dicerent legendum ε, & vertendum, ubi illud quidem corrumpitur
πικ.

pluviâ; ac sanè certum est utrumque illud lignum, sed præsertim *piceæ*, *pluviâ putrefieri*. Alii verò contenderunt legendum, ut hodie legimus, &, *non corrumpitur pluviâ*; hoc est, non tam citò, si siccum sit, quod antea dixit *Homerus*. Ambiguitatem illam notat *Aristoteles* de Poëtica Cap. XXV. atque *Hippiam* Thasium ex Profodia ambiguitatem fustulisse; nempe, Spiritu leni sine circumflexo scribendo. At idem de Argument. Sophisticis Lib. II. c. 3. ait perpauca sophismata posse ex accentibus, seu in scribendo, seu in loquendo nasci; utiturque iterum eadem ambiguitate vocalæ o r. Quod non est ita capiendum, quasi non sint multæ voces, quæ, mutatis Spiritibus & Accentibus, diversa significant; sed quòd ipsa pronuntiatio, si loquatur quispiam, aut series orationis, in scriptione, satis ostendat quomodo sint voces illæ intelligendæ.

23. Ubi verò, in Scriptis, series orationis certam significationem non postulat, ibi nascitur ambiguitas, quæ Accentus & Spiritus adscribentibus erroris causa esse potuit. Sic Marci XI, 13. dicitur Christus *vidisse à longè ficum habentem folia, & venisse si quid fortè inveniret in ea, & cum venisset ad eam, nihil invenisse præter folia*, ΟΥ γὰρ ἦν καί τις συκῶν. Quæritur hîc, an o r sit negativa, an verò affirmativa, quia utrimque sunt difficultates. *Dan. Heinsius*, non infimi subsellii Criticus, censet legendum &, hoc sensu, *ubi enim erat, tempestas ficuum*; atque his
ni-

nititur rationibus 1. quòd Evangelista numquam dixisset Christum ivisse quæsitum ficus, *si fortè essent*, tempestate quâ nondum erant; cum Christus falli non potuerit: 2. quòd Christus non damnasset arborem, eò quòd alieno tempore non habebat ficus. At alii obijciunt potissimùm ordinem verborum, qui hîc deberet esse, si *Heinsii* vera esset conjectura: *venit si quid fortè inveniret in ea, ubi enim erat, tempestas erat ficuum; & cum venisset ad eam nihil invenit, præter folia.* At similis planè trajectionis exemplum exstat, in hoc Evangelio Cap. XVI, 3, 4. *Et dicebant ad invicem, quis revolvat nobis lapidem ab ostio monumenti? & respicientes viderunt revolutum lapidem. Erat quippe magnus valde.* Manifestum est quatuor hæc postrema verba oportere subjungi voci *monumenti*; neque enim mulieres dicuntur vidisse revolutum lapidem, quia magnus erat; sed quæsisisse quis sibi eum revolveret, ea de causa. Verùm hanc litem nostram non facimus, & nonnulla ad loci hujus intelligentiam congeessimus, in additamentis ad *H. Hammondi* Adnotationes.

24. Locus hic postulare ut ostenderemus, pro more nostro Hebraïca cum Latinis & Græcis conjungendi, antiquissimos Hebræos caruisse etiam distinctionibus; ac proinde potuisse Massorethas, qui distinctionum notas invenerunt, ea in re peccare. Verùm hoc ipsum colligere est ex eo quod ostendimus, *Hieronymum* primum in cola, & Commata divisisse Libros Sacros. Si enim Septuaginta Intt. in suis Codicibus simile quidquam inven-

nis-

nissent, sine dubio rem commodissimam non neglexissent; *Hieronymusque* se, aut illorum auctoritate, aut saltem Hebræorum defendisset, contra eos, qui id carpebant. Imò verò Hebræicas distinctiones sequutus esset, quod nequaquam fecit. Sed hac de re multis egerunt viri doctissimi, *Lud. Cappellus* in *Arcano Punctationis*, & *Joan. Morinus* in *Exercitationibus Biblicis*; quorum rationibus qui non permovetur, ii Criticæ numquam litarent. Duo exempla distinctionum, à Massorethis non bene collocatarum, adtulimus in Indice in Pentateuchum, Gen. XXIII, 18. XLIX, 4. ad quæ vide, si lubet, quæ scripsimus.

C A P U T XI.

*De signis Parentheſeos, Interrogationis, Ad-
mirationis, Exclamationis, Deſiderii,
& Ironiæ, obſcuritatéque & mendis inde
ortis, déque Accentibus, Spiritibúſque,
diſtinctionis cauſâ, additis.*

I. POSTQUAM inventa sunt Distinctionum signa, quibus & Periodi, & earum Cola, Commatâque distinguuntur; excogitata sunt quoque, sed præsertim post inventam Typographiam, Parentheseos, Interrogationis, Admirationis, seu Exclamationis, Desideriique & Ironiæ signa. Quæ omnia,

Tom. II. K quæ-

quæcumque sit morosorum Grammatistarum de iis sententia, idè probamus; quòd perspicuitatem orationis augeant, & Lectorem, sæpe festinantem, occupatúmque, aut etiam rudem juvent. Eadem de causa, sunt etiam Accentus & Spiritus, apud Græcos & Latinos, inventi. Quare breve Caput de iis addendum hîc censuimus, ut frustra inventa hæc non fuisse ostendamus.

2. Ut à definitione ordiamur, Παρένθεσιν hîc vocamus non tantùm cùm inseritur orationi aliquid à tota materia alienum, ut in hisce *Virgilii* Georg. III, 513.

— *Ipsique suos jam morte sub ægra*
(*Dii meliora piis, errorémque hostibus*
istum!)

Discissos nudis laniabant dentibus artus.

Hæc definitio est, qua, post nonnullos veteres Grammaticos, utitur *Ger. Joannes Vossius* Institutionis Oratoriæ Lib. V. Cap. V, 5. Parenthesin nos dicimus hîc omnem orationem, quæ alterius, cui interponitur, constructionem abrumpit; ita ut eam commodè intelligere nequeamus, nisi, omissis iis quæ Parenthesi continentur, verba inter se connexa legamus; quod tum potissimùm necesse est, cùm *parenthetica*, seu interjecta verba paullò longiora sunt. Commodiùs quidem dicta videtur à *Theone* in Progymnasmatibus Cap. IV. ubi de narratione, μεταξυλογία, quâ adpellatione significatur quidquid abrupto ser-

sermoni interponitur, contineturque παρεμβολή, sive ἐπεμβολή, quā, ut docet *Vossius*, in orationis medio causa rei, vel circumstantia quæpiam, filo structuræ abrupto, memoratur, imò & ὑπέρβατον, si sit brevius.

3. Vetant quidem Rhetores nos hisce uti, in narratione, si sint paulld longiora; quia obscuritatem creant. Optimè *Theon*: ἢ τὸ μὴ ὑπερβατοῖς χρῆσθαι, οἷά ἐσι τὰ πολλὰ τῷ Θουκυδίδῃ· ἔ γάρ καθόλου τὰ τῷ ὑπερβάτων γένει ἀποδοκιμάζομεν· ποικίλη γὰρ διὰ τέττα ἢ ἐκ ιδιωτικῆ γίνεται ἡ φράσις· μηδὲ μεταξυλογίαις, ἢ ταύταις διὰ μακροῦ. τὰ γὰρ ἐγγύς λαμβάνοντα τὴν ἀπόδοσιν ἔ λυπεῖ τὸς ἀκροατάς: *Sed* ὅ̄ cavendum ne Hyperbatis utamur, qualia sunt *Thucydidea* pleraque; non enim prorsus Hyperbatorum genus improbamus, cum eo varia ὅ̄ minimè vulgaris dictio fiat. Cavendum etiam ne Interloquutiones, easque longiores adhibeamus. Nam eæ, quibus alterum statim membrum infertur, minùs offendunt auditores. Quod fuit obscurum auditoribus, qui poterant ipsâ vocis mutatione de Parenthesi moneri, id sanè Lectoribus perspicuum non est; nec eos tantùm cruciat, sed interdum adducit, ut locum vitient, aut corruptum frustra putent; quem alioquin, addito Parentheseos signo, & intelligerent, & incolumem relinquerent. Notum autem est ea signa in antiquis Codicibus omitti, unde sequitur multa esse propterea non tantùm minùs bene intellecta, sed & corrupta, quod

etiam passim queruntur Critici, cujus rei exempla proferemus.

4. *Dionysius Halicarnassæus*, in libello in quo agit de iis quæ *Thucydidi* propria sunt, §. XV. Ἐν ᾗ τοῖς ἐνθυμήμασι τε καὶ νοήμασιν αἱ μεταξὺ παρεμπλώσεις πολλαὶ γινόμεναι, καὶ μόλις ἐπὶ τὸ τέλος ἀφικνέμεναι, δι' αἷς ἡ φράσις δυσπαρακολάβητος γίνεσθαι, πλεῖστα μὲν εἰσι καθ' ὅλην τὴν ἱστορίαν: in *enthymematis* & *sententiis*, *intercurrentes interjectiones*, quæ crebræ sunt & vix ad finem perveniunt, & propter quas orationem vix adsequi licet, sæpenumero per totam ejus historiam occurrunt. Nec tamen ullis signis à serie orationis secernebantur, quod liquet ex sequentibus *Dionysii* verbis: ἀρκέσσει ᾗ ἐκ τῆς προοιμίας δύο ληφθεῖσαι μόναι, ἥτε δηλῶσα τὴν ἀσθενειαν τῶν ἀρχαίων τῇ ἐλλάδι πραγμάτων, καὶ τὰς αἰτίας ἀποδιδῶσα: *sufficient duæ tantum è proœmio petitæ*: Altera declarat debilitatem veterum Græciæ rerum, ejusque rationes reddit. Hæc verò est ῥῆσις, in qua est Parenthesis, imò verò duæ Parentheses, quarum postèrior priore continetur, & quas solitis signis, perspicuitatis causâ distinximus; quamvis, in *Thucydidis* exemplaribus, ea signa minimè sint addita: Τῆς γὰρ ἐμπορίας ἐκ ἄλλης, ἐδὲ ἐπιμιγνύντες ἀδελῶς ἀλλήλοις, ἕτε κατὰ γῆν, ἕτε διὰ θαλάσσης, νεμόμενοί τε τὰ ἑαυτῶν ἕκαστοι ὅσον ἀποζῆν (καὶ περιεσίαν χρημάτων ἐκ ἔχοντες, ἕτε γῆν φυτεύοντες (αἰδη-

(ἀδελφον ὃν ὁπότε τις ἐπελθὼν ἢ ἀτειχίστων
 ἅμα ὄντων, ἀλλ' αὖ ἀφαιρήσεται) ὅ τε καθ'
 ἡμέραν ἀναγκαίᾳ τρεφῆς πανταχῷ ἂν ἡγόμε-
 νοι ἐπικρατεῖν) ἔ χαλεπῶς ἀπανίσαντο :
Cum non esset mercatura, neque se miscerent
tuto alii aliis, neque terrâ, neque mari, cum-
que singuli sua catenus possiderent, quatenus
opus erat ad vivendum, (non habentes pecu-
niarum copiam, neque solum plantis instruen-
tes (cùm incertum esset, quando quispiam alius
superveniens, cùm nullis etiam muris tegeren-
tur, ablaturus fructus esset) ἔ necessario in
dies alimentum, se ubique vi consequuturos
existimarent) non difficulter migrabant. Scio
esse, qui interiorem illam Parenthesin solam
agnoscant, & proximè jungant ἡγόμενοι
cum ἐπανίσαντο, at non ita sentiebat Diony-
sus, qui hæc addit : προσθετὲν τῇ πρώτῃ πε-
ριόδῳ ἢ σχηματισθὲν ἔτω. ὅ ἐμπορίας ἐκ ἔ-
σης, ἔδ' ἐπιμιγνύντες ἀδεῶς ἀλλήλοις, ἔτε
κατὰ γῆν, ἔτε διὰ θαλάσσης, νεμόμενοι τὰ
αὐτῶν ἕκαστοι ὅσον ἀποζῆν, ἔ χαλεπῶς ἀπανί-
σαντο. Φανερωτέραν ἂν ἐποίῃ τ' διάνοιαν, τῇ
ᾗ παρεμβολῇ τ' μεταξὺ ππραγμάτων πολλῶν
όντων ἀσαφῆ ἢ δυσπαρακολάβητον πεποίηκε.
quod additum est primæ periodo, ἔ sic formatum :
cum non esset mercatura neque se alii aliis tuto
miscerent, neque terrâ, neque mari, cùm-
que singuli sua catenus possiderent, quatenus
opus erat ad vivendum, non difficulter mi-
grabant ; clariorem efficeret sensum, sed infer-

tione multarum rerum, quæ intersunt, obscurum & quem difficulter adsequaris reddidit. Quæ connexio aptior etiam videbitur adtentè locum legentibus. Sed & hanc eandem periodum profert Dionysius libro de Compositione verborum, p. 44. Ed. Oxoniensis, quasi styli asperioris, neque satis cohærentis specimen. Nec mirum sit si in ejusmodi loca irrepant menda, cùm vix intelligi queant, nisi iterum legantur.

5. Alterum exemplum, ex eodem proœmio desumptum, sic habet: Εὐρυσθέως μὲν ἐν τῇ Ἀττικῇ ὑπὸ Ἡρακλείδῃ ἀποθάνοντι, Ἀτρεΐως δὲ μητρὸς ἀδελφοὺς ὄντι αὐτῷ, καὶ ἐπιτρέψαντι Εὐρυσθέως (ὅτ' ἐστράτευσε) Μυκῆνας τε καὶ τὴν ἀρχὴν, κατὰ τὸ οἰκεῖον, Ἀτρεΐ (τυγχάνειν δὲ αὐτὸν φεύγοντα τὸν πατέρα, διὰ τὴν Χρυσίππου θάνατον) καὶ ὡς ἐκέτι ἀνεχώρησεν Εὐρυσθεὺς, βυλομένων καὶ τῶν Μυκηναίων (Φόβῳ τῶν Ἡρακλείδων) καὶ ἅμα δυνατὸν δοκῆναι εἶναι, καὶ τὸ πλεῖστον τεθεραπευκότα, τῶν Μυκηναίων τε, καὶ ὅσων Εὐρυσθεὺς ἤρχετο, τὴν βασιλείαν Ἀτρεῖα παραλαβεῖν. Subaudiendum λέγασσι, quod antecessit, & vertendum: cùm Eurystheus quidem in Attica ab Heraclidis esset occisus, Atreus verò frater matris ejus esset, & Eurystheus permisisset (quando expeditionem suscepit) Mycenâsque & imperium, pro necessitudine, Atreo (fugisse autem eum patrem aiunt, propter Chrysiippi necem) & cùm non amplius rediisset Eurystheus, volentibus Mycenâis

naïs (præ metâ *Heraclidarum*) & simul potentia famâ celebrem, & qui plebem coluisset, *Mycenæorum* & omnium quibus *Eurystheus* imperaverat, *Atreum* regnum accepisse; nempe, aiunt, quod antecesserat. Hic sunt tres μεταξυλογίαι, quarum duæ posteriores duriores sunt, & præsertim media. Rectè animadvertit *Franc. Portus*, post Α'τρῆως ἦ, quod est ante primam Parenthesin, debuisset sequi, ponè secundam, διαδεξαμένην ἢ ἀρχὴν, βαλομένων τῶν Μυκηναίων &c. sed mutatam verborum figuram. Innumera similia possent adferri ex eodem *Thucydide* exempla, e quibus constaret, non leve incommodum Lectoribus olim fuisse, cùm nulla Parenthesicon signa notata essent; nec exiguam Librariis, hac in re, peccandi occasionem fuisse. Quod difficilius, sine antiquissimis exemplaribus, deprehendere nunc possumus; quia, si duriorē & obscuriorē structuram *Thucydidi* ignoscimus, nos tamen mollior & clarior nequaquam ita in eo offendit, ut vitatam ubique ab eo putemus.

6. Est alius Scriptor, qui frequentibus Parenthesibus & Hyperbatis laborat, & quem probè intelligi, multò magis quàm *Thucydidem*, interest. Is est *Paulus* Apostolus, quem ejusmodi orationis structurâ impeditiore abundare nemo non animadvertit. Nemo tamen frequentius signa Parenthescos adhibenda censuit, in ejus oratione expedienda, quàm *Nortonius Knatchbullus*, Nobilis Anglus, in acutis Animadversionibus in Libros Novi

tionis commodiùs evolvunt. Optimè Chrysostomus ad vers 4. observat *obscurum factum esse, quod dicitur, propter vocum complicationem*; ἀσαφὲς τὸ εἰρημίνον, ὑπὸ τῶν λέξεων πολοκῆς, γέγονε. Attamen hîc res ipsa non obscura ad rectam verborum connexionem deducit, quæ multò difficilior est, in aliis Pauli ratiocinationibus, ut vel ex *Knatchbullo* liquebit.

8. Sed exemplum alterum addemus, è Luca, omissæ Parenthescos, quæ omissio toti orationi tenebras offudit, Act. I, 19. Petrus illic orationem habet ad Apostolos & Discipulos Christi, ut mortuo Judæ quispiam sufficeretur, qui duodecim Apostolorum numerum impleret. Itaque memorat violentam Judæ mortem, locaque addit è Psalmis, è quibus successorem ei dandum ostendit: *Et hic quidem*, inquit, *possedit agrum ex mercede iniquitatis* & *suspensus crepuit medius* & *diffusa sunt omnia viscera ejus*: Καὶ γνωστὸν ἐγένετο πᾶσι τοῖς κατοικοῦσιν Ἱερουσαλὴμ, ὥστε κληθῆναι τὸ χωρίον ἐκεῖνο τῇ ἰδίᾳ διαλεκτῷ αὐτῶν Ἀκελδαμὰ, τὰτέστι χωρίον αἵματός: *Scriptum est enim in libro Psalmorum* &c. Omissa Parenthesis effecit ut verba Græcè tantùm à me adlata crederentur etiam esse Petri, quæ ab eo proferri non potuerunt, sùntque reverâ Lucæ; qui ut confirmaret quod dixit Petrus, de agro emto pecuniâ, ob quam à Juda proditus erat Christus, interponit hæc ejus orationi verba: *Et notum factum est omnibus*

habitantibus Jerusalem ; ita ut adpellaretur ager ille , Lingua eorum , Aceldama ; hoc est , ager sanguinis. Numquam dixisset Petrus de Lingua Jerosolimitana *Lingua eorum* , cum ipse eadem uteretur ; nam in Galilæa videntur tantum aliter pronunciaſſe Linguam Chaldaicam , quæ per totam Judæam erat in uſu. Deinde , non interpretatus eſſet condiscipulis quid ſibi vellet vox *Akeldama* , quod iis æquè ac ipſi notum erat. Nec in hiſce etiam , quæ nihil ad rem faciebant & notiſſima erant iis , quos adloquebatur , moratus eſſet. Sed hæc omnia optimè in gratiam eorum , qui rem alioqui ignoraturi erant , & Chaldaicè nesciebant , interponuntur ex perſona Lucæ. Senſiſſe hæc videtur *Erasmus* , qui adiri poterit , nec tamen ab aliis Interpretibus auditus eſt. Hinc liquet Parentheſin , non animadvertſam , orationem obſcurare , quod ex ſuperioribus etiam ſat conſtat.

9. Hæc eò non dico , quaſi , perſpicuitatis cauſâ , vitandâs omnes Parentheſes cenſerem ; quæ ſine obſcuritate , vim interdum , ut Rhetores docent , orationi majorem addunt , quàm ſi naturæ , ut ita dicam , conſentaneo ordine , ſingula verba collocarentur. Sed qui adcuratè hoc eſt , ad Rhetorum canonas ſcribunt numquam aliàs eas admittunt , aut certè admittere debent. Nec dubito quin multa menda , ex intricata oratione orta ſint , cum Librarii , aut Critici eam conarentur expedire. E *Cicerone* unum atque alterum exemplum , ut res meliùs intelligatur , ſubjiciam.

10. Libro I. contra Verrem , c. 50. poſtquam

quàm dixit S. C. factum eſſe , quibus de ſartis tectis cognitum & judicatum non eſſet , uti C. Verres , P. Cœlius Prætores cognoscerent & judicarent , ſic pergit : *Quà poteſtate iſte (Verres) permiſſa , ut ex C. Fannio & ex Q. Tadio cognoviſtis ; verumtamen cùm eſſet omnibus in rebus apertiffimè , impudentiſſimèque prædatus , hoc voluit clariffimum relinquere indicium latrociniorum ſuorum , de quo non audire aliquando , ſed videre quotidie poſſemus ; quaſivit quis Ædem Caſtoris ſartam , tectam deberet tradere. Cùm ſe hinc non extricaret M. Ant. Muretus , vir alioquin elegantiffimi & acutiſſimi judicii , ſententiam nullam eſſe pronunciavit , ſcribique juffit , *quà poteſtate permiſſa* ita abuſus eſt , *ut ex C. Fannio &c.* Tres voces excidiſſe putavit. *Franciſcus* verò *Hotomannus* ait ſatis conſtare *verumtamen* vocem eſſe hoc loco otioſam , eamque etiam à nonnullis libris abeſſe ; quibus tamen ſimiles ſibi viſos nemo alius , quod equidem ſciam , narravit. *Lambinus* , *Græterus* , *Grævius* hîc planè tacent. Sed tamen ita longum verbum temerè in hunc incidiſſe locum difficile eſſe credere fatetur *Hotomannus*. Itaque conjecturam hanc ſuam Eruditis confirmandam , aut repudiandam , ut ait , proponit. Solet , nempe , CUM & TUM frequenter conjungere , interdum etiam adjunctâ particulâ VERO , quæ vim verborum auget. Prætermiſſum igitur fuiſſe ſuſpicatur à Scriptore TUM VERO , eoque in margine poſtea repositum ; ſed eâ tamen notâ , qua pierumque uti ſolent , lineâ ,
vi-*

videlicet, impositâ, ut alius non suo loco verbum illud reponens *tamen verò*, ad extremum etiam *verumtamen* scribendum putarit. Quamobrem ita legendum ac restituendum potius locum arbitratur *Liutomannus* : ut ex *Q. Tadio cognovistis*, cum esset omnibus in rebus *apertissimè*, *impudentissimèque prædatus*, tum verò hoc voluit *clarissimum* relinquere indicium latrociniorum suorum. Interpretes alii, quos equidem vidi, tacent ; seu probarent alterutrius conjecturam, seu deliberandum censerent. Atqui additâ Parentheseos notâ, nihil opus est quidquam mutari : *Quâ potestate permissâ*, ut ex *C. Fannio* & *Q. Tadio cognovistis* (*verumtamen cum esset — possemus*) *quæsit* quis *Ædem* &c. Tò *verumtamen* refertur ad τὸ σιωπώμενον, quasi vellet *Cicero* latrocinandi occasione sæpe quidem aliàs *abulum Verrem*, verum tamen hoc *clarissimum* omnium ejus latrociniorum esse. Orationem autem, parenthesi scētam, rarum non est etiam ellipticam esse.

11. Sic *Tusculanarum Quæst.* Lib. II. c. 1. postquàm dixit *Cicero* se non ignorare multos instituto suo studiosè esse contradicuros, ita porrò inquit : *Etenim si orationes, quas nos multitudinis judicio probari volebamus* (*popularis est enim illa facultas & effectus eloquentiæ est audientium adprobatio*) *sed etsi reperiebantur nonnulli qui nihil laudarent* &c. Post parenthesin subaudiendum, *non omnibus placuerunt*, ad quod referuntur verba : *sed etsi reperiebantur nonnulli*, à quibus nova veluti Pa-

Parenthesis inchoanda est, hoc modo: *Et enim si orationes* — (*popularis* — *approbatio*) non omnibus placuerunt (*sed si reperiiebantur nonnulli, qui nihil laudarent, nisi quod se imitari posse confiderent, quemque sperandi sibi eundem & bene dicendi finem proponerent; & cum obruerentur copia sententiarum, atque verborum jejunitatem & famem se malle, quam ubertatem & copiam dicerent (unde erat exortum genus Atticorum iis ipsis, qui id sequi se profitebantur ignarum) qui jam conticuerunt pænè ab ipso foro irrisi*) quid futurum putamus, cum adjutore populo, quo utebamur antea, nunc minimè nos uti posse videamus? Integrum locum exscripsi, cum ut *parentheticam orationem ellipticam* quoque aliquando esse ostenderem, tum verò ut omisforum Parentheseos signorum exemplum alterum adferrem; nam primæ tantùm signa, in Editionibus cernuntur. Observent etiam Lectores non *Thucydidem* tantùm, sed & ipsum *Ciceronem* μεταξυλογίας obscurum interdum fieri. Exempla aliquot alia, in viri doctissimi *Joan. Davisii* notis ad hunc locum, invenient.

12. Addam tamen tertium, ut locum simul emendem, è Lib. II. de Legibus c. 25. ubi sic *Cicero*, de ritibus funerum, apud Atticos, agens: *sequebantur epulae, quas inibant parentes coronati, apud quas de mortui laude, cum quid veri erat prædicatum, nam mentiri nefas habebatur. at juxta conjecta erant.* Nihil ad hæc *Ciceronis* Editores *Lambinus & Gruterus*, nisi quodd probant *Pauli Manutii* con-

conjecturam, quâ emendabat *confecta* pro *conjecta*, & quidem meritò. Sed totus locus sic est, ope Parenthescos, & levis mutationis restituendus: *cùm quid veri erat prædicatum (nam mentiri nefas habebatur) fuerat, iusta confecta erant.* At, quod superest in Codicibus, est finis verbi *fuerat*, cujus initium *fuer* omissum videtur, ob similitudinem cum antecedente syllaba *tur*. Nec quisquam dixerit duriusculam hanc esse Parenthesin, nec in *Cicerone* ferendam, qui vel antecedens exemplum paullò adtentius expenderit. Non ignoro delicatulos esse nescio quos homines, qui sine ulla necessitate, & contra omnium MSS. Codicum auctoritatem, emendant quæ bene Latina sunt; ut *Cicero* barbaris ipsorum auribus elegantius, scilicet, loquutus esse videatur. At scio nemini erudito ejusmodi licentiam probari; quâ innumera corrumperentur, si ad barbarorum palatum exigenterentur.

13. In veterum etiam Hebræorum Libris, nulla Parenthesium signa occurrunt, quæ tamen, ut in omnibus Linguis, necessariò sunt supplenda. Sic Numer. V, 21. in adjuratione mulieris adulterii suspectæ, verba quædam ita sunt legenda, quasi Parenthesi clausa. *Tam adjurabit eam sacerdos, dicetque mulieri: Si nullus alius vir concubuit tecum, neque aliò deflexisti ad immunditiam à viro tuo, immunis esto effectus aquæ hujus amaræ. Sin verò aliò deflexisti à viro tuo & polluta es, ac tecum concubuit vir alius, præter tuum, (hic sacerdos adjurabit mulierem jurejurando ex-*
cra-

crationis, eique dicet :) *statuat te Jehova in execrationis & perjurii exemplum &c.* Quæ Parenthesis cùm Hieronymo durior videretur, eam emollivit, hisce verbis ejus loco substitutis: *His maledictionibus subjacebis.* Sic & Deut. C. II, 10, 11, 12. κατὰ παρενθήκην verbis Dei inferuntur. Similis quoque est à vers. 20. ad 23. Vide & vers. 28, 29.

14. *Interrogationis* signum etiam inventum est, quoddam sæpe Interrogatio iis verbis concepta est, quibus adfirmans quoque enuntiatio exprimeretur, nec posset internosci, nisi à perito & adtento Lectore, interrogatione sit an adfirmatio. Est autem orationis perspicuitas omni ratione adjuvanda, ne sine ullo fructu, lectorem verba obscura morentur. Tota eò spectet oportet ut doceat, quam in rem numquam potest esse nimis perspicua. Cùm orationi etiam vim addat Interrogatio, & interdum neget quod adfirmare videtur; si signum omittatur, nec id animadvertat Lector, frigere ei videatur oratio necesse est, imò verò contraria ei sententia tribuatur. Cùm eadem sit ratio, hoc in negotio omnium Linguarum, nihil intererit è qua exempla desumantur.

15. Genes. XLI, 16. cùm Rex Ægypti Josepho dixisset se non invenire conjectorem somniorum suorum, respondet Josephus: בלעדי אלהים יענה את שלום פרעה quod verbo tenus interpretantur: *sine me Deus respondebit pacem Pharahonis*; quæ sensu carent. Addito interrogationis signo ostendimus vertenda: *an sine Deo faustum responsuri edetur Pharahoni?*

ni ? quasi diceret , mirum non esse si conjectorem somnii non inveniret , Deum enim solum posse docere , quid somnio Regi immisso portendere voluêrit ; nam ejusmodi interrogatio est negationis loco , ut sæpe aliàs , cuius rei exempla inveniuntur in Indice nostro in Pentateuchum. Ergo videmus , additâ Interrogationis notâ , sensum orationi reddi , ceteroquin eo carituræ. Quod cum non adsequerentur LXX. Intt. putarunt hic negationem omissam & verterunt ἀνευ Θεῶν ἐκ ἀποκριθῆσθαι τὸ σωτήριον Φαραὼ , quod tamen eundem sensum parit. Sed vide dicta à nobis ad eum locum.

16. Si quis contrà adimeret Interrogationis , signa , ubi adponenda sunt , aut planè frigeret oratio , aut in contrarium sensum mutaretur. Si quis è I. Catilinaria C. I. verba quibus Cicero Catilinam adloquitur , sic scriberet : *patere tua consilia non sentis , constrictam jam horum omnium conscientiam teneri conjurationem tuam non vides* ; primùm ardorem orationis exstingueret , deinde sensum ejus mutaret ; nam Cicero non vult negare hæc Catilinæ nota fuisse , sed eum irridere , ac increpare , qui ita se gereret , quasi ea ignoraret , quæ non poterat nescire.

17. Similiter series orationis planè corrumpitur , ubi Admiratio , Exclamatio , Desiderium , Ironia , omisissis notis quibus indicantur , ei inesse non animadvertuntur. Sic si scribam , *hominem impurum , hominem nequam* , cum velim Exclamationem , aut Admi-

mirationem exprimere, ægrè intelligar; contra verò nemo fit, qui mentem meam illico non adſequatur, ſi ſcripſero, *hominem impurum! hominem nequam!*

18. Sic Æneid. VIII, 643. ubi ſupplicium Metii, Albanorum Dictatoris deſcribitur:

*Haud procul inde citæ Metium in diverſa
quadrigæ*

Diſtulerant (at tu dictis, Albane, maneres)

*Raptabátque viri mendacis viscera tellus,
Per ſilvam, & ſparſi rorabant ſanguine vepres;*

Satius eſſet ſcribere, additâ Deſiderii notâ; (*at tu dictis, Albane, maneres!*) hoc eſt, utinam promiſſis ſtetiſſes! neque enim tam crudele ſupplicium fuiſſes. Scio viros doctos vulgò interpretari *manere debuiſſes*, nec commodum ſenſum eſſe nego; ſed occultum etiam illic eſt narrantis Deſiderium, quo ſignificat ſibi dolere, quòd tam graves pœnas de Metio ſumi neceſſe fuit, optaréque ſe, ſi fieri poſſet, rem non contigiſſe. Eſt etiam exemplum Deſiderii, in loco *Virgilii* adlato §. 2. Georg. III, 513.

19. In *Ironia* idem ſignum (niſi quis mallet novum inveniri, quod in ceteris etiam adfectibus exprimendis fieri poſſet) rectiùs adponeretur, quàm omitteretur. Sic Æneid. I, 43. ubi Junonis, irâ æſtuantis, animus deſcribitur:

—— *Mène incepto desistere victam?*
Nec posse Italiâ Teucrorum avertere Re-
gem?
Quippe vetor fatis!

Malim post *fatis* signum Ironiæ addere, quàm Lectori rem intelligendam relinquere cum multi non intelligant, qua de re dixi P. II. Sect. I. C. XVI, 24. Similiter paulò post versu 52.

—— *Et quisquam numen Junonis adoret*
Præterea, aut supplex aris imponat hono-
rem!

præstat signum Ironicæ Exclamationis, ejusque indignatione mistæ, addere, quàm Interrogationis, quæ hîc nulla est. Idem factum velim, post versum 95. *Æneidos* IV.

Egregiam verò laudem & spolia ampla re-
fertis
Tūque puerque tuus, magnum & memora-
bile nomen,
Una dolo Divūm si fœmina victa duorum
est!

Non sum nescius ex re ipsa fatis liquere esse hîc Ironiam; sed nihil vetat signo hoc quoque indicari, & sunt loca, ut diximus, ubi omnes figuram non vident

20. Notissimum est, ut obiter diximus §. 21. superioris Capitis, in antiquissimis Codicibus
MSS.

MSS. Græcis, nullos eſſe adpictos Accentus, ac Spiritus, eorúmque notas partim eſſe inventas, ut voces ambiguae diſtinguerentur. Ad calcem aliquot Lexicorum exſtat collectio plurium, quàm ducentorum vocabulorum, in quibus diverſitas accentuum ſignificationem mutat. Idem obſervare licet in ſpiritibus, ut in vocibus *ὄψ* & *ὄψ* *monſ* & *ὄψ* *finis*, & *non*, & *nbi*, & ſimilibus. Quæ omnia ſi deleantur, aut malè adponantur, magnas ambiguitates pariant. Vide dicta Cap. antecedentiſ §. 22. & 23.

21. Etiam, apud Latinos, jam olim uſum accentuum fuiſſe, hanc in rem, adhibitum oſtendunt antiquiſſimæ Inſcriptiones & Veteres Grammatici; quorum ſuffragia collegit Eminentiff. Cardinalis *Henricus Noriſus*, ad calcem Diſſertationis Quartæ in Cenotaphia Piſana. Iis Syllabas longas à brevibus, adverbiæque à verbis, nominibúſque, & nomina à participiis diſtinguebant. Ad eum Lectorem amandamus, neque enim actum agere libet. Non ſequimur quidem nunc Veteres, qui in ſyllabis non ultimis tantum, ſed & pænultimis, & antepænultimis accentus adponebant, ut longas ſyllabas indicarent, quod nimis oſeroſum eſſet. Sed non improbamus, imò etiam imitamur eorum inſtitutum, qui accentibus gravibus ſignant adverbia, ut diſtinguantur à verbis & nominibus, ut *pone*, ne miſceatur cum imperativo *pone*; *ferè*, ne confundatur cum *fere* vocativo; *penè* (ſi nolis ſcribere *pènè*) ut ſecernatur à verbo obſcæ-

no; *raro*, ut distinguatur à dativo *raro*; *multum*, ut discriminetur ab accusativo *multum* &c. Ablativos etiam absolutos singularis præfertim in A, circumflexo solemus signare, ne confundantur cum nominativis, quod ambiguitates interdum sat magnas creare potest; quas cur non vitemus, nullam rationem video. Non observatum hoc παραδιορθώσθαι loci Ciceroniani Lib. V. de Finibus, c. 17. occasionem præbuit. Cicero agens de commodis corporis, quæ sponte naturæ quærimus: *Nunc autem aliud*, inquit, *jam argumentandi sequamur genus, ut non solum quia nos diligamus, sed quia cujusque partis naturæ, & in corpore & in animo sua quæque vis sit; idcirco in his rebus summa, nostra sponte moveamur.* Sic habet Gruterus, nec aliter ediderat Lambinus, nisi quodd omiserat comma, inter *summa* & *sponte*. Is *summa* inanem vocem esse pronunciat, Gruterus verò, cum Aldo nepote, legit *moveatur*. At legendum fuit: *summâ nostrâ sponte moveamur*, hoc est, *μάλιστα ἐκείως*, prorsus spontaneo motu, non ratione, aut consuetudine contractâ bona corporis quæramus. Possent etiam non incommodè distingui ablativi absoluti plurales à dativis, simili aliquâ notâ, aliæque addi, eadem de ratione. Sed hîc consuetudini aliquid dandum, ne tantilla novitas bilem Grammatistis moveat.

CAPUT XII.

*Ex compendiaria scriptura multa esse nata
Menda.*

I. QUI versarunt veteres Codices sæpe animadverterunt Librarios, sive ex festinatione, sive ex prava consuetudine, pro integris vocibus, aut earum initium dumtaxat, puncto addito, scripsisse; aut syllabas in media voce omittas, impositâ lineolâ, supplēvisse; aut etiam nullum compendiariæ scriptiōis indicium addidisse. Hinc factum ut Librarii, aut etiam Critici, qui ea compendia non adsequebantur, malè quod decrat suppleverint, aut integrum putarint quod mutilum erat. Huc etiam referri possunt numeri, in quos irrepsere menda, quia litteris, vel notis arithmeticis descripti erant; in quas menda irrepere facilè potuerunt, quæ admiffa numquam fuissent, si integris vocibus expressi fuissent numeri. Idèd *Justinianus* Imp. vetuit, in describendis Institutionibus, Digestis & Codice, compendia ulla adhiberi. Sic loquitur in Præf. Digest. Tit. I. de Digg. conceptione ad Tribonianum. §. 13. *Ne autem per scripturam in posterum fiat aliqua dubitatio, jubemus non per siglorum captiones & compendiosa enigmata, quæ multas per se & per suum vitium antinomias induxerunt, ejus-*
dem

dem Codicis textum conscribi, etiamsi numerus librorum significatur, aut aliud quidquam; nec enim per specialia sigla numerorum manifestari, sed per litterarum consequentiam explanari concedimus. Vide similia T. II. de Confirmatione Digg. §. 22. ubi ex ejusmodi libro vetat quidquam recitari & pœnam statuit in Librarios; Constitutionemque de Emendatione Codicis, §. 5. Horum omnium exempla aliquot sunt in medium proferenda. Sed antea Lectorem monebo, his iterum editis, prodiisse Palæographiam Græcam Bern. de Montfaucon, an. 1708. in qua Lib. V. copiosissimè agit de compendiis, quæ in MSS. deprehenduntur, ad quam Lectorem amandamus.

2. Sunt nomina propria, quæ eadem syllabâ inchoantur, inter se mista; quod fieri non potuisse videtur, nisi quia Librarii festinantes syllabam unam, aut alteram, vel secundæ litteram scribebant, addito puncto, pro integro nomine. Exempli causâ, variarum sententiarum fragmentis, quæ cùm apud Joannem Stobæum, tum alibi exstant, præfixum olim fuit, aut subjectum ΦΙΛ. quod cùm non adsequerentur aut Librarii, aut Grammatici, ex eo compendio fecere nunc Philemonem, quod nomen est celeberrimi Comici æmuli Menandri; nunc Philistionem quod est nomen Pantomimi qui sub Augusto vixit; nunc Philetam, qui Elegias & Epigrammata scripserat.

3. Græculus, qui concinnavit comparationem Menandri & Philemonis, quam primus edidit Nicol. Rigaltius, tum auctiorem reposuit

suit Jan. Rutgersius & Philistionem, non alia de causa, pro Philemone auctorem variarum sententiarum fecit; ut judicarunt tres æquales Critici, non è vulgò, qui eam comparisonem notulis illustrarunt. Primus est Rutgersius Var. Lect. Lib. IV. c. 12. cujus hæc sunt verba: *Horum nominum confusio inde videtur orta, quòd auctoris nomen primis tantum litteris designatum erat, hoc modo: PHIL. unde hæsitans Librarius nunc Philemon, nunc Philistion, nunc Philetas fecit, quod apud Stobæum pænè perpetuum est.* Alter est Dan. Heinsius, qui ita Rutgersium adloquitur: *Quæ Philistioni adscribuntur hic, adscribenda Philemoni verè simul, atque acutè observatum est à te, frater jucundissime; idque ex errore litterarum esse natum; quòd Philistion, Philemon & Philetas iisdem primis elementis scriberentur, velut ipse is locus, qui divitiarum atque paupertatis comparisonem habet, perperam Philetæ à Stobæo adscribitur.* Horum judicio suffragium suum adscribit Hug. Grotius, * in notis ad excerpta ex Menandro. Simili ratione cùm esset in MSS. Codd. Ciceronis Academ. Quæst. Lib. IV. c. 19. *Hæc ANT. ferè & Alexandriae tum & multis annis post &c. hinc fecere nonnulli Antonius, pro more Romano, quod in Lambini & Gruteri Editionibus legitur, sed perperam; nam manifestò legendum Antiochus, ut est in Aldi nepotis Editione. Vide ejusdem Libri Cap. IV.*

4. Hac ex consuetudine Librariorum, natum esse suspicor mendum, quod à multis

ſæculis infedit A&. VII, 16. ubi *Abrahamus* dicitur *emiffe ſepulcrum à filiis Emmor patris Sichem*, cum à *Jacobo* ab iis agrum emtum liqueat ex Gen. XXXIII, 19. Scriptum fuiſſe videtur emtoris nomen, hoc compendio IAB. quod erat interpretandum Ἰακώβ; at exſcriptor credidit eſſe initium vocis ABPAAM, ſeu delétum eſſet I lapſu temporis, ſeu mendosè additum judicaverit. Itaque ſcripſit Ἀβραάμ, quem in errorem faciliùs incidit, quòd reverà *Abrahamus* emiſſet ſepulcrum, ſed alibi, & ab aliis, ut docet *Mofes* Gen. XXIII. Sic ſcriptum invenitur ΙΗΔ pro Ἰσραήλ, ΙΔΗΜ pro Ἰερουσαλήμ, ΔΑΔ. pro Δαυὶδ, & ſimilia, quæ animadvertit, exempliſque comprobavit vir doctiſſimus *Bern. de Montſaucon*, in Palæographia Græca, loco antea memorato.

5. Certum eſt ergo ejuſmodi compendium ſæpe in MSS. inveniri, quo primæ & ultimæ litteræ conjunguntur, cujus exemplum ex *Aug. Grotio* adtulimus Cap. VII. §. 3. Sic* viri docti animadverterunt in MSS. *Diogenis Laërtii* Lib. IX. §. 10. Leucippum vocari Μήλιον, qui *Clementi Alexandrino*, & *Epiphanio* dicitur Μιλήσιος. Compendii cauſa, ſcriptum videtur Μλιος, unde alii *Melium* fecerunt, alii *Mileſium*. Sic & *Diagoras*, qui *Melius* à pleriſque dicitur, & fuit, *Chryſoſtomo* in Hom. IV. in 1. ad Corinthios eſt *Mileſius*.

6. Si-

* Vide *Ag. Menagii* obſervationes.

6. Similiter in vita *Dinarchi*, à *Dionysio Halicarnasæo* scripta, laudatur Δημήτριος ὁ μάγνης, ὃς ἐδοξε γενέσθαι πολυτίμωρ, ἐν τῇ περὶ τῶν ὁμωνύμων πραγματείᾳ, *Demus Magnes, qui Polyhistor existimatus est, in opere de homonymis*. Legendum ait *Isaac. Casaubonus* * Δημήτριος; quo nihil certius, cūm *Diogenes Laërtius* *Demetrium Magnetem*, plūsq̃uā quindēcies laudet, in *Opere de Homonymis*, aliisque; *Demum* verò *Magnetem* nemo. Addit *Casaubonus*: *Error natus est ex compendio scripturæ, tales sunt in bonis Scriptoribus infiniti*. Non modò compendium scripturæ fuit, sed nulla planè ejus nota adscripta videtur; quam sine dubio animadvertisset vir doctissimus *Pet. Victorinus*, qui eum libellum *Dionysii* primus è MSS. Codicibus edidit.

7. Idem *Casaubonus*, eodem loco, existimat indidem factum esse, ut pro *Soficrate* apud *Diogenem*, loco indicato, legamus *Socratem*, in primo de *successione*; sed crediderim potiùs *Librarium* non satis adtentum, pro nomine minùs noto *Soficratis*, audisse celeberrimi *Philosophi* adpellationem, cāmque pro altera scripsisse; quod peccatum nimis quā̃m frequenter à Criticis admissum constat, ut postea ostendemus. Notum est *Veteres* duplex I expressisse longiore litterā ut *PLAUTI*, pro *PLAUTII*. Sive hac de causa, sive quòd *PLAUT.* dumtaxat in titulo nonnullarum *Comœdiarum* scripsissent *Librarii*, nonnulla

L 5 qua

* In not. ad *Diogen. Laert. Lib. VII. §. 80.*

quæ *Plantii* erant, *Plauto* sunt adtributæ. *Varro*, in Libro de Comœdiis *Plautinis*, scripserat *Plantium* fuisse quemdam Poëtam Comœdiarum, cujus quoniam fabulæ *PLAUTI* inscriptæ forent, acceptas esse quasi *Plautinas*, cum essent non à *Plauto* *Plautinæ*, sed à *Plautio* *Plautianæ*. Vide *Aul. Gellium* Lib. III. c. 3.

8. Compendiaria scriptura peperit mendum in *Livio* Lib. XXXVII, c. 24. ubi narrato initio pugnæ navalis *Rhodiorum* cum *Anni- balem*, quam non sine tumultu inierant *Rhodi*, ita pergit : *Sed momento temporis & navium virtus & usus rei maritimæ terrorem omnem Rhodiis dempsit*. Miror viros doctos non vidisse legendum *NAVALIUM*, nempe, sociorum, ut solet loqui *Livius*, hoc est, *remigum*. Nemo *navibus* tribuerit *virtutem*, & *usum rei maritimæ*; nec dixeris *naves* metonymicè sumi pro *navalibus*, nam possit fortè hoc fieri, si vox sola sit; sed non cum adjunctis, quæ nonnisi hominibus conveniant, qualia hîc occurrunt. Idem *Livius*, eodem Libro C. XXX, 2. *robur* *navibus*, *virtutem* militibus tribuit : *Robore navium & virtute militum Romani longè Rhodios præstabant*.

9. Inter compendia scripturæ, referri possunt, ut diximus, numeri non integris vocibus sed litteris, aut notis descripti, in quibus sæpissimè peccatum esse conqueruntur passim Critici; præsertim cum de annis *Olympiadum*, aut *Urbis Conditæ* à *Veteribus* memoratis loquuntur. Facile esset ingentem copiam locorum exscribere, nec difficile est intel-

telleſtu litteris, aut notis non ſatis eleganter
piſtis legentes ſæpiſſimè falli potuiſſe. Ob-
ſervabo dumtaxat videri etiam veteres He-
bræos litteris numeros expreſſiſſe, unde natæ
ἐναντιότητες, quæ ſunt inter Chronologias
Librorum Regum & Paralipoménon. Si e-
nim integris vocibus ſcripſiſſent, numquam
futuræ fuiſſent tot diſcrepantiæ. Scio viros
eruditos * omnem movere lapidem, ut eas
tollant; ſed palam eſt eos operam plerumque
ludere, ſi inter ſe eorum interpretamenta con-
ferantur. Maluerunt, nimirum, Rabbiniſ
credere, hominibus vanis; quàm oculis &
rationi, quæ docebant menda eſſe Librario-
rum. Nam quod dicunt timere ſe ne, ſi fa-
teantur menda ineſſe Veteris Teſtamenti Li-
bris, actum ſit de ejus auctoritate; id pri-
mùm eſt imprudenter prodere eam auctori-
tatem, quam ſe defendere profitentur, non
quòd eam compertam habeant, ſed quia ita
expedit; non amore & fiduciâ veri, ſed quia
ita cenſuerunt. Deinde quod omnes faten-
tur de Novo Teſtamento, qui id Græcè lege-
runt, & editiones hodiernas cum veteribus
Codicibus contulerunt, ut oſtendimus Cap.
VI. & poſtea etiam pluribus confirmabimus;
quòdque à nemine judicatur auctoritatem
Novi Teſtamenti minuere, id, quia ita vo-
lunt Rabbini, contendere contumelioſum eſſe
Veteri, & periculoſum, Judæi eſt, non Chri-
ſtiani; imò, ut verum dicam, ſtulti, aut ho-
minis

* Vide *Salom. Glaſſium Lib. I. Philologia Sacra, & contrā ſentientem doctiſſ. virum Job, Ludolſum Comment. in Hiſt. Lib. Lib. I. num: 28.*

minis nequam, qui aut judicat de eo quod nescit, aut contrà quàm credit loquitur. Ostendimus, nisi nos ratio fugit, manifestis argumentis, numeros hîc, illic, auctos, aut imminutos à Librariis fuisse. Loca invenientur ad vocem *Numeri*, in nostris Indicibus, adnotata. Hoc paulò acriùs dicendum fuit, ut homines imperiti, aut mali desinant tandem fictâ pietate suam imperitiam aut nequitiam tegere, & Christianam Religionem Judæis atque Atheis prodere, dum eam defendere videri volunt.

10. Errata in numeris facilè admitti potuissent & admissâ viderunt Veteres, ut *Irenæus* Lib. V, c. 30. ubi agens de numero nominis bestię, de quo Apoc. XIII, 18. $\chi\epsilon\varsigma'$. observat quosdam scripsisse $\chi\iota\varsigma'$. Ignoro, inquit, quomodo erraverunt quidam sequentes idiotismum & medium frustrantes numerum nominis, quinquaginta numeros deducentes, pro sex decadis unam decadem volentes esse. Hoc autem arbitror Scriptorum peccatum fuisse, UT SOLET FIERI, quoniam & per litteras numeri ponuntur, facilè litteram Græcam, quæ sexaginta enunciat, in Jota Græcam litteram expansam; post deinde quidam, sine exquisiitione, hæc acceperunt. Sic & *Galennus* περὶ ἀντιδότων, Lib. I, c. 5. sub finem, p. 874. T. XIII. Ed. Charterianæ, ubi agit de proportionem, seu συμμετρίᾳ τῶν μισγνυμένων ἀλλήλοις ἀπλῶν φαρμάκων, numeros litteris scriptos frequentissimè corruptos fuisse testatur, his verbis : Ἐπεὶ δὲ ἔναι κακῶς εἰσι γεγραμμένοι, τινῶν
μὲν

μὲν ἐν τῷ τοῖς αἰτήσασι διδόναι τὰς γραφὰς
ἐκοντὶ ψευδομένων, ἐνίων δὲ καὶ διασπρεφόντων
ἢ παρὰ τινων ἔλαβον ἀντίγραφα. Τὰ δὲ δὴ
βιβλία τὰ κατὰ τὰς βιβλιοθήκας ἀποκείμε-
να, τὰ τῶν ἀριθμῶν ἔχοντα σημεῖα, ῥαδίως
διασπρέφεται: *Quoniam verò nonnulla perpe-
ram sunt scripta, dum quidam, ubi petentibus
scripturam exhibent, sponte mentiuntur; aliqui
etiam pervertunt, quæ à nonnullis acceperunt
exemplaria; libri, qui in Bibliothecis repositi
sunt, & numerorum signa habent, facile cor-
rumpuntur.* Tum exempla profert hisce
verbis: τὸ μὲν πέντε ποιούντων ἐννέα, καθά-
περ καὶ τὸ ο, τὸ δὲ ιγ, προσθέσει μιᾶς γραμ-
μῆς, ὥσπερ καὶ ἀφαιρέσει μιᾶς ἐτέρας: *quod
est quinque (Ε) facientibus novem (Θ) sicut
& Ο (octoginta) & ΙΓ (tredecim) additio-
ne unius lineæ, aut alterius unius additione.*
Ε, nempe, scribebatur, ut ex antiquis Codi-
cibus liquet, instar hemicycli, cui secans li-
neola horizontalis addebatur. Hinc fiebat ut
non absimile esset τῷ Θ cuius dexter hemi-
cyclus evanuisse, aut non satis à Librario
notatus fuisset. Similiter si τῷ ΙΓ lineam de-
mas, nimirum Ι, superest Γ, hoc est, tria,
pro tredecim; aut si addas, potest fieri Δ Γ,
hoc est, triginta tria. Διὰ τῆτο ἐγὼ καθά-
περ ὁ Μινεκράτης ἔγραψε βιβλίον, ἐπιγρά-
φας ΟΔΟΓΡΑΜΜΑΤΑ ΑΥΤΟΚΡΑΤΟ-
ΡΟΣ, καθότι τὰ μὲν ζ διαὶ δυοῖν γέγραπται
συλ-

συλλαβῶν, ἔ δια τῷ ζ μόνον. Τα δὲ κ δια τριῶν, ἔ δια τῷ κ μόνον. Τα δὲ τριάκοντα δια τεττάρων, ἔ δια τὸ λ μόνον, ἢ τᾶλλα ὁμοίως, ἔτω ποιήσω ἢ αὐτός: Ideo ego, ut *Menecrates scripsit librum; hoc titulo*, Hologrammata Imperatoris, quia ζ duabus scriptum est syllabis (ἑπτὰ) non solo ζ; κ tribus (εἴκοσι) non solo κ; λ quatuor (τριάκοντα) non solo λ, ἔ alia similia: sic faciam ἔ ipse. Idem factum putem, ob eandem rationem, in sacris Veteris Testamenti libris, à Massorethis, aliisve, ne posthac in numeros illaberentur errores plures, quàm qui jam erant illapfi.

11. Hæc cùm ita sint, proferam insignem locum Danielis, in quo peccatum fuisse necessariò oportet in numeris; quod faciliè fieri potuit, si litteris notarentur, multò difficilius si integris vocibus. Angeli verba ad Danielelem, anno tertio Cyri Persarum Regis, habita, ut liquet ex Cap. X, 1. hæc sunt Cap. XI, 2. *Ecce adhuc tres Reges stabunt in Perside* ἔ *quartus amplioribus opibus ditabitur; quàm omnes*, ἔ *cùm invaluerit opibus suis, concitabit omnes contraregnum Javanis*. 3. *Existet autem Rex potens*, ἔ *amplam habebit ditionem, faciétque pro arbitratu suo*. 4. *Cùm verò exstiterit, conteretur regnum ejus*, ἔ *dividetur in quatuor ventos cæli, non verò posteris ejus*, &c. Regnarunt ordine, post Cyrum, Cambyfes, Smerdis Magnus, Darius Hystaspides, & Xerxes. Hic est quartus à Cyro, in quem primâ fronte quadrare videntur quæ
habet

habet Propheta ; fuit enim potentissimus Persarum Regum , qui adhuc fuerant , & omnes populos Imperii sui contra Græcos concitavit : ut norunt omnes , qui non sunt in hisce rebus planè hospites.

12. Attamen alium designari necesse est , quia Angelus loquitur de duratione Imperii Perfici , deque numero Regum , qui post Cyrum regnaturi erant. Hoc ex ejus orationis initio adparet : *tres Reges stabunt ADHUC in Perside , & quartus* , &c. tum etiam ex vers. 3. & 4. ubi de Alexandro everfore Imperii Perfici. Absurdum itaque esset dicere *tres adhuc* futuros Reges , & surrecturum *quartum* , atque in illo consistere , quasi esset ultimus , post quem novem regnarunt ; ac , prætermisissis illis , ad everforem ejus Imperii subito transire ; clarè enim Alexander describitur vers. 3. & 4. & successores ejus in sequentibus. Respondet quidem Hieronymus , in hunc locum , *non curæ fuisse spiritui prophetali historię ordinem ; sed præclara quæque persringere*. At curæ esse debuit Angelo , durationem Imperii Perfici revelaturo , numerum integrum Regum post Cyrum regnatorum edere ; ne hiulcum esset vaticinium , & suspectum apud posteros , præsertim Ethnicos , fieret ; quasi ab homine imperito historię Persicæ fictum. Hugo verò Grotius existimat mentionem fieri Xerxis , ut adpareat , *non sine causâ probabili , Alexandrum postea ivisse in Persas*. Verùm hac responsione non magis satisficit iis , quæ modò dicebamus ; quàm Hieronymianâ. Quartus ergo ille Persarum Rex , qui

qui potentissimus omnium describitur, & dicitur concitaturus omnes contra Græcos, aut regnum *Javanis*, est Darius *Codomannus*; qui & ditissimus fuit, cum ad eum congestæ per multos annos Persicorum Regum Gazæ pervenerint; &, omnibus Imperii Persici viribus, cum Alexandro confligit. At quomodo potest hîc dici quartus, cum inter Cyrum & illum duodecim Reges fuerint, apud Persas?

13. Hæc cum videret *Joannes Lightfootius*, diligens quidem Rabbinicorum Scriptorum Lector, atque excerptor, sed qui Magistris illis sæpe multò acutior non est, eò devenit ut diceret *, fuisse tantum quinque Persarum Reges, Cyrum, nempe, & post illum quatuor; unde facile est colligere, ut putat, quantopere à vero calculo aberraverint Historiæ Ethnicæ, quæ in Persico regno quatuordecim successivè Reges enumerant, & ducentos ei durationis annos tribuunt. Nesciebat bonus vir adcuratam singulorum illorum Regnorum Chronologiam tradi, & à Græcis res gestas eorum ita narrari, ut suas cum illis jungant; quod potuisset ex *Seth. Calvisio* aut *Dionys. Petavio* discere, qui adcuratissimi Chronologorum cluent, ut alios innumeros omittam.

14. Ita verò habent verba Angeli Hebræicè: הנה עוד שלשה מלכים עומדים לפרם והרביעי יעשר: עושר גדול מכל ובחוקתו בעשרו יעיר הכל את מלכות יון: Aliquando conjecimus post voce שלשה quatuor excidisse vocem עשר *decem*, & post רביעי *quar-*

* In *Descr. Templi Jerosolomitani*. C. XL. Scd. 1.

quartus vocem *רשי* *decimus*; mendúmque ita irrepsisse, ut primùm Librarius omisisset *רשי*, ob similitudinem vocis sequentis *רשי* *ditescet*; unde postea factum esset, ut *רשי* *decem* deleteretur, quia *quartus* non potest sequi *decimum tertium*. Nunc verisimilius videtur numeros scriptos litteris, & prius quidem fuisse hoc est, 13. posterius verò *יד* hoc est, 14. Facillimè enim fieri potuit ut litterarum minima, aut utrobique exciderit simul, aut primùm in alterutro loco; quo factum fuerit, ut & in altero deleteretur.

15. Sensus est perspicuus & certissimæ Chronologiæ Græcorum consentaneus: *Adhuc tredecim Reges stabunt in Perside*; numerato, nempe, ipso Cyro, qui diu post hanc prophetiam superstes fuit; & *decimus quartus amplioribus opibus ditabitur, quam omnes, &c.* qui est, ut diximus, *Darius Codomannus*, qui *decimus* quidem *tertius* est, si numeres à Cyro, sed *decimus quartus*, si à *Cambyse* patre Cyri; qui *Cambyses* Rex Persarum fuerat, ante *Cyrum*. At cùm hujus obscurum, in sola Perside, regnum, amplissimo per totam Asiam imperio Cyri filii, oblitteratum fuerit; illo omisso, *Cyrum* quasi primum Persarum Regem numerarunt. Attamen cùm res tempore Danielis notissima esset, non mirum est *Cambysem* primum Regem ab Angelo numerari. Ideò etiam *Xenophon* initio vitæ Cyri, Lib. I. Πατρὸς μὲν δὴ λέγεται Καμβύσης, Περσῶν βασιλέως: *Patre dicitur Cambyse, Persarum Rege*. En igitur nomina quatuordecim Regum Persarum: 1. *Cambyses*

178 ARTIS CRITICÆ P. III. S. I. C. XII.

pater Cyri ; 2. Cyrus ; 3. Cambyfes filius Cyri ; 4. Smerdis magus ; 5. Darius Hystaspides ; 6. Xerxes ; 7. Artaxerxes Longimanus ; 8. Xerxes II ; 9. Sogdianus ; 10. Darius notus ; 11. Artaxerxes Mnemon ; 12. Artaxerxes Ochus ; 13. Arses ; 14. Darius Codomannus. Sic videtur numerasse Hieronymus, qui ita confutat eos, qui Darium ab Alexandro devictum *quartum* vocari putabant : *Frustra igitur quidam, Darium regem quartum, qui ab Alexandro superatus est, scribit ; qui non quartus, sed quartus decimus, post Cyrum, Persarum Rex fuit.*

16. Attamen quamvis hæc conjectura verisimillima videatur, nolim propterea cuiquam eam obtrudere, aut quidquam, in ipso contextu Daniëlis, mutari ; ne quis me vel le manus violentas sacris paginis inferre putet. At nihil vetat quominus, in Commentariis Criticis, hæc & ejusmodi aliæ conjecturæ Eruditorum examini proponantur. Quæsi-
 fiverit fortè quispiam quæ fiat ut conjiciamus, quod est nunc integris vocibus scriptum, id olim litteris, seu Arithmeticis notis, signatum fuisse ? Verum jam hoc indicavimus, cum facile mutari potuisse singulas litteras, difficilius verò integras dictiones diximus. Quod cum animadvertissent Massorethæ, integris dictionibus expresserunt numeros, quos in Codicibus suis inveniunt. Indidem, partim saltem, videntur esse ortæ discrepantiæ, quæ sunt inter Codices Judæorum, Samaritarum & Septuaginta Interpretum, in annis antiquissimorum Patriarcharum. Non diffi-
 teor

teor posse & nonnullas alias ejus rei rationes adferri, atque à viris doctis adlatas; sed huic etiam, inter alias, locum esse verisimillimum est.

C A P U T XIII.

De Mendis ex incuria Librariorum natis.

1. **C**UM omnia Mendorum genera, quæ antea descripsimus, possint dici orta ex negligentia Librariorum, quamvis variæ iis peccandi occasiones fuerint; non opus erit multum immoremur, in ostendendo Librarios etiam, sine ulla ejusmodi occasione peccandi, merâ incuriâ, peccasse. Attamen quia facilius intelliguntur offendere, & cespitare qui per loca aspera aut lapidosa ambulant, quàm qui per plana & æqualia iter faciunt; non erit prorsus inutile meræ incuriæ, & quæ nihil causari possit, paucula exempla huc collegisse.

2. Est egregius locus *Ciceronis*, * in Oratore, in quo quàm necessaria sit Oratori Historiæ cognitio docet; sed ita corruptus, ut verba nonnulla intelligi nequeant. Quovis quidem pignore contendere ausim, à summo Oratore scriptum non esse quod nunc legimus; at fateor mihi non ita liquere, quâ possit ei medicina fieri. Tentandum tamen est, dignus enim est locus, qui memoriter teneatur;

M 2

* *Cap. XXXIV.*

tur ; quod fieri nequit , nisi sensus aliquis ei
 insit. Hæc ergo sunt ejus verba: *Nescire au-*
tem quid ; antea quàm natus sis , acciderit ,
id est semper esse puerum. Quid enim est atas
hominis , nisi memoria rerum veterum cum su-
periorum atate contextitur ? Quomodo diffe-
 rant res veteres à superioribus non intelligo ,
 cum superiora dicantur quæcúmque sunt præ-
 terita ; adeoque non minùs vetera , quàm
 proximè , ut ita dicam , superiora. Videtur
 omnino hoc velle Cicero , nihil esse vitam ho-
 minis , ad comparandam prudentiam , si ea
 tantum teneamus quæ vidimus , & ab ocula-
 tis testibus audivimus ; sed oportere ea , quæ
 tempore nostro contigerunt , cum superiori-
 bus , veteribusque contexi , ut seriem totius
 historiæ animo comprehensam teneamus. Ve-
 rum , ut hoc diceretur , oporteret scribi :
Quid est enim atas , nisi memoria rerum
 NOSTRARUM cum superiorum atate
contextitur ? aut recentiorum , loco superiorum ;
 * sed prius magis placet. Certè non idem
 dicas , si dixeris res superiores cum veteribus
 contexere. Vita hominis , sine lectione , aut
 cognitione eorum quæ , antequàm natus es-
 set , contigerunt , cum tantum instruunt
 cognitione rerum suæ ætatis , ex quibus mag-
 na prudentia comparari nequit. At si cum
 iis , quæ nobis accidere meminimus , siue
 cum *memoria rerum nostrarum* , jungamus
 superiora omnia , quoad licet ; tum verò ex
 cognitione tot eventuum , causarumque ,
 quibus factum ut contigerint , prudentiores mul-

* Vide Infra Cap. XVII. S. 21.

multò fieri possumus , nisi judicio simus planè destituti.

3. Ex simili incuria, prognatum est grave mendum , quod est in pulcherrima oratione M. Porcii Catonis, apud *Livium* Lib. XXXIV. c. 2. quâ invehitur in luxum nimium matronarum : *Majores nostri* , inquit , *nullam , ne privatam quidem rem , agere feminas , sine auctore , voluerunt ; in manu esse parentum , fratrum , virorum ; nos , si Diis placet , jam etiam Rempublicam capeßere eas patimur , & foro quoque & concionibus & comitiis immiscere , &c. Date frænos impotenti naturæ & indomito animali , ET sperate ipsas modum licentiæ facturæ , NISI vos faciatis. Aut legendum , NEC sperate , nisi , &c. aut , & sperate — UBI vos FECERITIS ; ac ianè Fr. Modius testatur Codicem Moguntinum habere feceritis. Festinanter hunc *Livii* locum exscribentes ultima verba ita descripserunt , quasi pro ET antecessisset NEC.*

4. Non alia de causa , factum puto ut in Veterum Scriptis tot occurrant luxationes , seu transpositiones , quibus corrumpitur series orationis. Exempli causâ , in *Versione LXX. Interpretum* Cap. XXV. *Jeremiæ* vers. 14. ad finem Capituli LI. omnia sunt perturbata , si cum Hebraïcis componantur , ut liquebit inspicientibus Polyglotta. Si diligenter considerentur Hebraïca , adparet facillè ea esse recto ordine , quemadmodum leguntur in Codicibus Hebraïcis , quibus utimur , & quemadmodum ab *Hieronymo* lecta fuerunt. At quî factum ut ita Prophetæ mem-

bra luxarentur in Græcis, rationem nullam comminisci possum, præter Librariorum negligentiam; aliter enim habuisse Codices Interpretum Græcorum quàm nostros, aut *Hieronymianos*, persuadere mihi non possum, quamvis quid occasionem illi incuriæ præbere potuerit nesciam. Conjicere tamen fortè quis possit ab Interpretibus Græcis, in sejunctis primùm schedis, scriptas singulas visiones, aut vaticinia de variis Gentibus, quæ iis Capitibus continentur; deinde alicujus incuriâ, perturbatas fuisse illas schedas, nec in ordinem ab imperitis Linguae Hebraicæ potuisse restitui proindeque sic perturbatas ad posteros pervenisse. Sed sunt plures luxationes inter versus, quibus ea conjectura aptari non potest; nec satis credibile est Interpretes ipsos unum librum, in varias veluti laceratum schedas, edidisse. *Hieronymus* sibi etiam eam perturbationem displicuisse ait, in prologo in *Jeremiam*, sed causa ejus quæ fuerit non docet: *Ordinem*, inquit, *visionum*, qui apud Græcos & Latinos omnino confusus est, ad pristinam fidem correximus. In procemio verò Commentariorum, in eundem Prophetam: *Libellum autem Baruch*, qui vulgò Editioni LXX. copulatur, nec habetur apud Hebræos, & *Πευδόμενον* Epistolam Jeremiæ nequaquam censui differendam, sed magis Jeremiæ ordinem **LIBRARIORUM** errore confusum, multaque quæ desunt ex Hebræis fontibus digerere, ordinare, diducere ac complere; ut novum ex vetere, verumque, pro

cor-

corrupto atque falsato, *Prophetam teneas*. Alia exempla, ex eadem Versione, proferri possent; sed hoc aded insigne est, ut aliis opus non sit.

5. At, qui Lutetiæ nuper *Hieronimum* edidit, in ipso *Hieronimo* luxationem memorabilem animadverterunt. Ita ille præfationem de Omnibus Libris Veteris Testamenti orditur: *Viginti & duas litteras esse, apud Hebræos, Syrorum quoque & Chaldaeorum Lingua testatur, quæ Hebrææ magna ex parte confinis est; nam & ipsi viginti duo elementa habent eodem sono, sed diversis characteribus. Samaritani etiam Pentateuchum Mosi totidem litteris scriptitant, figuris tantum & apicibus discrepantes. Certumque est Esdræ Scribam, Legisque doctorem, post captam Ierosolimam & instaurationem Templi, sub Zorobabel, alias litteras reperisse, quibus nunc utimur; quin ad illud usque tempus iidem Samaritanorum, & Hebræorum characteres fuerint. In libro quoque Numerorum, hæc eadem supputatio, sub Levitarum ac Sacerdotum censu, mysticè ostenditur. Et nomen Domini tetragrammaton, in quibusdam Græcis voluminibus, usque hodie antiquis expressum litteris invenimus. Sed & Psalmi XXXVI, & CX, & CXI, & CXVIII, & CXLIV, quamquam diverso scribantur metro, tamen ejusdem numeri texuntur Alphabeto. Verba: & nomen Domini tetragrammaton, &c. necessariò subjungenda iis quæ dicit Hieronymus, de veteribus Hebræorum characteribus; tum verò antecedentia: in libro quoque, &c. subjicienda sunt, hoc ordi-*

ne : quum ad illud usque tempus iidem Samaritanorum & Hebræorum characteres fuerint. Et nomen Domini tetragrammaton , in quibusdam Græcis voluminibus , usque hodie , antiquis expressum litteris invenimus. In libro quoque Numerorum , &c. Attamen triginta quatuor Codd. MSS. à Monachis Benedictinis inspecti , verba Hieronymi eodem ordine legenda exhibent , ac vulgatæ editiones. Sed res ipsa ita esse legendum , uti conjecerunt , invenitis omnibus Manuscriptis Codicibus , ostendit.

6. Cùm apud me hujusmodi luxationis rationem quærerem , si quæ fortè posset inveniri ; hoc in animum incidit , Librarium , ex cujus vitioso Codice descripti sunt omnes quos habemus , aut ii ex quibus dictati sunt , duos *versus* , seu lineas , ut loquimur , omisisse : & nomen Domini , &c. ad invenimus : subiecissèque superioribus , In libro quoque , &c. Deinde cùm animadverteret à se eos omissos , jam scriptis duobus sequentibus , eos his subjunxisse ; potiusquàm deleret superiora , ne liturâ ejusmodi pretium exemplaris sui minueret. Vel , si ea conjectura non placet , Hieronymus ipse cùm margini adscripsisset quæ de nomine Dei habet , subjungenda iis quæ dixerat de litteris Samariticis , ea periodus est sequenti à Librariis perperam subiecta. Ejusmodi notarum margini additarum , deinde in contextum Hieronymianæ orationis illatarum , suppeditabunt ejus editores in Prolegom. Cap. III. §. 6. Quibus fit ut in posteriore conjectura adquiescam , quamvis illi Monachis.

nachi de ratione luxationis memoratæ nihil addiderint.

7. *Josephus Scaliger*, in Prolegomenis Notarum suarum in *Manilium*, ait in tertio Libro „ se quinquaginta quatuor versus, loco „ suo motos, materiâ ipsâ & tenore sententia ita postulantibus, suis sedibus reddidisse; quæ sanè, inquit, est luculenta emendatio, quâ lux reddita nobilissimæ disputationi, quæ in illa versuum & sententiarum permissione à nemine intelligebatur. Eam verò trajectionem integrarum disputationum, ex sectione contigisse animadvertimus; quâ homines imperiti carmen *Manilii* in Capita secuerunt, cum auctor perpetuum Epos texuisset. Gemblacensis sanè Codex longè plura præfert Capita, quàm vulgatæ editiones. Atque adèò perturbatio versuum magna ex parte nihil aliud est, quàm illorum Capitulorum seu sectionum inter se commutatio. Cum autem omnia Maniliana exemplaria scripta non magnam vetustatem præferant, & ex uno vetustiore Archetypo propagata sint; si quis quærat ab Archetypone illæ sectiones sint, an recentioris temeritatis; nihil aliud ad hoc respondemus, quàm si vetustissimæ sint, hoc mirum non videri, cum in multis vetustis Scriptoribus ejusmodi luxationes deprehendantur. Hæc ille, quæ an satis firma sint qui volent scire locum *Manilii*, & ejus notas expendant. Satis nobis est viri summi testimonium de luxationibus adtulisse. Sequentia tamen ejus verba huc etiam trans-

ferre non piguit , nec ea legisse quemquam
pœnitebit.

8. „ Aliquot , inquit , luxationes proferre
„ possemus ; unâ contenti erimus , quæ est
„ X. Æneïdos , ubi Mezentius comparatur
„ apro venatorum telis , & latratibus canum
„ laceffito. Versus hi sunt loco moti :

„ *Ille autem impavidus partes cunctatur in*
„ *omnes ,*
„ *Dentibus infrendens, & tergo decutit hastas.*

„ Reponendi enim post illum ,

„ *Sed jaculis , tutisque procul clamoribus in-*
„ *stant.*

„ Illa Virgiliana luxatio adeò vetusta est , ut
„ à vetere Interprete agnoscatur. Dicemus
„ igitur *Virgilium* ita scripsisse , quia omnes
„ vetustissimi Codices ita habent , & omni-
„ bus Codicibus hodiernis antiquior *Servius*
„ ita legebat ? Non sanè , si quid sapimus.

9. Locus *Virgilii* , * ne quæstioni sit ,
hic est :

Ac velut ille canum morsu de montibus altis,
Actus aper ———
—— postquam inter retia ventum est,
Substitit , infremuitque ferox , & inhorruit
armos ;
Nec cuiquam irasci , propiusve accedere vir-
tus ,

Sed

* *Lib. X. vers. 707. & seqq.*

Sed jaculis , tutisque procul clamoribus instant :

*Hand aliter justa quibus est Mezentius iræ ,
Non ulli est animus stricto concurrere ferro ,*

Missilibus longè & vasto clamore laceffunt.

Ille autem impavidus partes cunctatur in omnes ;

Dentibus infrendens , & tergo decutit hastas.

Manifestum est duos postremos versus ad aprum , non ad Mezentium pertinere , ac proinde debere proximè sequi eum , quem dixit *Scaliger* ; qui si semper æquè feliciter coniecisset , numquam præcipitis Critici notâ inustus fuisset , aut certè jure inuri potuisset.

10. Eodem in loco : „ ejusmodi , inquit , „ multas trajectiones in *Tibullo & Propertio* „ notavimus. Sed & de Tibullianis jam antea *Lilius* monuerat. Potuisset addere , ut postea comperi , de Virgiliana trajectione monuisse *Henr. Stephanum* in Dissertatione de Criticis Veteribus , pag. 79. quam edidit Lutetiæ anno MDLXXXVII. aitque se ea de re in Editione sua *Virgilii* dixisse. Trajectionibus etiam laborare credidit *Dan. Heinsius* Artem Poëticam *Horatii* , ad quam adeundus est , neque enim mihi persuasit. Dum *Scaligerum* sequitur , passibus non semper æquis , multa mihi quidem frustra moliri videtur ; quamvis ceteroquin ejus meritis nihil detractum velim.

II. Sed

II. Sed tempus est imponendi finem iis, quæ dicenda habebamus de Mendis, quæ Librariis tribui possunt; nec quidquam addemus, si modò quæstioni, quæ hanc in rem proponi potest, satisfecerimus. Antea diximus Criticos aut Grammaticos solitos esse recensere exemplaria, eaque emendare, postquam à Librariis perscripta fuerant; quod cum ita sit, videntur veteres codices emendatiores esse debuisse, & quæri possit cur aliter se res habeat? Verùm quæ de recensione diximus, ea ad pauca exemplaria pertinent; Librarii enim sumtui parcentes, & quàm primùm venales libros exponere studentes, non curabant eos emendari, quod Cap. II. aliquot Veterum testimoniis probavimus. Præterea, in hoc ipso Capite, aliam rationem subinnuimus, quam hîc eximii Critici * *M. Anton. Mureti*, verbis exprimemus: solebant, inquit, homines imperiti, qui avorum aut proavorum nostrorum temporibus, victum sibi describendis libris quæritabant, quæ perperam scripserant non delere; ne libros suos multis lituris deformatos minùs vendibiles redderent, iterùmque totas paginas describere cogerentur; sed iis, ut erant, omissis, cetera persequi. Atque ea res innumerabilem errorum copiam, in omne Scriptorum genus, invexit. Diligens illa recensio exemplarium potius fiebat in usum hominum divitum & studiosorum, quàm Librariorum causâ. *Franciscus Juretus*, ad calcem testimoniorum de *Symmacho*, præfixorum ejus Epistolis, observavit in vetustissimis manu scriptis Codicibus *T. Livii*,

* *Var. Lect. Lib. XV. c. 9.*

Livii, fini Lib. X. hæc addita. NICOMACHUS DEXTER V. C. EMENDAVI AD EXEMPLUM PARENTIS MEI CLEMENTIANI. VICTORIANUS. V. C. EMENDABAM DOMNIS SYMMACHIS.

12. Plurium ejusmodi Librariorum, aut, si mavis Criticorum, qui Exemplaria emendabant, nomina ex antiquis Codicibus collegit vir doctus *Frid. Lindenbrogius* ad calcem Observationum in *Andriam Terentii*; ubi legimus, *Calliopius recensuit*, qui fuit etiam ejusmodi Criticus. Sed & nos in Indice hujus operis exemplum insigne à *Virgilio Medicæo* addidimus; cui, mantissæ loco unum adcumulabimus. *Aristides* in Oratione funebri *Alexandri* Grammatici *Cotyænsis*, ait solitum eum patriæ nomen suo semper addere, ἐπεὶ καὶ τοῖς βιβλίοις, ἃ διωρθεῖτο, τῷτο ἐγκαταλείπεται σύμβολον· ἐπὶ γὰρ τῷ Ἀλεξάνδρῳ παράγραμμα ἦν ἡ πατρίς· cū in iis quos corrigebat, libris, hoc symbolum fuerit relictum; nam ad *Alexandrum* accedebat adscriptum patriæ additamentum. Etiam *Pet. Constantius Benedictinus* in *Vindiciis MSS. Codd.* contra *Barthol. Germonium*, Cap. II. testatur esse Codices antiquæ versionis Concilii *Calchedonen-sis*, collatos à *Rustico Eccl. Romanæ*, medio sexto sæculo, Diacono, in quibus legitur: *Rusticus ex Latinis & Græcis exemplaribus maximè acoemit. monast. emendavi.* Sed multò plura ejus rei exempla è Codicibus Græcis collegit sodalis ejus *Bernardus de Montfaucon*
Pa-

Palæologia Græcæ Lib. I. c. 6., quam, si ita videatur, adibunt Lectores, quorum rem penitiùs nosse intererit.

13. Quin etiam homines imperiti, hoc est, plerique à quibus libri emebantur, non solebant tam quærere an emendatos emerent, quàm an pulchrè atque eleganter descriptos. Sæpe autem factum ut minimè omnium eruditi καλλιγραφία excellerent, adeoque ut maximam mendorum copiam in exemplaria sua admitterent; quæ, ob causam adlatam, emendari volebant. Dudum hac de re questus est *Hieronymus*, cujus hæc sunt verba, ex Præfatione in novam Translationem Jobi ex Hebraïca veritate: *Habeant, inquit, qui volunt veteres libros, vel in membranis purpureis, auro, argentoque descriptos, vel uncialibus, ut vulgò aiunt, litteris onera magis exarata, quàm codices; dummodo mihi meisque permittant pauperes habere schedulas & non tam PULCROS codices, quàm EMENDATOS.* Monent *Monachi Benedictini* duos aut tres MSS. Codd. habere *initiales*, & quidem *eodem*, ut aiunt, *sensu*; qua in re graviter falluntur, nam *unciales litteræ* sunt majusculæ quævis, non *initiales*; qualibus, ut dixi antea, integra volumina scribebantur, & quales hîc intelligit *Hieronymus*; ut liquet ex eo quod iis descriptos Codices vocet *onera*, quia non poterant illis litteris, in exiguis membranis, integra Biblia scribi. Fortè *Monachi*, qui *initiales* pro *uncialibus* scripserunt, crediderunt *Hieronymum* spectare consuetudinem *initialium* litterarum majore formâ, & elegantius scribendarum quam cete-

ceterarum, imò auro, & pigmentis ornandarum; quæ consuetudo ab aliquot sæculis usitata est. At *Hieronymus* de integris libris loquitur, nec umquam omnes majusculæ litteræ dictæ sunt *initiales* ab *Hieronymo*, aut à quoquam non prorsus barbaro. Sed ad *Hieronymum* ut redeamus, ita etiam loquitur in Præfatione ad Jobum, è Græco versum & emendatum: *Tanta est vetustatis consuetudo, ut etiam confessa plerisque vitia placeant; dum magis PULCROS habere malunt Codices, quàm EMENDATOS.*

14. Idèò, quòd parum diligenter Librarii hac in re versarentur, idem *Hieronymus*, in Præfatione in *Hezram*; *si qui*, inquit, *fratrum sunt, quibus nostra non displicent, his tribuatis exemplar, admonentes, ut Hebræa nomina, quorum grandis in hoc volumine copia est, distinctè & per intervalla transcribant. NIHIL enim proderit emendasse librum, nisi emendatio, Librariorum diligentia, conservetur.* Quod sæpe homines lucri cupidi, & pessimæ interdum fidei, in maximum legentium detrimentum, negligebant.

15. Sed & graviores multò obtestationes libris adjiciebantur, quibus rogabantur Librarii, ut maximâ fide & curâ eos describerent. Ejusmodi erat quam Libro suo, de *Ogdoadæ*, addiderat *Irenæus*, ut docet *Eusebius* Hist. Ec. Lib. V. c. 20. ὁρκίζω σε τὸ μεταγραφάμενον τὸ βιβλίον τῷτο, κατὰ τῆ κυρίας ἡμῶν Ἰησοῦ Χριστοῦ, κατὰ τὴ ἐνδόξου παρυσίας αὐτῆς ἥς ἔρχεται κρίναι ζῶντας καὶ νεκρούς, ἵνα ἀντιβά-
λῃς

λης ὁ μετεγράψω ἐπιμελῶς, καὶ τὸ ὄργανον τῆτον
 ὁμοίως μεταγράψης. καὶ θήσεις ἐν τῷ ἀντιγράφῳ:
Adjuro te, qui transcripseris hunc librum, per
Dominum nostrum Jesum Christum, & per
gloriosum ejus adventum, in quo judicaturus est
vivos & mortuos; ut conferas quod transcripse-
ris, & diligenter emendes ad exemplar ex quo
transcripsisti; utque adjurationem istam simili-
ter exscribas, & codici tuo inseras. Quamfor-
mulam Eusebius in Chronicon suum transtu-
lit, vertitque Hieronymus. Similem etiam
præfixit Rufinus Origenis libris à se versis; qua-
lis adhibita quoque est à Valente Antiocheno.
 Sunt * & qui velint vers. 18. & 19. Cap. ulti-
 mi Apocalypseos idgenus adjurationem esse;
 sed Joannes illic non scribentem, verum audien-
 tem adloquitur: *Confessor ego omni audienti,*
 &c. Possset tamen de audiente Librario hoc
 quoque intelligi, qui vetetur ne quidquam
 scribat, præter id quod sibi dictari audit; at
 præstitisset monere dictantem, à quo maxima
 fraus potuit oriri.

16. Crediderim tamen eam obtestationem
 non tam ad Librarios pertinere, quàm ad Im-
 postores, de quibus postea agemus. Eodem
 etiam spectat, ut videtur, similis adjuratio;
 cujus meminit *Aristeas*, in Hist. versionis
 LXX. Interpretum, ad quos Demetrium hanc
 orationem habuisse ait: *Επεὶ καλῶς καὶ ὁσίως*
διερμηνεύεταν, καὶ κατὰ πᾶν ἡκριβωμένως, κα-
λῶς ἔχον ἐστὶν ἵνα διαμένῃ ταῦτα ὅτως ἔχον-
τα, καὶ μὴ γένηται μηδεμία διασκευή. πάν-

των

* Vide Grotium & Hammondum ad hunc locum,

των ὃ ἐπιφωνησάντων τοῖς εἰρημένοις, ἐκέλευσε διαρᾶσθαι καθὼς αὐτοῖς ἔθος ἔστιν. εἴτις διασκευάσας προσθεῖς, ἢ μεταφέρων τι τὸ σύνολον τῷ γεγραμμένων, ἢ ποιῶμενος ἀφαίρεσιν. καλῶς τῷ το πράσσοντες, ἵνα διὰ παντὸς ἀέναα ἢ μένεται διαφυλάσσεται: *quoniam bene & sanctè versa sunt, atque adcuratè per omnia; par est ut hæc permaneant ita ut se habent, nève ulla fiat mutatio. Omnibus ad hæc adclamantibus, inquit, jussit ab iis diris deoverti, quicumque mutasset additione, aut trajectione nullâ, vel detractiōne; rectè ita facturis, ut perpetuò æterna & stabilia serventur. Sed quamvis hæc ad falsarios, aut interpolatores potissimum spectent; nihil vetat quin ad negligētiōres Librarios etiam referantur.*

C A P U T XIV.

De Mendis ex Criticorum temeritate, aut imperitia ortis.

1. **S**I primi subfellii Criticorum libri referti sunt querelis, de negligentia aut imperitia antiquorum & recentiorum Librariorum, quemadmodum satis ostendimus: non minùs in sui ordinis viros invehuntur, queruntur enim doctissimi quique subinde, audaciâ atque inscitâ Criticorum, multis locis antea sanis illata esse gravissima vulnera. Sed & iidem Critici sæpe abjudicarunt loca veteribus

Scriptoribus, quæ illorum reverâ erant, quia perperam ea Scriptoribus illis indigna judicabant; quod nesciremus, nisi ab aliis ea Criticorum facinora castigata fuissent. Quorum omnium nonnulla exempla, sed vetera potissimum, proferemus, quæ sine invidia in medium adduci possunt; consulendum est enim auribus imperitorum, quas, ut ille ait, *mordaci radere vero non est cuiusvis*.

2. *Plutarchus*, in Libro de audiendis Poëtis, hos versus * *Homeri* profert, ubi Phœnix, ut iram Achillis leniat, narrat à se nimiam iram commoto patrem suum propemodum esse interfectum.

Τὸν μὲν ἐγὼ βέλευσα κατακτάμεν ὀξείῃ
χαλκῷ.

Ἀλλὰ τις ἀθανάτων παῦσεν χόλον, ὅς ῥ' ἐνὶ
θυμῷ

Δῆμυθ' ἔθηκε φάτιν, ἣ ὀνείδεα πόλλ' ἀν-
θρώπων,

Ὡς μὴ πατροφόνῳ μετ' Ἀχαιοῖσιν κα-
λεοίμην.

*Eripere huic vitam ferro fulgente parabam;
Iram nescio quis fregit, Deus, & mihi vulgi
Objecit voces animo & convicia fame,
Ne patris occisor Grajūm sermone nutarer.*

Tum subjicit: ὁ μὲν δ' ἄρ' Ἰφάρχη^Θ ἐξεῖλε
ταῦ-

* Legi debuisse videntur, post vers. 459, aut 457. ut videbatur Jos. Barnese. *Iliad.* I.

ταῦτα τὰ ἔπη φοβηθεῖς: *Aristarchus cum perhorruisset hos versus, eos sustulit. At malè, iudice Plutarcho, cujus hæc sequuntur verba:* ἔχῃ ἡ πρὸς τὸ καιρὸν ὀρθῶς, τῷ Φοίνικι τὸν Ἀχιλλέα διδάσκοντι οἷόν ἐστιν ὀργή, ἢ ὅσα διὰ θυμὸν ἄνθρωποι τολμῶσι, μὴ χρώμενοι λογισμῷ, μηδὲ πειθόμενοι τοῖς παρηγορήσι. ἢ γὰρ τὸ μελέαγρον ἐπεισάγῃ τοῖς πολίταις ὀργιζόμενον, εἴτα πρᾶυνόμενον. ὀρθῶς τὰ πάθη ψέγων, τὸ ἡ μὴ συνακροαθεῖν ἀλλ' ἀντιτάττεσθαι, ἢ κρατεῖν, ἢ μετανοεῖν ἐπαίνων, ὡς καλὸν ἢ συμφέρον: *atqui rectè habent pro tempore, Phœnice Achillem docente qualis sit ira, & quæ homines per iram audeant, dum non utuntur ratione, neque parent monentibus. Etenim Meleagrum inducit civibus indignantem, deinde placatum; rectè vituperans adfectus, iisque non obsequi, sed resistere, & dominari, & resipiscere laudans, quasi honestum & utile.* Integrum locum descripsi, ut liqueret ab *Aristarcho*. perperam esse resectos hosce versus; qui tamen à Codicibus nostris, neglectâ *Plutarchi* admonitione, etiamnum abluunt *. Verùm quamvis *Homerus* non satis providè loquentem induxisset Phœnicem, non erat Critici id juris in ejus versus sibi adsumere, ut obelo jugularet, quos non utiles juventuti putabat. Eadem operâ debuisset delere alios innumeros, in quibus turpia multa de Diis habet, *Platoni* meritò improbatos.

N 2

Cri-

* Inseti deinde sunt *Wetstenianæ Editioni* in 12. 1706.✶ *Barnesianæ* in 4. 1711.

Critici munus in eo tantum est situm, curare ut emendatè legantur quæ Veteres scripserunt qualiacumque sint eaque, si ita videatur, castigare; non, ut utilia tantum dixisse videantur, efficere.

3. *Aristarchum* tamen fortè defendere quispian adgrediatur, eò quòd hosce versus *Homeri* non esse crediderit; quia Phœnicem prudentem senem numquam ita induisset loquentem, quasi à parricidio revocatus esset, solis rumoribus, quos de se futuros esse noverat, si paterno sanguine manus cruentaret; non metu Numinis, aut impietate facinoris. Verum si omnia sint rescanda, quæ ad rectam Rationem exacta ab ejus norma aberrare deprehenduntur, longè plura erunt; nec Poëtæ tanta aut diligentia, aut sapientia sine ratione tribuenda. Propter ejusmodi emendationes, Arato quærenti πῶς ἢ οἱ μὲν ποιήσιν ἀσφαλῶς κτήσειτο; *quomodo Poëmata Homeri tutò nancisci posset?* respondisse fertur Timon Philiæus, εἰ τοῖς ἀρχαίοις ἀντιγραφοῖς ἐντυγχάνοι, ἢ μὴ τοῖς ἤδη διωρθωμένοις, *si in antiqua exemplaria incideret, non verò in jam correctæ.* Diogenes Laërtius, Lib. IX. §. 113. ad quem locum vide *Ægid. Menagium*.

4. Sic & *Galenus Artemidorum Capitonem* & *Dioscoridem* corruptorum *Hippocratis* librorum infimulat, Comment. in Lib. de Natura Hominis text. 1. p. 97. T. III. Edit. Charterianæ, his verbis: Ἀρετεμίδωρος, ὁ
ἰατ-

ἐπικληθεὶς Καπίτων, ἔκδοσιν ἐποίησατο τῇ
 Ἱπποκράτους βιβλίῳν εὐδοκιμήσασαν, ὃ μόνον
 παρὰ Ἀδριανῷ τῷ Αὐτοκράτορι, ἀλλὰ καὶ νῦν
 ἱκανῶς ὑπὸ πολλῶν σπευδαζομένων, ὥσπερ καὶ
 ἡ συγγενὴς αὐτῷ Διοσκορίδης· πολλὰ μὲν ἔν
 ἀμφοτέροις μετέγραψαν, ὑπαλλάττοντες τὰς
 παλαιὰς γραφάς, αἷς μείνας ἴσασιν οἱ ἐξηγη-
 σάμενοι τὰ Ἱπποκράτους βιβλία: *Artemidorus,*
cognomine Capiton, editionem librorum Hip-
pocratis curavit, probatam non tantum Hadria-
no Imperatori, sed et nunc à multis studiosè
quæsitam, quemadmodum et cognati ejus Dios-
coridis. Multa ergo uterque aliter scripserunt,
mutantes antiquas lectiones, quas solas norunt
qui Hippocratis libros interpretati sunt. Tum
exemplum insigne ejus rei adfert, quod apud
ipsum legetur. Sic & Comment. III. in Lib. I.
Prædictionum Hippocratis, ad text. 118.
p. 782. Tom. VIII. Ed. Charter. postquam
ostendit ὑποψάθυρα dici subarensa, sic lo-
quitur: Διοσκορίδης ὃ ὥσπερ ἄλλα πολλὰ προ-
χείρως ἐν τοῖς ἀσαφέσι βιβλίοις ὑπὲρ ἡλλάξεν,
ἔτω καὶ τὸ ὑποψάθυρα μεταγράψας ἐποίησεν
ὑποψέφαρα, καὶ φησιν αὐτὸς ἔτως ὀνομάζε-
σθαι τὰ ὑπομελανίζοντα, τὸ γὰρ σκοτὸς
ψέφας εἰρῆσθαι καὶ παρὰ Πινδάρῳ: Diosco-
rides ut alia multa facillè in obscuris libris
mutavit, sic et mutato ὑποψάθυρα, fecit
ὑποψέφαρὰ, et ipse dicit sic nominari subni-
gra, nam tenebras ψέφας dici apud Pinda-

rum. Vocat Galenus Dioscoridis factum *μαντείαν*, ἢ *εἰκασίαν*, ἢ *προπέτειαν*, & rectè addit : ὅ, *πῶς γὰρ ἂν τις ἐν τοῖς τοῖς τοῖς*, ὡς *βεβαίως ἐγνωκὼς*, ἀποφαίνηται, *προπετής* ἐστίν. Nam quod quispiam in talibus, quasi certò norit, adfirmarit, id temerarium est & præceptum. Quod Criticis nonnullis superciliosis nostræ ætatis vix satis occini possit.

5. A. Gellius, in Noctibus Atticis, plura nobis servavit exempla Criticorum, perperam quæ non intelligebant emendantium. * Cùm scripssisset Cicero, in Oratione V. in Verrem: † *hanc sibi rem sperant præsidio futurum*, erant, ut testatur Gellius, Critici, qui in extremo verbo mendum esse putabant, debuissent enim scribi *futuram*, non *futurum*; neque dubitabant quin liber emendandus esset, ne, ut in Plauti Comœdia mœchus, ita in Ciceronis oratione solœcismus esset manifestarius. At quantum illi errarent ostendit Gellius, ex libro Tironis curâ descripto, qui etiamnum exstabat & sermone viri docti, cujus nomen reticet. Idem ille vir in oratione, quæ est de imperio Cn. Pompeii, ita scriptum esse à Cicerone dicebat, atque ita ipse lectitabat: ‡ *quum vestros portus, atque eos portus, quibus vitam ac spiritum ducitis, in prædonum fuisse potestatem sciatis*; negabátque solœcismum esse in potestatem fuisse, ut vulgus semidoctum putat.

6. Quia *amaror*, pro eo quod Græci dicunt

πῶ

* Noct. Attic. Lib. I. c. 7.

† Cap. LXV.

‡ Pro L. Maniliæ C. XII.

πικρότης, temporibus, quibus Lingua Latina corrumpi cœperat, minùs usitata vox erat, versus è Georgicis * *Virgilii* plerique omnes sic legebant :

*At sapor indicium faciet manifestus, & ora
Tristia tentantum sensu torquebit amaro.*

Hyginus † tamen, non ignobilis Grammaticus, in Commentariis, quæ in *Virgilium* fecerat, confirmabat non hoc à *Virgilio* relictum, sed se invenisse in libro, qui fuisset ex domo, atque familia *Virgilii*, *amaror*. Quod probat etiam *Gellius*, qui si periisset, aut hoc non observasset, error quem memorat etiamnum hodie Codicibus nostris insideret.

7. Sunt duo alia *Virgilii* loca, quorum idem ‡ *Gellius* frustra antiquissimas lectiones scriptis mandavit, aliæ enim hodie in Exemplaribus nostris cernuntur. Postquàm observavit nomina *facies* & *dies*, habuisse olim in genitivo *facies* & *facii*, *dies* & *dii*, ait se facile iis credere, qui scripserunt idiographum librum *Virgilii* se se inspexisse, in quo ita scriptum esset :

§ *Libra dies, somnique pares ubi fecerit horas;*

id est, *horas diei, somnique*. Addit, sicut hoc in loco *dies* à *Virgilio* scriptum videtur :

N 4

ita

* *Georg. Lib. II. vers. 246.* † *Noël, Att. Lib. I. c. 21.*

‡ *Lib. IX. c. 14.* § *Georg. Lib. I. vers. 208.*

ita in illo versu nihil dubium esse, quin *dii* scripserit pro *diei* :

* *Munera, lætitiâque dii* —

Quod imperitiores, *Dei*, legere, ab insolentia, scilicet, vocis illius abhorrentes. Scio quid viri docti, contra *Gellium*, de hoc loco, scripserint; at nec quod objecerunt viro doctissimo latuit, nec sunt ejus ponderis ut testimonium ejus elevent. *Lætitia dii*, aut *diei* sunt cibi, quibus læta illo die Trojani agitentur convivio; quod posset pluribus probari. Priore verò loco, nihil est quod dubiam facere possit lectionem *dies*. Alia ab imperitis Criticis vitiatorum Codd. exempla idem suppeditabit Lib. I. c. 16. Lib. II. c. 14. Lib. XVIII. c. 5. & alibi.

8. Dixerit fortè quispiam illa non esse tanti, cum aut nullo modo, aut perparum mutant sententiam Poëtæ; verum hæc ostendunt, ab antiquissimis temporibus, à Criticis sæpe mutata esse quæ non intelligebant, quod unum hoc in loco spectamus. Præterea non est cur credamus, dumtaxat in rebus exigui momenti, à Criticis ea quæ non adsequebantur esse perperam emendata, per omnia librorum genera, eodem modo grassati sunt. Audiamus *Hieronymum*, de iis qui Novum Testamentum ante ipsum tractarant. Sic loquitur de Librariis, qui Criticorum munere, non exscriptorum, defuncti sæpe sunt, ad Cap. II. Matthæi Tom. IV. P. I. col. 9. Ed. Ben.

* *Aneid. vers. 640.*

Ben. In Bethlechem Judææ. *Librariorum hic error est, putamus enim ab Evangelista primum editum, sicut in ipso Hebraico legimus, Judæ, non Judææ. Quæ est enim aliarum gentium Bethlechem, ut ad distinctionem ejus Judææ hic poneretur? Judæ autem idcirco scribitur, quia est & alia Bethlechem in Galilæa. Lege librum Jesu filii Nave. Denique & in ipso testimonio, quod de Michææ prophetia sumtum est, ita habetur. Sunt etiamnum Codices MSS. in quibus legere est Ἰὺδαίας.*

9. Eiusdem Hieronymi hæc verba sunt, ad Matthæi Cap. III. *ibid. col. 10. Porphyrius istum locum Marci Evangelistæ principio comparat, in quo scriptum est: Initium Evangelii Jesu Christi, filii Dei, sicut scriptum est, in Isaia Propheta: ecce mitto Angelum meum, ante faciem tuam, qui præparabit viam tuam. Vox clamantis in deserto, parate viam Domini, rectas facite semitas ejus. Cum enim testimonium de Malachia, Isaiaque contextum sit, querit quomodo velut ab uno Isaia, exemplum putemus adsumtum. Cui Ecclesiastici viri plenissimè responderunt. Nos autem nomen Isaia putamus additum SCRIPTORUM (Criticos agentium) vitio, quod & in aliis locis probare possumus. At in plerisque hodiernis Codicibus, legimus apud Marcum, ἐν τοῖς προφήταις, qua de re adeundi Interpretes.*

10. Nescio an Hieronymus respexerit ad Matth. XIII, 35. ubi ita habet, col. 58: ut impleretur quod dictum est per Prophetam,

aperiam, &c. *Hoc testimonium de LXXVII. Psalmo sumtum est. Legi in nonnullis Codicibus, & studiosus Lector fortè reperiet id ipsum, in eo loco, ubi nos posuimus, & Vulgata habet Editio: ut impleretur quod dictum est per Prophetam, dicentem; ibi scriptum: per Isaiam Prophetam dicentem. Quod quia minime inveniebatur in Isaia, arbitror postea à PRUDENTIBUS viris esse sublatum. Imò verò imprudentibus, & audacioribus Criticis, quos monere oportuisset ita legendum sibi videri, non ex ipso Evangelistæ contextu vocem, quam in suis Codicibus invenerant, eliminare. Ita legit etiam Scriptor Clementinarum Homiliarum, homo Ebionita, qui Evangelio secundum Hebræos utebatur; verba enim Psalmi tribuit Isaia, Homil. XVIII. §. 15. At hodie ne unum quidem exemplar nomen Isaia habet, certè nullum in variis lectionibus profertur. Pergit verò Hieronymus: sed mihi in principio videtur sic editum: quod scriptum est per Asaph Prophetam, dicentem. Septuagesimus enim septimus Psalmus, de quo hoc sumtum est testimonium, Asaph Propheta titulo inscribitur.*

11. Hac de re, copiosius agit in Comment. in Psal. LXXVII. Tom. II. Append. col. 316. quamvis enim in eo opere multa possint esse, ut judicavit Erasmus, ab Hieronymo aliena, non dubito quin hæc à manu Hieronymi sint profecta. Dicitur in Matthæo: hæc facta sunt, ut impleretur quod scriptum est in Asaph Propheta. Sic invenitur in omnibus veteribus codicibus; sed homines ignorantes tulerunt illud.

De-

Denique multa Evangelia usque hodie ita habent : ut impleretur quod scriptum est per Isaiam Prophetam , &c. Hoc Isaias non loquitur , sed Asaph. Denique & impius ille Porphyrius proponit adversum nos hoc ipsum & dicit : Evangelista vester Matthæus tam imperitus fuit ut diceret : quod scriptum est per Isaiam Prophetam , aperiam , &c. Ergo simpliciter dicamus , quomodo illud in Evangelio scriptum est. Sic scriptum est , in Matthæo & Joanne , quod Dominus noster hora sextâ crucifixus sit. Hoc videtur esse diversum , sed non est diversum. Error **SCRIPTORUM** (imò Criticorum) fuit ; sed multi episcopus Græcum & putarunt esse : sicut & ibi error fuit Scriptorum , ut , pro Asaph , Isaiam scriberent. Scimus enim quia prima Ecclesia de imperitis congregata fuit Gentibus. Ergo cumlegerent in Evangelio : ut impleretur quod scriptum est in Asaph Propheta ; ille , qui primus scribebat Evangelium , cepit dicere , quis est iste Asaph Propheta ? Non erat notus in populo & hoc fecit ut dum errorem emendaret , faceret errorem. Nolim quidem præstare quasi vera quæcumque hîc habet Hieronymus , aut alius ex Hieronymo ; sed hinc colligere licet , quâ ratione multa menda , in omnis generis libros , irreperint. Eundem audiamus in Epist. ad Lucinium , Tom IV. P. 2. col. 578. de suis ipsius Scriptis loquentem. Ego , inquit , tanta volumina — relegere non potui — Unde , si paragrammata repereris , vel minùs (bene) aliqua descripta sunt , quæ sensum legentis impediunt ; non mihi debes impu-

ta-

tare, sed tuis & imperitiæ notariorum, librariorūque incuriæ, qui scribunt non quod inveniunt, sed quod intelligunt; & dum alienos errores emendare nituntur, ostendunt suos.

12. Pergit verò loco antea laudato, hisce verbis: *Dicamus aliquid simile, & in alio loco secundum Matthæum, quando Judas retulit triginta argenteos, & noluerunt accipere sacerdotes, nec mittere in corbonam, quoniam erat pretium sanguinis; & emerunt inde agrum figuli, in sepulturam peregrinorum, &c. Ut impleretur, inquit, quod scriptum est in Jeremia Propheta. Requisivimus in Jeremia Propheta, & hoc penitus invenire non potuimus, sed invenimus illud in Zacharia. Videtis ergo, quia & hic error fuit, sicut ibi.*

13. Si verum esset quod perhibetur à *Masforethis*, à Scribis varia loca Veteris Testamenti esse emendata, quemadmodum dicunt, non dubitarem eas correctiones inter inanes Criticorum conjecturas referre. Sed videtur esse merum figmentum, * ut illi ipsi, qui quàm maximè favent *Massoræ*, ostenderunt. Itaque eas emendationes missas facimus. Verum certum est in Samaritico Codice multas esse, quarum exempla quærantur in Commentario nostro in Pentateuchum. Nonnulla insigniora in Indice notavimus.

14. At numquam usque adeò grassata est Criticorum audacia, quàm cum, inventâ Typographiâ, ex MSS. Codicibus Veterum monu-

* Vide Sal. Glassum Phil. Sac. Lib. I. P. 2. Sect. 1. Art. 3.

numenta typis excudi cœpere. Editores enim, homines persæpe indocti, non modò manifesta menda corrigere adgressi sunt, sed & quæcumque non intelligebant, ea pro arbitrio mutabant; &, nullo habito Manuscriptorum Codicum discrimine, mendosissimos sæpe exprimebant. Cujus rei exempla animadvertent innumera, quicumque primas editiones conferent cum adcuratoribus, quæ postea prodire, vel etiã cum MSS. Codicibus. Habeo antiquissimam editionem *Pauli Orosii* Basileensem, sine indicio anni; sed quam facilè adparet prodiiisse, diu ante finem decimi quinti sæculi. Ea collata olim fuit cum MS. Bibliothecæ publicæ Genevensis, à patruo meo *Dan. Clerico*. Ex hac nonnulla proferam exempla, ex quibus licebit intelligere quodnam esset ingenium Criticorum illius ævi.

15. In præfatione, ita loquitur de Ethnicis *Orosius*: *Qui cùm futura non quærant, præterita autem obliviscantur, aut nesciant, præsentia tantùm tempora, veluti malis extra solitum INFESTISSIMA, ob hoc solum quod creditur Christus, & colitur Deus, infamant.* Sic habet MS. Genevensis, sic editio Moguntina ab *And. Schotto* recensita. At Basileensis Criticus edidit *infestatissima*, quòd crederet dici Latinè *tempora infestata malis*, non *infesta malis*, qua in re gravissimè erravit.

16. Ait paullò post *Orosius*, id sibi muneris ab *Augustino* impositum, *maximè CUM reverentiam ejus, perficiendo adversum hos ipsos*
Pa-

Paganos XI. libro (de Civitate Dei) insistentem (quorum jam decem orientes radii, mox ut de specula Ecclesiasticæ claritatis elati erant, toto orbe fulserant) levi opusculo occupari non OPORTERET. Sic habet MS. & Mog. Editio; at Basileensis *oportet*, omiſſâ sine dubio lineolâ, quæ scripturæ compendium significat, qualibus scatet hæc Editio, ut pleræque veteres. Quod noto, quia ex compendiis, ut antea vidimus, multa sunt nata menda.

17. *Orosius suâ ait scrutatione claruisse, regnasse mortem avidam sanguinis dum ignoratur Religio, qua prohiberet a sanguine; tum ita pergit in Basileensi Editione: istâ illucrescente, illam constupuisse; illam concludi, cum ista jam prævalet, illam penitus nullam futuram, cum hæc sola regnavit.* Manifestum illucrescente esse pro illucescente, at Mog. Ed. habet *conlucescente*. Pro *cum ista*, quod est in utraque Editione, MS. Codex habet *dum ista*; qui & ante *penitus* addit *jam*, nescio an melius. At pro *regnabit*, habet *regnavit*, ut & Mog. Editio, melius sine dubio.

18. *Paullò inferiùs habet Basileensis: futuras angustias, quales ante non fuerant, Dominus — prædixit.* MS. Codex: *quales non ante fuerint*, & Ed. Mog. *ante non fuerint*. Credidit Criticus verbum substantivum posse tantum referri ad tempora, quæ antecesserant prædictionem Christi; cum omnia tempora, ad implementum usque prædictionis, effluxura etiam complectatur. Cum verò Caput I. incipiat in Ed. Moguntina ab hisce: & *quo-*
nam

niam omnes, &c. in Basileensi, initium ducit ab hisce, quæ paullò pòst sequuntur: *Ego initium*, &c. cum hac inscriptione: *De miseria hominum per peccatum ab initio*. Nec inscriptiones Capitum, in sequentibus, nec divisiones sunt similes.

19. Cap. I. Pro *delibatis*, quæ lectio est MS. Codicis & Mog. Editionis, & manifestò genuina est, habet Basileensis absurdè, *deliberatis*. *Initium miseriæ hominis ab initio peccantis hominis ducere institui*, paucis dumtaxat, iisdemque breviter *deliberatis*. Nescivit quid esset *delibare* qui huic editioni præfuit, cujus nomen postea dicam.

20. Editio Basileensis: *Quapropter res ipsa exigit ex his libris, quàm brevissimè vel pauca adtingere, qui originem mundi loquentes, præteritorum fidem adnunciatione futurorum, & post subsequâ probatione, fecerunt*. Editio verò Mog. & MS. Codex: *contingere eorum qui*, &c.

21. Editiones habent: *Si divinâ providentiâ, quæ sicut bona: ita pia & justa est, agitur homo*. At MS. *quæ sicut pia: ita & justa est*. Quæ lectio magis arridet, quia *pia* opponitur *justæ non bonæ*, significâtque beneficam ac misericordem. Sequentia manifestò hanc confirmant, ubi MS. Genevensis & Editio Moguntina habent: *Sicut piè gubernari ege- num opis oportet: ita justè corripì immoderatum libertatis necesse est*. At Basileensis perperam gubernare, & immoderatæ habet, quod Criticus nesciret Latinam esse constructionem *immoderatum libertatis*.

22. Pro

22. Pro *numerofiora monstrābimus*, quod est in Editionibus, habet MS. Codex *monstravimus*, melius, quia respicit *Orosius* ad id quod, hoc ipso Capite, dixit. Antea jam vidimus permutationem litterarum B & V. §. 16. In eodem Codice, post *pertulisse*, minio scriptum est: *Explicit Prologus, incipit Liber primus Pauli Orosii Presbyteri*. Unde colligere est divisiones Editionum recentiores esse; ac sanè rectius fit initium Libri ipsius, à vocibus: *Dicturus igitur*, &c.

23. In sequentibus: *In quantum ad cognitionem vacare suffecero, conflictationesque generis humani, & veluti per diversas partes, ardentem malis mundum, face cupiditatis incensum à specula ostentaturus, necessarium reor*. Ita legimus in MS. Codice, & Editione Basileensi; cùm *Lud. Lantius* observet MSS. omnes & editiones tueri *vocare*, acceptamque fert *Palmerio* emendationem *vacare*, quam postulat sensus.

24. Hinc adparet esse in editione Basileensi bona mista malis, ex cujus & MS. Genevensis, ad quem accessit Cod. Medicæus, aliorumque collatione, *Orosium* meliorem multò aliquando dabimus. Nihil præterea addam, præter Græcæ vocis corruptionem, quales frequentissimè * in Codicibus Latinis occurrunt. Capite igitur II. in descriptione Asiæ: *Ad meridiem succedit Babylonia, deinde Chaldaea, novissimè Arabia Eudæmon, quæ inter Sinum Persicum & Sinum Arabicum*, &c. Sic habent Codex MS. & editio Moguntina, at Basileensis

* Vide exemplum supra Cap. IX. §. 8.

ſis editor , cùm nesciret quid ſignificaret *Eudæmon* edidit : *noviſſimè Arabia* , ea deinum *inter ſinum Perſicum*. Quod , niſi exſtarent alii Codices , mendosum eſſe non illico intellexeremus.

25. Critici nomen , ex verſibus fini additis , cognoscere licet ; ſed quo cognito , non multò ipſe notior erit :

*Ut ipſe titulus margine in primo docet ,
Oroſia mihi nomen eſt.
Librariorum quidquid erroris fuit
Exemit ÆNEAS mihi ;
Mèque imprimendum tradidit non alteri ,
Leonarde , quàm ſoli tibi ;
Leonarde nomen hujus artis & decus ,
Tuaque laus Baſileæ.
Quod ſi ſitum orbis , ſique noſtra ad tempora ,
Ab orbis ipſa origine ,
Quiſquam tumultus , bellâque & cædes velit ,
Cladèſque noſſe , me legat.*

Ad me quidem quod adtinet , tam ſcio quis fuerit ille *Æneas* , quàm ſi ſibi ἑταῖρος nomen à parentibus impoſitum dixiſſet.

26. Quandoquidem verò modò dicebamus vocem Græcam in Latinas perperam ab homine ignaro mutatam fuiſſe ; non erit extra rem , ſi majoris etiam flagitii Librariorum meminermus , qui voces Græcas quas legere non poterant planè omittere ſolebant , aliquando relicto ſpatio , aliquando nullo. In omnibus pænè libris Latinis , quibus Græca admitta ſunt , talia cernere licet. Unum exemplum

addam ex *Hieronymo*, ut uno verbo interpreter * quod Parisienses *Benedictini* adsequi non potuerunt. Sic adloquitur *Hieronymus* Sophronium, in Præfatione Psalterii, juxta Hebraicam veritatem: *Quod opusculum meum, si in Græcum, ut polliceris, transtuleris, & doctissimos quoque viros testes imperitiæ meæ facere volueris, dicam tibi illud Horatianum: in silvam ne ligna feras.* Testantur *Benedictini*, in antiquioribus Codicibus nonnullis, post *transtuleris* esse tria verba Græca, in aliis nullum spatium, nec litteram ullam Græcam. Verba autem Græca ita habent: ΑΝΤΙΦΑΘΝΙΚΩΝ ΤΟΒΑΙΑ ΤΥΡΟΥΤΙΝ, quæ viderunt quidem *Benedictini* ita legenda: ἀντὶ φοινίκων τὰ βάρη σύρξων, sed absurdè verterunt: *coram palmis ramos palmæ trahunt.* Vertendum, *pro dactylis, ramos trahentibus*, quod egregium hoc in loco sensum habet; obscure enim & eleganter *Hieronymus* illudit Græcis, qui versionem tantum LXX. Interpretum hujus libri legebant, quam tacitè confert *ramis* fructu destitutis, quales sunt rami palmarum, Hebraicam verò veritatem *fructui*; quem dum Græci se decerpere putabant, frustra erant, & steriles dumtaxat ramos vellebant. Non mirum est in regione palmifera fuisse proverbium ex palmæ natura deductum, quod non intellexerunt Librarii Latini; aut quòd Græcè nescirent, aut quòd naturam palmæ ignorarent, quam *Plinius* ita describit Lib. XII.

* Aut certe Joannes Martianus, homo imperitus, ut in Questionibus Hieronymianis ostendimus.

XII. c. 4. *Coma omnis in cacumine*, & *pomum est*; *non inter folia hoc*, *ut in ceteris*; *sed suis inter ramos palmitibus racemosum*, *utraque naturâ uvæ atque pomi*. Hinc intelligere licet quare is, quem spes frustratur hiantem, dicatur pro dactylis, trahere ramos palmæ. Non opus est probemus *φοίνικας* dici non modò arbores, sed & earum fructus, cùm quævis Lexica hoc doceant. Igitur rectiùs fecissent editores *Hieronimi*, si verba Græca in contextum orationis recepissent; quæ, quodd non intelligerent, temerè repudiarent. At sunt MSS. inquit, ex quibus absunt. Verùm cùm ommissionis causa ea sit quam diximus, nulla addendi ratio erat aliis Librariis; adeoque temerè detracta multò verisimilius est, quàm perperam addita. Obiiciunt iterum illi, sententiam perfectam esse, sine verbis illis Græcis. At hac ipsa de causa refecari potuerunt, addi vix potuerunt.

27. Possemus permulta exempla erratorum, à Criticis recentioribus commissorum, huc congerere; sed nimis quàm frequentia sunt, & postea nonnulla adferentur. Itaque huic Capiti finem imponemus.

C A P U T X V.

De Mendis, quæ Impositoribus tribuenda.

PRÆTER menda, quæ

— aut incuria fudit,
Aut humana parum cavit natura —

sunt multa quæ Librariorum, vel potiùs Falsariorum nequitia debentur; qui homines cum vellent ea esse in Veteribus, quæ non erant, mutarunt, addiderunt, detraxerunt, prout visum est; quibus fraudibus, imperitis Lectoribus fucum fecerunt. Facillimum fuit malæ fidei Librariis, aut aliis hominibus exemplaria quæ describebant vitiare, eaque quasi emendatiora, & quasi ex antiquioribus Codicibus descripta venditare. Eæ fraudes, si non illico multum nocerent, at sequentibus sæculis exitiales esse poterant; cum à quibus Codices descripti essent ignoraretur, & crederentur emendatiores. Non semper facile erat eos conferre cum vetustioribus Codicibus, qui per paucorum manibus versabantur; aut quos emendatiores esse certò constaret. Non semper facile erat fraudem dignoscere, nec si res eruditioribus, & Critices peritioribus subolebat; idè ab aliis indoctis, & à Critica alienis, intelligi poterat. Hic non loquimur de
inte-

Integro opere cuiuspiam Scriptori falso adscripto, aut planè interpolato, vel prolixiore quopiam loco aucto, minuto, aut depravato; quade re agemus, in sequente Sectione; sermo nobis est de mutatione, additione aut detractione paucularum vocum; quæ Codicum corruptelæ, non nisi à peritioribus, deprehendi possunt; & aciem Criticorum, quamvis perspicacium, sæpe fortasse fugiunt.

2. Licèt Veteres non monerent disertè, à fraudibus ejuscemodi cavendum esse; attamen fallendi facilitas, & hominum nequitia nos satis monerent, non facilè Codicibus quibuscvis esse fidem habendam. Sed antequàm ad rem ipsam veniamus, testimonium unum atque alterum ex Veteribus citabimus, & primum quidem Ethnicos, deinde etiam Christianos audiemus; ex quibus liquebit imprudenter eos facere, quicumque inexploratò iter faciunt per Antiquitatis, ut ita loquar, regiones; cùm persæpe, dum putant se in amicorum Veri agris versari, ubi nihil est quod timeant, in latentes nequissimorum Falsariorum insidias delabantur.

3. Cùm maxima esset *Homeri* apud Græcos, ab antiquissimis temporibus, auctoritas; si quid ex illo probari posse videbatur, id satis luculentè demonstratum habebatur. Ideoque fertur *Solon* versum ei addidisse, ut ostenderet *Salaminem* insulam esse ditionis *Atheniensium*: οἱ μὲν ἔν πολλοῖς, inquit *Plutarchus*,
 * τῷ Σόλωνι συναγωνίσασθαι λέγεται ὅτι μήτε
 Ο 3 δέξαν.

* In *Solone* p. 83.

δόξαν, ἐμβαλόντα γὰρ αὐτὸν ἐπὶ εἰς νεῶν
κατάλογον, ἐπὶ τῇ δίκῃς ἀναγνῶναι,

Αἴας δ' ἐκ Σαλαμῖν ἄγειν δυοκαίδεκα
νῆας,
Στῆσε δ' ἄγων, ἵν' Ἀθηναίων ἴσαντο φά-
λαγγες.

*Plerique aiunt favisse Soloni opinionem Home-
ri; illum enim inseruisse versum in Catalogum
navium, & legisse in judicio:*

*Bis sex adductas Ajax Salamine carinas
Vinxit, Athenarum quæ castra habuere pha-
langes.*

Ἐπὶ ταῖς ἐκείνου Πίσιπτον, ἰδὲν *Plutarchus* * ἐκ
Herea Μεγαρενσι, narrat: Postquàm enim
dixit desertam à Theseo Ariadnam, quòd
aliam amaret, subiecissetque versum hunc
Hesiodi:

Δεινὸς γάρ μιν ἔπειρεν ἔρως Πανοπήϊδ' Αἴ-
γλης,

Dirus cum vexabat amor Panopeidos Ægles.

Τῷτο γὰρ τὸ ἐπὶ, inquit, ἐκ τῶν Ἡσιόδου
Πεισίπτον ἐξελεῖν φησιν Ἡρέας ὁ Μεγαρεύς.
ὥσπερ αὖ πάλιν ἐμβαλεῖν εἰς τὴν Ὀμήρου νε-
κυάν, τὸ,

Θή-

* In Theseo p. 3. & 21

Θήσεα, Πειρίθοόν τε Θεῶν ἀριδείκετα τέκνα,

χαριζόμενον Ἀθηναίοις : nam hunc versum ē scriptis Hesiodi Pisistratum abstulisse ait Hereas Megarensis, ut ἐῖ injecisse in Homeri descriptionem Mortuorum (Odyss. Λ, 630.) hunc Thesea, Pirithoúmque illustria pignora Divûm, gratificantem Atheniensibus.

4. Athenodorus Stoïcus, Pergamenæ Bibliothecæ præfectus, è libris Stoïcorum, qui in ea erant Bibliotheca, quæ pravè dicta erant rescuuisse dicitur. Auctor est Diogenes Laërtius, * in Zenone; ubi postquàm dixit ab hoc Philosopho artem amatoriam conscriptam, subjicit : ἀλλὰ ἡ ἐν ταῖς διατριβαῖς παραπλήσια γράφει. τοιαύτότερον τιναῖ ἐστὶ παρὰ τῷ Κασσίῳ, ἀλλὰ ἡ Ἰσιδώρῳ τῷ Περγαμηνῷ ῥήτορι. ὃς ἡ ἐκτμηθῆναι φησὶν ἐκ τῶν βιβλίων τὰ κακῶς λεγόμενα παρὰ τοῖς Στωϊκοῖς, ὑπὸ Ἀθηνοδώρῳ τῷ Στωϊκῷ, πισευθέντῳ ἢ ἐν Περγάμῳ βιβλιοθήκην. εἶτα ἀντιτεθῆναι αὐτὰ, φωραθέντῳ τῷ Ἀθηνοδώρῳ, ἡ κινδυνεύσαντῳ : similia item scribit in diatribis. Hujusmodi quædam sunt apud Cassium, itemque apud Isidorum Rhetorem Pergamenum, qui etiam resceta ait ex libris quæ malè dicerent Stoïci, ab Athenodoro Stoïco, cui commissa erat bibliotheca Pergamena; deinde rursus inserta eadem esse, deprehenso ac periclitante Athenodoro. Digni certè erant, qui id flagi-

O 4

tium

* Lib. VII, §. 34.

tium admittebant , qui Falsariorum pœnas luerent.

5. Hæc ostendunt , apud Ethnicos , non infrequentes fuisse ejuscemodi fraudes ; & utinam idem flagitium objici non posset Christianis ! Sed veri amantibus fatendum , nihil esse quod , hac in re , exprobremus Ethnicis , quod de nobis acriùs dicere nequeant. Non modò inventi sunt Falsarii , qui sceleratas manus Scriptis piorum virorum , qui dudum mortui erant , inferre sustinuerint ; sed , ne quid impudentiæ deesset , viventium etiam Scripta adulterare ausi sint De se ipso testis fide dignus est *Dionysius* Corinthiorum Episcopus , qui vixit sub finem secundi sæculi , & ita apud * *Eusebium* loquitur ; *ἐπιστολὰς γὰρ ἀδελφῶν ἀξιωσάντων με γράψαι ἔγραψα. καὶ ταύτας οἱ τῷ διαβόλῃ ἀπόστολοι ζιζανίων γεγέμικαν , ἃ μὲν ἐξαιρῶντες , ἃ δὲ προσιδέντες. οἷς τὸ ὕαι κεῖται. ἔθραυμασὸν ἄρα εἰ καὶ τῷ κυριακῶν ῥαδικερῆσαι τινες ἐπιβέβληνται γραφῶν , ὅποτε καὶ ταῖς ὁ τοιούταις ἐπιβεβλήκασι :* *Epistolas scripsi rogatus à fratribus. Sed illas ministri quidam Diaboli zizaniis impleverunt , quædam ex illis expungentes , quædam adjicientes. Quos certe manet feralis illa sententia , vae vobis. Non mirum igitur videri debet , si Domini Scripta quidam adulterare aggressi sunt , quandoquidem adulterarunt quæ talia non sunt.* Idem factum in Operibus *Athanasii* , si credimus *Cyrillo Alexandrino* , in E-

plitt.

* *Hist. Eccles. Lib. IV. c. 23.*

rist. ad Joannem Antiochenum, quæ exstat in 3. P. Act. Concilii Ephesini I. pag. 311. T. VI. Ed. Reg. Sic autem habet *Cyrillus* ad Ep. calcem: ἐπειδὴ ἡ μεμαθήκαμεν ὅτι καὶ πρὸς τὸ μακάριον Ἐπίκτιτον ἐπιστολὴν τῷ πανευφύμῳ πατρὸς ἡμῶν Ἀθανασίῳ, ὁρθοδόξως ἔχουσιν παραφθείραντές τινες ἐκδεδώκασιν ὡς ἐντεῦθεν ἀδικεῖσθαι πολλὰς, διὰ τῆτο χρησίμὸν τι καὶ ἀναγκαῖον ἐπινοῶντες τοῖς ἀδελφοῖς, ἐξ ἀντιγράφων ἀρχαίων τῷ παρ' ἡμῖν καὶ ἀπλῶς ἐχόντων ἀπεστείλαμεν τὰ ἴσα τῇ σῇ ὁσιότητι: *Quia verò acceperimus quosdam orthodoxam laudatissimi Patris nostri Athanasii Epistolam, quam ad beatum Epictetum scripsit, corruptam edidisse, ita ut multi hinc ledantur; propterea utile & necessarium rati fratribus, ex vetustis exemplaribus quæ sunt apud nos, fideliter descripta, ad sanctitatem tuam exempla transmisimus.*

5. Nunc inventâ typographicâ arte, cùm Scriptor quispiam sua ipse opera edit, centena aliquot simul emittuntur exemplaria; quæ, ipso invito, corrumpi nequeunt, & ad quæ Lectores provocare possunt; sed cùm scriberentur Libri, pauciores primùm edebantur, quos pauci videbant, & qui interciderere faciliè poterant; ita ut ingens semper esset fenestra depravationi aperta. Præterea ea sunt hodie editionum, & temporum indicia, vix ut viri litterati falli in editionibus possint; illo verò tempore, unde prodiiissent libri, & à quibus Librariis, paucis pōst annis, vix resciri poterat.

terat. Itaque conferentibus Libros inter se non semper facile erat dijudicatu, utri majore fide descripti deberent judicari. Opus erat interdum magnâ diligentia & magno acumine, ut spuria à genuinis secernerentur; quæ in re, nobilissimus Critices usus, summâque ejus præstantia elucet.

6. Exemplum proferam, ex Epistola S. Barnabæ, à viris doctis nondum antehac, quod sciam, animadversum. Exstat Cap. XII. ejus Epistolæ, ex divisione J. B. Cotelerii. Ἐπεὶ ἔν, inquit, μέλλασι λέγειν, ὅτι ὁ Χριστὸς ὡς ἐστὶ Δαβὶδ, φοβόμενοι ἢ συνιῶν τὴν πλάνην τῶ ἀμαρτωλῶν, λέγει. εἶπεν ὁ Κύριος τῷ Κυρίῳ μου, κάθη ἐκ δεξιῶν μου, ἕως ἂν θῶ τὰς ἐχθρὰς σου ὑποπόδιον τῶ ποδῶν σου. Καὶ πάλιν λέγει αὐτῷ Ἡσαΐας. εἶπε Κύριε τῷ Χριστῷ μου Κυρίῳ, ἔκράτησα τὸ δεξιᾶς αὐτοῦ ἐπακῦσαι ἔμπροσθεν αὐτοῦ ἔθνη, ἢ ἰσχὺν βασιλέων διαρρήξω. Ἴδε πῶς λέγει Δαβὶδ αὐτὸν Κύριον ἢ ὡς θεῶν : *quoniam ergo dicturi erant Christum esse filium Davidis, veritus est intelligens errorem peccatorum dicit : dixit Dominus Domino meo, sede à dextris meis, donec ponam inimicos tuos scabellum pedum tuorum. Isaias verò ita loquitur : dixit Dominus Christo meo Domino, cujus adprehendi dexteram, ut obediant coram eo gentes, & fortitudinem regum dirumpam* Vide quomodo David eum Dominum vocet & Dei filium.

7. Integrum hoc testimoniū Isaiæ insertum

tum esse huic Epistolæ, ab alio, hæc ostendunt. Primum est, quod legendum in ea sit Κύρω *Cyro*, non κυρίω *Domino*; cum in Hebraïcis sit כורש *Ichoresch* C. XLV, 1. & alia exemplaria LXX. Intt. habeant Κύρω. Græci & Latini Patres, Hebraïcæ Linguæ ignari, potuerunt hac in re falli, atque ex mendo Librarii mirifica argumenta ducere; sed *Barnabæ* Cyprio, & Linguæ Hebraïcæ perito tale quid excidisse, sine maxima ejus contumelia, credere non possumus. Alterum est, quod insertionis alienæ indicium sit in sequentibus verbis: Ἰδε πῶς λέγει Δαβὶδ, ex quibus liquet à *Barnaba* solum Davidem laudatum in superioribus fuisse. Alioqui dixisset πῶς λέγουσι Δαβὶδ ἡ Ἡσαίας. Sensit hoc auctor priscæ versionis, qui ut malè cohærentia *Barnabæ* verba meliùs fluèrent, novâ interpolatione priorem fraudem occultare conatus est, hoc modo verbis postremis immutatis: *Videte quomodo illum PROPHETÆ dominum, non tantum filium dicunt.*

8. Possemus exempla ex aliis Scriptoribus Ecclesiasticis addere, verum de iis agemus in sequente Sectione, ubi de insignioribus interpolationibus. Hoc loco, de tribus celeberrimis locis *Josephi*, nonnulla monebimus. *Origenes* Lib. I. & II. * contra *Celsum* & in † *Matth.* XIII. hæc verba tribuit *Josepho*: Ταῦτα ὁ συμβέβηκεν Ἰσθαίοις κατ' ἐκδίκησιν Ἰα•

* Pag. 35, Ed. Cantab. & p. 69, † Pag. 223. Ed. *Elzeviriana*

Γακώβη τῇ δικαίῃ , ὅς ἦν ἀδελφὸς Ἰησοῦ τῷ λεγομένῳ Χριστῷ. ἐπειδὴ περ δικαιοτάτον αὐτὸν ὄντα οἱ Ἰουδαῖοι ἀπέκτειναν : *Hæc autem contigerunt Judæis , in ultionem Jacobi justī , qui erat frater Jesu dicti Christi ; quoniam eum , cūm justissimus esset , Judæi interfecerant .* At in exemplaribus nostris *Josephi* , nusquam existant ; unde * viri docti colligunt hunc locum è *Josephi* libris esse erasum à Judæis , cūm præsertim *Eusebius* Hist. Eccles. Lib. II. c. 23. eadem illa verba proferat. Si vera hæc est conjectura , insignis hæc erit fraus Judæorum , qui locum abraferint. At si contrarium statueretur , nempe , locum hunc additum à malè sano Christiano fuisse , & fefellisse *Origenem* ac *Eusebium* ; doli mali reus esset Librarius Christianus. Alterutrum eligatur , nobis hîc perinde est ; qui fraudes , à quocumque ortæ fuerint , æquè execramur , ac retegendas putamus.

9. Attamen , ne quid dissimulemus , credibilius nobis videtur *Origenem* incidisse in Exemplar *Josephi* , à Christiano quopiam adlatâ periodo auctum ; quàm eam à Judæis postea fuisse , in omnibus exemplaribus , expunctam. Ita sentiendi has potissimùm rationes habemus. Primùm verisimile non est *Josephum* hominem Judæum tanti fecisse mortem hominis Christiani , ut , inter potissimas Jerosolimitani exscidii causas , ejus cædem recensuerit. Quodd si nec malè sensisset de Christianis , & ejusmodi sceleris eam calamitatem

* *P. D. Hæcins Dem. Evang. Prop. III. §. 10.*

tatem ultionem esse credidisset, potiùs Christi ipsius cædem memorasset, quæ haud paullò majoris erat impietatis facinus. Sensit hoc partim *Origenes*, debuissétque propterea suspectum habere locum. * Καὶ τοίγῃ ἀπιστῶν Ἰησοῦ, ὡς Χριστοῦ, ζητῶν ἢ αἰτίαν τῆς Ἱεροσολύμων πλώσεως ἢ τῆς τῶ νᾶς καθαιρέσεως. δέον αὐτὸν εἰπεῖν ὅτι ἡ κατὰ τῶ Ἰησοῦ ἐπιβελή τέτων αἰτία γέγονε τῷ λαῷ, ἐπεὶ ἀπέκλειναν τὸ προφητευόμενον Χριστόν. ὁ δὲ ἢ ὥσπερ ἄκων ἔμακρὰν τῆ ἀληθείας γενόμενός, φησί, ταῦτα συμβηθῆκέναι τοῖς Ἰσρααίσις κατ' ἐκδίκησιν Ἰακώβ, ἢ τὰ ἐξῆς: *Quamvis fidem Jesu, ut Christo, non habens, dum quærit causam Jerosolimitani excidii, Templique demolitionis (cùm debuisset dicere insidias Jesu structas causam fuisse horum populo Judæorum, quoniam Christum à Prophetis prædictum interemerant) quasi invitatus, haud procul à veritate discedens ait hæc contigisse Judæis, in ultionem Jacobi. At Josephus, cùm non crederet Christum esse Messiam, adeoque Pseudopropheta eum haberet, non potuit dicere, propter Pseudoprophetæ discipulum occisum, deletam fuisse Jerosolimam. Qui nihil dixerat de ipso Jesu, ut existimabat Origenes, is multò minùs de ejus discipulo loquutus esset. Certè nullum est, apud Josephum, vel minimum hujus lacunæ vestigium, quo credibile fiat, hoc eraso, quidquam deesse orationi Josephi. Denique quis credat Judæos à tem-*
pori-

* Pag. 35.

poribus *Origenis*, quibus Christianum nomen ubique sparsum erat, & quibus jam Bibliothecas adornare sibi Christiani cœperant, ut docet * *Eusebius*, ex omnibus Codicibus potuisse ea verba ita expungere, ut nullus eorum qui ad nos pervenerunt integer sit? Certè credibile est Librarios Christianos, non Judæos qui librorum Græcorum numquam studiosi fuerunt, nec Ethnicos à quibus spernebantur Judæi, exscripsisse *Iosephum*; illi autem numquam hunc locum omisissent, si in suis Exemplaribus eum reperissent. Imò verò, ex auctoritate *Origenis*, suo loco potius reposuissent; si aptum ullum, apud *Iosephum*, invenissent.

10. At eum locum, inquit vir doctissimus, „ † quoniam tam apertè & fidenter usurpant „ *Origenes & Eusebius*, cùm ille disputaret „ adversus Ethnicos, uterque verò in media „ Judæorum colluvie scriberet, & eum præ- „ terea designat ‡ *Hieronymus*; minimè cre- „ di potest vel confictum ab iis fuisse, vel ab „ aliis, vel omnino suspectum fuisse & du- „ bium. At *Origenem* sequutus est *Eusebius*, „ ut solet priores, *Eusebium Hieronymus*, ne „ inspecto fortè quidem *Iosepho*. Ideoque hi „ tres testes ad unum redeunt. Non equidem „ puto *Origenem*, finxisse, sed vitiato codice „ usum nihil vetat nos fateri. Numquam fuit „ tam diligens, ut nihil proferret nisi exploratum. Fortè etiam memoriæ plus æquo con- „ fidit,

* *Lib. VI. c. 20. Hist. Eccl.*

† *P. D. Huetius, Ibid.*

‡ *Catal. Script. Ecclæ. in Iosepho & Iacobo.*

fidit, & quod nusquam legerat citavit. At facere non debuit. Fateor, sed an homines etiam eruditi semper abstinere ab iis, à quibus eos abstinere satius erat? Annon Veteres passim infirma argumenta, ex suppositiciis libris petita, proferunt fidentissimè, quasi res clara esset? Testes sunt commenticiæ *Sibyllæ*; & tot alii libri passim à *Clemente Alexandrino*, aliisque laudati. Igitur non est ex ἀκριβεία, quā Veteres plerique caruerunt, ratiocinandum. Hæc si expendantur, per se concident quæcumque similia, hanc in rem, habet vir eruditissimus.

11. Alter locus legitur etiamnum apud * *Iosephum*, cujus hæc sunt verba, postquàm dixit Ananum juniorem Sadducæum fuisse, & Synedrium, non expectato Albino, convocasse, ita pergit : καὶ παραγαγὼν εἰς αὐτὸ τὸ ἀδελφὸν Ἰησοῦ τῷ λεγομένῳ Χριστῷ, Ἰάκωβον ὄνομα αὐτοῦ, καὶ τινὰς ἑτέρας, ὡς παρανομησάντων κατηγορίαν ποιησάμενον, παρέδωκε λευσθησομένους; statutamque coram eo fratrem Jesu, dicti Christi, (nomen ei erat Jacobo) ἔτι quosdam alios, accusatos perfractæ legis, tradidit lapidibus obruendos.

12. Sunt quoque rationes sat graves, quæ persuadeant hæc fuisse interpolata, & scripsisse dumtaxat *Iosephum*, καὶ παραγαγὼν εἰς αὐτό τινὰς, καὶ ὡς παρανομησάντων, &c. statutosque coram eo nonnullos, ἔτι accusatos perfractæ legis, tradidit lapidibus obruendos.

* Ant. Jud. Lib. XX. c. 8.

dos. Primò , hic locus non videtur , tempore *Hegesippi* , fuisse in *Josepho* ; hinc enim potius narrationem mortis Jacobi defumisset , quàm ex ineptis narrationibus , quas ex eo habet *Eusebius* Lib. II. c. 23. Hist. Eccles. Similia dicenda de *Clemente* , qui Hypotypof. Lib. VII. dicebat ex *Hegesippo* Jacobum κατὰ τῆ πλερυγίε βληθέντα , καὶ ὑπὸ κναφέως ξύλῳ πλεηγέντα εἰς θάνατον : ex templi lorica præcipitatum , καὶ ἀ fullone ligno ad mortem percussum. Secundò , qui fidem habent narrationi *Hegesippi* , eos oportet aut *Josephum* falsi arguere , aut suspectum habere hunc locum , quo res publicè Jerosolimæ gesta , adeoque notissima aliter narratur ; ut mirari subeat ab *Eusebio Josephi & Hegesippi* verba adlata , eodem Capite , nec eum tentasse ea in concordiam redigere , aut alterutrius narrationis fidem in dubium non revocasse. Tertio , non est credibile *Josephum* Judæum , ut jam diximus , tanti fecisse mortem Episcopi Christiani , sine dubio , ex opinione Judæorum , παρανομήσαντος , ut eam , quasi grave crimen Anani , memoraverit. Palam enim docebant Christiani , illo tempore , liberè versandum esse cum Ethnicis incircumcisis , & cærimoniarum legalium nequaquam observantibus ; eosque non minùs mundos esse , ac Deo gratos , si ex norma Evangelii viverent , quàm si Mosæicos omnes ritus observarent ; quæ profectò erat παρανομία , ex sententia Pharisæorum , ac *Josephi*.

13. Tertius locus est Antiquitat. Jud. Lib. XVIII.

XVIII. c. 4. ubi *Josephus*, si exemplaribus nostris credimus, disertè loquitur de Jesu Christo. Non repetemus quæ de eo dixit vir acutissimus * *Tan. Faber*, qui integrâ Epistolâ à Christiano confictum esse locum demonstrare adgressus est. Si ille rem acutè tetigit, habemus hîc insigne exemplum interpolationis indignæ Christianâ Religione; quæ firmioribus nititur fundamentis, quàm ut ejusmodi fraudibus indigeat. Contrâ si † celeberrimus ac doctissimus vir, qui locum *Joseph*i genuinum esse contendit, & contra aliter sentientes probare conatus est, audiat; singularis nequitiae Judæorum hic locus nobis exemplum præbebit. Objicientibus enim, plurimos è priscis Christianæ Religionis propugnatoribus, tam valido testimonio causam suam numquam esse tutatos; non *Justinum*, non *Tertullianum*, non *Origenem*, non alios plerosque; quod fecissent utique, si vel cognita ipsis fuisset ista ῥῆσις, vel pro legitima eam habuissent; hæc, inquam, objicientibus „ respondet, causas, nempe, fuisse dolos „ Judæorum, qui ex pluribus eam libris ex- „ triverant, jam inde à primis, post *Josephum*, temporibus.

14. Ad rem, quam hîc agimus, nihil interest utra harum sententiarum verior habeatur; sed ingenuè profitebimur nos *Tan. Fabro* adsentiri; etiam post lecta quæ contra eum dixit vir, cujus multijugem eruditionem ceteroqui suspicimus. Nihil quidem est, quod

Tom. II.

P

ad-

* Lib. I. Ep. 44.

† P. D. Huetius *Demonst. Evang. Prop. III. §. 13.*

addamus *Tan. Fabri* argumentis ; sed non difficulter nobis videmur confutare posse, quæ illi opposita sunt, quod tamen non faciemus. Unum dumtaxat hîc animadvertendum esse censemus ; nimirum, incredibile planè esse exemplaria *Origenis* habuisse locum priorem de Jacobo, antea adlatum, qui in nullis nostrorum comparet ; caruisse verò hoc, de Christo, testimonio. Qui enim unum abra- dere potuerant, alterum etiam abrasissent. Non minùs mirum, in iis exemplaribus, quæ habent locum de Christo, deesse verba ad Jacobum spectantia, quæ prima expendimus. Si dixeris relictum fuisse in exemplaribus *Origenis* locum de Jacobo, quippe minoris momenti ; expunctum verò eum, in quo de Christo sermo erat, quo Judæorum pertinacia jugulabatur ; quæram quî factum ergo sit, ut in sequentium sæculorum exemplaribus, in quibus verba de Christo leguntur, nusquam inveniantur quæ primo loco protulimus de Jacobo ? Si hæc delcta fuerant, multò potiore jure illa expuncta fuissent. Vix quoque crediderim ullos fuisse Librarios Judæos, qui Græcos libros Christianis, aut Ethnicis venderent ; certè non fuit eorum moris describere Gentilium scripta, nec propter *Josephum*, & perpaucos alios Judæos, qui Græcè scripserant, videntur illi librarias officinas instituisse. Multa autem exemplaria corrumpere vix quisquam poterat, nisi Librarius.

15. Nec est putandum defuisse inter Christianos, ex quocumque grege fuerint, qui ejusmodi fraudes admitterent. Certè *Ambrosius*

sus non semel Arianos ejus sceleris infimulat. *Ariani*, inquit de Fide Lib. II. c. XV. n. 335. *Scripturas falsavere divinas.* Nolim planè ei de adversariis infensissimis credere; sed hinc liquet rem non incredibilem visam eo ævo, cum præsertim non semel eam exprobrat Arianis. Similia fortè & ipsi de Consubstantialistis dictitabant. Ne utrosque mentitos putes, exempla aliquot ex Novo Testamento proferemus locorum manifestò interpolatorum, in aliquot saltem Codicibus; ex quibus judicare licebit, non unum fuisse Falsarium, inter eos qui Codices Sacros olim describebant; quamvis nequaquam passâ fuerit divina Providentia, eorum depravationes Religioni nocere.

Matthæi C. III, 11. Joannes Baptista ait se baptizare aquâ, in pœnitentiam; sed eum, qui post ipsum venturus erat, baptizaturum ἐν πνεύματι ἁγίῳ καὶ πυρὶ, *spiritu sancto & igne.* Veteres omnes Translationes & optimi Codices ita legunt; attamen laudantur multi MSS. Codd. in Oxoniensi anni 1676 & Miliana Editione, à quibus voces ἐν πυρὶ abfunt. Cum non intelligerent quid hæ voces vellent, nec eas viderent expressas Marc. I, 8. & Joan. I, 35. delendas temerè homines non bonæ fidei judicarunt. Fortè &, ut suspicatur *Hug. Grotius*, Hæretici nonnulli, qui igne baptizabant, occasionem huic depravationi præbuerunt.

Matthæi C. XXIV, 36. ita loquitur Christus de die Judicii, ex Cod. Cantabrig. Græ-

co-Latino : ἔδειξεν οἷον ἔδει οἱ Ἄγγελοι ἢ ἑρα-
 νῶν , ἔδει ὁ Υἱὸς , εἰ μὴ ὁ Πατὴρ μὲν μόνος :
nemo scit , neque Angeli Cœlorum , neque Fi-
lius , nisi Pater meus solus. Sic quoque le-
 git *Chrysostomus* ad hunc locum. Similia ha-
 bet *Marcus*, Cap. XIII, 32. Pleraque tamen
 exemplaria, apud *Matthæum*, omittunt verba
 ἔδει ὁ Υἱὸς , quamquam habent apud *Mar-*
cum. *Hieronymus* in *Matthæum* XXIV. In
 quibusdam , inquit , *Latinis Codicibus addi-*
tum est, neque filius, cū in *Græcis* & maxi-
 mē *Adamantii* & *Pierii* exemplaribus, hoc non
 habeatur adscriptum. At cū *Ariani* hoc lo-
 co uterentur , ad ostendendum *Filium* esse
 minorem *Patre* , sic inter alia respondebat
Ambrosius de *Fide* Lib. V. C. XVI. n. 193.
Veteres non habent Codices Græci , quia nec
Filius scit. Sed non mirum , si & hoc *FAL-*
SARUNT , qui *Scripturas* interpolavere *di-*
vinas. Quā ratione autem videatur adjectum
 proditur , dum ad interpretationem tanti *Sacri-*
legii derivatur. Fallebatur *Ambrosius* , sed
 hinc liquet quid de audacia falsariorum ejus
 temporibus crederetur.

Marci Cap. XVI. Quamvis veteres *Trans-*
lationes antiquissimæque Codices & *Patres* hoc
Caput integrum habeant , ac laudent ; sunt
 nonnulli *Codices* , in quibus totum deest ,
 aut saltem à vers. 9. quod se animadvertisse
 ait *Gregorius Nyssenus* , ut observavit *Hug.*
Grotius ; qui rectē judicat hanc omissionem
 tribuendam exscriptoribus , qui in hac parte
Marcum cum *Matthæo* in concordiam non
 pos-

posse revocari existimarunt. *Hieronimus*, in Ep. ad Hedybiam, similiter animadvertit à plerisque hoc Caput non admitti, & adjectitium haberi, quòd diversa narret à reliquis Evangelistis. *Aut enim non recipimus, Marci testimonium, quod in RARIS fertur Evangeliiis, omnibus Græciæ libris pænè hoc capitulum in fine non habentibus; præsertim cum diversa atque contraria Evangelistis ceteris narrare videatur &c.* Col. 172. P. I. Tom. IV. Ed. Bened. Hoc verò falsum esse ostenderunt viri doctissimi, ut nulla sit ratio de Evangelistarum consensu dubitandi.

Ibidem vers. 2. pro ἀνατείλαντ' ἡλίου, orto sole, MS. Codex R. Stephani, alique Millio laudati habent ἔτι ἀνατείλαντ'. *Gregorius Nyssenus*, in Serm. de Resurrectione, ἔτι τοῖς ἀκριβετέροις τ' ἀντιγράφων ἐμφέρεται: adhuc in accuratioribus exemplaribus exstat. Sic legit etiam *Eusebius*, in Demonst. Evang. Lib. X. c. 8. Alii verò Codices, & veteres Translationes omittunt eam particulam; unde colligere est, interpretationis gratiâ, additam.

Ibidem. Vers. 8. In Codice, qui laudatur in Edit. Wecheliana, adduntur hæc versui octavo, atque ita desinit hoc Evangelium: πάντα δὲ τὰ παρηγγελμένα τοῖς περὶ τὸν Πέτρον συντόμως ἐξήγγειλαν. μετὰ δὲ ταῦτα ἡ αὐτὸς ὁ Ἰησοῦς ἀπὸ ἀνατολῆς ἢ ἀχρεδύσεως ἐξαπέστειλε δι' αὐτῶν τὸ ἱερὸν ἢ ἄφθαρτον κήρυγμα τῆς αἰωνίης σωτηρίας:

omnia mandata Petro paucis nunciarunt. Post hæc verò & ipse Jesus, ab oriente usque ad occasum, nuntiavit per eos sacrum & incorruptum præconium aternæ salutis.

Ibidem. Vers. 14. Hieronymus Lib. II. adversus Pelagianos, P. 2. Tom. IV. col. 520. Ed. Benedict. In quibusdam exemplaribus & maximè in Græcis Codicibus, juxta Marcum, in fine ejus Evangelii scribitur. Postea cùm accubuissent, &c. Et illi satisfaciebant dicentes; sæculum istud iniquitatis & incredulitatis substantia est, quæ non finit per immundos Spiritus veram Dei adprehendi virtutem. Idcirco jam nunc revela justitiam tuam. At neque Versiones, neque Codices ulli superflites huic additamento favent.

Lucæ Cap. II, 33. Καὶ ἦν Ἰωσήφ ὃς ἡ μήτηρ αὐτοῦ, & erant Joseph & mater ejus. Sic Alexandrinus & plerique Græci Codices, sic Syrus & Arabs. Nonnulli pro Ἰωσήφ habent ὁ πατήρ, aut ὁ πατήρ αὐτοῦ, ut docet Millius. Vulgatus: & pater ejus & mater, Hieronymus, contra Helvidium, col. 134. Tom. IV. P. 2. Ed. Benedict. de postrema lectione: Tu licet, mirâ impudentiâ, hæc in Græcis Codicibus falsata contendas, quæ non solum omnes prænè Græciæ tractatores in suis voluminibus reliquerunt; sed nonnulli quoque à Latinis, ita ut in Græcis habentur, adsumserunt. Non immeritò conjecit Erasmus, mutatum id à quopiam, qui vereretur Josephum vocare patrem Jesu.

Ibi-

Ibidem. Cap. XIX, 41. Καὶ ὡς ἤγγισεν, ἰδὼν τὴν πόλιν, ἔκλαυσεν ἐπ' αὐτῇ: Ἐν cūm adpropinquasset, conspectā urbe, illam deslevit. Cum nonnulli lacrimas Christo indignas judicarent, refecerunt hunc versum. *Eriphanius* in Anchorato num. 31. Ἀλλὰ καὶ ἔκλαυσε κεῖται ἐν τῷ κατὰ Λαζάρου Εὐαγγελίῳ, ἐν τοῖς ἀδιωρθωτοῖς ἀντιγράφοις, καὶ κέχρηται τῇ μαρτυρίᾳ ὁ ἅγιος Εἰρηναῖος ἐν τῷ κατὰ αἰρέσεων, πρὸς δοκίμην τὴν Χριστὸν πεφυκέναι λέγοντας. ὀρθόδοξοι δὲ ΑΦΕΙΛΟΝΤΟ τὸ ῥητὸν, φοβηθέντες καὶ μὴ νοήσαντες αὐτῶς τὸ τέλος, καὶ τὸ ἰσχυρότατον: Sed Ἐ ploravit exstat in Evangelio secundum Lucam, in exemplaribus non emendatis, (imò non corruptis) Ἐ usus est hoc testimonio Sanctus Irenaeus, in opere contra Haereticos, ad eos refellendos, qui Christum specie tenuis fuisse dicebant. Orthodoxi verò SUSTULERUNT vocem, veriti, nec intelligentes ejus finem Ἐ summam vim. Habent tamen omnes nostri Codices, & antiquissimæ Translationes. Vide Irenaeum Lib. I. c. 17. & Hug. Grotium, ad hunc Lucæ locum.

Ibidem. Cap. XXII, 43, 44. Ὡφθη δὲ αὐτῷ Ἄγγελος ἀπ' οὐρανοῦ ἐνισχύων αὐτόν. Καὶ γενόμενος ἐν ἀγωνίᾳ ἐκτενέστερον προσήχετο. ἐγένετο δὲ ὁ ἰδρῶς αὐτοῦ, ὥσει θρόμβοι αἵματός κατεβαίνοντες ἐπὶ τὴν γῆν: Adparuit autem ei Angelus de cælo confortans eum, Ἐ cūm esset in agonia, intentius orabat;

bat; erat autem sudor ejus, quasi grumi sanguinis descendentes in terram. Hæc, quæ sunt in omnibus ferè nostris Codicibus, priscisque Translationibus, ait *Hieronymus* Lib. II. contra Pelagianos P. 2. T. IV. col. 521. Ed. Ben. in quibusdam exemplaribus, tam Græcis, quàm Latinis, inveniri; ex quibus verbis liquet, si modò adcuratè loquutus est *Hieronymus*, ex plerisque abfuisse. Similia habet *Hilarius* Lib. X. de Trinitate, num. 41. in Ed. Ben. Parisiensi. Solus Codex Alexandrinus, cum duobus Bodleïanis, proferuntur à *Millio*, quasi iis versibus destituti. Falsarii, qui, pro sua imperitia, historiam Christi emendabant, hæc sustulerant, quasi indigna Christo, quæ tamen ceteri Christiani genuina esse agnoverunt. Quæ narrabantur de nonnullis Martyribus, qui, quasi alienatâ mente, nec cruciatus ullos patiente, illudebant carnificibus, effecerant ut extremum illud Christi certamen imperiti homines non satis concoquerent. At multò major est constantia ejus qui sui compos, & acerrimis doloris ac ignominie stimulis confossus, Virtutem ac Veritatem tuetur; quàm ejus, qui instar furentis clamat se nihil sentire doloris, & ridet, si vera quidem sunt quæ narrantur, in mediis flammis, aut in candente crate. Verùm hæc non sunt hujus loci.

Joannis Cap. VII, 8. ita loquitur Christus: ὑμεῖς ἀνάβητε εἰς τὴν πόλιν ταύτην. ἐγὼ ἔπω ἀναβαίνω: vos adscendite ad hoc festum, ego non-

nondum adscendo. Codex Cantabrigiensis habet $\epsilon\chi$, pro $\epsilon\pi\omega$, ut & aliquot Patres & Interpretes, quos enumerat *Millius*; sed plerique omnes Codices $\epsilon\pi\omega$. Tempore *Porphyrii*, in plerisque videtur lectum $\epsilon\chi$. *Hieronymus*, Lib. II. contra Pelagianos, ibidem: *Iterum se negavit, & fecit quod prius negaverat. Latrat Porphyrius, inconstantia ac mutationis accusat, nesciens omnia scandala ad carnem esse referenda.* Vide, ad hunc locum, *Theod. Bezzam.*

Ibidem. Cap. VIII, 3. & seqq. ad II. habetur historia adulteræ, de qua vide quæ adjecimus *H. Hammondi* adnotationibus.

Actorum Cap. XX, 28. est insignis lectionis varietas, de qua jam diximus Cap. VIII.

Epistolæ ad Romanos C. V, 14. ait Paulus mortem regnasse ab Adamo usque ad Mosem, $\kappa\iota \epsilon\pi\iota \text{MH} \alpha\mu\alpha\rho\tau\acute{\alpha}\nu\omicron\nu\tau\alpha\varsigma \epsilon\pi\iota \tau\acute{\omega} \omicron\mu\omicron\iota\omega\mu\alpha\tau\iota \tau\eta \text{παράδοσεως Αἰδὰμ}$: etiam in eos qui NON peccaverant ad similitudinem transgressionis Adam. *Origenes* observarat, in multis Codicibus, non esse negativam; atque ita legendum contendit *Hilarius Diaconus*, cujus *Commentarii* perperam *Ambrosio* olim tribuebantur. Rectene an secus, nunc non quæram; sed digna notatu verba ejus adscribam, ubi ita loquitur contra eos, qui Græcos Codices, in quorum plerisque erat negatio, quasi emendatiores Latinis, ei objiciebant: *Sic præscribitur nobis de Græcis Codicibus, quasi non ipsi ad invicem discrepent. QUOD facit studium*

contentionis. Quia enim propriâ quis auctoritate uti non potest, ad victoriam, verba Legis adulterat, ut sensum suum quasi verba Legis adserat; ut non ratio, sed auctoritas præscribere videatur. Constat autem porro olim quosdam Latinos, de veteribus Græcis translato olim Codices, quos incorruptos simplicitas temporum servavit & probat. Postquàm autem à concordia animis discedentibus & hæreticis perturbantibus, torqueri quæstionibus cæperunt, **MULTA IMMUTATA** sunt ad sensum humanum, ut hoc contineretur in * Litteris quod homini videretur, unde & ipsi Græci diversos Codices habent. Hoc autem verum arbitror, quando & historia & ratio & auctoritas observantur. Nam hodie, quæ in Latinis reprehenduntur codicibus, sic inveniuntur à Veteribus posita, Tertulliano, Victorino & Cypriano. De varietate lectionis, in Pauli loco, adcantur Des. Erasmus, Theod. Beza, qui acerrimè in virum se doctiorem invehitur, & Joan. Millins.

Ibidem. Cap. IX, 5. Christus dicitur ὁ ὢν ἐπὶ πάντων Θεὸς εὐλογητὸς εἰς τὰς αἰῶνας, qui est super omnia Deus benedictus in sæcula. Observavit dudum Erasmus Cyprianum, adversus Judæos Lib. II. c. 6. & † Hilarium in Psalmum CXXII. omittere vocem Deus, nec Chrysostomum videri eam legisse. H. Grotius
iis

* Videtur deesse sacris, aut sanctis.

† Video tamen in adjectivioribus Editionibus Hilarii legi Deus, ut in Parisina anni 1693. Sic quoque legitur in Cypriani Ed. Oxoniensi. Desuntium tamen Codd. Erasmus non fuisse ostendit Joan. Fellus.

iis addit Syrum Interpretem , qua in re fallitur. Sive autem deleta, sive addita fuerit datâ operâ hæc vocula , Falsariorum hoc fuit facinus ; qui aut noluerunt sibi Paulum adversari , aut sententiam pro se ferre voluerunt. Existimavit *Erasmus* interpunctionem hîc esse mutandam, at temerè , qua de re postea aliquid dicemus.

Ep. ad Philippenſes C. III, 3. legimus in Editionibus nostris πνεύματι Θεῷ λατρεύοντες , *Spiritu Deo servientes*. At MS. Alexandrinus aliſque multi habent Θεῷ , *Spiritui Dei*. Quam *Ambrosius* veram lectionem esse vult Lib. II. de Spiritu Sancto Cap. V. §. 46. alteram verò Hæreticorum, qui Spiritum Sanctum Deum esse negabant , corruptelam. Simul , inquit , Creatori admonet serviendum , damnando eos qui serviunt creaturæ, cùm Creatori servitium debeamus ; & quoniam Spiritum Creatorem noverat , docet (Paulus) eidem serviendum , dicens — nos enim sumus circumcisiſio qui Spiritui Dei servimus. Quod si quis de Latinorum Codicum varietate contendit , quorum aliquos **PERFIDI FALSAVERUNT**, Græcos inspiciat Codices & advertat , quia ibi scriptum est , οἱ πνεύματι Θεῷ λατρεύοντες , quod interpretatur Latinus , qui Spiritui Dei servimus. At Th. Beza & multis aliis altera lectio germana videtur , unde sequitur Falsarios cos. esse , qui scripserunt Θεῷ.

1. Epistolæ ad Timotheum Cap. III, 16. in plerisque nostris exemplaribus Græcis , legimus

mus hodie Θεός. ἐφανερώθη ἐν σαρκί, *Deus adparuit in carne.* Sed pro voce Θεός, Latinus Int. & Syrus legerunt ὁ, confirmantque eam lectionem Claromontanus Codex, & alius in Oxoniensi Editione memoratus. Sed & nos antiquum Codicem vidimus, ut diximus in Epistola Millianæ Editioni Roterodamensi præfixa, ubi est ο, & recentiore manu additum Σ. *Erasmo* videtur additum Deum adversus *Hæreticos Arianos*; *Beza* verò sublatum fuisse ab iis qui vel *Deitatem Christi*, vel *utriusque naturæ unionem*, jam inde ab ipso conceptionis momento, negabant. Non inquiram uter melius coniecisse videatur; sed si quis addiderit quod in Codicibus suis non inveniebat, aut detraxerit quod in iis legebat, confirmandæ opinionis suæ causâ, eum *Falsarium* fuisse, ex omnium suffragio, pronuncio. Putat *Joan. Millius* primum lectum, ΘΣ, hoc est Θεός, unde factum est ΟΣ delectâ lineâ transversâ litteræ Θ, deinde, deletο Σ, Ο, quod, ut construeretur cum voce *μυστήριον*. Sic *Heraclides* apud *Hippocratem* mutabat ΟΤΡΑΣ in ΘΤΡΑΣ, ut docet *Galenus*, jam antea à nobis prolatus, in Proœmio Com. I. ad Lib. VI. Epidemiorum. Verùm eodem modo fieri potest ut Ο mutaretur in Θ, deinde adderetur Σ, ut fieret ΘΣ, seu Θεός, quod, inchoatum vidimus in antiquo exemplari, quod, & in Alexandrino factum, ad Theta quod adtinet, à manu recentiore, ut testatur *Millius*, qui tamen pu-
tat

tat se vidisse vestigium antiquioris lineæ transversæ in littera Theta, quæ fuerit tantum crassior facta. Rem in medio relinquimus, sed verisimilius videtur mutationem factam in hoc loco, quæcumque sit, eò factam esse, ut alterutri parti favere, aut minùs adversari videretur Paulus. Audacioris etiam corruptionis meminit *Joan. Morinus* Exercit. Bibl. Lib. I. Exerc. III. C. IV. p. 59. quem vide.

1. Epistolæ Joannis Cap. IV, 3. legimus in exemplaribus Græcis, consentientibus Syro & Arabe Interpretibus: πᾶν πνεῦμα, ὃ μὴ ὁμολογεῖ Ἰησοῦν Χριστὸν ἐν σαρκὶ ἐληλυθότα, ἐκ Θεοῦ ἔκ ἐσί: *omnis Spiritus qui non fatetur Christum, qui in carne venit, ex Deo non est.* At Vulgatus habet: *Omnis Spiritus, qui solvit Jesum, ex Deo non est*, itémque *Irenæus*, Lib. III. c. 18. *Tertullianus* Lib. V. contra Marcionem Cap. 16. & alii. *Socrates* verò Hist. Eccles. Lib. VII. c. 32. sic de Nestorio, déque hoc loco scribit: ἡγνόησεν ὅτι ἐν τῇ καθολικῇ Ἰωάννης ἐγγέγραπτο ἐν τοῖς παλαιοῖς ἀντιγράφοις, ὅτι πᾶν πνεῦμα ὁ ΛΕΙ τῷ Ἰησοῦν, ἀπὸ τῷ Θεῷ ἔκ ἐσί. Ταύτην γὰρ τῷ διάνοιαν ἐκ τῶ παλαιῶν ἀντιγράφων περιεῖλον οἱ χωρίζειν ἀπὸ τῷ τῷ οἰκονομίας ἀνθρώπου βεβλόμενοι τῷ Θεότητι. διὸ καὶ οἱ παλαιοὶ ἐρμηνεύοντες αὐτὸ τῷτο ἐπεσημάναντο, ὥς τινες εἶεν ΡΑΔΙΟΥΤΡΗΣΑΝΤΕΣ τὴν ἐπιστολὴν, λύειν ἀπὸ τῷ Θεῷ τῷ ἀνθρώπῳ θέλοντες: *ignoravit in catholica Joannis Epistola, ita scriptum esse,*

se, in antiquis exemplaribus: Omnis spiritus, qui Jesum solvit, non est ex Deo. Hanc enim sententiam è vetustis exemplaribus sustulerunt ii, qui ab hominis dispensatione divinitatem separare studebant. Quamobrem & prisci Interpretes id ipsum observarunt, fuisse, nimirum, quosdam, qui hanc Epistolam DEPRAVARINT, hominem à Deo sejungere cupientes. Est & alia lectio hujus loci, ex Codice Alexandrino: πᾶν πνεῦμα, ὃ μὴ ὁμολογεῖ τὸ Ἰησοῦν, ἐκ τοῦ Θεοῦ ἕκ ἐξ ἑν: omnis spiritus, qui non fatetur Jesum, ex Deo non est. In partes eunt Interpretes, de vera hujus loci lectione; & contendunt eam lectionem, quam non probant, esse depravationem.

Ibidem. Cap. V, 7, 8. ita legimus in Codicibus nostris, ex recentioribus MSS. Ὅτι τρεῖς εἰσιν οἱ μαρτυροῦντες ἐν τῷ οὐρανῷ, ὁ πατήρ, ὁ λόγος, καὶ τὸ ἅγιον πνεῦμα. καὶ οὗτοι οἱ τρεῖς ἓν εἰσι. καὶ τρεῖς εἰσιν οἱ μαρτυροῦντες ἐν τῇ γῇ, τὸ πνεῦμα, καὶ τὸ ὕδωρ, καὶ τὸ αἷμα. καὶ οἱ τρεῖς εἰς τὸ ἓν εἰσι: nam tres sunt, qui testificantur in cælo; Pater, Ratio, & Spiritus Sanctus, & hi tres unum sunt. Et tres sunt qui testificantur in terra, spiritus & aqua & sanguis, & hi tres in unum consentiunt. At MS. Alexandrinus habet tantum: ὅτι τρεῖς εἰσιν οἱ μαρτυροῦντες, τὸ πνεῦμα καὶ τὸ ὕδωρ καὶ τὸ αἷμα, καὶ οἱ τρεῖς εἰς τὸ ἓν εἰσιν. Ita etiam vetustiores alii omnes Codices Græci, ita Syrus, Arabs, Æthiops, & ipse Latinus Interpres, in antiquissimis Codicibus.

Prif-

Priscis Libris si insint verba, quæ in Editionibus nostris leguntur, sunt addita margini, non in ipsa orationis serie, & quidem recentiore plerumque manu. * Ita multi Patres legērunt, ut monuerunt viri doctissimi ad hunc locum, quod pluribus probare non opus est. *H. Grotius* conjicit ex additamento Ariani cuiuspiam esse, quod præterea legitur in nostris Codicibus; alii volunt in iis casu esse omiſſa, quæ sunt inter voces *οἱ τρεῖς εἰσιν οἱ μαρτυροῦντες*, propter eorum verborum repetitionem, quod sæpe factum antea ostendimus; sed obstant voces *ἐν τῇ γῇ*, quæ sunt post hæc verba vers. 8. Volunt quidem viri eruditi eas primùm scriptas fuisse, sed postea deletas, cùm sensu carerent. At primùm, est conjectura, quæ nullis nititur Codicibus; nulli enim laudantur ubi sint voces *ἐν τῇ γῇ*, omiſſis testibus cœlestibus. Deinde, poterat dicere Joannes tria Christo testimonium exhibere *in terra*, tacitè hoc opponens variis cœlestibus testimoniis, quæ Pater ei præbuerat, nec causa ulla erat eorum verborum delendorum. Tertiò, nullo modo credibile est hæc verba delituisse in pervetustis quibusdam Codicibus, per aliquot sæcula, dum Arianorum controversiæ vigerent, & agitentur à viris doctissimis, qui omnia vetera monumenta curiosissimis oculis lustrabant, si quid in iis occurreret, quo causam suam tueri possent; donec extinctâ propemodum Arianorum sectâ,

in

* *Omitto minores varietates, quas vide in Oxon. & Milliana Ed. & apud Ric. Simonium in H.C.N.T. de Textu Cap. XVIII. & Diss. de MSS. N. T. sub finem.*

in lucem proferrentur. Scio adferri hanc in rem locum unius *Cypriani*, sed ex eo nihil posse colligi ostendit *Ric. Simonius*; quod non illibenter agnosco, qui gratias habeo verum docentibus, quicumque sint, quamvis etiam de me malè meritis. Vide infrà C. XVII, 39. Quæ cum ita sint, fateor me non videre quâ fide, aut quo jure possint vetustiores Codices ex recentioribus emendari? An ita postulat orationis series? Nequaquam. Non pluribus rem persequemur, quia à viris doctissimis copiosissimè pertractata est.

Unum dumtaxat addemus exemplum insignis fraudis, hanc in rem. Cum, nimirum, decessent, in antiquioribus Latinis exemplaribus, verba quæ antea adtulimus, non modò à Theologis illata sunt recentioribus MSS. sed & antiquiores Interpretes malæ fidei sunt incusati. Quod ut aliqua cum veri specie, quæ nulla erat, fieri posset; fictus est à pio, scilicet, impostore Prologus in septem Epistolas Canonicas, in quo ita *Hieronymus* loquens inducitur: *Quæ si ut, ab eis digestæ sunt, ita quoque ab Interpretibus fideliter in Latinum eloquium verterentur, nec ambiguitatem legentibus facerent, nec sermonum se se varietas impugnaret; illo præcipuè loco de unitate Trinitatis, in prima Joannis Epistola, positum legimus. In qua etiam ab infidelibus Translatoribus multum erratum esse fidei veritate comperimus; trium tantum vocabula, hoc est, aqua, sanguinis & spiritus in sua editione ponentes; & Patris, Verbiq; ac Spiritus testimonium omittentes; in quo maximè & fides Catholica*
robo-

roboratur, & Patris & Filii ac Spiritûs Sancti una divinitatis substantia comprobatur. Ne quisquam suspicaretur Prologum non esse Hieronymi, additum est in ultima Periodo nomen Euslochii: Sed, tu virgo Christi Euslochium, &c. Hunc autem Prologum esse confictum probavit Ric. Simonius in Hist. Critica Textûs N. T. Cap. XVIII. quamvis in nonnullis erraverit, si stemus fide Monachorum Benedictinorum, qui nuper Hieronymum edidere. Ipsa tamen in re ei adfentiuntur, quamvis ubicumque possunt hominem admordeant, & γνησιότηλα loci suspectissimi acriter defendant. Vide quæ habent in Adnotationibus ad eum Prologum, & adi etiam Simonium, qui conijcit scholion è margine in textum irrepsisse.

Epistolæ Judæ vers. 4. in Editionibus, ita describuntur Hæretici quidam Apostolicorum temporum: τὸ μόνον δεσπότην Θεόν, καὶ κύριον ἡμῶν Ἰησοῦν Χριστὸν ἀρνούμενοι: solum herum Deum, ac Dominum nostrum Jesum Christum negantes. Sed in Alexandrino Codice non est vox Θεός, uti nec in duobus T. Bezae, nec in aliis, in Oxoniensi & Milliana Editione memoratis. Non legit eam Latinus Interpres. Sive datâ operâ detracta fuerit hæc vocula, sive addita à Theologis; quicumque sint, & quacumque de causa; illa quidem fraus est, indigna bonis viris, & verè amanti-bus.

Hebr. II, 9. legimus in nostris Codicibus ὅπως χάρις Θεοῦ ὑπὲρ πάντων γεύσῃται θανάτου.
Tom. II. Q Sed

Sed *Origenes*, *Ambrosius*, *Hieronimus*, alii recentiores, testantur, ut docet *Millius*, lectum hîc fuisse $\chi\omega\rho\iota\varsigma$ Θεοῦ, quod putat esse glossema cujuscpiam, qui hæc addiderat margini *ne passio fuisse Deitatis putaretur*, ut loquitur *Vigilius* Tapfensis, unde quasi vera lectio in textum translatum fuerat. Vix tamen putarim, quodd controversiæ Nestorianorum & Eutychianorum nondum essent natæ. Mendum potius fuerit incuriæ Librariorum. Omnes Codd. Græci, qui supersunt, habent $\chi\acute{\alpha}\rho\iota\varsigma$, Latini *gratia*.

Ultimo loco memorabimus novam interpunctionem, quam in MS. Codice invenit olim *Claud. Sarravins*, Senator Parisiensis, & quam his verbis profert, in Epist. CLXXVI.
 „ Codex est, inquit, venerandæ antiquitatis,
 „ qui Scripturæ speciem præfert ultra octin-
 „ gentos, vel etiam mille annos exaratæ.
 „ Locus autem habetur Apocalyps. Cap.
 „ XIX, 10. & vulgò ita legitur: $\sigma\acute{\upsilon}\nu\delta\alpha\lambda\acute{o}\varsigma$
 „ $\sigma\alpha$ εἰμὶ καὶ τῷ ἀδελφῶν $\sigma\alpha$ τῷ ἐχόντων ἡ
 „ μαρτυρίαν τοῦ Ἰησοῦ. τοῦ Θεοῦ προσκύνησον.
 „ Codex verò, quem jam verso, legit in
 „ hunc modum: $\sigma\acute{\upsilon}\nu\delta\alpha\lambda\acute{o}\varsigma$ $\sigma\alpha$ εἰμὶ καὶ τῷ ἀδελ-
 „ φῶν $\sigma\alpha$ τῷ ἐχόντων ἡ μαρτυρίαν. Ἰησοῦ τοῦ
 „ Θεοῦ προσκύνησον. Quæ lectionis varietas
 „ non est nihili. „ Nempe, vertendum es-
 „ set, ex hac interpunctione: *conservus tuus*
 „ *sum & fratrum tuorum habentium testimonium.*
 „ *Jesum Deum adora*; non, ut omnes Interpre-
 „ tes, *testimonium Jesu. Deum adora*. Sed hanc
 esse

esse veram interpunctionem ostendunt sequentia, & perpetuus Apostolorum stylus. Quo factum ut nemo alius tale quidquam somnari- rit. Nec sanè à *Millio* ulla similis lectio memoratur. Hoc in memoriam mihi revocavit duas interpunctiones ab *Erasmo* excogitatas, ad Rom. IX, 5. *Ex quibus est Christus secundum carnem, ὁ ὢν ἐπὶ πάντων Θεὸς εὐλογητὸς εἰς τὰς αἰῶνας; qui est super omnia Deus benedictus in sæcula.* Vellet aut *τελείαν σιγμὴν* ante ὁ poni, *secundum carnem. Deus, qui est super omnia, benedictus in sæcula;* nempe, sit; aut post *πάντων*, hoc modo, *qui est super omnia. Deus benedictus sit in sæcula.* Sed ut Græculus, à quo descriptus erat liber *Sarravii*, invito Joanne, voluit nomen *Dei* Domino Jesu tribuere: ita &, invito Paulo, eum titulum Christo detrahare conatus est *Erasmus*. Utriusque conatus, inter depravationes, ex æquo haberi possunt: nisi quòd venia dignior est *Erasmus*, quia conjecturam tantum in Adnotationibus proposuit; locum verò, in Translatione sua, non secus ac alii, interpretatus est.

16. Hæc sunt depravationum manifesta, nisi fallor, exempla; quæ tamen, ita rem administrante Divinâ Providentiâ, neminem fallere possunt, nisi qui sponte falli velit; cùm antiquissimi Codices, & priscæ Translationes, & Scripta veterum Patrum satis ostendant quæ sit vera locorum, in nonnullis Codicibus depravatorum, lectio; ne jam doctrinam ac stylum Apostolorum memoremus. Non est Re-

ligio Christiana res obscura, & cujus necessaria capita obiter tantum adtingantur in Apostolorum scriptis, aut difficulter ex aliis colligantur; ex quo intelligere licet, malâ manu, difficillimè eorum ullum ex hominum memoria deleri potuisse. Non moror hîc crassas Marcionitarum & aliorum depravationes, quæ statim resectæ sunt, & unâ cum illis meritò irrisæ atque explosæ interierunt.

CAPUT XVI.

De Mendis à Vetustate ortis.

1. **C**UM Vetustas inscripta marmori atque æri monumenta innumera, aut prorsus absumserit, aut partim deleverit; nemo mirari possit, cur in libris, in membrana aut charta descriptis, sint hodie vel plurimum vocum, vel aliquot litterarum lacunæ. Negligentiâ Librariorum atramento non bene temperato utentium, aut etiam eorum qui libros, magno licet ære emptos, interdum non satis diligenter adservarunt, aliisque ejusmodi casibus, factum est ut in antiquissimis MSS. multa loca defint, ac plurimæ voces mutilæ cernantur, & quæ cupidissimè legeremus ea avidos oculos nostros fugiant. Quicumque Bibliothecas MSS. Codicibus instructas lustrant, facilè innumeros in iis vetustatis, omnia absummentis, morsus animadverterunt; & frequentes sunt virorum doctorum acerbissimæ,

mæ, eadémque inanissimæ querelæ, cùm à MSS. suis destituuntur, in iis locis, in quibus maximè eorum operâ indigebant.

2. Exstat hanc in rem historia, apud *Strabonem*, * digna quæ huc transferatur, quamvis paullò prolixior sit locus. Postquàm ergo dixit ab *Aristotele* Bibliothecam traditam esse *Theophrasto*, à *Theophrasto* verò relictam *Neleo*, ita pergit: ὁ δ' εἰς Σκῆψιν κομίσας τοῖς μετ' αὐτὸν παρέδωκεν ἰδιώταις ἀνδρώποισι, οἳ κατάκλεισα εἶχον τὰ βιβλία, ἐδ' ἐπιμελῶς κείμενα. ἐπειδὴ ᾧ ἤσθοντο τῷ σπεύδῃν τῷ Ἀτταλικῶν βασιλέων, ὑφ' οἷς ἦν ἡ πόλις, ζήτντων βιβλία εἰς τὴν κατασκευὴν τῇ ἐν Περγάμῳ βιβλιοθήκης, κατὰ γῆς ἐκρυψαν ἐν διώρυγί τινι. ὑπὲρ ᾧ νοτίας ἢ σιτηῶν κακωθέντα ὁψέποτε ἀπέδοντο οἱ ἀπὸ τῆ γένους Ἀπελλίκωνι τῷ Τηῖω πολλῶν ἀργυρίων τὰ τε Ἀριστοτέλους ἢ τὰ Θεοφράστου βιβλία: *Hic libros Scepsin translatos posteris suis reliquit, indoctis hominibus, qui incuriè positos, sub clavibus habuerunt. Cùm verò intellexissent studium Attalicorum Regum, quibus Scepsis parebat, conquirentium libros ad instituendam Pergami Bibliothecam; sub terra suos, in fossa quadam, occultaverunt. Humore vero & blattis vitiatos, serò tandem qui ex ea erant stirpe, Aristotelis, Theophrastique libros Apelliconti Teio, magnâ pecuniâ, vendiderunt. Videntur timuisse Nelei heredes, ne Reges Pergameni sibi thesaurum illum, nullo perfoluto pretio eriperent; quo*

* Lib. XIII. p. 419. Ed. Casauboniana Genevensis.

metu factum est , ut eum terræ crediderint , sicut aurum solent avari ; donec emtorem invenirent , qui sibi certam pecuniæ summam numeraret. At illâ cautione factum est , ut libri utriusque Philosophi vitati fuerint ; fieri enim non potuit ut blattæ pergamenas non perfoderent ; utque humor , atramento diluto , litteras & voces multas non deleret. Perpaucos quidem fuisse crediderim , qui ejusmodi thesauros in Græcia , aut in Italia , defodere cogerentur ; sed in Bibliothecarum forulis jacentia volumina non minùs cœli humor , ac blattæ , tineæve corrumpere potuerunt ; si fortè , ut fit , ædes non satis diligenter tectæ essent , aut si libri rarò inspicerentur. Sæpe natæ ex ejusmodi casibus lacunæ , nullo modo expleri potuerunt ; aut si expletæ sunt , errante explentium acumine , vetusto Scriptori voces tributæ sunt , quibus usus non fuerat.

3. Factum id in *Aristotelis* , *Theophrastique* operibus , docet in sequentibus *Strabo* , hisce verbis : ἦν γὰρ ὁ Ἀπελλίκων φιλόβιβλος μᾶλλον ἢ φιλόσοφος. διὸ καὶ ζητῶν ἐπανόρθωσιν τῶν διαβρωμάτων , εἰς ἀντίγραφα καὶ ἀναπληρῶν ἐκ εὖ , καὶ ἐξέδωκεν ἀμαρτάδων πλήρη τὰ βιβλία : *Erat autem Apellicon potius librorum studiosus , quàm Philosophia ; itaque erosarum particularum querens instaurationem , in nova libros transtulit exemplaria , lacunas non rectè implens , ediditque libros mendorum plenos.* Paullò post , postquàm dixisset veteres Peripateticos difficulter phi-

philosophatos, quòd carerent libris *Aristotelis* & *Theophrasti*, subdit: τοῖς ᾧ ὕπερον ἀφ' ὧ τὰ βιβλία ταῦτα προῆλθεν, ἄμεινον μὲν ἐκείνων φιλοσοφεῖν ἢ ἀριστοτελεῖν, ἀναγκάζεσθαι μὲν τοι τὰ πολλὰ εἰκότως λέγειν, διὰ τὸ πλη-
 90 7 ἀμαρτιῶν: *Posterioribus*, ex quo hi libri fuerunt editi, facilius fuit philosophari & *Aristotelem* auctorem sequi; quamquam, ob mendorum multitudinem, cgebantur multa con-
 jiciendo dicere.

4. Ejusmodi ad nos pervenit, in Codice Alexandrino, Epistola *Clementis* Romani, in qua *Patricius Junius* voces deperditas, ut loquitur, & litteras vetustate exesas, interstitiis adcuratissimè dimensis, supplevit, supplementaque minio exprimi curavit; ut facile ab iis, quæ in MS. Codice comparent, secernerentur. Eadem postea uncinulis clausurunt *J. B. Cotelerius* & *Paul. Colomesius*, in hujus Epistolæ editionibus, quas diu post Junianam emisserunt. Nemo negarit quin ut plurimùm non malè suppleverit vir eruditus, cùm paucæ desint litteræ, & loca multa ex LXX. Interpretibus proferantur.

5. Attamen in prima periodo gravissimè offendit, habet enim: [Χάρις ὧ] μῖν ἡ εἰρήνη ἀπὸ παντο [κράτο] ρ Θεῷ, διὰ Ἰησοῦ Χριστοῦ, πληθυνθεῖν, [ἐφ' ὧ] μὴν ἰδίᾳς ἡ ἐπ' ἀλλήλων: hoc est, illo interprete: gratia vobis & pax ab omnipotente Deo, per Jesum Christum, in vobis singulis, ET mutuò erga vos invicem multiplicetur. Quæ postrema ver-

248 ARTIS CRITICÆ P. III. S. I. C. XVI.

ba solœca sunt, in Græcis & Latinis, sensû-
que carent. Conjicit in notis ἐφ' ὑμᾶς ἰδίως,
absurdè. At qui accuratiùs inspexerunt Co-
dicem Alexandrinum viderunt in eo legen-
dum esse potiùs: [Δι α] ἰφνιδίως καὶ ἐπ'
ἀλλήλους γενεμένως ἡμῖν συμφορὰς ἢ [πα-
ρεμπ] τώσεις: *Propter subitas & alias super*
aliis, quæ nobis contigerunt, calamitates &
casus adversos, &c. ita ut hæc sint initium pe-
riodi.

6. Sed miror subjecta verba non fuisse e-
mendata, cùm sententia ipsa sat manifesta ad
veram lectionem deduceret: ἀδελφοὶ βρά-
δειον [δυσο] ἰζομεν ἐπιστροφὴν πεποιη [κέν] αὶ
περὶ τῶ ἐπιζητημένων [πα] ε' ὑμῖν πραγμάτων:
vertit Junius: *fratres dilecti postulatis vestris*
tardiùs nos animum adjecisse veremur; legistque
βράδιον. At supplementum vocis δυσοἰζομεν
durum est & coactum, nec sensum expeditio-
rem facit, præterquàm quòd vox rarior est.
Sed Junius ait se *vestigium minutissimum* τῷ O
ante I vidisse. Cotelarius verò vertit: *fratres,*
tardiùs videmur convertisse animum ad eas res,
quæ à vobis quæsita sunt. In margine suspi-
catur prò δυσοἰζομεν, legendum νομίζομεν,
judicamus, quod non debuit vertere *videmur.*
Legendum erat, βραδεῖαν [δοκή] σομεν,
hoc est, *serò videbimur ad animum revocasse,* ut
βραδεῖα ἐπιστροφῇ, sit *sera consideratio.* Velli-
gium τῷ O & I sequens sunt sine dubio crura
vicina τῷ K & H. Sensus est perspicuus, &
se-

series orationis clara: *Propter subitas, & quæ aliæ super aliis nobis contigerunt calamitates, & casus adversos, fratres, seriùs videbimur ad animum revocasse quæ rogaveratis.*

7. Permulti alii exstant veteres Scriptores, in quibus lacunæ sunt; quæ nonnisi ope meliorum MSS. Codicum sarciri queant; nec opus est nos exemplis adferendis immorari. Hoc potiùs monebimus, cùm à Librariis spatium semper relinqui oportuisset vacuum, pro numero litterarum, aut vocum, quas in MSS. deesse, ex litterarum forma, intelligere poterant, sæpe eos nullum reliquisse, ne mutila exemplaria spernerentur, & minoris emerentur; aut summùm exiguum admodum, qualia videmus Asterisco in editionibus impleri. Sæpe etiam fugientes litterarum ductus, & partim deletos legere ac supplere infelicitè tentarunt. Vicissim, aut Librarii aut Critici, ubi nulla erat, lacunam esse perperam suspicati sunt, & locis integris Asteriscum, seu omissionis notam, adposuerunt. Tria *Cicero*-*nis* loca, hanc in rem, proferemus.

8. Primus est in V. Verrina, * ubi de supplicio capitis, quod à civibus Romanis sumferat Verres: *Paullò ante, Judices, inquit, in morte misera atque indignissima navarchorum, lacrimas non tenebamus, & rectè ac meritò miseriam sociorum commovebamur; quid nunc in nostro sanguine tandem facere debemus? Nam civium Romanorum sanguis conjunctus existimandus est; quoniam id & salutis omnium ratio & VERITAS omnium postulat.* Omnino

Q 5

vi-

* Cap. LXVII.

videntur hîc tres primæ litteræ vocis deletæ, adeò ut maneret VRITAS; ex quo, omiffâ lacunâ, factum est VERITAS, sed legendum erat SECURITAS. Nempe, ut *securi* omnes essent cives Romani, & negotia sua tutò per universum Imperium gererent, nulli Magistratui Populi Romani licitum esse debuit eos in Provinciis agentes securi percutere. Hisce primùm editis, animadverti ita conjecisse *Franc. Hotomannum & Dionys. Lambinum*. Quorum conjectura haud paullò melior est, quàm eorum qui delent, contra fidem plerorumque Codicum, vocem *omnium*, & legunt *veritas*, quod interpretantur *justitia*.

9. Alter est in somnio Scipionis, * ubi postquam hæc verba Africani ad se protulit: *Dictator Rempublicam constitui oportet, si impias propinquorum manus effugeris*. Hic, ait Cicero, cum exclamasset Lælius, ingenuissimæ ceteri vehementius; quæso, inquit, ne me & somno excitetis, & PARUM REBUS, audite cetera. Hæc carent sensu, licet sint in omnibus MSS. exceptis duobus, in quibus, si *Ald. Manutio* credimus, legebatur *pax sit rebus*, quod melius non est. Vestigia veterum litterarum legerunt Librarii, ut potuerunt. Crediderim, donec melius quid edocear, lectum olim fuisse HIS PAVORIBUS: ne me, inquit, è somno excitetis his pavoribus, quia amici Scipionis pavidis animis exceperant quod de propinquorum insidiis sibi metuendis

dixe-

* Cap. II.

dixerat, atque exclamaverant. Poppæa in Octavia *Senecæ* vers. 733.

Tandem quietem magnus excussit pavor.

Deianira in *Hercule* OEtæo vers. 395.

—— *Hic meum pectus timor,*
Astrix, laceffit; hic rapit somnum pavor.

Apuleius Lib. II. p. 37. Ed. *Pricæi*: *Expergitus* & pavore nimio perterritus, & Lib. XI. initio: *experrectus* pavore subito. Unde liquet *pavorem* propriam esse, hanc in rem, vocem.

10. Tertius locus est mutilus, si stemus Criticorum judicio; quem propterea necesse est totum proferri, ut intelligere queamus an in eorum sententia sit nobis adquiescendum. Sic ergo *Cicero*, Lib. I. De finibus Bon. & Malorum, c. 16. *Justitia restat, ut de omni virtute sit dictum, sed similia ferè dici possunt. Ut enim sapientiam, temperantiam, fortitudinem, copulatas esse docui cum voluptate, ut ab ea nullo modo nec divelli, nec distrahi possint: sic de justitia judicandum est, quæ non modò numquam nocet cuicumque, sed contrà semper alit aliquid tum vi suâ atque naturâ, quod tranquillet animos; tum spe nihil earum rerum defuturum, quas natura non depravata desideret. Quemadmodum temeritas & libido & ignavia semper animum excruciant, & semper sollicitant, turbulentæque sunt: sic ** cujus in mente consedit, hoc ipso quod adest, turbulenta*
NON

non potest fieri, &c. Alii ediderunt hunc locum cum Asteriscis, alii nescio quæ supplerunt. Sed delendi sunt Asterisci, & intelligenda *justitia*, de qua in superioribus. Fefellit Criticos, quod non animadverterint *sic*, quando res contrariæ comparantur, & antecessit *quemadmodum*, significare idem ac *contra*. Perinde est ergo, ac si Cicero dixisset: *CUM* temeritas & libido & ignavia semper animum excrucient, & semper sollicitent, turbulentaque sint: *CONTRA* justitia, cujus in mente consedit, eo ipso quod adest, turbulenta ea mens non potest fieri, & si verò molita quidpiam est, quamvis occultè fecerit, numquam tamen confidet id fore semper occultum. Vir, nimirum, justus potest, perturbatione quapiam animi, transversus agi, ita ut ad occultum facinus adduci se patiatur. Sed postea, sedato adfectu, redux justitia cum docet quid timendum sit ejusmodi facinore inquinatis.

11. Verùm ut ad vetustatis menda redeamus, sacri ipsi Hebræorum libri vim ejus senserunt; nec intercessit Divina Providentia, quominus nonnulla minùs necessaria, longinquitate temporis, vitiarentur. In ipsis Novi Fœderis Tabulis, simile quid contigit. Ut ὅσων ἀγώνων, Homericò more, progrediamur, dubium esse nequit, quin in Tessaradecadibus progenitorum Christi, Matth. I, 12. & seqq. desit aliquid. Cùm enim Evangelista moneat vers. 17. tres esse eorum Tessaradecadas, quarum primæ ultimus est David, secundæ Jechonias, supersunt tantùm in
ulti-

ultima tredecim nomina, etiam comprehenso Christo. Si locus ullus integer ad nos, Librariorum diligentia, pervenire debuit, is certe erat; quia Evangelista numerum progenitorum Christi, in tres classes tributorum, indicarat. Attamen ea Evangelistæ cura non obstitit quominus, ab antiquissimis temporibus, hinc omitterentur nomina nonnulla; quod videtur ortum ex lacuna exemplaris venerandæ antiquitatis, quam sequentium ætatum Librarii explere non potuerunt. • De re ipsa vide dicta à nobis in additamentis ad *Henr. Hammondi* Adnotationes.

12. Lacunam esse liquet Gen. IV, 8. ex Samaritico Codice, Versione LXX. Intt. & nota Massorethica, qua de re vide notata à nobis ad eum locum. Lacunæ etiam plures in Genealogicis Paralipoménon deprehenduntur, quarum præcipuas vide in Indice nostro ad Libros Historicos V. T. Sed proferemus hinc aliud exemplum Psalmi, dentibus ævi multò magis vitiiati. Conferantur Psalmi XIV, & LIII manifestum erit unum eundemque esse Psalmum, si comparentur quinque primi versus & ultimus Psalmi LIII. cum quatuor primis Psalmi XIV. qui, non nisi perpaucis & exigui momenti varietatibus differunt. At magnum est discrimen inter versus 4. & 5. Psalmi XIV. & 6. Psalmi LIII. Quæ verò ejus rei causa est? Nimirum, vetustas, quæ tria verba delevit ex Psalm. XIV, & sex alia vitiavit; quo factum, ut verba ejus Psalmi careant sensu, & hiulca sint, cum Psalmi LIII. verba sint integra & pulcherri-

mam

254 ARTIS CRITICÆ P. III. S. I. C. XVI.

mam fundant sententiam. Hæc primùm adponam distincta in versiculos, qualibus olim constabant Cantica Hebræorum, ut aliquando copiosius probabimus. Sic ergo habet Psalmus LIII. vers. 6.

שם פחרו פחר
לא היה פחר
כי אלהים פור עצמות
חנן הכישהה
כי אלהים מאסם
מי יתן מציון ישועות :

*Ibi pavore trepidabunt ,
ubi non erat timor ,
quia Deus dissipabit ossa
obsessoris tui ; pudore eos adficiet ,
quia Deus eos repudiavit.
Quis dabit è Sione salutem ?*

Psalmus est in Babylonica captivitate scriptus, ut ex ultimo versu liquet, in quo Psaltes Babyloniorum cladem vaticinatur & liberationem Hebræorum, quam propiorem esse optat. Quarto versu, legendum הבישהה *he-bischotham*, hoc est, pudore eos adficiet, ob rationes grammaticas & metricas, quas hoc loco non dicam. At Psalmus XIV. ita hic locus exprimitur:

שם פחרו פחר
כי אלהים ברור צדיק
עצת עני הכישו
כי יהוה מחסהו
מי יתן מציון ישועות :

Ibi

*Ibi pavore trepidabunt ,
quia Deus in generatione justa.
Consilium pauperis pudefacietis ,
quia Jehova fiducia ejus.
Quis dabit è Sione salutem ?*

1. Hic omiffus fecundus versiculus , qui legitur in versione LXX. Intt. 2. fequentia verba mirè corrupta sunt , nam pro פור עצמות *dissipabit ossa* , est ברור צדיק עצתו *in generatione justa consilium* ; pro חנך הכישתם *obsessoris tui* , pudore eos adficiet , עני תבישו *pauperis pudefacietis* ; denique pro אלהים מאסם *Deus repudiavit eos* , יהוה מחכרו *Jehova fiducia ejus*. Hebraïcè scientes facilè in hisce verbis animadvertent litteras ejusdem organi esse mistas ; atque hinc fortè depravatio loci cœpit , dein non satis integris ceterarum litterarum vestigiis , Librarii sensum quem non inveniebant fecerunt. Quæ nisi ita se habere viderentur , facilè crederem secundum versiculum omiffum fuisse , ob repetitionem vocis פחד *phabhad* , cujus modi omiffionum exempla adtulimus Cap. V.

13. Non opus est plura idgenus depravationum exempla proferre , cùm res sit manifesta ; sed Criticos meminisse oportet , ut diximus , sæpe esse lacunas , ubi nulla sunt in Codicibus earum vestigia , & vicissim. Res est in periculosissimo emendandi studio , nisi dextrè eo utamur , maximi momenti.

14. Cùm nemo Librariorum ab oscitantia & lapsu fuerit immunis , dormire & labi potue-

256 ARTIS CRITICÆ P.III.S.I.C.XVII.

tuerunt etiam qui primi exscripserunt libros, ex quorum exemplaribus cetera omnia derivata iisdem vitiis laborarint necesse est. Locus est, hanc in rem, insignis apud *Galenum* Comment. II. ad Lib. I. Epidemiorum, text. 83. p. 77. Tom. IX. Ed. Charterianæ, ubi postquam è re ipsa probavit mendum esse in numero dierum Criticorum ab *Hippocrato* memoratorum, sic portò loquitur: ἐγχαρεῖ ὃ κατ' ἀρχὴν εὐθὺς ὑπὸ τοῦ βιβλιογράφου ἢ λέξιν ἀμαρτηθεῖσαν φυλαχθῆναι, καθάπερ αἱ ἄλλαι πολλὰ τοῦτο πεπόνθασι παρά τε τῷ Ἰπποκράτῃ καὶ ἄλλοις οὐκ ὀλίγοις: fieri quoque potest ab initio statim à Librario vocem vitiosè scriptam servatam esse, ut alias quibus idem contigit, cùm apud *Hippocratem*, tum alios non paucos. De omni mendorum genere verissima hæc esse constat, sed præsertim de lacunis, quæ non facilè suppleri poterant, ideoque omittebantur à Librariis, ne apographorum pretium, ut diximus, minueretur.

C A P U T XVII.

Leges emendandi.

- I. **M**EMORATIS potissimis generibus mendorum, quibus sententia veterum Scriptorum corrumpitur, & demonstratis præcipuis rationibus, quibus ea menda irrepe-

pere potuerunt ; nihil nobis agendum superest , nisi ut moneamus Criticum omnium eorum , quæ memoravimus , quàm peritissimum esse oportere , eaque animo obversantia perpetuò habere ; ut , quotiescumque postulabit usus , viis indicatis , ad mendorum originem pervenire queat , eaque feliciter corrigere. Nos digitum dumtaxat ad fontes intendimus , ceteraque iudicio ac diligentiae Studiosorum permittenda duximus. Præterea nostra hæc Ars statuit variarum rerum cognitionem aliunde esse petendam ; eam ipsa non tradit , quippe finibus quibus circumscribitur exclusam. Exempli causâ , ars est singularis dignoscendæ ætatis MSS. Codicum , deque eorum characteribus iudicandi ; quæ , si pro dignitate tractetur , iusto volumini argumentum præbeat ; qua de re , ut antea dixi , paucis , ad Latinos Codices quod adinet , *Joan. Mabillonius* , in *Diplomatica* ; sed pluribus de Græcis *Bernard. de Montfaucon* , in *Palæographiæ Græcæ* egregio opere egit. Ut res ad perfectionem deduceretur , quibus ad manum sunt Bibliothecæ MSS. Codicibus refertæ , eos id laboris suscipere oporteret ; nam sine ingenti Codicum copia , & diuturna eorum tractatione , nihil , quod sit operæ pretium , hac in re præstari potest. Igitur hoc onere in otiosos Bibliothecarum custodes rejecto , summam tantum rem adtigimus , & potissima characterum discrimina breviter perstrinximus ; satis esse rati , si litterarum studiosis in animum revocemus , quod à multis planè negligitur.

258 ARTIS CRITICÆ P. III. S. I. C. XVII.

2. Hoc verò in loco , rectæ emendationis Leges feremus , quas ita æquas visum iri confidimus , & usque adeò rectæ Rationi , rerumque naturæ consentaneas ; ut , sine intercessione , apud Populum Eruditorum , perferri eas posse speremus. Quod tamen ut facilius fieri queat , singulis breves interpretationes atque exempla cum malè tentatarum emendationum , tum etiam necessariarum , ut videtur , subjiciemus ; neque tamen invito cuiquam eas obtrudere cupimus.

3. Prima ergo , quod felix faustumque sit Reipublicæ Litterariæ , hæc erit : **SI QUID MUTETUR , MUTATIONEM RES IPSA , ORATIONISVE SERIES , STYLUSVE SCRIPTORIS NECESSARIO POSTULATO.** Hæc Lex tam pertinet ad emendationes ex MSS. Codicibus haustas , quàm à conjicientibus inventas ; sunt enim passim in MSS. Codicibus , sive à Criticis , sive à Librariis , aut cuicumque tandem casui debeantur , gravissima menda ; quæ pro vera lectione , manifestò repugnante sententiâ , aut Lingux ingenio , aut Scriptoris stylo , stultum esset obtrudere ; & quæ , in re clara , ne memorari quidem necesse est.

4. Igitur si quid occurrat , quod à Lingux ingenio , stylôve Scriptoris prorsus non abhorreat , nec à sententia , seriêve orationis sit alienum ; nulla est causa cur , consentientibus Manuscriptis omnibus Codicibus ; veteribus Editionibus , Translationibûsve , quidquam mutetur ; præsertim si mutatio paullò major sit. Alioqui latissima corruptionibus
ape-

aperiretur fenestra, si ut Scriptor paullo elegantius, ex Critici judicio, aut adcuratius loqueretur, liceret, omnibus reclamantibus Codicibus, quibusvis quidlibet mutare. Quam legem, cum in eam permulti Critici passim peccent, vix ullus, ex Criticorum acutiorum numero, frequentius perrupit, doctissimo viro *Tan. Fabro*. Quem præ ceteris adpellamus, non quod ejus laudibus quidquam detractum cupiamus, qui permagni eum semper fecimus; sed quia utilius est ejusmodi peccata ex viro doctiore petere, & quem imitari possint Studiosi, quam ex infimi subsellii Critico, qui cum acutioribus deridiculo sit, nemini exemplo esse potest. Alioqui nobis non deessent alii Critici, quos non necessariorum correctionum reos ageremus, idque eo potiore jure, quod confidentius somnia sua nobis obtrudunt.

5. *Ovidius Tristium* Lib. II. aliorum exemplis Scripta sua amatoria excusans hæc habet, inter alia multa idgenus, de Mimis, vers. 499. & seqq.

*In quibus adsiduè cultus procedit adulter,
Verbâque dat stulto callida nupta viro.
Nubilis hæc virgo, matronâque, virque,
puérque
Spectat & ex magna parte Senatus adest.
Nec satis incestis temerari vocibus aures,
Adsuescunt oculis multa pudenda pati.
Cumque fefellit amans aliquâ novitate mari-
tum,
Plauditur, & magno palma favore datur.*

Tum verò sequitur :

*Quoque minùs prodest , P O E N A est lu-
crofa Poëta ,
Tantâque non parvo crimina Prætor emit.*

Tan. Faber Lib. I. Ep. 37. contendit neminem , qui ultimi Distichi versum priorem intelligat , reperiri posse ; neminem , qui vitium lectionis vel fuerit subodoratus , umquam inventum fuisse ; & postquàm alia ejuscemodî præfatus est , ut finem faciat , ut ipse loquitur , *κομπασμάτων* , audaci conjecturâ legit ;

*Quaque mihi pœnæ est , fraus est lucrosa
Poëta ,*

ut dicat *Ovidius* , quæ res Mimographis lucrosa solet esse , eam sibi pœnæ fuisse. Non diffitemur sensum hunc ineptum non esse , & *Ovidio* dignum ; sed est & alius non minùs commodus , atque ex quo licet verba , quemadmodum leguntur in omnibus MSS. Codd. & Editionibus , interpretari. Nimirum , ut Gallica vox *peine* , quæ est ex Latina *pœna* derivata , significat & *laborem* & *supplicium* : sic etiam Latina , non supplicii modò significatu , qui proprius & frequentissimus est , sed & laboris apud Veteres occurrit. Hoc vult ergo *Ovidius* , *que la peine la moins utile , est celle qui rapporte le plus de profit au Poëte*. Intelligit , nempe , *Mimos* , qui jocosas & sæpe amatorias historiolas complectebantur ,
& qui

& qui tamen carò à Prætoribus interdum emebantur, ut ludis scenicis populi gratiam ambirent. Videbimur fortè, primâ fronte, temerè ex Gallica Lingua Latinam interpretati; sed audiat ipse *Ovidius*, sui optimus interpres, in Epigrammate præfixo Libris Amorum:

*Qui modò Nasonis fueramus quinque libelli,
Tres sumus, hoc illi prætulit auctor opus.
Ut jam nulla tibi nos sit legisse voluptas,
At levior deantis P O Ë N A duobus erit.*

Manifestum est postremum versum verti Gallicè oportere: *mais vous aurez moins de peine, le nombre de mes livres étant diminué de deux.* Igitur erravit vir doctissimus, qui existimavit rem ipsam postulare locum *Ovidii* mutari; cùm sensus ejus sit commodissimus, qualis à nobis antea expositus est. Scio à *Nic. Heinsio* emendatum priorem locum, hoc modo: *quòque minus prodest, scena est lucrosa Poëtæ; vel, nec minus & prodest scena, & lucrosa Poëtæ est.* Sed eum confutat posterior locus. Novi etiam esse, qui posteriore loco *pœnam* interpretentur *supplicium*; at ei significationi locus hîc non erat. *Supplicium* dici possit lectio Poëtæ, quem invitatus legas, sed *Ovidius* ab invitis, credo, legi noluisse; & Vates, si qui alii, de suis operibus non ita malè sentiunt, ut *supplicium* se fumere putent de iis quibus ea legenda, si ita videatur, præbent. Itaque præstat agnoscere jam, tempore *Ovidii*, vocem *pœna* in tralaticiam illam

significationem, quâ nunc usurpatur in Linguis è Latina prognatis, deflectere sensim cœpisse.

6. Tentemus verò nos emendationem proferre, quam res ita postulet, ut nullâ ratione aliter constet sententia. Est locus non modò obscurissimus, apud *Virgilium*, sed etiam absurdus; prout nunc legitur, qui propterea à nemine, quod sciam, intellectus est. Exstat IV. Georgicorum, incipitque à vers. 286. ubi ita Poëta Ægyptum describit:

*Nam quâ Pellæi gens fortunata Canopi
Adcolit effuso stagnantem flumine Nilum,
Et vehitur pictis circum sua rura phaselis.*

Quibus in versibus omnia clara sunt, sed sequuntur hæc verba:

*Quâque pharetratae vicina PERSIDIS
urget,
Et viridem Ægyptum nigrâ fecundat arenâ;
Et diversa ruens septem discurrit in ora
Usque coloratis amnis devexus ab Indis.*

An ergo *Persidem* vicinam *Ægypto* credidit *Virgilius*? Quamvis alibi in Geographicis peccarit, non credo tamen, in tam insignium regnorum & usque aded remotorum situ, peccare non indoctum sanè Poëtam potuisse. Deinde quænam hæc est structura, quâ *vicinia Persidis urget* & *fecundat viridem Ægyptum nigrâ arenâ*, &c? Manifestum hæc postero-

rio-

riora verba referenda esse ad Nilum, ideóque repetendum fuisset *Et quâ*. Sed nomine usus erat *Virgilius*, quo superiorem Ægyptum significabat, vero quidem illo, at quod, cùm vulgò ignotum esset, à Librariis in notius mutatum est. Legendum omnino, ut quidem videtur :

*Quâque pharetratæ vicina PATHYRIDIS urget
Et viridem Ægyptum, &c.*

Pathyris est Thebais, quæ Hebræis dicebatur *Pathros*; quod efferunt LXX. Intt. Παθῶρης & Φαθῶρης. Hinc in ea *Plinius* memorat *Phaturitem* Nomum, & *Ptolemæus* urbem *Pathyrin*; ut copiosè docet *Sam. Bochartus*, in *Phalego* Lib. IV. c. 27. Hanc oram vocat *Virgilius pharetratam*, quia horum tractuum incolæ multum utebantur arcu; quod multis testimoniis demonstravit idem vir summus, Capite antecedente.

7. Hac positâ lectione, omnia plana sunt. Nilus non modò inferiorem Ægyptum rigat, sed etiam *vicina Pathyridis* loca *urget*, hoc est, exundantibus aquis premit, & arctiora facit. Sic *Lucanus*, de portu Herculeo, Lib. I. vers. 406.

*Quâque sub Herculeo sacratus nomine portus
Urget rupe cavâ pelagus.*

Idem *viridem Ægyptum nigrâ arenâ fecundat*, hoc est, virentem pascuis & arboribus

Ægyptum limo nigro fertiliorem reddit. Idem *discurrit in septem ora*, sive ostia. Idem *devexus* fluit *usque coloratis Indis*, hoc est, usque ab Æthiopum sole adustorum agris; nam constat Veteres *Indiam* vocasse interiorem Æthiopiam. Vide *Socratem* Historiæ Eccles. Lib. I. c. 19.

8. *Tan. Faber*. Epist. Critic. Parte II. Ep. ultimâ, esse luxationem existimat in Cap. X. Epistolæ ad Romanos, rem edoctus à *Stephano Gaußeno*, qui postea S. Theologiæ Professor in Academia Salmuriensi fuit, vultque versum 17. transferri post 21. quod sit hæc totius orationis conclusio: Ἀρὰ ἡ πίστις ἐξ ἀκοῆς, &c. *Ergo fides ex auditu est*. At orationis series non eò spectat, quod putat vir doctus, neque enim Paulus hoc probare nititur, quod nemo negabat, nemo negare poterat, *fidem*, nempe, esse *ex auditu*; sed hoc se concedere ait, ideoque ἀρὰ vertendum est hoc in loco *certè*, ut jam dudum observavit *Hugo Grotius*; cujus adnotationes consultas esse oportuit, si non à *Fabro*, qui fortè rariùs hujusmodi libros inspiciebat, saltem à *Gaußeno*, qui Theologiæ operam eo tempore dabat.

9. Ex additamentis nostris ad *H. Hammond* Adnotationes in Novum Testamentum, huc transferemus conjecturam de loco obscuro 1. Cor. V, 12. ubi postquàm Paulus dixit se non vetuisse quominus Corinthii versarentur familiariter cum Ethnicis, sed tantùm cum iis qui Christo nomen cum dedissent,

mo,

moribus eum abnegabant , ait : Τί γάρ μοι καὶ τὰς ἐξω κρίνειν ; ἐχὶ τὰς ἐσω ὑμεῖς κρίνετε ; τὰς δὲ ἐξω ὁ Θεὸς κρίνει . καὶ ἐξαρεῖτε τὸ πονηρὸν ἐξ ὑμῶν αὐτῶν . *Quid enim mihi est eos qui foris sunt judicare ? nonne eos qui intus sunt vos judicatis ? qui verò sunt foris Deus judicat ; est tolletis malum ex vobis ipsis .* Veterum Codicum , Translationum , & Interpretum auctoritas , quæ varia nobis proponit , ipsaque adeò orationis series satis ostendunt esse aliquid hîc corruptum ; quod facillimè intelligent quicumque *Grotium & Hammondum* , ad hunc locum , consulent . Nemo intellexerit hanc constructionem , τί μοι κρίνειν ; nam quod dicunt esse , *quid ad me adinet externos judicare ?* id sine exemplo similis loquutionis adfirmant . Præterea conjunctio καὶ , quæ intercedit , durissimam facit orationem ; qua de causa deest in Codice Alexandrino , & omissa est à Syro & Latino Interpretibus . Attamen est temerè resecta , potèstque ad vestigia veteris lectionis nos deducere , quæ hæc fuisse videtur : τί γάρ μοι καὶ τοῖς ἐξω ; καὶ μενοῦντε τὰς ἐσω ὑμεῖς κρίνετε . τοὺς δὲ ἐξω ὁ Θεὸς κρίνει . καὶ ἐξαρεῖτε τὸ πονηρὸν : *Quid enim mihi est iis qui foris sunt ? At vos quidem judicate eos , qui sunt intus ; eos verò , qui sunt extra , Deus judicat ; est tolletis malum è vobis .* Primò , loquendi genus est Scriptoribus Sacris frequentissimum : *quid mihi est tibi ;* quod perinde est ac si dixeris : *fatage rerum tuarum , meas ipse curabo , ut*

liquet ex Matth. VIII, 29. Joan. II, 4. Sensus hunc hîc esse oportet : meum non est curare Ethnicorum mores , qui nondum Evangelio crediderunt. Deinde ex *ὃ μὲνοῦν γε* non difficulter factum *κρίνειν οὐχί* , quia in sequentibus verbis bis occurrit verbum *κρίνειν*. Particula *μὲνοῦν γε* est particula adversativa, quâ non infrequenter utitur Paulus. Vide Rom. IV, 20. X, 18. Phil. III, 8. Planissimus autem est sensus , cùm vulgatæ lectionis interrogatio durissima sit , & ab hoc loco aliena : *annon vos judicatis de iis , qui intus sunt ?* Si dixisset Paulus : non meum est de iis , qui apud vos sunt , iudicium ferre , *annon vos de iis judicatis ?* esset sensus aliquis , quamquam alienus ab hoc loco , & lenius fluere oratio ; sed , prout jacet , series verborum impeditissima est. Tertiò , quod sequitur , *τοὺς ᾧ ἔξω* , de extraneis verò , ostendit antecedere debuisse , cùm hîc sit manifesta *τῷ ἔξω ἢ τῷ ἔσω* oppositio , M E N , seu QUIDEM ; quod continetur in *ὃ μὲνοῦν γε* , nam *μὲνοῦν* idem est ac *μὲν οὖν* ; imò verò ita scribendum esset , iudice H. Stephano. Quartò , *ὃ ἐξαπεῖτε* conjungitur manifestò cùm *κρίνετε* , *judicate* & *tolletis*. Verba interposita non sunt , ut nonnulli volunt , parenthesi claudenda ; quia membrum hoc : *de extraneis verò Deus judicat* , opponitur , ut dixi , antecedenti , non per parenthesin inferitur.

10. Tan. Faber Ep. XXI. Secundæ Partis , existimat in mendo cubare locum 1. Cor. C. VIII,

C. VIII, 10. εἰάν γάρ τις ἴδῃ σε , ἢ ἔχοντα
 γνωῶσιν , ἐν εἰδωλείῳ κατακείμενον , οὐχὶ ἡ συ-
 νειδήσις αὐτῷ ἀσθενὲς ὄντι ΟΙΚΟΔΟΜΗ-
 ΘΗΣΕΤΑΙ εἰς τὸ εἰδωλόθυτα ἐσθίειν :
*si quis enim viderit te , cognitione præditum ,
 in Idoleo adcumbere , nōne conscientia ejus ,
 qui infirmus est , ædificabitur ad edendum ea
 quæ sunt Idolis mactata. Scilicet , ut putat ,
 ædificare alibi nusquam legitur , nisi ubi de
 virtute sermo est , ita ut ædificare quempiam
 ubique sit eum in studio virtutis confirmare.
 Hinc colligit à Paulo eam vocem hīc usurpa-
 ri non potuisse , ubi de vitio sermo est ; ideò-
 que legit ὁδοποιηθήσεται , in viam inducetur ,
 nam ὁδὸς quidem tam in deteriorem partem
 trahitur , quàm in meliorem.*

II. Ingeniosam hanc esse conjecturam , ut
 sunt pleræque omnes viri doctissimi , nemo
 negaverit ; at priusquàm locus mutandus cen-
 seatur , videndum quæ sit propria , quæ trala-
 ticia significatio vocis οἰκοδομεῖν , tum quæ
 huic loco conveniat , ἀνε uspiam simili sen-
 su occurrat. Quod ubi fecero , liquebit lo-
 cum hunc perperam suspectum haberi. Pri-
 mùm οἰκοδομεῖν , *ædificare* , propriè est jac-
 tis fundamentis structuram imponere ; unde
 factum ut tralaticio significatu dicatur de ani-
 mi profectu ad virtutem quod adinet , pos-
 sītque perinde dici de animi depravatione ;
 adeò ut *ædificare aliquem* , significet virtutes
 ejus , aut vitia augere. In propria vocis signi-
 ficatione , aut in ejus ad alium significatum
 transla-

translatione, nihil est quod posteriori usui repugnet. Secundò, vocis hæc media significatio, quâ tam de vitiorum, quàm de virtutum augmento, intelligitur, huic loco optimè convenit. Aliud enim non vult Paulus, nisi hominem infirmum & imperitum, auctoritate & exemplo doctioris, audaciam sumtuum, & frequentius ac liberiùs sacris illis conviviis, quæ in Idoleis celebrabantur, interfuturum. Tertiò, verbum Hebraicum בנח *banah*, hoc est, οἰκοδομεῖν, in conjugatione passiva de malis æquè ac de bonis occurrit, eo quem diximus sensu. Sic Malach. III, 14, 15. inducit Deus Israëlitas dicentes: *inane est Deum colere; quid emolumenti nobis fuit, quòd observaverimus id quod observari vult, & quòd coram Jehova Deo exercituum tristes incesserimus? Nunc verò beatos prædicamus superbos; imò facientes iniquitatem* בניבנו *nibnou*, *edificati sunt; imò tentaverunt Deum, & incolumes evaserunt.* LXX. Intt. ἀνοικοδομῶνται ποιεῖντες ἄνομα, hoc est, improbitas eorum aucta est rebus secundis, eò quòd, neglectis Dei præceptis, feliciores ipsis bonis fuerunt. Simili planè metaphora, & quidem in sequiorem partem, usus est *Plantus* in Trinummo Act. I. S. 2. vers. 95.

— dare te in manus
Argentum amanti homini adolescenti, animi
impoti,
 Qui **EXÆDIFICARET** suam inchoa-
tam ignaviam?

& *Xenophon* Educ. Cyri Lib. VIII. c. VII, 3. de fratrum conjunctione loquutus: ἐπὶ ταῦτα εὐθὺς οἰκοδομεῖτε τὰ φιλικὰ ἔργα; *hisce inædificate fraternas actiones.* Hæc, nisi fallor, satis ostendunt stylum Pauli non postulare ut quidquam hîc mutetur.

12. Inter minùs necessarias emendationes eas etiam habemus, quæ inventæ sunt ut Scriptor, qui alioqui malè mentem non expresse- rat, elegantius tantùm, aut argutiùs loqua- tur; quis enim unquam Scriptor singulas pe- riodos ita expolivit, meliùs ut numquam res exprimi posset? Quis etiam hodie tantùm si- bi tribuat, ut iudex priscæ elegantiae haberi velit, ad cujus palatum omnia sint exigenda, & si quæ displiceant, refingenda? Si quis us- que ad eò fatuus sit, ut reverâ sunt nonnulli, prudentioribus omnibus ludibrium debet. Ex- emplum insigne adferam è *Galeno*, unde con- stet sanioribus palatis intempestivas argutias semper displicuisse. Est locus Libri VI. Epi- demiorum *Hippocratis*, text. II. ubi sic lo- quitur: ψυχῆς περίπατος φροντίς ἀνθρώποισι: *animæ ambulatio cogitatio, aut meditatio ho- minibus*; hoc est, ut putabant plerique ejus Interpretes, quod ambulatio est corpori, id est, animo meditatio; seu mens exercetur meditatione, ut corpus ambulatione. Arguta sanè & elegans sententia, nec spernenda, si in *Sexti* Philosophi sententiis legeretur. At eam, post *Dioscoridem* repudiavit *Galenus*, cujus hæc sunt verba è Comment. V. in eum librum p. 523. Tomi IX. Ed. Charterianæ:

καποζήλκ δὲ τ' ἐρμηνείας ἔσης, εἰκότως αὐτὴν ὁ Διοσκορίδης φυλαττόμενονⓄ, ἔ περίπατον ἔγραψεν, ἀλλὰ προσθεῖς τὸν γράμμα περὶ παντός, ὥστε γενέσθαι τ' λέξιν τοιάνδε· ψυχῆς περὶ παντός φροντίς ἀνθρώποις, ἢ ἡ δηλέμενον ἐξ αὐτῆς, περὶ παντός τοῖς ἀνθρώποις ἀσκητέον ἐστὶ τ' λογισμὸν. αἱ γάρ τοι διανοήσεις ὀνομάζονται φροντίδες: *cum autem adfectata ea enarratio sit, meritò ab ea Dioscorides sibi cavens scripsit non περίπατον, sed additâ v litterâ, περὶ πάντων, de omnibus, ut sit ejus sensus, hominibus exercendam ratiocinationem, nam mentis ratiocinationes φροντίδες adpellantur.* Quod probat exemplis ex *Aristophane* depromptis.

13. Igitur fixum & ratum nobis sit oportet, nullam admittere emendationem, quasi certam; quæ non sit prorsus necessaria, hoc est, quam non res, non orationis series, non stylus Scriptoris, qui emendatur, poscat; ita ut tria illa simul mutationem efflagitent, aut certè duo, vel unum. Quæ si diligenter observentur, non facilè, nisi imperiti, aut legum spretores, qui imperitis deteriores sunt, inanum medicam sanis locis admovebunt. Sarta tecta antiquiorum lectionum auctoritas, nemine eam temerè violante, sic manebit.

14. Secunda Lex hæc erit: OMNIS E-MENDATIO LINGUÆ INGENIO AUT SCRIPTORIS STYLO CONSENTANEA ESTO. Ad superiorem Legem, dixi-

diximus Scriptoris stylo efflagitari oportere emendationem ; quam neque res ipsa , neque orationis series commendant. Quæ Lex si æquissima est , quod in dubium revocari posse non videtur ; sequetur nihil reponi oportere , in oratione veterum Scriptorum , quod consentaneum non sit ingenio Linguae , quâ usi sunt , aut singulari illorum stylo. Unde intelligere licet à nemine periculosam hanc emendandi artem exerceri oportere , qui longam & diligentem operam non posuerit , & in addiscendis Linguis , & in cognoscendis singulorum Scriptorum stylis ; quod tamen non obstitit quominus multa temerè sint mutata , aut mutatione digna iudicata à viris doctissimis ; at nimiam ingenii sui fiduciam fretis.

15. Sic *Jos. Scaliger* frustra voluit emendare Marc. IX, 49. *πᾶς γὰρ πυρὶ ἀλισθησέσθαι* , *omnis igne salietur* , quasi legendum esset *πᾶσα πυρία* , quod respondeat voci Hebraicæ *נשא isscheh* , quæ significat *oblationem igne absumendam*. Vox ea Græca non est , quod ei meritò viri doctissimi objecere. At fingi , inquit , potuit , ut exprimeretur Hebraica. Atqui fingi necesse non erat , cum usitatissima vox , quâ Hebraicæ tota vis adcuratè exprimeretur , non deesset ; quam miror *Scaliger* memoriam , quâ pollebat tenacissimâ , illico non suppeditasse. *Ἐμπυρον* Græci , quasi *ignitam* , ejusmodi oblationem vocabant. Nihil dicemus de sensu loci , quem explicare conati sumus in additamentis *H. Hammondii* adnotationum.

16. Antè aliquot annos, lis nobis intercessit cum viro docto *Joan. Harduino*, cui elegantem *Plinii* editionem debemus, de ejusmodi emendatione. *Plinius* Hist. Nat. Lib. XXXV. c. 11. inter nobiles pictores, ita de *Alcimacho* loquitur: *Alcimachus Dioxippum* (pinxit) qui *pancratio Olympia*, citra pulveris tactum (quod vocant *aconiti*) vicit. Cœnus *Stemmata*. Verùm *Claud. Salmasius*, in *Solinianis* Exercitationibus, conjecit *Cœnus scammata*, sed emendationis suæ nullam rationem reddidit. *Joannes* verò *Harduinus* utramque lectionem repudiat, quòd neque pictoris nomen sit *Cœnus*, nec satis idoneum picturæ, quale hîc requiritur, argumentum *stemmata*, & multò minùs *scammata*. Legit ergo *coniti Nemeæa*, & bellè ludum ludo, victoriæ victoriam opponi censet. Cum *Olympiis*, inquit, *Nemeæa confert*, & *facili ac sine pulvere victoriæ alteram laboriosius comparatam*. Non dicam hanc emendationem nimium recedere à vestigiis veteris scripturæ; nec coronas quidem, seu *stemmata* esse aptum picturæ argumentum; *Cœnum* verò esse nomen Græcum, quo vocari potuerit pictor minùs celebris, qui corollarum tantùm pingendarum arte excelluerit, ac proinde ab aliis non sit memoratus. Quâ arte excelluit etiam *Pausias*, de quo *Plinius* Lib. XXXV. c. 11. *Amavit in juventa Glyceram municipem suam, inventricem coronarum, certandòque imitatione ejus, ad numerosissimam florum varietatem perduxit artem illam. Postremò pinxit illam sedentem cum corona, quæ è nobilissimis ejus tabu-*

bula adpellata est Stephanoplocos , ab aliis Stephanopolis &c. Non dicam , tam audacem conjecturam in contextum orationis recipi non debuisse. De sola voce *coniti* loquar , quam Græcam esse negavi ; quod & etiamnum pernego , nec *Harduinus* potuit probare.

17. Dixeramus rectè facturum fuisse virum doctum , si protulisset Scriptorem Græcum , qui dixisset *κονιτι* , nam quamvis utantur Græci voce *ἀκονιτι* , *sine pulvere* , idèd non sequi usitatam fuisse simplicem *κονιτι*. Eodem sensu , dicunt Græci *ἀνιδρωτι* , *sine sudore* , *ἀμαχητι* , *sine pugna* ; *ἀναιμαχτι* , *sine sanguine* ; sed nemo dixit , *ιδρωτι* , *μαχητι* & *αιμαχτι*. Reposuit ille exstare hanc vocem in *Etymologico Magno* , ubi ratio originis vocis *ἀκονιτι* ita redditur : ἀπὸ τῆς κόνις κονιτι , ἢ ἀκονιτι , ἀνευ ἀγῶντος ἢ μάχης. Respondimus , ex eo loco *Etymologici* , colligere non posse virum eruditum *κονιτι* umquam in usu fuisse. Solere , nimirum , Etymologos , ut rationem derivationis clariorem reddant , fingere alia vocabula , quæ numquam usitata fuere. Satis habere eos , si modò ea vocabula , quæ sunt veluti derivationis gradus , sint analogica ; quamvis non rarè etiam analogiæ parum consentanea sint. Rem esse notissimam omnibus , qui Etymologica tractarint. Protulimus etiam multa exempla vocum compositarum ex A privativo ; quæ cùm sint usitatissimæ , nullas tamen habent Græci simpli-

Tom. II. S ces

ces usitatas. Vide in *Etymologico* voces ἀάσχετο, ἀνάρσιτο, ἀνέδην, ἀνέτατο, ἀνεῖα, ἀπαστο, ἀσπετο, ἀσωτο, ἀτρε-
κῆς, ἀχύνετο, &c. quorum simplicia num-
quam usitata fuerunt.

18. Satius multò fuisset, in Pliniano con-
textu, veterem lectionem retinere, cum MSS.
nulli proferantur, qui eam repudient; con-
jecturam verò in emendationibus modeste
proponere. Cæmus potuit, ut dixi, esse Pic-
tor, qui pingendis *stematibus*, seu coronis
floreis, famam sibi compararit; aut, si non
fuit, feratur potius commenticius Cæmus,
quàm novâ corruptione adulteretur Pliniana
oratio.

19. Ut ad Criticum, à quo jam aliquot
exempla παραδιορθώσεων sumsi, redeam;
locum ille *Lucretii*, jam corruptum, denuo
corrumpere conatus est; non inscitia qui-
dem, aut quòd eum Poëtam non legisset stu-
diosè, quem notis egregiis illustravit; sed
festinatione fortasse aliquâ, aut nimia emen-
dandi cupiditate. Quærit *Lucretius* Lib. VI.
quare autumno frequentiora sint tonitrua, &
ita orditur, in vulgatis Codicibus:

*Autumnòque magis stellis fulgentibus alta
Concutitur cæli domus undique, totàque tel-
lus.*

In animadversionibus ad *Phædri* Lib. III. pri-
mum emendare conatus est *Faber* hunc ver-
sum, deinde etiam in *Lucretianis*; nam
emen-

emendationes, quas eximias putabat, non uno in loco solebat proferre vir doctissimus. Quærit meritò à Lectore quid hoc sit, *domus cæli & tellus concutitur stellis fulgentibus*? Nec minùs rectè respondet, præter sonum & sublimitatem verborum, nihil quidquam frugis esse. Tum pro *stellis* legit *telis*, & *te-la fulgentia* interpretatur fulmina. At in ea voce non est mendum, sed in voce *alta*; pro qua, auctore ipso *Lucretio*, legendum *apta*. Est à veteri verbo *apo*, vel *apio*, hoc est, adligo, vinculis comprehendo; de quo vide quæ collegit *Ger. Joan. Vossius*, in Etymologico. *Lucretii* tantùm, & *Virgilii* loca proferemus. *Lucretius* ergo ita Lib. II.

*Quod quoniam docui, pergam connectere rem,
que
Ex hoc apta fidem ducat.*

Quem versum paullò post repetit. Sic & Lib. V.

— *Nil lædit veste carere
Purpurea, atque auro signisque ingentibus
apta.*

Hoc est, cui adnexa sunt, vel intexta ingentia signa. Alia loca vide in Indice Gifaniano. Sed de cælo, hoc ipsum verbum adnuerat *Ennius*, * qui id vocaverat *stellis ardentibus aptum*, quod tribus in locis imitatus est *Virgilius*:

S 2

Axcm

* *Macrob. Lib. VI. c. I.*

Axem humero torquet stellis ardentibus aptum.

Versus est 482. Libri IV. *Æneidos*, qui & VI. & XI. repetitur. Dubium jam nullum esse potest, quin ita sit legendum apud *Lucretium*, qui non dicit quidem quâ re concutitur *domus cæli*; sed tonitrua facilè omnes intelligi sentiunt.

20. Emendabimus hîc locum *Lactantii* Inst. Div. Lib. III. c. 17. depravatum ab imperitis, quodd *Lactantiano* stylo parum essent adfecti. Quisquis cum Scriptorem edere cum aliqua laude volet, non minùs *Ciceronem* legat oportebit, & melioris ævi Scriptores, quàm ipsum *Lactantium*; eos enim perpetuò imitatur. Exemplum manifestum hîc dabimus, in vocula depravata à Theologis, qui *Lactantium* ediderunt, quodd boni viri parum essent purioris Latinitatis periti. Confutat *Lactantius* hanc ratiocinationem Epicuri: *Quando nos sumus, mors non est; quando mors est, nos non sumus. Mors ergo nihil ad nos.* Postquàm ostendit *Lactantius* mortem non esse miseram, sed aditum ad mortem, qui propterea timetur, ita pergit: *Quid, quodd totum illud argumentum falsum est, quia non intereunt animæ? VERÈ, inquit, nam quodd cum corpore nascitur, cum corpore intereat necesse est.* Verba hæc postrema Epicuri, quomodo voce verè cum superioribus connectantur, nemo intelligat. Itaque *Sixt. Betuleius* legit, *intereunt vero*, inquit; quodd admit-

ten-

tendum censet Oxoniensis editor. Addit Bodleianum & Cottonianum Codices habere *verum* ; quæ etiam lectio, eo iudice, stare potest, si intelligatur *Lactantius* responsionem hanc, sub Epicuri persona adornare, qui *verum* putavit animas interire. At hæc lectio Codicum, & conjectura *Betuleji* inanes sunt. Legendum *verò*, quod Monachi, exscriptores *Lactantii*, nesciverunt initio orationis poni, æquè ac post aliam vocem ; quod exemplis *Ciceronis* & *Terentii* comprobari potest. Illud *verò* perinde est ac adfirmatio, seu *imò verò*, quod optimè convenit huic loco, ubi loquitur Epicurus. *Terentius* in *Adelphis*, Act. III. S. 4. vers. 23.

— DE. *An quidquam est amplius?*

HE. *Verò amplius.*

Cicero *Tuscul. Quæst. Lib. II. cap. 11. M. Fuiſti sæpe credo, cùm Athenis eſſes, in Scholis Philoſophorum.* A. *Verò ac libenter quidem.* Idem de *Divinat. Lib. I. c. 46. L. Flaccum flaminem Martialem ego audivi, cùm diceret Cæciliam Metelli, cùm vellet ſororis ſuæ filiam in matrimonium collocare, exiſſe in quoddam ſacellum, ominis capiendi cauſa, quod fieri more Veterum ſolebat. Cùm virgo ſtaret, & Cæcilia in ſella ſederet, neque diu ulla vox exſtiſſet, puellam deſatigatam petiſſe à matertera, ut ſibi concederet paulliſper in ejus ſella requieſcere ; illam autem dixiſſe : verò, mea puella, tibi concedo meas ſedes.*

21. Tertia Lex hæc eſt : RATIO DE-
S 3 PRA-

PRAVATIONIS, SI FIERI POTEST, REDDITOR. Cùm, nimirum, videmus quî fieri potuerit ut locus depravaretur, aut quid Librarios aut Falfarios eò adducere potuerit, ut locum depravarent; faciliùs corruptum esse, & quæ emendatio adhiberi possit intelligimus. Contrà si intelligere nequeamus, quare in certum modum deformatus fuisset locus quispiam; nisi depravatio manifesta sit, vix eam cernimus, & de emendatione multò magis laboramus. Attamen cæ occurrunt interdum depravationes, quarum vix ulla ratio reddi potest. Harum exempla adduximus Cap. XIII. corruptionum verò, quarum aliqua sequi, ut ita dicam, possumus vestigia, reliquis Capitibus, si à tertio numeres. Itaque vix opus est ut alia, ad suadendam hanc Legem, proferamus. Attamen duo quàm brevissimè proponemus.

22. Capite XII. §. 2. adduximus locum Ciceronis de Historia, in quo pro voce *veterum*, legendum esse *nostrarum* contendimus, nec mutamus sententiam; sed rationem, seu occasionem depravationis, cujus in animum non venerat, cùm illa ederentur, hîc trademus. Videtur primùm oscitans Librarius, pro *nostrarum* scripsisse *vestrarum*, ob soni & significationis adfinitatem, aut etiam ob similitudinem ductuum. Sic observavit G. Scioppius, in MSS. Codicibus Plauti, *nos*, *vos*, *vostrum* & *nostrum* sæpissimè misceri. Cùm verò vocis *vestrarum* nullus esset sensus, hoc in loco, Grammatici ex ea fecisse videntur *vete-*

veterum , quod tam manifestò ineptum non est.

23. Egregiè , si quid iudico , probarunt doctissimi Critici *Joan. Frid. Gronovius* & *Joan. Georgius Grævius* , mendosum esse locum *Ciceronis* *Officiorum* Lib. I. c. I. ubi filium à Cratippo Peripatetico Philosophiam discipulum ita adloquitur : *Sed tamen nostra leges , non multum à Peripateticis dissidentia ; quoniam utrique & Socratici & Platonici esse volumus.* Legit *Gronovius* , *utrumque* ; & *Grævius* præterea censet pro *Socratici* , scribendum *Stoici*. Sed quomodo hæc irreperere potuerint menda non docent ; quod hoc modo factum crediderim. Librarius primùm scripserat : *utrumque & STCI & PTCI* * *esse volumus* , quæ compendia perperam alii intellexerunt ; dein *utrumque* mutatum in *utrique* , quia mentem *Ciceronis* ita ceperunt , quasi hoc vellet : & Peripateticos , quorum doctrinâ imbuebatur ejus filius à Cratippo ; & Academicos , quos ipse sequi solebat , velle esse & Socratis & Platonis discipulos. Quod alienum tamen est ab hoc loco , ubi de se tantum loquitur *Cicero* , ut rectè animadvertent viri docti. Verùm ut pro *Socratici* , legendum esse *Stoici* , meritò censet *Grævius* : ita & alterum compendium explicaverim *Peripatetici*. In hisce enim libris , *Cicero* ubique est aut *Stoicus* , aut *Peripateticus* ; nusquam Academicus , aut *Platonius* , quod perinde habetur. Fatetur ipse non multò post,

S 4

* se-

* *Exempla compendiarie scriptura vide Cap. XII.*

* *sequi se, hoc quidem tempore, & in hac quaestione, potissimum Stoicos, & Panætium Stoicum passim laudat. Ideoque Stoicos primos adpellavit. Tantum abest ut præcepta ulla à suis Academicis defumat, ut vereatur ne cui inconstans videatur, quod Dogmaticorum placita in hoc libro sequeretur. † Occurritur, inquit, nobis, & quidem à doctis & eruditis, querentibus, satisne constanter facere videamur, qui, cum percipi nihil posse dicamus, tamen & de aliis rebus differere soleamus & hoc ipso tempore præcepta officii persequamur. Nec aliter ei objectioni respondet Cicero, nisi se quæ sibi probabilia videantur, sequi; quæ contrà, improbare; hoc est, se hîc sequi Stoica dogmata, quod in rebus Ethicis probabiliora viderentur. Planius ipse mentem suam interpretatur ‡ alibi, ubi hæc verba leguntur: *Erit autem hæc formula Stoicorum rationi, disciplinæque maximè consentanea; quam quidem his libris propterea sequimur, quod, quamquam à veteribus Academicis, & à Peripateticis vestris, qui quondam iidem erant, quæ honesta sunt anteponuntur iis, quæ videntur utilia; tamen splendidius hæc ab iis differuntur, à quibus quidquid honestum est, idem utile videtur: nec utile quidquam, quod non honestum; quàm ab iis quibus honestum aliquid non utile, aut utile non honestum. NOBIS autem nostra Academia magnam licentiam dat, ut, quodcumque maximè probabile occurrat, id nostro jure liceat defendere.* Itaque in hisce*

li-

* Ibid. Cap. II. Vide & Lib. III. c. 4. † Lib. II. c. 2.:

‡ Lib. III. c. 4.

libris, *Cicero* non vult esse Academicus, quasi Academicorum singularem doctrinam tuatur; sed Stoïcus, nam Stoïca dogmata, cum bona Academicæ pace, hîc tradit.

24. Igitur cùm *Cicero* ait, *nostra leges*, non intelligenda sunt Academica, quæ nusquam in præceptis ejus comparent, & quæ dicere non potuisset *non multùm à Peripateticis dissidentia*, aut * *iis finitima*; sed *Stoïca*, quæ in hoc libro sequitur, pro suo, ut putat, jure, proptereaque sua ea vocat. *Antiocho* olim † *Ciceronis* familiari non immeritò Stoïci visi sunt cum Peripateticis re concinere, verbis disceptare; sed toto cœlo diversi erant ab Academicis. Cùm & Stoïci & Peripatetici certas atque æternas leges esse putarent, quibus Virtutis natura continetur; quod ubique in libris de Officiis ponit *Cicero*, quia nulla esse potest præceptio, nisi hoc statuatur; Academici contendebant hæc omnia pendere ex hominum institutis, quæ varia sunt. ‡ *Carneadis* notissima est disputatio de Justitia, quam Romæ habuit, cùm Legatus ad Senatum ab Atheniensibus missus esset. Ejus disputationis; ut docet *Lactantius*, hæc summa fuit:

„ Jura sibi homines, pro utilitate, sanxisse;
 „ scilicet, varia, pro moribus, & apud eos-
 „ dem, pro temporibus, sæpe mutata; jus
 „ autem naturale esse nullum; omnes & ho-
 „ mines & alias animantes ad utilitates suas,
 „ naturâ ducente, ferri; proinde aut nullam
 „ esse Justitiam; aut, si sit aliqua, summam

S 5

„ esse

* *Lib. II. c. 2.* † *Vid. Lib. I. De Nat. Deorum. C. 7.*

‡ *Instit. Divin. Lib. V. c. 16.*

„esse stultitiam, quoniam sibi noceret, alienis commodis consulens. His certè nulla est cum Ciceronianis adfinitas. Quæ paullò pluribus ostendenda fuerunt, ut adpareret necessitas emendationis nostræ, in loco Ciceroniano, neu quis existimaret Academicorum doctrinam Peripateticæ finitimam esse.

25. Quartam hanc Legem, ut audaciæ Criticorum frænum injiciatur, fanciendam esse cenfeo : NE ULLA EMENDATIO A LECTIONE VETERUM CODICUM NIMIUM RECEDITO. Quam legem nisi sibi latam esse intelligant Critici, nihil non audebunt; nullus enim modus erit conjecturis, si voces vocibus substituantur dissimillimæ. Loca multa varias voces, ac sententias æquè admittunt; quæ erunt planè alienæ à mente Scriptorum, si nulla ratio habeatur veteris scripturæ. Huic Legi suffragatur *Galenus* proœmio Comment. I. ad Lib. VI. Epidemiorum, ubi, postquàm dixit *Hippocratis* Interpretes ejus verba interdum mutasse, ideóque plures, quos nominibus adpellat, se coactum fuisse legere, ita porrò infit, pag. 354. Tom. IX. Ed. Chart. εἰ μὲν ἔν μετὰ τὸ δηλῶσαι τὴν παλαιὰν γραφὴν ἔλεγον ἡμαρτῆσθαι τὴν λέξιν, εἰκὸς εἶη ἂν καὶ διὰ τῆτο ἐπινοεῖν αὐτὰς τὴν ἱπποκράτους γραφὴν εἶναι τὴν δὲ τινα, ἂν ἀπεδεξάμεν αὐτὰς, εἴ γε μετὰ τὴν ἐπανόρθωσιν, ἑωρων διδάσκοντάς τε χρησίμὸν τε ἅμα καὶ τῆς γνώμης ἐχόμενον τῇ παλαιᾷ : Si illi quidem, in-

indicatâ vetere scripturâ dicerent vitiosè scriptam esse vocem, par esset propterea excogitare quanam esset Hippocratis scriptura; eosque probarem, si post emendationem aliquid utile docerent & sententiæ veteris magistri consentaneum. Tum addit: ἐπεὶ δὲ ἐνίοτε ἢ καὶ ἄμφω σφάλλονται, πολὺ βέλτιον ἔδοξέ μοι φυλάττοντί τὴν ἀρχαῖαν γραφὴν, αἰεὶ μὲν σπαρδάζειν ἐκείνην ἐξηγεῖσθαι, μὴ δυνηθέντι δὲ ποτε τῷτο πράξαι, πιθανὴν τὴν ἐπανόρθωσιν αὐτῆς ποιεῖσθαι: quoniam verò aliquando in utroque labuntur, satius multò mihi visum est servantem antiquam Lectionem, semper conari eam interpretari; si verò non possem hoc facere, probabili aliquâ eam castigatione emendare. Idem vehementer reprehendit Dioscoridem & Capitonem Editores Hippocratis, quod veteres lectiones nimis faciliè mutarent, Comment. III. in eundem Librum, ad text. 33. Vide etiam Comment. IV. ad text. 21.

26. Exemplum insigne violatæ hujus Legis à viro docto protulimus §. 15. & sequentibus. En alterum * *Tan. Fabri*, qui corruptum censet locum *Ovidii*, vers. 25. & seqq. *Eleg. IV. Lib. III. Tristium*, ubi agit de præcepto Sapientum, quod ita exprimit:

Crede mihi, bene qui latuit bene vixit, &
intra

Fortunam debet quisque manere suam.

Tum hæc subjicit exempla:

Non

* *Lib. I. Ep. 37.*

*Non foret Eumedes orbus, si filius ejus
Stultus Achilleos non adamasset equos;
Nec natum in flamma vidisset, in arbore na-
tas,
CEPISSET genitor si Phaëthonta Merops.*

Existimat pro *cepisset*, legendum *flexisset*, id est, à sententia deduxisset, à proposito aver-
tisset, detorsisset. Verùm ductus litterarum
CEP & FLEX nimium differunt, & con-
stat ex editione Heinfsiana in MSS. legi *cepis-
set*. Ac sanè ita postulat sententia, hoc enim
vult *Ovidius*, Meropem non satis amplà dig-
nitate ornatum visum fuisse filio Phaëthonti,
superbiâ & ambitione perduto. Sic Alexan-
drum *non capiebat Macedonia*, imò ne *terra-
rum* quidem orbis. Cùm domuisset Bucepha-
lum, ita eum adloquutus dicitur Philippus:
* Ω παῖ, ζητῇ σεαυτῶ βασιλείαν ἰσὴν. Μα-
κεδονία γάρ σε ἔχωρεῖ: O fili, quare par ti-
bi regnum, Macedonia enim te non capit. Si-
mili sensu de Clodio Cicero, in † Miloniana:
*capere ejus amentiam civitas, Italia, provin-
cia, regna non poterant*. Metaphora est à ni-
mis angusto vase deducta, fateorque eam ap-
tius de locis usurpari, quàm de hominibus;
attamen *Ovidius* ea, paullò fortasse durius,
usus est; cùm loqueretur de patre, quo major
sibi videbatur filius. Sed non sunt omnes
paullò duriores Metaphoræ, etiam in au-
ræ ætatis Scriptoribus, pro mendis haben-
dæ.

27. Idem

* *Plutarchus in Alexandro.* † *Cap. XXXII.*

27. Idem * Lib. I. de Arte Amatoria ver-
sum, contra Codicum omnium consensum,
mutare adgressus est, exiguâ similitudinis li-
terarum ratione habitâ; at, nisi fallor, infe-
liciter. Docet *Ovidius* potius esse promitten-
dum, quam dandum, his verbis, vers. 447.

*Si dederis aliquid, poteris ratione relinqui;
Præteritum tulerit, perdideritque nihil.*

Posteriore versu quidquam significari negat, &
ita emendari jubet:

Nam pretium tulerit, reddideritque nihil.

Verum fallitur, hoc enim vult Poëta; cum ac-
ceperit quidquid potes dare, te non sine ra-
tione relinquet, quia præteriti temporis dona
acceperit, nec in futurum quidquam perdide-
rit; quando nihil erit quod des amplius, ut
facile intelliget.

*At quod non dederis semper videre daturus,
Sic dominum sterilis sæpe fefellit ager.*

Sequentia idem comprobant, quæ, si de re
honestâ sermo esset, pluribus persequere-
mur.

28. Lib. II. ejusdem Operis, ita legimus in
editione Heiniana, vers. 109.

*Sis licet antiquo Nirens adamatus Homero,
Naiadumque tener crimine raptus Hylas.*

At

* Lib. I. Ep. 52,

At Criticus noster * scribit *laudatus Homero*, quod *Homerus* Nirea *laudare* quidem, sed multò antiquiorem *amare* non potuerit. Verùm impropriè loqui potuit *Ovidius*, nec, ut tollatur ἀκυρολογία, à lectione Codicum usque adedò abeundum est. Si omnes loquutiones minùs propriæ, aut minùs commodæ essent ex optimorum Scriptorum monumentis exterminandæ; innumeris propemodum locis, contra omnium Codicum fidem, vis esset adferenda. Nullus enim est Scriptor, qui non sæpe potuerit aptiùs loqui, quàm loquutus est; seu incuriâ ita mentem exprefferit, seu animo laboranti commodior alia, ut fit, loquutio non occurrerit.

29. Antea sat multa exempla congeessimus conjecturarum, quibus quàm minimâ mutatione locis obscuris, aut manifestò depravatis medicina facta est. Eas autem omnium optimas & certissimas esse judicamus, ex quibus omnium minima mutatio facta est. Unum atque alterum exemplum hîc addemus. *Plauti Casinâ*, A&. III S. I, 1. nequissimus senex ita sodalem non meliorem adloquitur:

*Nunc amici, ãnne inimici sis imago, Alcesime,
Mibi sciam; nunc specimen specitur, nunc certamen cernitur:*

Manifestum est Stalinonis hanc esse mentem: tempus advenisse, rémque incidisse, ex quibus intellecturus erat an Alcesimus amicus sibi reverâ esset, an verò fictus tantùm amicus.

* Lib. I. Ep. 54.

cus. Sed *inimici imago* non est amicus fictus; nam ut diceretur *imago amici* qui se amicum fingeret, quamvis esset inimico animo: ita *imago inimici* vocaretur, qui simularet se inimicitias cum aliquo exercere, licet ei amicitia conjunctus esset. *Imago inimici* opponitur vero inimico: ut *imago amici* vero amico. Legendum igitur puto:

Nunc amichsne, anve amici sis imago, &c.

Hoc est, utrùm verus sis amicus, an fictus & externâ tantum specie amicus. Homo ineptus, qui non intelligebat quid sit *amici imago*, & credebatur inimicum tantum opponi amico, mutavit *amici* in *inimici*.

30. Alterum exemplum dabimus ex Comico Græco. *Aristophanes* in *Concionatricibus*, ita inducit *Praxagoram* describentem lucernam, in loco obscuro lucentem. Sunt primi *Comœdiæ* versus, in quibus duo sunt menda; quæ tamen nullo negotio tolli possunt, & miror à *Tan. Fabro* non fuisse sublata.

ὦ λαμπρὸν ὄμμα τῷ τροχηλάτῃ λύχνῃ,
Κάλλισ' ἐν εὐσκόποισιν ἐξητημένον.

Vertit vir doctissimus: *O lucidum jubar lychni rotâ figulinâ elaborati, tenebrosis in locis adprimitè expetitum.* Legit, nempe, εὐσκότοισι, sed nullum exemplum profert ullius Scriptoris, qui usus sit ea voce, quam frustra in Lexi-

Lexicis quæras. Deinde κάλλισα ἐξητημένον Græcum non est, hoc sensu; quis enim umquam dixit κάλλισα pro *adprimè*, aut σφόδρα? Retinenda est vox εὐσκόποισι, & vertendum, *in locis conspicuis*; quia lucernæ suspenduntur in edito quopiam loco, qui ex toto conclavi cerni queat, ut earum lux ubique spargatur. Tum ἀντὶ τῷ ἐξητημένον legendum, ut viri docti viderunt, ἐξηρημένον, *sussumsum*. Sic ergo emendato, ut dicat Praxagora: ὁ jubar pulchrè *sussumsum* in editis locis.

31. Pergit verò, his verbis:

Γονάς τε γὰρ σὰς ἢ τύχας δηλώσομεν.
 Τρόχῳ γὰρ ἐλαθεῖς κεραμικῆς ῥύμης ἄπο,
 Μυκτῆρσι λαμπρὰς ἡλίῃ τιμὰς ἔχεις.

Originem enim tuam, fortunâsque exponemus, nam rotâ ductus, ô lychne, figuli labore, unoquoque in naso splendidos solis honores habes. At quodnam hoc monstrum est? Lucerna quæ habet honores solis; vel, ut vir doctissimus, solem imitatur uno quoque in naso! An ergo naso videbant olim Athenienses? Lege μυχοῖσι, hoc est, in abditis penetralibus, in quibus lux solis non cernitur; qua voce utitur postea Comicus, sed obscœniore sensu. In ejusmodi locis, quales erant fornices meretricum, lucerna obtinet honores solis, quia ejus vice fungitur. Hesychius, atque ex eo Phavorinus: Μυχοί, αἱ καταδύσεις, οἱ ἐνδότες

τοι ἢ ἀπόκρυφοι τόποι. Ejusmodi erant κοι-
τῶνες, seu penetralia, in quibus cubabant Pa-
tres & Matres familias. *Homerus* Odyss. Γ.
vers. 402. de Nestore:

Αὐτὸς δ' αὖτε κἀθευδε μυχῷ δόμῃ ὑψη-
λοῖο,

Τὸ δ' ἄλοχ' ὀδύσποινα λέχ' ὀρέσυνε ἢ
εὐνήν:

*Ipse vero dormivit in recessu domus altæ, eiꝑue
uxor hera lectum præparaverat & cubile. Ad
quæ verba, observat Eustathius Homerum vo-
care τὸ ἐνδοτάτω θάλαμον ἢ μυχὸν δόμῃ,
interiorem partem thalamum & recessum do-
mūs. Odoardus quidem Bisetus, μυκτῆρα
interpretatur prominentiam lucernæ, cui im-
ponitur ellychnium; sed sine exemplo. Præ-
terea non satis attendit hanc loquutionem
τιμὰς ἔχειν ἥλις, quæ perinde est ac *aquirari
soli*, vel eosdem honores obtinere; quod
non potest conjungi cum μυκτῆρσι, sed optimè
μυχῷς convenit. Dura est & inamœna lo-
quutio: *habeas in prominentiis splendorum hono-
res solis*, an ergo ellychnia ardentia sunt *ho-
nores solis*? Non puto. Nec dixeris lampadem
διὰ τῶν μυκτῆρων, hoc est, ellychniorum in
prominentiis ardentium ope, solis honorem
obtineri, & hoc esse quod significatur voce
μυκτῆρσι. Durum & obscurum esset loquen-
di genus. Si Codices, ex quibus primùm edi-
Tom. II. T tus*

tus est *Aristophanes* habuissent $\mu\nu\chi\omicron\iota\varsigma$, nemo de mutando cogitasset, omnes illico rem intellexissent; sed nemo non offendatur lectione receptâ, si paullo adtentius eam pensitet. Itaque lego $\mu\nu\chi\omicron\iota\varsigma$, quidquid aliis videatur, nec tamen in ipso contextu quidquam mutatum velim.

32. Hisce ad illustrationem quartæ Legis congestis, ad quintam deveniendum est, quæ ita habet: MSS. CODD. NON SUSPECTI ALIIS PRÆFERUNTOR. Duo sunt quæ MS. Codicem commendant, antiquitas & Librarii, à quo fuit descriptus, Criticæve, à quo emendatus, fides & peritia. Antiquissimi Codices ceteris meritò (nisi quid obstat, de quo postea dicemus) præferuntur, cum quoddam scripti sint temporibus, quibus plures erant Linguae peritiores; tum etiam quoddam minus, imperitiâ vel malâ fide Librariorum, aut Criticorum, inquinati sint. Ea enim proximè præteritis sæculis, utrorumque fuit inscitia; ut ii ferè sint corruptissimi Libri, qui per plurium manus ad nos pervenerunt: haud aliter ac aqua, per plures rivos derivata, fonte ipso impurior est. Librarii verò & Critici fides & eruditio facilè adparent, ex ipsis Manuscriptis, si à viris non prorsus imperitis tractentur. Sunt enim multò emendatiores libri, qui eorum curâ descripti, atque emendati sunt.

33. Igitur malè de re litteraria merentur, deque Lectoribus suis, qui antiquissimos Codices non sequuntur, potius quàm recentio-

res.

res. Cujus rei insigne exemplum adtulimus ex Cap. V, 1. Epist. Joannis, antea Cap. XV. ubi verba de Testibus Cœlestibus, quæ absunt ex vetustissimis Codicibus, in plerisque editionibus leguntur, & propugnantur à Theologis Criticæ imperitis, aut qui quærunt quod optant, in Libris, non quod iis inest.

34. Suspectos tamen esse oportet Codices, qui nimium à ceteris omnibus recedunt, præsertim in locis, in quibus est aliqua difficultas; cum mutandi rationes fuerunt, nullæ verò scribendi ea quæ in aliis MSS. Libris comparent. Exempli causâ, Codex ille Græco-Latinus Novi Testamenti, qui *Tb. Bezae* fuit, aliisque similes qui in Bibliothecis visuntur, licet antiquissimi, suspecti sint necesse est; quia sunt in illis clara audaciorum mutationum vestigia. Genealogiam Christi, ut unum hoc exemplum adferam, quæ est Matthæi Capite I. totam refinxerunt ii, à quibus primum scripti sunt, ex Luca, contra reliquos omnes Codices & Interpretes, qui eam apud Matthæum habent, qualem nos hodie. Nemo dubitare queat, quin imperiti & audaces homines Matthæum corruerint, ut eum in concordiam cum Luca redigerent; cum nulla fuerit aliis ratio aliam fingendi genealogiam, apud Matthæum, ab ea quæ erat apud Lucam. Præterea passim illi Codices abeunt à ceteris, ut loquutiones sint puriori Hellenismo magis consentaneæ, quod sexcentis locis probare possemus. At nemo dixerit Græcos Libra-

T 2

rios

* Pag. 307. & seqq.

rios stylum Apostolorum, nimis ἐλληνίζοντα, studio compleſſe Hebræiſmis, quos ignorabant; ſed malè ſanī Græculi potuerunt; ut auribus ſuorum conſulerent, Hebræiſmis Helleniſmos ſubſtituiſſe. Igitur hi aliſque Codices, in quibus frequentes ſunt ejuſmodi loquutiones, malas manus experti iudicari à nobis debent.

35. Suſpecti quoque debent eſſe ii Codices, ſi qui ſint, qui, certum in finem laudantur, à viris de quorum fide non ſatis conſtat, præſertim ſi ſint manifeſta depravationis indicia. Dicitur * *Petrus Fagiardus Veſeſius*, Marchio Hiſpanus, contuliſſe ſexdecim Codd. Græcos, quorum octo aiunt fuiſſe in Bibliotheca S. Laurentii, in Hiſpania. Illi autem ita conſentiunt cum Vulgata verſione Latina, ut in omnibus locis, in quibus à ceteris Codicibus recedit, ei adſtipulentur; imò verò habeant additamenta quædam, quæ videntur ex Latinis verſa. Sic Apoc. IX, 11. habet Vulgata: *habebant ſupra ſe Regem, Angelum Abyſſi, cui nomen Hebræicè Abaddon, Græcè autem Apollyon*; quæ leguntur in omnibus Græcis Codicibus, ſed, in Latinorum gratiam, addidit: *Latinè habens nomen exterminans*. Quæ verſa ſunt Græcè, ῥωμαῖς ἐχων ὄνομα ἐξτέρμινανς. Si fuerint umquam in rerum natura ejuſmodi MSS. fuerunt ad Vulgatam Verſionem reſecti; ſed veriſimillimum eſt hominem Hiſpanum, Latinæ Verſionis cauſa, finxiſſe eas
va-

* Joan. Matiana, pro Ed. Vulgata C. XVII. Varias illas lectiones habet etiam Lud. de la Cerda *Adverſar. Cap. XCI.*

varias lectiones, quæ nusquam erant; cum nemo, præter illum, eos Codices videre potuerit.

36. Huc pertinet quod quæri solet, de delectu variarum lectionum quæ in MSS. paris vetustatis & æquè emendatis, animadvertuntur. Sæpe enim variæ lectiones occurrunt, quæ omnes cum re ipsa, serie orationis, & stylo Scriptoris consentiunt, ex quibus tamen una eligenda est. Si omnia sint paria, non multum quidem interest quæ eligatur; sed si una ex iis obscurior sit, ceteræ clariores, tum verò credibile est obscuriorem esse veram, alias glossmata, ut Cap. VII. ostendimus. Similiter si quæ sit lectio, quæ in uno Codice occurrat, difficultatēque tollat, quæ insit loco, prout in ceteris omnibus Codicibus legitur, non illico est admittenda. Verendum enim est, ne emendatio sit Librarii aut Critici, qui ex conjectura quod non adsequebatur mutaverit, aut quod mendum opinabatur sustulerit. Hujusmodi est lectio MS. Codicis, cujus meminit *T. Beza* ad Matth. C. I, 11. nam cum omnes Libri & Interpretes habeant: Ἰωσίας ᾧ ἐγέννησε ἡ Ἰεχονίαν καὶ τὰς ἀδελφὰς αὐτῶν, ἐπὶ τῇ μετοικεσίᾳ βαβυλῶν, habet ille Codex: Ἰωσίας ᾧ ἐγέννησε ἡ Ἰακίμ, Ἰακίμ ᾧ ἐγέννησε ἡ Ἰεχονίαν, καὶ τὰς, &c. Quam lectionem veram & genuinam putabat *Theod. Beza*, si modò legamus: Ἰωσίας ᾧ ἐγέννησε ἡ Ἰακίμ, καὶ τὰς ἀδελφὰς αὐτῶν, Ἰακίμ ᾧ ἐγέννησε Ἰεχονίαν ἐπὶ τῇ, &c. quomodo

ipsa historia postulat, & trium Tessaradecadum numerus expletur. Sed cum nullus alius Codex, nullus vetus Interpres cum eo consentiat, multò verisimilius est hanc esse Critici conjecturam; quod & postea sensit ipse *Beza*, qui quod in prioribus editionibus in contextum admiserat, in posterioribus induxit.

37. Sexta lex erit: LOCO MSS. CODD. VETERUM CITATIONES, AC VETERES TRANSLATIONES, ADHIBITIS CERTIS CAUTIONIBUS, SUNTO. Si ex citationibus Veterum & priscis Interpretibus, constet locum quempiam aliter lectum fuisse, quàm hodie legitur; dubium esse nequit, quin ea sit varia lectio ceteris æquiparanda, aut etiam anteferenda, si melius rei, & stylo Scriptoris conveniat. Verùm ad testimoniorum citationes quod adtinet, duo sunt animadvertenda, nimirum, sæpe Veteres ex memoria loca recitare; quo fit ut synonyma synonymis facilè substituant, & in ordine verborum nonnihil mutant. Deinde eos sæpe sensum, potiùs quàm verba ipsa, proferre. Qua de re egimus in Dissertatione de Editione Novi Testamenti Milliana, quæ ei quæ in Hollandia prodiit præfixa est. Itaque varietas citationum non potest semper urgeri, quasi varietas lectionis, quæ esset in Codicibus, quibus Veteres utebantur. Ad Translationes verò quod spectat, cavendum ne conjecturas Interpretum, de sensu aut lectione locorum, varietate lectionis niti putemus. Passim sensum exprimunt conjiciendo, exiguamque verbo-

borum rationem habent; nec proinde semper colligere possumus eos aliter legisse quàm nos, quia aliter vertunt.

38. At quando ergo, inquires, licebit ex citationibus aut Interpretibus variam lectionem certò colligere? Ex citatione liquebit aliter lectum fuisse, cum is qui ea utitur ex verbis quæ protulit ita ratiocinatur, ut ex verbis aliter prolatis eadem consectaria deduci non possint; aut cum verba quàm maximè ad rem suam facientia prætermittit, ut alia ex eodem loco minùs firma producat. Exempli gratià, constat plurimos Patres, ut observarunt doctissimi quique Interpretes, non legisse quod in plerisque Editionibus habetur de Testibus Cœlestibus 1. Ep. Joan. Cap. V. quòd iis verbis, in disceptationibus contra Arianos, numquam utantur, quamvis proferrant quod de Testibus Terrestribus habetur. Exempli causà, *Gregorius Nazianzenus* Orat. XXXVI. respondens Arianis, qui negabant tres æquales Deos unum dici posse, non parum fudat ut ostendat quòd ita loqui licuerit. * Tum profert locum de terrestribus testibus, altero de cœlestibus numquam utitur, quo tamen potuisset os Arianis obturare.

39. Idem de aliis Patribus observare licet. At *Cyprianum* objiciunt, qui in Libro, de Unitate Ecclesiæ, ita loquitur: *De Patre & Filio & Spiritu Sancto scriptum est, & hi tres unum sunt.* In Epistola verò LXXIII. ad Jubajanum: *Si — templum Dei factus est,*

T 4

quæ-

* Pag. 603. T. 1.

quæro cuius Dei ? Si Creatoris , non potuit qui in eum non credidit ; si Christi , nec hujus potest fieri templum , qui negat Deum Christum ; si Spiritus Sancti , cum tres unum sint , quomodo Spiritus Sanctus placatus ei esse potest , qui aut Patris , aut Filii inimicus est ? Hinc nonnulli putant liquere *Cyprianum* legissè in exemplari suo , quemadmodum in editionibus hodiernis legimus. At * alii rectè animadvertere,credibile non esse lecta ea verba esse à *Cypriano* , nec tamen ab *Augustino* Arianis ævi sui objecta. Certè nemo crediderit unum *Cyprianum* ea verba habuisse in suo exemplari ; aut etiam alios , licèt ea legerint , nunquam iis , in gravissima controversia , cui dirimendæ summopere inservire poterant , usos esse. Quid ergo de verbis *Cypriani* statuemus ? Nimirum , quod iidem viderunt , *Carthaginensem* Episcopum aptasse Patri , Filio , & Spiritui Sancto verba versùs octavi , & *hi tres unum sunt* , † sic enim in *Vulgata Latina* legimus. Certè solet *Cyprianus* sententiam , quam putat inesse verbis Scripturæ , sæpe proferre ; eadem fiduciâ , ac si verba ipsa recitaret. Alia legantur apud eos , qui tamen ut redimerent quod verè dixere hac de re , videntur ubique datâ operâ debacchari in eos , in quos solet hic locus *Joannis* frustra torqueri.

40. Hisce exemplis , è sacris petitis , possemus adjicere alia è profanis Scriptoribus ; quos

* Ric. Simonius *Cap. XVIII. Hist. Crit. N. T. de Textu.*

† Non in Græcis Exemplaribus , ne perperam Simonius ; est enim in illis αὐτὸ τὸ ὅτι εἶναι.

quos sæpe licet ex veterum Grammaticorum citationibus emendare, quamquam non quibusvis citationibus credendum est. Sed superiora exempla rem, nisi fallor, in aperta luce collocant. Si quis tamen aveat pluribus comprobata videre, adeat oportet *Pascasii Grosippi*, seu *Gasparis Scioppij* paradoxa Litteraria Epist. VII, VIII, & IX. quæ dignissimæ sunt lectu. Ea tantum hîc proferimus, quæ necessaria sunt suadendis Legibus Criticis; quas promulgamus.

41. Ut ad Translationes veniam, certum est eas sæpe loco MSS. Codicum esse posse, ut probavit *Lud. Cappellus* in Critica Sacra, utque omnes consentiunt, qui veteres Versiones Novi Testamenti, cum editionibus Græcis contulerunt. Verum cavendum ne varias lectiones hauriamus ex locis, in quibus potius sensum, quam verba exprimere voluerunt; hoc est, ex locis potissimum difficilioribus. At ubi verba totidem verbis redita sunt, & aliquid omittitur aut additur, rectè judicant Eruditi, aliquid ampliùs aut minùs fuisse in interpretum Codicibus; cujus rei nos * antea jam exempla adtulimus, & plura congesimus in Indice in Pentateuchum, ad voces *Septuaginta Interpretes*.

42. Vix etiam dubitare licet an aliter legerit Interpres, cum videmus eum dissentire à lectione nostra, sed mutatâ litterulâ consentire. Exemplum rem clariorem reddet. In Hebræico exemplari Esdræ Cap. X, 6. sic legimus: *Et surrexit Esdras ex anteriore parte*

T 5

ds-

* Cap. VIII. & XV.

domûs Dei & *abiit* (וַיֵּיךְ *vajjelech*) *in conclave Jochananis, filii Eljasibi*, & *abiit* (וַיֵּיךְ) *illuc, panem non comedit*. Notum autem est eum, qui tertium Esdræ librum edidit Græcè, pleraque quæ habet ex Hebraïcis Esdræ & Nehemiæ Codicibus sumsisse. Habet verò ille, in hac historia, pro altero illo וַיֵּיךְ & *ivit*, καὶ ἀνλίσθεις ἐκεῖ, & *commoratus illic*; unde perspicuum est eum legisse וַיֵּיךְ *vajjalon*, quod verbum sæpe LXX. Intt. vertunt ἀνλίζεσθαι. Dubium mihi non videtur, quin hæc lectio Hebraïcâ commodior sit.

43. Habemus etiam antiquissimas Epistolarum *Barnabæ* & *Ignatii* versiones Latinas, quæ Græcis illustrandis non parum inserviunt, ut liquidius constat ex editione Amstelodamensi anni 1698. Idem dicere possumus de versione *Irenæi*, quam non sine fructu cum Græcis conferunt passim viri docti.

44. Septima Lex, quam, quo est majoris momenti, eo frequentius perrupisse videntur Critici, hæc est: DE OMNIBUS IN NOTIS MONERE LICETO, AT NULLA, NISI MANIFESTA, AUT EX MSS. CODD. HAUSTA LECTIO, IN CONTEXTUM ORATIONIS INFERTOR. Nulla de re graviores leguntur querelæ, quàm de audacia Criticorum, qui conjecturas suas, pro Veterum Scriptorum verbis, contra fidem Codicum MSS. Lectoribus incautis obtrudunt. Eâ ratione, sædum in modum, *Sigism. Gelenius* tres egregios Scriptores *Plinium*, *Arnobium*, & *Ammia-*

nian

num Marcellinum corrumpit ; quibus nisi opem tulissent viri doctissimi, & omnibus Reipublicæ Criticæ copiis instructi , Geleniana pro verbis eorum Scriptorum etiamnum legeremus. Si nemo *Plantum* curasset , præter *Davidem Pareum* , actum erat, de facetiarum elegantiarumque patre ; nam ille conjecturas alienas ac suas audacter ubique intrusit , pro iis quæ in veteribus Libris legebantur. Quam ob causam , meritò passim vapulat , in *Frid. Taubmanni* notis. Non desunt qui questi sint à viro maximo *Jos. Scaligero Manilium* malè habitum fuisse , quòd ubivis pro Manilianis verbis suas edi curaverit conjecturas. Nimis fortè quidem cæ sunt querelæ , at si ne dubio præstitisset virum summum parcius suas emendationes in contextum intulisse. Rectius etiam fecisset *Frid. Taubmannus* , qui *Culicem* & *Cirim Virgilii* edidit , cum amplissimis commentariis , si vetustissimam editionem , aut membranas potius sequutus esset , quàm ejusdem *Scaligeri* conjecturas. Plures Criticos conculcatæ hujus æquissimæ Legis accusare possemus ; sed eos Studiosi , qui doctorum virorum labores evolvent , sat citò cognoscent.

45. Lex ipsa quàm necessaria sit , ad impediendum ne Veterum Scripta contaminentur , nemo non videt. Si enim liceret in contextu quod displicet illico mutare , incitiâ , audaciâ , ac festinatione Criticorum , doctorum & indoctorum , vulnera passim gravissima Veteribus inferrentur ; & paullatim eò deveniremus , ut quid ab optimorum Scriptorum manu

nu esset , quid ab interpolatorum audaciâ, nesciremus. Attamen quia nulla major est tyrannis , quàm quæ non modò non patitur id fieri quod æquum censeas , sed nequidem modestè dici ; liceat Criticis in Notis ac Commentariis , quibus Veterum Scripta eunt illustratum , proponere quidquid libuerit ; eâ tamen lege , ut Lectores peritiores fistulâ pastoritiâ excipiant quæ , invitâ Criticâ , protulerint.

46. Ultima Lex , ad coërcendam Criticorum superbiam & fiduciam nimiam, hæc sancitor : **CONJECTURÆ OMNES MODESTE PROPONUNTOR , SIN MINUS, DOCTIS LUDIBRIUM DEBENTO.** Nihil frequentius occurrit in Scriptis Criticorum audaciorum, quàm superba imperia, quibus emendare jubemur , ut iis videtur ; aut quibus quasi certa, explorata, indubitata, manifesta , sola vera obtruduntur, quæ postquàm probè expensa sunt , falsa , aut minimum incerta ac dubia esse deprehenduntur. Quod tam sæpe contingit , ut prudentiores ac modestiores Criticos factos esse oporteret , postquàm tam frequenter alios lapsos esse vident, cùm crederent se oracula propemodum proferre. Possèmus nonnullos Recentiores hîc reos agere violatæ hujusce Legis ; & faceremus , si qua spes emendationis esset. Sed homines , qui nullo jure in alios invehuntur, in rabiem planè aguntur , cùm sunt in errore deprehensi. At numquam obitare poterunt, quominus certè rideantur à prudentioribus, quos eas pœnas de eorum jactantia & conviciis

ciis sumere jus fasque semper fuit , eritque. Nos etiam, per totum hoc Opus, sat multa superciliosè prolata confutavimus.

47. Hæc ad suadendas Leges æquissimas dicenda habuimus , quibus innumera alia adjici potuisse nos non fugit ; verùm quæ à nobis dicta sunt vel imperitissimos in ad sensum trahere possunt , nedum ut paulò peritiores pluribus indigeant. Itaque ne mihi & aliis tædiosisimè , manum de tabula tollo , expectaturus an Reipublicæ Litterariæ Populus Leges hæc jussurus sit , aut , seditioso quopiam Tribuno intercedente , rejecturus ; quod tamen vix opinor futurum. Ut enim nonnulla exempla à me adlata in dubium revocari queant ; attamen Leges ipsæ supra invidiam positæ sunt, cum ex doctissimorum virorum sententia scriptæ sint , atque ex ipsa rerum natura manifestò petitæ.

III. Partis I. Sectionis Finis.

ARTIS CRITICÆ


P A R S III.

S E C T I O II.

De Locis & Scriptis spuriiis à genuinis
dignoscendis.

C A P U T I.

*De fraudibus, quibus inserta Veteribus Scrip-
toribus loca, suppositique iis integri Li-
bri, Veterum testimonia.*

I.  STENDIMUS superioris Sec-
tionis Cap. XV. homines Ve-
ri parum studiosos in Veterum
monumentis eas voces mutaf-
se, aut delevisse, quæ sibi dis-
plicerent, aut addidisse quæ visa sunt; ut Ve-
teres illorum dogmatibus favere, aut certè ne
adversari viderentur. In hac verò Sectione,
agemus de integris Periochis insertis aut re-
sectis, datâ operâ, ab iisdem impostoribus,
aut à Criticis malè feriatis; tum etiam de Li-
bris, quibus illustria nomina præfixerunt, ut
falle-

fallerent ementes , aut ut sua dogmata statuerent ; trademúsque regulas ex quibus suppositæ Periochæ , ac Libri alieno nomine inscripti agnosci queant ; quæ omnia exemplis aliquot firmabimus.

2. Verùm antequàm ad rem ipsam veniamus , Veterum loca proferemus , ex quibus intelligere licebit non recentiores demum Criticos in ejusmodi corruptelas ac suppositiones esse invec̃tos. Exstant hac de re sat graves , cùm apud veteres Ethnicos , tum apud Christianos querelæ.

3. Cùm antiquiorum Scriptorum admiratio hominum animos subiisset , eorum libri cæperunt ab omnibus Antiquitatis studiosis avidius emi & versari ; cùmque horum auctori-
tas , ad dirimendas controversias , adhiberetur , magno studio contententes eam ad partes suas trahere conati sunt. Hi fuere potissimi fontes , è quibus fluxere innumeræ corruptelæ , & suppositiones ; quibus avaritia Librariorum & nequitia Falsariorum fucum minùs callidis fecerunt. Quod paullò pluribus persequemur.

4. Cùm ergo Librarii animadverterent , nonnullorum Scriptorum libros frequenter in officinis suis quæri , atque emi ; duplici fraudis genere , lucri causâ , grassabantur. Alterum erat , quo Scripta jam edita & nota , quasi ex vetustioribus Codicibus , iisdémque amplioribus descripta , multò auctiora depromebant , & venum exponebant ; postquàm in ea varia infarciri à nebulone curaverant. Tum verò & qui habebant Libros , suis Codici-

cibus quasi inutilis spretis, eos iterum emebant; qui verò nondum emerant, ex editione locupletiore sibi comparabant. Hinc autem non parvum lucrum redibat ad Librarios, qui primi ejusmodi fraudem adhibebant; præsertim si celebrior esset Scriptor, quem ita interpolari curaverant, nec fraus illico pateret. Quod *Clementi* Romano, & *Ignatio* Antiocheno contigisse postea ostendemus. Alterum fraudis genus erat, cum Viro aut Scriptori celebri integrum opus tribuebant, ut cum *Dionysio* Arcopagitæ tributi sunt libri, qui sub ejus nomine circumferuntur; quod & multis aliis à Christianis præsertim factum esse, in sequentibus, pluribus demonstrabimus. Populi, nempe, cupidi sciendi quid sensissent primi illi Christiani, quidve iis contigisset, omnes Bibliothecarum angulos perscrutabantur, omnes Librarium officinas excutiebant, ut viderent an quidpiam eorum superesset; quod cum animadverterent homines lucri cupidi, hiantes & credulos facile deluserunt, & incredibilem copiam librorum recens conscriptorum antiquis Scriptoribus, fallente titulo, tribuerunt. Quod cum dico factum à Christianis, Judæos tamen, aut Ethnicos, quasi culpæ hujus minimè adfines, absolutos nolo; sed de Christianis potissimum loquor, quia pluris interest scire quos finxerint, quàm quos alii adulterinos in lucem protulerint, & plures etiam à Christianis falsis nominibus insigniti ad nos pervenerunt. *Cassiodorus*, qui sæculi VI. initio vixit, Cap. VIII. Instit. Divin. Litter. non procul à prin-

principio nos docet adnotationes subtilissimas quidem ac brevissimas in Epistolas Pauli, *sed erroris tamen Pelagiani venenis infectas*, suo tempore, *in cunctorum manibus ita celebres habitas fuisse, ut eas à S. Gelasio Papa urbis Romæ doctissimi viri studio dicerent fuisse conscriptas*; QUOD SOLENT, inquit, *facere, qui res vitiosas cupiunt gloriosi nominis auctoritate defendere.*

5. Posteaquàm verò acres concertationes, inter Christianos, oriri cœperunt, præsertim à Nicænæ Synodi temporibus; cùm dissidentes Christiani omni ope Antiquitatem in suas partes trahere niterentur, ut adversarios quasi novas res molitos infamarent; tum demum sceleratis manibus adulterata sunt priscorum monumenta, & eorum nomina præfixa libris ea de causa fictis, ut partibus laborantibus subsidio essent. Sic additæ sunt ingentes lacinie Epistolis Ignatii, & fictæ Constitutiones Apostolicæ, quasi ab Apostolis conditæ, & à Clemente Romano digestæ; de quibus postea dicemus. Eodem consilio fictus ille Prologus, qui Epistolis Canonicis, Hieronymi nomine insignitus, præfigitur, ut antea observavimus.

6. Fortè & errore factum, ut Libri quorum Scriptores ignorabantur, quòd nullius nomen eis esset additum, nonnullis tribuerentur, quorum nequaquam erant; ob similitudinem styli, vel ob imperitiam Librario- rum, qui sic numerum Operum virorum eruditorum auctum ibant. Hoc potissimum factum in Scriptis Patrum iis sæculis, quibus

Antiquitatis studiosi, grassante per omnia barbarie, pauciores erant, neque ullus Criticæ, ut decuit, operam dederat. Hinc videmus Scriptis Patrum, præsertim πολυγράφων, multa aliena adfuta. *Tertullianus*, *Cyprianus*, *Ambrosius*, *Hieronymus*, *Augustinus*, *Athanasius*, *Chrysostomus*, alisque jam dudum, sine adpendicibus alienis, non prodeunt.

8. Re ipsâ breviter expositâ, jam sunt Testimonia Veterum proferenda. *Galenus* Comment. I. in *Hippocratem* de Natura Hominis, ad text. 42. p. 127. T. III. *Ed. Charterianæ*: Πρὶν γὰρ τὰς ἐν Ἀλεξανδρείᾳ τε ἢ Περγᾶμι γενέσθαι βασιλεῖς ἐπὶ κτήσιν παλαιῶν βιβλίων Φιλοτιμηθέντας, ἔδέπω ψευδῶς ἐπεγέγραπτο σύγγραμμα, λαμβάνειν δ' ἀρχαίων μισθῶν τῶν κομιζόντων αὐτοῖς συγγράμματα παλαιὰ τιν' ἄνδρες, ὥτως ἤδη πολλὰ ψευδῶς ἐπιγράφοντες ἐκόμιζον: *antequàm enim Reges, qui erant Alexandriae & Pergami, de possessione veterum librorum studiosè contenderent, nondum ullum falsò inscribatur opus; sed postquàm præmiùm accipere cœpissent, qui antiqui alicujus hominis scripta iis adferebant, sic demum multa falsò inscribentes adportabant.* Idem Præfat. Comment. II. p. 128. Ἐν τῷ κατὰ τὰς Ἀττικῆς τε ἢ Πτολεμαϊκῆς βασιλείας χρόνῳ, πρὸς ἀλλήλους ἀντιφιλοτιμημένους περὶ κτήσεως βιβλίων, ἡ περὶ τὰς ἐπιγραφάς τε. ἢ διασκευὰς αὐτῶν ἤρξατο γίνεσθαι ῥαδιουργία

γία, τοῖς ἕνεκα τῆ λαβεῖν ἀργύριον ἀναφέρουσιν
 ὡς τὰς βασιλεῖς ἀνδρῶν ἐνδείξων συγγράμματα :
Temporibus Attalicorum Regum, qui de ad-
quisitione librorum inter se contende- bant, cœ-
pit fraus circa inscriptiones, & dispositiones li-
brorum fieri ab iis, qui, pecunie causâ, fe-
rebant ad Reges virorum illustrium Scripta. Si
 prorsus falsa non erat inscriptio, ad partem
 tantum voluminis pertinebat, quod eò carius
 vendebatur quò majus & auctius videbatur,
 ut testatur ibidem *Galenus*, ubi ait libro *Hip-*
pocratis de natura hominis, additum esse al-
 terum *Polybi* ejus discipuli, & quædametiam
 interposita, quæ neutrius erant, post verba
 posterius adlata, addit : μικρῶν ἐν ἑντῶν ἀμ-
 φοτέρων τῶ βιβλίων, τῆ περὶ φύσεως ἀνθρώπου
 ἢ τῆ περὶ διαίτης ὑγιεινῆς, εὐκαταφρόνητον
 ἐκάτερον τῶτο εἶναι τις δόξας, διὰ τῆ σμικρο-
 τητα, συνέθηκεν ἐς τ' αὐτὸ ἀμφοῶν καὶ τις ἴσως
 ἄλλῃ, ἢ ἢ αὐτὸς ὁ πρῶτος αὐτὰ συνθεῖς,
 παρενέθηκε τινα μεταξὺ τῶ δύο : cùm uterque
 liber parvus esset, & is qui est de natura ho-
 minis, & is qui est de salubri victu, quispiam
 vilem utrumque fore ratus, propter parvita-
 tem, utrumque in unum conjunxit, & alius
 fortè quispiam, aut idem ille primus, qui eos
 conjunxerat, nonnulla duobus : interposuit.
 Quod habet de tempore suppositionis libro-
 rum non ita tamen intellexerim, quasi cre-
 diderit *Galenus* numquam antea Libros, lu-
 cri causâ, nominibus alienis inscriptos ; sed
 quia eo potissimum tempore ingens copia sup-

positiciorum librorum erupit, & fraudes postea frequentiores fuerunt. Nam sæpe antea libri fuerant suppositi, ut multis exemplis constat. Vide hac de re *Joan. Wowerium* Polymathix c. XVI, 6, & seqq. *Ammonius* in *Categorias Aristotelis*: Πτολεμαῖον τὸ Φιλάδελφον πάνυ ἐσπυδακέναι φασὶ περὶ τὰ Ἀριστελικά συγγράμματα, ὡς ἢ περὶ τὰ λοιπὰ, ἢ χρήματα δίδόναι τοῖς προσφέρουσιν αὐτῷ βίβλους τῷ Φιλισόφῳ· ὅθεν τινες χρηματίσασθαι βυλόμενοι ἐπιγράφοντες συγγράμματα τῷ τῷ Φιλισόφῳ ὀνόματι προσῆγον: *Aiunt Ptolemaum Philadelphum magno studio flagrasse habendi Scripta Aristotelis, ut & cetera, & pecunias dedisse adferentibus ad se libros Philosophi. Unde quidam, ditescere cupientes, inscriptos libros Philosophi nomine adtulērunt. Diogenes Laërtius de Æschine, Lib. II. §. 60.* διεβάλλετο ἢ Αἰσχίνης ἢ μάλιστα ὑπὸ Μενεδήμῳ τοῦ Ἐρετριέως, ὡς τοὺς πλείους διαλόγους, ὄντας Σωκράτους ὑποβάλλοιτο, λαμβάνων παρὰ Ξανθίππης: *calumniis differebatur Æschines, potissimum à Menedemo Eretriensi, quasi complures dialogos, qui Socratis essent, à Xanthippa acceptos pro suis supposuisset.* Subjicit verò *Diogenes*: ὧν οἱ μὲν καλέμενοι ἀκέφαλοι σφόδρ' εἰσιν ἐκκελυμένοι, ἢ οὐκ ἐπιφαίνοντες τὸ Σωκρατικὴν εὐτονίαν, οὓς ἢ Πεισίστρατος ὁ Ἐφέσιος ἔλεγε μὴ εἶναι Αἰσχίναν. ἢ τ' ἐπὶ τῷ τῷ πλείους Περσαῖος φησὶ Πασιφῶντος εἶναι τῷ Ἐρετρι-

τρικῶ, εἰς τὰς Δισχίνας ᾗ καλᾶτάξαι. ἀλλὰ καὶ τὸν Ἀντισθένης, τὸν τε μικρὸν Κῦρον, καὶ τὸν Ἡρακλέα τὸν ἐλάσσω, καὶ Ἀλκιβιάδην, ἣ τοὺς τῶν ἄλλων ᾗ ἐσκευωρῆσθαι: *ex quibus qui dicuntur principio carentes sunt remissi, nec Socraticam vebementiam præferentes; quos & Æschinis esse Pisistratus Ephesus negabat. Sed & plerisque septem illorum Persæus ait Pasiphontis esse Eretrienfis, atque ab eo Æschinis insertos libris; eundemque Antisthenis parvum Cyrum, & Herculem minorem, Alcibiadem aliorumque libros supposuisse. Tres, qui supersunt, & fragmentum quarti nuper edidimus.*

9. Sic viri ingenio & eruditione sua abusi nervos omnes intendebant, ut ita stylum & doctrinam exprimerent eorum, quibus libros supponebant, vix ut suppositicii foetus à veris secerni possent. *Livius, Lib. XXXVIII. c. 56. ubi de die dicta P. Scipioni: Nec inter Scriptores, inquit, discrepat solùm, sed orationes quoque, si modò ipsorum sunt quæ feruntur, P. Scipionis & T. Gracchi abhorrent inter se. Suetonius in Cæsare Cap. LV. Orationes aliquas reliquit, inter quas temerè quædam feruntur, ut pro Q. Metello, quam non immeritò Augustus existimabat magis ab actuariis exceptam, malè subsequentibus verba dicentis, quàm ab ipso editam. Nam in quibusdam exemplaribus invenio, ne inscriptam quidem pro Metello, sed, quam scripsit Metello; cùm ex persona Cæsaris sermo sit, Metellum, seque adversus communium obtrectato-*

rum criminationes purgantis. Apud Milites quoque, in Hispania, idem Augustus orationem esse vix ipsius putat; quæ tamen duplex fertur; una, quasi priore habita prælio: altera, posteriore, quo Asinius Pollio ne tempus quidem concionandi habuisse eum dicit, subitâ hostium incurfione. Scilicet, homines malè diserti, ut eloquentiam suam venditarent, scripserant orationes, quibus expresserant quod dicere debuissè videbantur summi illi viri; quod persæpe factum, ut postea videbimus.

10. Scio posse dici plurima exercendi styli gratiâ esse conficta, & veluti ludente ingenio elaborata; at quod illi ludentes fecerunt, id serium posteros in errorem coniecit. Præfixum nomen Salomonis Libro Sapientiæ plurimos fefellit & etiamnum fallit, quamvis ab Hieronymo monitos. Hæc sunt hujus verba, ex præfatione in Libros Salomonis: *Fertur & παράδειγμα Jesu filii Sirach liber, & alius ψευδεπίγραφος, qui Sapientia Salomonis inscribitur. Quorum priorem Hebraicum, reperi, non Ecclesiasticum, ut apud Latinos, sed Parabolas (משלים mschalim) prænotatum, cui juncti erant Ecclesiastes & Canticum Canticorum; ut similitudinem Salomonis non solum librorum numero, sed etiam materiarum genere, cœquaret. Secundus apud Hebræos, nusquam est, quia (lego quin) & ipse stylus Græcam eloquentiam redolet, & nonnulli Scriptorum veterum hunc esse Judæi Philonis adfirmant. Verùm de hoc Libro postea pluribus agemus.*

11. Idem

11. Idem à Pseudo Christianis, ad quamcumque familiam pertinerint, sæpe factum testantur Patres. *Augustinus* in Ep XLVIII. ex vetere distinctione, XCIII. ex nova, ad Vincentium, ait quosdam credidisse, quamvis falsò, at ex more sæculi sui, fictas Epistolas *Cypriani* de iteratione Baptismi. * *Non desunt*, inquit, qui hoc *Cyprianum* prorsus non sensisse contendant, sed sub ejus nomine à præsumentibus, atque mendacibus fuisse confectum. Neque enim, subjicit *Augustinus*, sic potuit integritas, atque notitia litterarum unius quamlibet illustris Episcopi custodiri, quemadmodum Scriptura Canonica, tot Linguarum litteris, & ordine & successione celebrationis Ecclesiasticæ custoditur; contra quam tamen non defuerunt, qui, sub nominibus Apostolorum, multa confingerent.

12. Fatetur quidem *Augustinus* illam suspicionem infirmam esse; at nitebatur consuetudine illorum sæculorum, quibus innumera ficta fuerant. Nos tamen, inquit, duas ob res non negamus illud sensisse *Cyprianum*; quòd & stylus ejus quamdam propriam faciem, quâ possit agnosci; & quòd ibi magis contra vos (Donatistas) nostra causa monstratur invictior, &c. Altera harum rationum petita est ex utilitate, quam *Augustinus* putabat capere se posse ex Epistolis illis *Cypriani*, in disceptatione cum Donatistis; altera verò Critica, quæ sola firma est. Nec dubito quin, si hæc posterior ratio defuisset, *Augustinus* planè negaturus fuisset hæc Epistolas esse *Cypriani*,

V 4

plau-

* *Nam.* 38. in Ed. Paris. Benedict.

plausibili illâ ratione , è Falsariis sumtâ , fretus ; nam quamvis diffimulet , vehementer ejus causæ , ad iterationem baptismi quod adtinet , adversabantur. Subdit verbis adlatis : *Frustra quidem , quia illa sic commendata , sic celebrata , sic nota est ; verum quid possit adversus litteras , non canonicâ auctoritate fundatas , etiam hinc demonstravit impiæ conatus audaciæ , quod & adversus eas , quæ tantâ notitiæ mole firmatæ sunt , se se erigere non prætermisit.* Ex hisce colligere licet vulgò persuasum fuisse , non sine diligenti examine , Veterum Scripta , aut potius quæ eorum nomine venditantur admittenda esse ; quod tamen plerique , aut adfectibus , aut *ἀνθρώπων* præpediti , non faciebant. Similem alterum locum *Augustini* addemus , ex Lib. XXXIII. contra Faustum Cap. 6. ubi postquàm dixit constare ex perpetuo consensu Christianorum libros Apostolicos eorum esse , quorum nomina præferunt : *Quasi verò , inquit , & in litteris secularibus non fuerint certissimi auctores , sub quorum nominibus postea multa prolata sunt & idèò repudiata , quia vel ab his , quæ ipsorum esse constaret , minimè congruerent ; vel eo tempore , quo illi scripserunt , nequaquam innotescere , & per ipsos vel familiarissimos eorum in posteros prodi commendarique meruerunt.* Alia habet egregia , eodem spectantia , quæ deinde à nobis adferentur.

13. *Origenes* , in * Ep. ad Alexandrinos ami-

* *Apud Rufinum de Adult. Script. Origenis.*

micos, ita queritur, de Scriptorum suorum, vivente se, adulteratione: *Quidam auctor hæreseos, cum sub præsentia multorum habita inter nos fuisset disputatio, descriptum accipiens, ab his qui descripserant, codicem, quæ voluit addidit, & quæ voluit abstulit, & quod ei visum est permutavit. Cum convenissem illum ipsum, qui adulteraverat librum, quare hoc fecisset, velut satisfaciens mihi respondit: quoniam magis ornare volui disputationem ipsam, atque purgare (id est, errata emendare.) Videte quali purgatione disputationem nostram purgavit. Tali, nempe, quali purgatione Marcion purgavit Evangelia, vel Apostolum; vel quali successor ejus, post ipsum, Apelles. Nam sicut illi subverterunt Scripturarum veritatem: sic & iste, sublatis quæ verè dicta sunt, ob nostri criminationem, inseruit quæ falsa sunt. Quin & integros libros suo nomine fictos queritur, in eadem Epistola. In Epheso cum me vidisset quidam Hæreticus, & congregari nolisset, neque omnino os suum aperuisset apud me—postea nomine meo & suo, conscripsit qualem voluit disputationem, & misit ad discipulos suos, ut ego quidem cognovi, ad eos qui Romæ erant; sed non dubito quin & ad alios, qui per diversa sunt.*

14. *Rufinus ipse latiùs hoc persequitur, in Ep. ad Macarium de adulteratione Librorum Origenis; atque hinc probat adulteratos fuisse illos, quòd passim, etiam in eodem opere, sibi contradiceret; quod homini non stulto, adeoque erudito contingere potuisse negabat. Quæcumque, inquit, nobilium tractatorum ve-*

terum invenerunt de his , quæ ad gloriam Dei pertinent , plenè & fideliter disputasse ; ita ut ex lectione eorum unusquisque fidelium proficere possit & instrui , non pepercerunt Scriptis eorum venenatum virus infundere , sive interpolando quæ dixerant , sive quæ non dixerant inserendo ; quò facilius , videlicet , sub nomine doctissimi cujusque & nobilis inter Scriptores Ecclesiasticos viri , hæresis suæ adstrueretur assertio ; ex eo quòd ita sensisse etiam aliqui de claris viris & Catholicis viderentur. Horum manifestissimas , inter Græcos Scriptores Ecclesiasticos , probationes texemus ; & quamvis quamplurimi sint ex Veteribus , in quorum Libris hujusmodi deprehenditur adulterium , tamen paucorum sufficit adhibere testimonia , ex quibus facilius quid etiam Origenis Libris acciderit agnoscatur. Clemens Romanus Apostolorum discipulus , qui Romanæ Ecclesiæ , post Apostolos , & Episcopus & Martyr præfuit , Libros edidit , qui adpellantur ἀναγνώρισις , id est , recognitio ; in quibus cùm ex persona Petri doctrinā quasi verè Apostolica in quamplurimis exponatur , in aliquibus ita Euzomii dogma scribitur , ut nihil aliud , quam ipse Euzomius , disputare credatur , filium Dei creatum , ex nullis exstantibus adseverans , &c. Clemens quoque alius , Alexandrinus Presbyter & Magister Ecclesiæ illius , in omnibus pænè Libris suis , Trinitatis gloriam , atque æternitatem unam eandemque designat ; & interdum invenimus aliqua , in libris ejus , Capitula , in quibus filium Dei creaturam dicit. Numquid credibile est de tanto viro , tam in omni-
bus

bus Catholico, tam erudito, ut vel sibi contraria senserit, vel ea quæ de Deo, non dicam credere, sed vel audire quidem impium est, scripta reliquerit? Posset sanè fieri ut Ariani, nonnullis in locis, *Clementem* interpolassent; sed omnia loca, quæ displicebant *Rufino*, delere propterea nolucrim; cùm certum sit Patres, qui ante Nicænam Synodum vixerunt, multis loquutionibus usos, à quibus ii, quibus controversiæ erant cum Arianis, abstinebant. Præterea non mirum esset si Patres, in re ardua, sibi non semper constitissent, aut sibi constare visi non essent *Rufino* Critico minime perspicaci. Hoc liquet ex ejus judicio de libro recognitionum, quas fatuè *Clementi* Romano tribuit, & interpolavit ac mutilavit, ut hominis rectè sentientis esse viderentur, cùm essent opus Impostoris. Alius Episcopus Romanus questus est id vivo sibi à quodam Monacho Græco, cui *Andreae* nomen fuit, factum esse. Is est *Gregorius Magnus*, qui Lib. IX. Epist. LXIX. ad Eusebium Episcopum Thessalonicensem: *inter diversa, inquit, mala aliquos etiam sermones scripsit, atque eos ex nostro nomine titulavit, & suspecti sumus ne eos alicubi transmiserit. Ideo fraternitas vestra sollicitudinem gerat, & si quid tale repererit, eos & excindat, & omnino faciat aboleri, ut quod imperitus litterarum, & Scripturæ divinæ nescius nostro, sicut diximus, nomine prænotavit, quorumdam animos non possit inficere.*

16. Tum verò, de tertio, ita pergit *Rufinus*: *Dionysius quoque Alexandrinus Episcopus*

pus eruditissimus, adsertor Ecclesiasticæ fidei, cum in quamplurimis in tantum unitatem, atque æqualitatem Trinitatis defendat, ut imperitioribus quibusque etiam secundum Sabellium sensisse videatur; in his tamen Libris suis, quos adversus Sabellii Hæresin scribit, talia inveniuntur inserta, ut frequenter Ariani ipsius auctoritate se defendere contentur. Propter quod & Sanctus Episcopus Athanasius compulsus est Apologeticum pro libris ipsis scribere; pro eo quod certus erat non illum diversè potuisse sentire, sibi que ipsi contraria scribere, sed quod inserta hæc à malevolis nosset. Idem dixerim de Dionysio, quod de Clemente modò dicebam; nec certè Athanasius Scripta ejus adulterata ait, sed perperam intellecta.

17. Nunc ut ad Origenem redeam, nolim negare umquam ejus Scripta ab Hæreticis fuisse adulterata, cum præsertim id nos ipse doceat. De eo dixerim, quod Vincentius Lirinensis, * cujus hæc sunt verba: Sed dicat aliquis corruptos esse Origenis libros. Non resisto; quin potius & malo, nam id à quibusdam & traditum & scriptum est, non Catholicis tantum, sed etiam Hæreticis. Verùm nequaquam concesserim Rufino Origenem de re, quam non satis intelligebat, loquentem, semper consentanea esse loquutum. Quis enim hominem, qui tot volumina dictavit, titubasse aliquando miretur? Possemus certè non unum exemplum ejus rei proferre, non ex Origene modò, sed ex Rufino ejus emendatore. Præterea à Rufino non intellectum fuisse Origenem

fi

* Adversus Hæres. Cap. XXIII.

fi dixerō , nihil dixerō quod Eruditi facillè non conceſſerint ; cùm in iis , quæ ex * *Eusebio* vertit , tot imperitiæ ſpecimina ediderit.

18. Similia habet , in Præſatione In libros περὶ Ἀρχῶν , iis , quæ antea de eo dicentem audivimus , quibus poſitis ita pergit : *Sicubi nos in libris ejus aliquid contra id invenimus , quod ab ipſo in ceteris locis piè de Trinitate fuerat definitum , velut adulteratum hoc & alienum , aut prætermiſimus , aut ſecundum eam regulam protulimus , quam ab ipſo frequenter invenimus adfirmatam.* Ut dolendum eſt eos libros ad nos Græcè non perveniſſe : ita eſt quod gaudeamus *Clementem Alexandrinum à Ruſino* verſum non fuiſſe ; nam fortè deſidiâ Monachorum haberemus verſionem dumtaxat , pro Archetypo , in qua *Clemens* id diceret quod *Ruſino* viſum eſſet ab eo dici oportuiſſe , non quod nunc dicit. Meritò certè † viri doctiſſimi queſti ſunt „ non alium quem „ quam *Origeni* tantùm perfidiâ ſuâ , & te „ meritate nocuiſſe , quàm *Ruſinum* ipſum ; „ quippe qui ejus Scripta interpretans , ita „ additamenti & detractiōibus vexavit & „ corruptit , ut *Origenem* in *Origene* deſideres. „

19. Ideò *Hieronymus* , in Epiſtola ad Pammachium & Oceanum de erroribus *Origenis* , depravatum negat *Origenem* ; ſed cùm ille nimius ſit & laudator , & caſtigatōr , per omnia illi

* Vide Præſationem Henr. Valeſii in *Eusebium* , ad Clerum Gallicanum , & P. Dan. Huetium in *Origenianis paſſim*.

† P. Dan. Huetius in *Origenianis Lib. I. C. 1. §. 3.*

illi credere satis tutò non possumus. Solebat homo vehemens dicere non quod, post adcuratum examen, verum compererat, & quod sine adfectu dicere licebat; sed quod causa postulabat, ac vincendi studium dictabat. Sed nescio an tolerabilior sit *Rufinus*, qui præfationi in libros *Origenis* de Principiis à se versos eà, quam diximus, fide hanc horrendi carminis adjurationem subjicit: *Omnem qui hos libros vel descripturus est, vel lecturus, in conspectu Dei Patris, & Filii & Spiritus Sancti, contestor, atque convenio per futuri regni fidem, per resurrectionis ex mortuis Sacramentum, per illum qui præparatus est Diabolo & Angelis suis æternum ignem, si non illum locum æternâ hereditate possideat, ubi est fletus & stridor dentium, & ubi ignis eorum non exstinguetur, & vermis eorum non morietur; ne quis addat aliquid huic scripturæ, ne auferat, ne inserat, ne immutet; sed conferat cum exemplaribus unde scripserit, & emendet ad litteram & distinguat, & inemendatum, vel non distinctum codicem non habeat; ne sensuum difficultas, si distinctus Codex non sit, majores obscuritates legentibus generet.* Si æquum censebat hoc sibi concedi, nec judicio Lectoris sua emendanda permittebat; oportuisset ipsum eadem æquitate usum fuisse, erga eum quem interpretabatur. Sed, si *Hieronymo* credimus, solitus erat nefariis hujusmodi artibus uti *Rufinus*, qui librum *Sexti* Pythagorei *Xysto* Episcopo Romano Latinè conversum tribuit. Sic *Hieronymus* Lib. IV. in *Jeremiam* seu ad Cap. XXI: *Miserabilis Grunnius, qui ad cal-*
lum-

lumniandos Sanctos viros apernit os suum, linguamque suam docuit mendacium, Sexti Pythagorei hominis gentilissimi unum librum interpretatus est in Latinum, divisitque eum in duo volumina, & sub nomine Martyris Xysti, urbis Romane Episcopi, ausus est edere; in quibus nulla Christi, nulla Spiritus Sancti, nulla Dei Patris, nulla Patriarcharum, Prophetarum & Apostolorum fit mentio, & hunc libellum, solita temeritate & insania, Annulum nominavit; qui per multas provincias legitur, & maxime ab his, qui ἀπαδείκτω & impeccantiam prædicant.

20. Hisce Veteribus nihil vetat nos addere verba hominis, cui recentiora nimium præ veteribus sordebant. Is est Joannes Fellus, Episcopus Oxoniensis, qui, in Præfatione in suam Editionem Cypriani, rectè animadvertit „ nosse Eruditos in quantum rei litterariæ „ damnum cesserint suppositicia scripta, magnis insignita nominibus, fraude ad Librariorum compendium institutâ. Hinc comparatum esse, ut statuae aureæ non modò pedes lutei, sed & vivo corpori putridum cadaver subinde jungatur. In Ethnicis literis hoc quidem facilius ferendum, non magni enim referre, si oratio una aut altera semibarbara Ciceroni aut Sallustio, vel futile carmen Virgilio & Ovidio tribuantur. Sed cùm in pietatis negotio & SS. Patrum Scriptis, hoc intervenerit, dici vix posse quanti malum istud steterit. Ex noxa hac non modò hæretica dogmata, decus sibi & „ ho-

„ honestamentum quærere; sed fidem & auctoritatem, quibus sacra illa monumenta unicè pollent, languere inde & evanescere; & postquam fucum in aliquibus detexit Lector, de aliis eum dubitare, & demum omnia despicere. Nec ex nupero maleficio hæc pallum esse *Cyprianum*, cui sæculo quarto imputabantur Novatiani hæretici Scripta. *Cypriani* ψευδεπίγραφον hæreseos librum vocare *Hieronymum*, ejusque etiam meminisse illi supparem *Rufinum*. „

21. Quæ cum ita sint, ipsi impostores invehebantur in eos, qui libros alienos Scriptoribus supponebant, cujus rei duo insignia habemus exempla. Collector Canonum Apostolicorum, qui eos ab Apostolis ipsis conscriptos credulis persuadere voluit, & reverâ persuasit, Canonem profert dignum profectò Apostolis, qui est LX. numero, sed indignum qui à Falsario ederetur: Εἴ τις τὰ ψευδεπίγραφα τῶν ἁγίων βιβλία ὡς ἅγια ἐπὶ τῇ Ἐκκλησίᾳ δημοσιεύῃ, ἐπὶ λύμῃ τῇ λαῷ καὶ τῇ κλήρῳ, καὶ θαιρείσθω: si quis falsò inscriptos impiorum libros, tamquam sanctos, in Ecclesia edit, ad populi & Cleri perniciem, exauctoretur. Ad quem Canonem vide, si lubet, *Balsanonem* & *Zonaram*, qui ostendunt non infrequens fuisse hoc Falsariorum peccatum.

22. Alterum exemplum suppeditat Scriptor Constitutionum Apostolicarum, Lib. VI. cap. 16. apud quem sic loquuntur personati Aposto-

Apostoli, de libris falsò inscriptis : Ταῦτα πάντα ἐπεσείλαμεν ὑμῖν, ἵνα εἰδέναι ἔχοιτε ἡμετέραν γνώμην, οἷα τίς ἐστὶ, καὶ τὰ ἐπ' ὀνόματι ἡμῶν παρὰ τῶν ἀσεβῶν κρατυνθέντα βιβλία μὴ παραδίχεσθαι : *hæc omnia scripsimus vobis, ut possetis scire nostram sententiam, neve nomine nostro confirmatos ab impiis libros admitteretis.* Quæ verba cùm non malè convenirent Apostolis, intoleranda sunt, in ore impostoris ; sed ostendunt quanta esset, illo ævo, Græculorum nequitia. Pergunt commenticii Apostoli : εἰ γὰρ ὀνόμασι χειρὶ ὑμᾶς προσέχειν τῶν Ἀποστόλων, ἀλλὰ τῇ φύσει τῶν πραγμάτων, καὶ τῇ γνώμῃ τῇ ἀδιασρόφῳ, οἶδαμεν γὰρ ὅτι οἱ περὶ Σίμωνα καὶ Κλεόβιον ἰώδῃ συντάξαντες βιβλία ἐπ' ὀνόματι Χριστοῦ καὶ τῶν μαθητῶν αὐτῶν, περιφέρουσιν εἰς ἀπάτην ὑμῶν τῶν πεφιληκότων Χριστὸν καὶ ἡμᾶς τὰς αὐτῶν δόξης : *neque enim nomina vos oportet attendere Apostolorum, sed naturam rerum et immutabilem sententiam.* Scimus enim Simonem et Cleobium venenatos libros, conscriptos nomine Christi et discipulorum ejus, circumferre, ut vos decipiant qui amatis Christum et nos ejus discipulos. Deinde monent Christianos, de libris ante sua tempora fictis ; à Judæis, nimirum, qui nominibus Patriarcharum, imò & Angelorum, fucum facere imperitis nitebantur. Καὶ ἐν τοῖς παλαιοῖς δὲ τινες συνέγραψαν βιβλία ἀπόκρυφα Μωσέως, καὶ Ἐνὼχ, καὶ Ἀδάμ, Ἡσαΐα τε καὶ Δαβὶδ καὶ Ἡλίας, καὶ τῶν

Tom. II. X τριῶν

τριῶν πατριαρχῶν, φθοροποιὰ, καὶ τῇ ἀληθεύς ἐχθρά. τοιαῦτα καὶ νῦν ἐποίησαν οἱ δυσώνυμοι, διαβάλλοντες δημικερίαν, γάμον, πρόνοιαν, τεκνογονίαν, νόμον, προφήτας. Βάρβαρα τινὰ ὀνόματα ἐγγράφοντες, καὶ, ὡς αὐτοὶ φασιν, Ἀγγέλων, τὸ δὲ ἀληθὲς εἰπεῖν Δαιμόνων τῇ αὐτοῖς ὑπηχέντων: *Nonnulli inter Veteres scripserunt libros apocryphos Moſis, Enochi, Adami, Eſaie, Davidis, Eliæ, & trium Patriarcharum peſtiferos, & repugnantes veritati. Conſimiles libros nunc quoque ediderunt inauſpicati homines, calumniantes creationem, nuptias, providentiam, procreationem liberorum, legem, prophetas; adſcribentes barbara quædam nomina, &, ut ipſi dicunt, Angelorum, ut verum autem aperiamus, Dæmonum, illos adſtantium.* Nihil potuit gravius dici ab homine veri amantiſſimo, & ſuppoſitionis omnis inimiciſſimo Scriptore. De libris, quos memorat, conſulendus *Joan. Bapt. Cotelærius*, ad eum locum.

23. Cùm in Constitutionibus Apoſtolicis varia ſint, quæ manifeſtò Arianiſmum ſapiunt, exiſtimarunt Patres Sextæ Synodi, in Trullo habitæ, adulteratas fuiſſe; ſic enim in ſecundo Canone de illis habent: αἱς τιſι πάλαι ὑπὸ τῶν ἑτεροδόξων, ἐπὶ λύμῃ τῇ ἐκκληſίας, νόθα τινὰ καὶ ξένα τῇ εὐσεβείας παρενετέθησαν: *quibus olim ab Heterodoxis, in perniciem Eccleſiæ, ſpuria quædam & aliena à pietate inſerta ſunt.* Videntur potiffimùm ex
ſpec-

ſpectare, quæ favent Arianorum ſententiæ; ſed profeſſo ea à nemine inſerta ſunt, niſi ab ipſo auctore, qui in illis partibus fuit. Miranda eſt aut ἀελεψία, aut mala fides Patrum illorum, qui Canones LXXXV. quaſi Apoſtolicos admittunt, & ita loquuntur de hiſce Conſtitutionibus, quaſi revera eſſent *Clementis*. Ideò *Photius*, * inſuper habitâ auctoritate Synodi, eas & κακοπλασίας; & Ἀρειανισμῷ incuſat.

24. Ex hiſce intelligere eſt quæ ſit Criticæ utilitas, ſine qua innumera ficta monumenta, eaque erroribus referta, quaſi Apoſtolica, etiamnum amplecteremur; & quam cùm neglexiſſent multi Patres, ſine discrimine, vera falſis miſcuerunt; recentiaque, pro veteribus, imperitis venditarunt. Quo factum denique ut mirum in modum deformaretur Religio Chriſtiana, fraudibus nequiſſimorum hominum; quas vix tandem, præterito ſæculo, & hoc noſtro, Critica retexit. Plura ejusmodi fraudum exempla cùm vetera, tum recentiora qui avebit, adcat *Joann. Dallæum*, de Vero Uſu Patrum Lib. I. cap. 3. & 4. Sed & viri docti *Erneſt. Græbins* in Spicilegio Patrum trium primorum ſæculorum, & *Joan. Albertus Fabricius*, in Codice Apocrypho Novi Teſtamenti, multa ſuppoſiticia Scripta collegerunt.

* In Bibl. Cod. CXII.

C A P U T I I.

*De indiciis, ex quibus colligere licet Librum
esse suppositivum, aut interpolatum. I. &
II. Indicium.*

I. **S**I vellem dumtaxat catalogum contexere Librorum suppositivorum, præsertim à Pseudo-Christianis, obitèrque addere quid viri docti, olim & nuper, de iis judicant, ingens à me conflaretur volumen. Sed * & acutum agerem, nec Lectores Artis Criticæ studiosos multò doctiores, de ratione dignoscendarum fraudum, dimitterem; quod unum tamen, hoc in loco, à me postulari jure potest. Igitur instituti mei memor hinc potius tradam quibus indiciis falsa à veris, mutila ab integris, interpolata à sinceris secerni queant. Quidquid hac de re summatim statui potest ad decem Aphorismos referam, quibus singulis interpretationem, & exempla ferè ex Veteribus hausta subjiciam; quorum tamen judicia; per omnia, præstare nolim. Sed cum pleraque recta sint, hinc intelligent Lectores quodnam fuerit Veterum acumen Criticum; quando liberè, ac sine adfectu judicio suo usi sunt; tum etiam, si qua in re lapsi sint, à similibus peccatis sibi poterunt cavere. Nam nescio quomodo magis adficimur, & rectè fac-

* Rob. Coen, And. Rivetus, Guil. Caven, &c. hoc præstaverunt.

factis & delictis magnorum virorum; Veteres autem plerosque, quasi aurei generis nescio quas reliquias, veneramur.

2. Primus Aphorismus hic erit: *Suppositicius quidem Libri indicium est, si in veteribus Codicibus alii tribuatur, cum nulla ratio est cur ejus habeatur, cujus nomen in editionibus præfert; interpolati verò, si sit in veteribus Codicibus, sine additamento quod in recentioribus invenitur.* Cum plerique tituli petiti sint ex MSS. Codicibus, non mirum est antiquiores præferri recentioribus, si modò nihil sit quod obftet. At si Codices sint paris antiquitatis & fidei, tum verò legitima de inscriptione dubitatio oritur.

3. Photius, in Bibliotheca, Cod. XLVIII. postquam dixit librum περι τῆ παντός de universo, tribui Iosepho Judæo, addit: εὖρον ἢ ἐν παραγραφαῖς ὅτι ἐκ ἐστὶν ὁ λόγος Ἰωσήφ, ἀλλὰ Γαίῳ τινὸς πρεσβυτέρου, ἐν Ῥώμῃ διατριβάντι, ὃν φασὶ συντάξαι καὶ τὴν Λαβύρινθον. καὶ ἡ διάλογος φέρεται πρὸς Πρόκλον τινὰ ὑπέρμαχον τῆς τῶν Μοντανιστῶν αἵρέσεως: inveni verò in * adnotatis librum non esse Iosephi, sed Caji cujusdam, Presbyteri qui Roma agebat, & quem aiunt conscripsisse Labyrinthum; cujus etiam exstat dialogus adversus Proclum quemdam, heresis Montanistarum defensorem. Quâ ratione autem factum hoc fuerit, docet in sequentibus verbis, quæ cò digniora notatu sunt, quò plura ψευδεπίγραφα

X 3

ex

* Ad initium, aut ad calcem, aut alicubi ad oram libri,

ex eodem fonte manarunt. Ἀνεπιγράφε δὲ καταλειφθέντι τῷ λόγῳ, φασὶ τὰς μὲν Ἰωσήφ ἐπιγράψαι, τὰς δὲ Ἰησὺν τῷ μάρτυρι, ἄλλας δὲ Εἰρηναίῳ. ὥσπερ καὶ τὸ Λαβύρινθον τινες ἐπέγραψαν Ὠρίγένῳ. ἐπεὶ Γαῖος ἐστὶ πάνημα, τῇ ἀληθείᾳ αὐτῷ συντεταχότι τὸ Λαβύρινθον. ὡς καὶ αὐτὸς ἐν τῷ τέλει τῷ Λαβυρίνθῳ διεμαρτύρατο ἑαυτῷ εἶναι τὸ περὶ τῶ πάντων ἁγίας λόγον. εἰ δὲ ἕτερον καὶ ἕχ ἕτος εἰσιν, ἅπω μοι γέγονεν εὐδελον; *Cum enim sine titulo liber relictus esset, aiunt alios Iosephi nomen inscripsisse, alios Iustini martyris, alios Irenæi, quemadmodum & Labyrintho nomen Origenis præscripserunt; quoniam Caji est opus, qui reverà Labyrinthum conscripsit; quomodo etiam ille in fine Labyrinthi testatus est; suum esse Librum de natura Universi. Verùm hicne liber sit, an alius, nondum mihi liquet. At liquet saltem non esse Iosephi, quandoquidem Christianus fuit ejus libelli Scriptor, ut constat ex iis quæ de eo habet Photius. Cajum quidem, inter Scriptores Ecclesiasticos, memorant * Eusebius & † Hieronymus; sed nullius ejus Operis meminerunt, nisi disceptationis cum Proclo.*

4. Varia inscriptio, quæ erat præfixa *Recognitionibus Clementis*, ut de re ipsâ nihil dicam, clarè ostendebat impostores satis sibi non constituisse. Ita ea de re idem *Photius*, Cod. CXIII. τὴν προσφώνησιν ὡς ἐν ἐπιστολῇς εἶδεν, πρὸς Ἰάκωβον τὸ ἀδελφόν Θεον ποιεῖται. ἐν ᾧ αἱ τε λεγόμε-

* *Hist. Eccles. Lib. VI. c. 20.* † *In Catalogo.*

γόμεναι τῷ Ἀποστόλῃ Πέτρῳ πράξεις, καὶ αἱ
 πρὸς Σιμῶνα ἢ Μάγον διαλέξεις, καὶ ἔτι ὁ
 ἀναγνωρισμὸς Κλήμεντις ἢ τῷ πατρὸς, ἢ τῷ
 ἄλλων ἀδελφῶν. διὸ καὶ ἐν τισὶ τῶν βιβλίων ἡ
 ἐπιγραφὴ, Κλήμεντις τῷ Ῥωμαίῳ ἀναγνω-
 ρισμὸς, ἐπιγράφεται. ἐν τισὶ δὲ, ὡς ἔφημεν,
 ἐπιστολὴ προτάσσεται, ὡς πρὸς τὸν ἀδελφόν Θεον
 Ἰάκωβον: *dedicatio fit veluti in Epistola for-*
matam, ad Jacobum fratrem Dei. In hoc sunt
quæ dicuntur Acta Petri & cum Simone Ma-
go colloquia, prætereaque Recognitio Cle-
mentis, ejusque patris & aliorum fratrum.
Quamobrem, in quibusdam libris, hæc inscrip-
tio est: Clementis Romani recognitio. In
aliis tamen, uti diximus, Epistola præfigitur,
quasi ad Jacobum Dei fratrem. Sed præte-
rea, in ipsa illa conficta Epistola, magna
fuit varietas. Καὶ αὕτη δὲ; ait Photius,
ἔχῃ ἡ αὕτη, ἡ δὲ ὡς ἀπὸ τῷ αὐτῷ προσώπῳ
προενηνεγμένη. ἀλλ' ἐπὶ μὲν τινῶν βιβλίων ὡς
ἀπὸ Πέτρῳ τῷ Ἀποστόλῃ πρὸς Ἰάκωβον ἀπε-
σαλμένη, ἐφ' ἑτέρων δὲ ὡς ἀπὸ Κλήμεντος
πρὸς Ἰάκωβον, ἄλλη καὶ ἄλλη καθὼς προείπο-
μεν. καὶ ἡ μὲν δηλοῖ Πέτρον τὰς οἰκείας συγ-
γράψαι πράξεις, καὶ πρὸς Ἰάκωβον αἰτησάμε-
νον ταύτας ἀποσεῖλαι. ἡ δὲ διαλαμβάνει ὡς
Κλήμης ταύτας κατὰ πρόσαγμα Πέτρῳ συγ-
γράψει, καὶ κείνῳ πρὸς τὸν ἀγῆρω μετασάν-
τις, ἀποσεῖλοι Κλήμης πρὸς Ἰάκωβον: Et
hæc (Epistola) neque eadem, neque ab eodem
X 4
pro-

profecta, sed in libris nonnullis, veluti à Petro Apostolo ad Jacobum missa; in aliis rursus tamquam à Clemente ad Jacobum, alia atque alia, ut modò diximus. Harum prior ostendit ipsum Petrum res à se gestas conscripsisse, & ad Jacobum eas petentem misisse. Altera verò refert Clementem, Petri jussu, easdem res gestas literis proditas, postquàm ille jam ad immortalē migrasset vitam, Jacobo transmississe. Non mirum est mendaces Librarios, aut alios, quicumque fuerint, non unam fallendi viam inivisse.

5. Non modò ex * *Eusebio & † Hieronymo* discere licet à *Clemente Alexandrino* scriptum librum, cui titulus erat: *quis dives servetur*, sed etiam à *Photio*, qui Cod. CXI. testatur se vidisse veteres Codices, in quibus septem primis Libris Stromateon subjicitur is libellus: μέχρι τῆς ἐβδόμης, inquit, αὐτὴν ἔχουσιν ἐπιγραφὴν ἢ ἐνιαῖοι τυγχάνουσιν ἐν ᾗ πᾶσι τοῖς βιβλίοις. ὁ μὲν τοι ὄγδοος διάφορός τέ ἐστι καὶ τῇ ἐπιγραφῇ καὶ τῷ ἐδάφει, ἐν τισι γὰρ, τίς ὁ σωζόμενος πλάσιος, ἐπιγράφεται, καὶ ἀρχεται ἕτως; οἱ μὲν τὰς ἐγκωμιαστικὰς λόγους, καὶ τὰ ἐξῆς: usque ad septimum eandem habent inscriptionem, iidemque prorsus sunt in omnibus Codicibus. Verùm octavus cū inscriptione, tum rei subjēctæ materiā, variat. In quibusdam enim inscribitur: Quis dives servetur, & incipit: qui laudato-

rias

* *Hist. Eccles. Lib. VI. c. 13.*

† *In Catalogo.*

rias orationes, &c. Addit in aliis exemplaribus, Librum VIII. esse qualem eum in nostris legimus. Itaque malè memoratus libellus editus fuerat à *Mich. Geislero*, sub *Origenis* nomine, cum ejus Commentario in *Jeremiam*, atque à *Franc. Combefisio* in *Auctario Patrum*, inter recentiores Scriptores. Rectè verò seorsim emissus, & auctori suo restitutus est, à viris doctis, in § Editione Oxoniensi. At Librarii Germani, qui ante aliquot annos Patres Græcos ex Parisiensibus Editionibus, mendis dumtaxat auctiores, turpiter recudere adgressi, *Clementem Alexandrinum*, sine illo augmento, negligentissimè excuderunt.

6. Ex ineptis versibus, præfixis aliquot MSS. Codicibus vitarum excellentium virorum *Corn. Nepotis*, nata erat absurda opinio, quæ XVI sæculo nonnullos eruditos viros fefellit. Existimabant, scilicet, eas vitas scriptas fuisse, tempore Theodosii, à nescio quo *Æmilio Probo*, homine Librario, qui, intolerandâ κατὰ χρίσιν, se vocat auctorem libri, quem tantùm exscripserat, in hisce versibus:

*Vade liber noster, fato meliore, memento,
Cum leget hac Dominus, te sciat esse
meum.*

*Ne timeas fulvo strictos diademate crines,
Ridentes blandum vel pietate oculos.*

† *Communis cunctis, hominem se regna tenere,*

X 5

Sed

§ Anno 1682. in 12. † Imitatur locum *Corn. Nepotis*, de quo diximus *Sect. 1. Cap. VII. §. 7.*

Sed meminit, vincit hinc magis ille homines.

*Ornentur steriles, facilis tectara libelli
Theudoso, & doctis carmina nuda placent.
Si rogat auctorem, paullatim detege nostrum
Tunc Domino nomen; me sciat esse Probum.*

*Corpore in hoc manus est genetricis, avique,
meaque,
Felices Domini quæ meruere manus!*

Atqui non modò ex re constat, sed † etiam ex aliis Codicibus, hoc Opus esse *Corn. Nepotis.*

7. Variè interpolatum fuisse unum eundemque Scriptorem nos docet *Ignatii* Antiocheni exemplum. Ostendit vir doctissimus *J. Joan. Pearsonius*, Episcopus Cestriensis, quatuor fuisse diversas ejus Epistolarum editiones. Prima fuit germana, qualis edita est ex Codice Medicæo ab *Isaaco Vossio*. In ea fuere dumtaxat Epistolæ septem, quas ediderat *Polycarpus*, & Epistolæ suæ ad Philipenses subjecerat. Hanc antiquissimi quique Patres versaverant, ut ex eorum citationibus, & encomiis liquet. Hasce septem Epistolas, nondum interpolatas, Latinè vertit Interpres vetus à *Jac. Usserio* editus. Secunda editio fuit earundem septem Epistolarum, sed à quopiam interpolatarum, ut multis ostendit *Usserius*, ex citationibus Veterum, qui earum meminerunt, & collatione veteris Interpretis

† Vide G. J. Vossium de *Hist. Latinis.*

§ Capite VI. Proleg. *Vindictiarum S. Ignatii.*

tis Latini, Capp. III. & IV. Prolegoménon in *Ignatium*. Tertia verò in Editione, præter septem memoratas Epistolas nequaquam interpolatas, & *Eusebio*, *Hieronymoque* notas, additæ sunt quatuor aliæ Epistolæ antiquioribus ignotæ, sed à recentioribus nonnullis laudatæ. Ejusmodi est editio in Codice Græco Medicæo, & in Interpretatione Latina vetere, quam primus edidit *Usserius*; iterumque cum Græcis excudi curavit *Vossius*. Quarta denique editio constat septem veteribus Epistolis interpolatis, & quinque fictis; additâ, nimirum, Epistolâ suppositiciâ ad Philippenses.

8. Scio à viris doctissimis motam esse controversiam, περὶ τῆς γνησιότητος, etiam illis septem Epistolis, quas genuinas diximus; sed, nostro judicio, eos ita confutavit *Pearsonius*, ut non pertinaces ad silentium adegerit. Verùm homines, ceteroquin acutissimi, idèò errarant, quòd Apostolorum successores animo priùs sibi effinxissent, quales eos oportuisse esse existimabant; deinde, cùm eorum Scripta legerent, nec animo conceptam imaginem in iis viderent, spémque suam delusam animadverterent, non potuerint à se impetrare, ut illa Apostolicorum virorum monumenta esse crederent. At eâ viâ non pervenitur ad hominum cognitionem, quæ est ex ipsis haurienda, non ex legibus, ad quas dicta & facta sua exigere debuissent; quas perpauci olim & hodie, Scriptis & moribus suis, expresserunt. Verùm hac de re, iterum aliquid dicemus.

9. Secundus noster Aphorismus hic est: *Si quæ à Veteribus ex Libro quopiam olim prolata sunt, ea nunc in Libro, eadem inscriptione insignito, desiderantur; aut alius est, aut mutilus. Si aliter legantur, suspectus sit oportet. Si omnia inveniantur, sine mutatione, genuinus est; nisi aliæ sint suspicandi rationes.* Hic Aphorismus tria complectitur, quorum primum est manifestum. Veteres enim, qui ætati Scriptoris propiores erant, meritò statuuntur uli esse optimis Codicibus; nam qui censeri possunt emendatissimi Codices, nisi qui vivo Scriptore, aut minimùm paullò post ejus tempora exarati? Igitur si quid desit Libris, qui veteri Scriptori tribuuntur, quod à Scriptoribus ætate ei proximis laudatum sit; Libri jure mutili videntur, aut ficti. Sic meritò viri docti existimant *Donati* commentarium in *Terentium*, non esse integrum; cum ob alias rationes, tum quia insignis locus, ab *Hieronymo* laudatus, in eo nusquam compareret. Sic ille in *Eccles. Cap. I. Comicus ait: nihil est dictum, quod non sit dictum priùs; unde & preceptor meus Donatus, cum ipsum versiculum exponeret, pereant, inquit, qui aut nos nostra dixerunt.* Censent iidem * *Servi* commentarios in *Virgilium*, non ampliùs exstare, sed quos habemus esse excerpta fraterculorum, qui innumera eis inepta & indocta admiscuerunt, quod res ipsa docet. Tempore *Lupi Abbatis Ferreriensis*, ampliores eos fuisse constat, ex ejus Epistolis;

* *Tan. Faber Epist. Lib. I. Ep. 50.*

lis; in quibus Serviana nonnulla proferuntur, quæ nunc ampliùs non comparent.

10. Si aliunde non constaret Consolationem *Ciceronis* ejus non esse, hoc unum fictam argueret, quòd insignia aliquot legantur ex ea fragmenta, apud * *Lactantium*; quorum nec vola, quod aiunt, nec vestigium in hodierna Consolatione. Miror *Car. Sigonium*, virum doctissimum, è cujus officina prodiiſſe is liber dicitur, ignorasse tanta ejus operis fragmenta existare; nam procul dubio inferuisset, si scivisset. At bene est, quòd vel hinc fraus ejus, minimè certè condonanda, adpareat; neque enim fortè deesset alioqui febriculosus Criticus, qui ejus γυναικότητος defendere sustineret.

11. Sæculo XVI & XVII. initio, cùm interpolatæ dumtaxat exstarent *Ignatii* Epistolæ, meritò suspectæ haberi poterant; quòd loca ex iis ab *Athanasio*, *Gelasio* Cyziceno, & *Theodoreto* prolata aliter planè legerentur in Editionibus, cùm Græcis, tum Latinis. Quod res ipsa confirmavit, postquàm Epistolæ non interpolatæ in lucem prodierunt, ut pluribus ostendit *Jac. Usserius* Capp. III. & IV. Deerat etiam in illis Editionibus locus, ex Epistola ad *Smyrnaeos*, à *Theodorito* productus, qui mutilas eas esse ostendebat.

12. At qui ediderunt *Barnabæ* Epistolam Catholicam, & *Clementis* Epistolam I. ad Corinthios, meritò collegerunt ex Veterum ci-

* Vide quæ de ea habeat J. Lipſius *Oper. T. I. Ed. Moræi* p. 411.

citationibus, quæ in utraque integræ existant; has ipsas esse Epistolas quas viderant Veteres. Adeat qui hoc nesciet iudicia virorum doctorum; & testimonia Veterum de duabus illis Epistolis, in Editione Amstelodamensi. Verum, hoc non obstat quominus auctæ esse potuerint, cum augmenta nihil ex iis, quæ olim iis inerant, detrahant, sed aliena tantum addant. Interpolationis Epistolæ *Barnabæ* exemplum protuli antea, & de *Clemente* infra Cap. V. agemus.

13. Similiter *Galenus* olim ostendit librum *de Natura hominis*, *Hippocratis* esse, eò quòd nomine *Hippocratis*, *Plato*, qui non multò post *Hippocratem* vixerat, in *Phædro*, dogma ex eo libro quasi *Hippocratis*, protulisset. Hoc habet in Proœmio Comment. I. in Librum memoratum p. 95. Tom. IX. Edit. Chartarianæ. Similia repetit eodem libro ad text. 42. p. 126. & seq. prolatisque Socratis, *Hippocratis* sententiam laudantis, verbis: ταῦτα, inquit, Πλάτωνος ἐτῶσι γράψαντος, ἐπιδειξάτω τις ἡμῖν ἐν τίνι βιβλίῳ τῆ Ἱπποκράτους ἐτέρῳ παρὰ τὸ περὶ φύσεως ἀνθρώπου ἢ μέθοδον ταύτην ἐστὶν εὐρεῖν· ἢ εἴπερ ἐκ ἐχθρῆς, μὴδένα ζητεῖτω Πλάτωνος ἀξιοπιστότερον μάρτυρα τῆ γνήσιον εἶναι τὸ βιβλίον τῆτο· τὰ τε γὰρ ἄλλα ἢ τοῖς χρόνοις ἐγγυτάτω γέγονεν τοῖς Ἱπποκράτους μαθηταῖς, ὧν εἴ τινας ἦν τὸ βιβλίον ἐπεγέγραπτο ἀντὶ τῆ γράψαντος αὐτὸ τέκνομα: Cum hæc *Plato* sic scripserit, ostendat aliquis nobis, in quo *Hippocratis* libro alio, quam

quàm qui de natura hominis inscribitur, methodum hanc sit invenire; aut si non possit, nullum quærat fide digniorem Platone testem, quò constet hunc librum esse germanum. Nam, præter alia, Plato fuit temporibus, quæ proxima fuere Hippocratis discipulis; quorum si cuius liber esset, ipsum Scriptoris nomen fuisset inscriptum. Nam putabat Galenus, à Ptolemæorum potissimum temporibus, aliena nomina fuisse alienis fœtibz præfixa, diu post Platonis ætatem. Potuisset etiam dicere eum Philosophum planè æqualem fuisse primis Hippocratis Discipulis; unde majus pondus testimonio ejus accessisset.

14. Nullum certius indicium esse potest γνησιότητος, quando in ipsa re nihil repugnat, quàm judicium Antiquitatis ab ipso Scriptoris ævo, per aliquot sæcula, sibi constans. Rectè Augustinus Lib. XXXIII. contra Faustum, Cap. VI. de genuinis libris Hippocratis, ex quibus falsos dignosci dixerat: *Hos autem libros quibus illi, qui de transverso proferuntur, comparati respuuntur, unde constat esse Hippocratis, unde, si quis hoc neget, nec saltem resellitur, sed ridetur; nisi quia sic eos ab ipso Hippocratis tempore, usque ad hoc tempus, & deinceps successionis series commendavit, ut hinc dubitare dementis sit? Platonis, Aristotelis, Ciceronis, Varronis, aliorumque ejusmodi auctorum libros, unde novèrunt homines quòd ipsorum sint, nisi eadem temporum sibimet succedentium contestatione continuâ? Multi multa de litteris Ecclesiasticis conscripserunt, non quidem auctoritate Cano-*
ni-

nica, sed aliquo adjuvandi studio, sive discendi. Unde constat quid cujus sit, nisi quia his temporibus, quibus ea quisque scripsit, quibus potuit insinuavit, atque edidit, & inde in alios atque alios continuatâ notitiâ latiusque firmata ad posteros, etiam usque ad nostra tempora pervenerunt? &c. quæ apud ipsum legas.

C A P U T I I I .

Indicia III. & IV. Suppositionis, vel Interpolationis.

1. **O**STENDIMUS, ex antiquis Libris, Veterumque citationibus, sæpe nos intelligere posse, utrùm monumenta quæ ad nos pervenerunt genuina sint, an spuria, sincerane an interpolata; exemplisque duos, hac de re, Aphorismos à nobis prolatos confirmavimus. At duo alia nobis Veteres suppeditant indicia, ex quibus Libros suppositicios agnoscere possimus; quæ si ubique non obtineant, at ut plurimum certa sunt. Prius ita tertio nostro Aphorismo expressimus: *Scripta quorum nulla mentio in priscis Catalogis, quæ nec memorata sunt ab ullo Scriptore sequentium proximè sæculorum, ut plurimum aut ficta judicanda sunt, aut minimum suspecta habenda.*

2. Habemus, exempli gratiâ, apud *Diogenem Laërtium*, ad calcem vitarum singulorum

rum Philosophorum, Catalogos Librorum, qui illi ex multijugellectione innotuerant. Alii etiam Scriptores eorum libros, prout res postulat, laudant; horumque citationibus supplerunt viri docti, & præsertim quidem *Æg. Menagius*, *Diogenis* Catalogos. Cum igitur nusquam occurrit mentio Libri, nomine Philosophi insigniti, falsa sit inscriptio, aut minimum suspecta fiat necesse est; quia credibile non est Librum, insignis præsertim Philosophi, potuisse non modò fugere diligentiam *Diogenis*; sed etiam ita sperni, ut nusquam citaretur ab iis, qui frequenter de eo Philosopho verba fecerunt, nec rarò aliorum ejus operum meminerunt. Cum multæ Comediæ olim ferrentur, sub nomine *Plantii*, ne minùs periti fallerentur indicibus, viri docti Catalogos genuinarum scripserant. Erant, ut docet *A. Gellius* Lib. III. c. 3. Catalogi *Ælii*, *Sedigiti*, *Claudii*, *Aurelii*, *Accii*, *Manilii* & *Varronis*, super hisce fabulis.

3. *Diogenes* * duo tantùm scripta à *Socrate* *Sophronisci* filio, melioris Philosophiæ parente, memorat, *Pæanà*, & *fabulam Æsopicam*, quorum initia refert. Ac sanè horum meminit etiam *Plato*, in *Phædone*. Hæc autem brevia, nec elegantia admodum carmina tanti non erant, ut propterea inter Scriptores memoraretur *Socrates*. Quo factum ut eum *Cicero* † quidquam scripsisse negarit: *Ejus ingenium*, inquit, *variósque sermones immortalitati Scriptis suis Plato*

Tom. II.

Y

tra-

* Lib. II. §. 42.

† Lib. III. de Oratore.

338 ARTIS CRITICÆ P.III. S.II. C.III.

tradidit , *cum ipse litteram Socrates nullam reliquisset.* Similia habet *Plutarchus* , de *Fortuna Alexandri.* Igitur , quamvis ipse stylus non ostenderet * *Epistolas* , *Socratis* nomine præscriptas , *Rhetoris* esse recentioris , silentium *Veterum* eas fictas esse clamaret ; cum dubium non sit quin , si quid existisset *Philosophorum* nobilissimi , id diligenter ab ejus discipulis servatum esset , & studiosè posteritati commendatum. *Horum Scripta* , cum summam ejus admirationem ubique spirent , numquam commisissent ut viri reliquias indictas dimitterent. Quin ejus sermones posteris transfere *Plato* , *Xenophon* , & *Æschines* , viri summi , certatim conati sunt , nedum ut *Scripta* ejus negligerent. Sunt & aliæ , aliorum *Philosophorum* , *Epistolæ* suspectæ ; sed non teximus *Catalogum* suspectorum , aut falforum. Pauca dumtaxat exempla , ad illustrationem axiomatis nostri , congerimus.

10. Fuerunt etiam viri docti , qui ipsi tradiderint quæ scripserant , ne ab impostoribus sibi aliena tribuerentur , aut sua aliis. Sic *Diodorus Siculus* , initio *Historiæ* , postquam instituti sui rationem exposuit , dixitque se XL. libris *historiam* c15 CXXXVIII. annorum complexum , subjicit : Ταῦτα μὲν ἐν ἀκριβοῦς προδιωρισάμεθα , βεβλόμενοι τὰς μὲν ἀναγινώσκοντας εἰς ἐννοιαν ἀγαγεῖν τὴν ὁλῆς προβέσεως. τὰς δὲ διασκευάζειν εἰωθότας τὰς

* In *Collect. Epistolarum Græc.* & seorsum edita sunt.

τὰς βίβλους ἀποτρέψαι τῇ λυμαίνεσθαι τὰς
 ἀλλοτρίας πραγματείας : *Hæc itaque initio
 aduocantē definiimus, dum legentes in notitiam
 totius instituti deducere, eosque qui libros in-
 terpolare solent, ne alienos labores corrumpant,
 debortari cupimus.* At utinam aliquā arte po-
 tuisset impedire, ne tot ejus libri integri in-
 terciderent ! Ideò etiam *Galenus* scripsit
 περὶ τῶν ἰδίων βιβλίων, *de suis libris*, quòd pro
 ipsius libris venderentur, qui non erant, li-
 bròsque ejus alii sibi vindicassent & pro arbi-
 trio interpolassent, ut in Proœmio docet.
 Sed & aliorum Scriptorum Catalogos multi
 scripserunt, quorum nomina collegit *Joan.
 Wowerius*, Tract. de Polymathia C. XVI.

II. Ad Scriptores Ecclesiasticos quod ad-
 tinet, *Eusebius* eorum, qui ante ipsum flo-
 ruerant, Scripta diligenter in Historia Eccle-
 siastica recenset; *Hieronymusque* eorum Cata-
 logum, datā operā, scripsit, in quo Scripta
Eusebio recentiora addidit. *Gennadius* verò
 Massiliensis, qui floruit circa finem sæculi V,
 similiter *Hieronymo* recentiora ad sua usque
 tempora deduxit. *Photius* etiam, in sua Bi-
 bliotheca, multorum Opera recenset, judi-
 ciūque suū de iis interponit. De recen-
 tioribus nihil dicam, quia satis est, ad insti-
 tutum meū quod adtinet, antiquiores ad-
 pellasse. Cū verò multos Scriptores Eccle-
 siasticos præterea habeamus, qui subinde su-
 periorum ætatum Scripta laudant, vix insigni-
 oris Scriptoris liber ullus diligentiam eo-
 rum, qui datā operā hanc rem egerunt, ut
 libros omnes Veterum recenserent, fugere

potuit. Quo factum ut Veteres soleant negare genuinum esse Scriptum illustris auctoris, cujus apud antiquiores, atque ætati scribentis propiores, nullam factam esse mentionem videbant. *Augustinus* loco antea memorato, contra *Faustum* Lib. XXXIII. cap. 6. *Nonne*, inquit, *ut alios omittam*, sub *Hippocratis Medici nobilissimi nomine quidam libri prolati*, in auctoritatem à Medicis non recepti sunt? *Nec eos adjuvit nonnulla similitudo rerum atque verborum*; quando comparati eis, quos verè *Hippocratis* esse constaret, impares judicati sunt; & quòd eo tempore, quo & cetera scripta ejus, non innotuerunt quòd verè ejus essent.

12. Exempli gratià, *Eusebius* Hist. Lib. III. c. 3. rejicit aliquot Libros, qui ejus tempore à nonnullis Petro tribuebantur, quòd à Veteribus non essent laudati. Τὸ μὲν τ' ἐπικεκλημένων αὐτῷ πράξεων, καὶ τὸ κατ' αὐτὸν ὠνομασμένον Εὐαγγέλιον, τό, τε λεγόμενον αὐτῷ κήρυγμα ἢ τ' καλεσμένην ἀποκάλυψιν, εἰδ' ὅλως ἐν καθολικοῖς ἴσμεν παραδεδομένα, ὅτε * μῆτε ἀρχαίων, μῆτε τ' καθ' ἡμᾶς τις ἐκκλησιαστικὸς συγγραφεὺς ταῖς ἐξ αὐτῶν συνεχρήσατο μαρτυρίαις: *Librum verò qui Actus Petri dicitur*, & *Evangelium secundum illum dictum*, qui *Prædicatio ejus nuncupatur*, & *quæ fertur Apocalypsis*, nullo modo pro *Catho-*

* Ad prædicationem Petri quod adinet, fallitur *Eusebius*, eam enim quasi Petri laudas *Clemens Alexandrinus*, Vide Cap. sequens, §. 7.

tholicis habitos scimus; quandoquidem nec vestustiorum quisquam, nec nostræ ætatis Ecclesiasticorum Scriptorum desumpto ex iis testimonio usus est.

13. Idem Libro eodem, Cap. XXV. rejicit libros sub Apostolorum nomine vulgatos, qui libri Petri, Thomæ, Matthiæ, & quorundam aliorum Evangelia, Andreæ quoque, Joannis, aliorumque Apostolorum Scripta continebant; cùm aliis de rationibus, quas postea memorabimus, tum etiam de hac: *Ὡς ἔδὲν ἑδαμῶς ἐν συγγραμμάτι τῷ κατὰ διαδοχὰς ἐκκλησιαστικῶν τις ἀνὴρ εἰς μνημὴν ἀταγεῖν ἠξίωσεν: quorum nihil uspiam, in ullo Scripto, Ecclesiasticus vir, deductâ ab Apostolis successione, memorare dignatus est.* Capite verò XXXVII. de secunda Epistola Clementis, ita loquitur: *ὃ μὴν ἔθ' ὁμοίως τῇ προτέρᾳ καὶ ταύτην γνώριμον ἐπισάμεθα, ὅτι μὴ ἢ τὰς ἀρχαῖας αὐτῇ κεχρημένους ἴσμεν: verum hanc non scimus esse genuinam, ut priorem, quoniam novimus Veteres ea non esse usos.* Idem dicit, de aliis ejus Scriptis, quibus videtur designare libros Recognitionum, ut docebit *Henr. Valesius.*

14. *Photius* Cod. I. meminit cujusdam *Theodori* Presbyteri, qui adgressus erat ostendere genuinos esse libros, qui tribuuntur *Dionysio* Arcopagitæ; & profert Criticorum objectiones quatuor, quas confutandas susceperat: μία μὲν ὅτι εἰ ἦν γνησία, πῶς ἔκ ἐμνήσθησαν τῷ ἐν αὐτῇ ρητῶν ἢ χρήσεών τινες τῷ μεταγενε-

τέρων πατέρων ; δευτέρα δὲ ὅτι Εὐσέβιος ὁ Παμφίλος ἀναγραφὴν ποιησάμενος τῶν συγγραμμένων τοῖς μακαρίοις πατέραςιν ἡμῶν βιβλίων , ἑδεμίαν ταύτης μνήμην ἐποίησατο : *prima quidem , si genuinus est , cur nemo Patrum , qui postea vixerunt , ex eo libro sententias aut testimonia citavit ? Altera verò , quòd Eusebius Pamphili recensionem faciens librorum scriptorum à beatis patribus nostris , nullam hujus mentionem fecerit .* * Theodori responsiones non addit Photius , fortè quòd ineptas duceret ; certè parum firmas fuisse satis ostenderunt † viri docti , qui *Dionysii* , quæ circumferuntur , opera , post *Eusebii* demum tempora scripta fuisse ostenderunt .

15. Quamvis Aphorismi nostri auctoritas plerumque illibata maneat , non diffitebimur tamen egregios nobis aliquot superesse Scriptores ; quorum suppres , qui quidem supersint , nullam mentionem fecere . *Phædri* , Augusti Cæsaris Liberti , meminit demum *Festus Avienus* , qui Theodosii Magni temporibus floruit ; ante eum nemo , qui ad manus nostras pervenerit . Historiam Alexandri à *Q. Curtio* scriptam nemo Veterum memorat , locus ex ea nullus ab ullo antiquo Grammatico profertur . At hunc quidem recentiorem Vespasiano , illum verò Tiberio nemo existimat ; elegantia enim styli in utroque Scriptore ea est , ut credamus ab iis minimè falsò ætates suas indicatas . *Athenagoræ* nomen , & ope-

* *Dua alia objectiones proferuntur Cap. IV. §. 3.*

† *Vide Joan. Pearsonii Vindic. Ignatianas P.I. c. 10.*

opera *Eusebio Hieronymoque* ignota fuisse ; quamquam à *Methodio Patarorum* , deinde Tyri Episcopo , sub finem sæculi terti , memorata. *Marii Mercatoris* , æqualis *Augustino* , nemo mentionem fecit , quasi Scriptoris , cujus tamen utilissima Opuscula è tenebris eruit Jesuita doctissimus *Joannes Garnerius* , & Lutetiæ anno M DC LXXIII. edidit , dissertationibusque eruditis illustravit. Sed in hisce Scriptoribus , stylus atque universa scribendi ratio ostendunt minimè suppositicios esse , sed verè vixisse temporibus , quibus se vixisse ipsi testantur.

16. Quartus Aphorismus hic erit : *Quæ disertè sunt rejecta , aut in dubium revocata ab Antiquioribus , ea vix , propter Recentiorum auctoritatem , admitti queant.* Hujus Aphorismi veritas per se manifesta est , propioribus enim ætati Scriptoris notiores esse ejus foetus genuini debuerunt , quàm postea natis ; quò enim seriùs nascimur , eo tenuior rerum præteritarum notitia ad nos pervenit. Quis ergo credat , per aliquot sæcula , negari Librum quempiam certi esse Scriptoris , aut an genuinus sit vehementer dubitari ; deinde à posteris , sine ullis novis argumentis , meritò verum ac legitimum illum foetum haberi posse ? Attamen hoc non semel factum est. Sic liber *Sapientiæ Salomonis* , cùm à Judæis rejiceretur , nec à primis Christianis admitteretur quasi genuinum illius opus , sed dumtaxat quasi liber utilis ; qua sola de causa publicè , in Ecclesiis , legebatur ; attamen nunc à maxima Christianorum parte Canonicus , hoc est ,

genuinus Salomonis fœtus , saltem ex ejus operibus excerptus , existimatur. Nam nisi ita censerent , numquam manifestarium Impostorem , qui se pro Salomone gerit , numero Scriptorum Sacrorum haberent. Unde tamen resciverunt , librum hunc ex Salomonis Scriptis collectum esse ? Unde norunt Hebraicè scriptum antea fuisse ; magis enim Græcam dictionem redolet , quàm Hebraicam , præsertim ubi ad nullum locum Hebraïcorum Librorum , quod passim fit , respicitur ? Nempe , cùm legeretur in Ecclesiis , nec satis nota esset Veterum de eo sententia , cœpit defendi , antequàm ejus γνησιότης ad examen esset revocata ; æstúque controversiarum accedente , quod semel cœperat adfirmari , id numquam postea revocari , sine dedecore , potuit.

17. Antea protulimus locum *Hieronymi* , ex Præfatione in libros Salomonis , cui jungemus alterum ex Prologo Galeato. *Hic prologus* , inquit , *Scripturarum* , quasi galeatum principium omnibus libris , quos de Hebræo vertimus in Latinum , convenire potest ; ut scire valeamus , quidquid extra hos est , inter ἀπόκρυφα esse ponendum. Igitur Sapientia , quæ vulgo Salomonis inscribitur , & Jesu filii Syrach liber , & Judith & Tobias & Pastor non sunt in Canone. Machabæorum primum librum Hebraicum reperi. Secundus Græcus est , quod ex ipsa quoque Φεάσδ probari potest. Igitur de hisce omnibus , idem ferendum judicium , quod disertius etiam profert in præfatione in
Li-

Libros Salomonis, ubi de Sapiaientia & Ecclesiastico loquutus : *Sicut ergo*, inquit, *Judith & Tobia & Machabæorum libros legit quidem Ecclesia*, sed inter *Canonicas Scripturas non recipit* : sic & hæc duo volumina legat ad *edificationem plebis*, non ad *auctoritatem Ecclesiasticorum dogmatum confirmandam*. Facile esset ostendere consentire cum *Hieronymo* antiquissimos quosque Patres; ne rem ipsam illi manifestò faventem commemorem; sed dudum hoc à viris doctis præstitum. Vide Intt. ad Canon. Apostolicum LXXVI.

18. Unum tamen, ne quid dissimulemus, objici possit huic nostro Aphorismo; nempe, ab omnibus Christianis nunc admittuntur septem Novi Testamenti libros, quasi Canonicos, de quibus olim diu dubitatum est; Epistolam ad Hebræos, Ep. Jacobi, Petri secundam, Joannis secundam & tertiam, Ep. Judæ, & Apocalypsin. Quærant studiosi quid de his habeant *Eusebius* ac *Hieronymus*, & comperient verum esse quod dixi. Res ejus momenti digna quidem esset, quæ, prolatis locis, diligenter expenderetur; sed ampliorem tractationem postularet, quàm ea esset, quam ad calcem hujus Capituli possemus adgredi. Itaque in aliud tempus rem rejiciemus.

19. Quamvis libros à Veteribus rejectos ægrè admittere possimus; non est putandum è contrario non licere nobis rejicere eos quos admisit, si graves sint nobis rationes. Sic *Sibyllina Oracula*, avidè à veteribus Christianis excepta, à Recentioribus meritò rejecta sunt, ob clara fraudis indicia; quæ à Veteri-

bus non sentiebantur, aut fortè etiam dissimulabantur; propter nescio quam utilitatem, quam ex iis, ad probandam Religionem Christianam, capere se posse putabant. Sic & varia Scripta *Clementis* nomen præferentia, ut antea ostendimus, meritò repudiata sunt à superioris ætatis Criticis, quamvis Veteribus probata. Vide & alia exempla similia apud *Joan. Dallæum* Lib. I. de Ufu Patrum Cap. 3.

CAPUT IV.

Indicium V. & VI. ex quibus Suppositio, aut Interpolatio agnosci possunt.

I. QUATUOR adlata Indicia, ex quibus περὶ γνησιότητος καὶ νοθείας judicare licet, ex rebus externis petita sunt; quæ sequuntur ex rebus ipsis, quas Libri complectuntur, sunt deducta. Quatuor enim præferemus, quæ pertinent ad res; duo verò, quæ ex stylo nascuntur. Quintum ergo *νοθείας* indicium, hoc Aphorismo, complectimur: *Liber in quo dogmata leguntur, iis contraria quæ Scriptor, cujus nomen præfert, constanter defendit, non videtur ejus esse, si præsertim dogmata sint alicujus momenti; aut interpolatus est.* Sic *Galenus*, Proœmio Comment. I. in Librum de *Natura hominis*, primum ejus λόγον *Hippocratis* esse censet, quippe παντοίως ἐχόμενον τῆς ἰπποκράτους τέχνης, plane con-

consentaneum Hippocratis arti; quod iudicium de secundo etiam fert; at iudicat tertium de venarum anatomia, manifestò additum, pravâ doctrinâ totum esse plenum: τὸν δὲ περὶ τῆς τῷ Φλεβῶν ἀνατομῆς, ἐναργῶς παρεγκείμενον, ἔχειν μοχθηρὸν ὅλον. Neque enim, inquit, consentit cum iis quæ adparent, & cum iis pugnat, quæ secundo Epidemiorum libro dicta sunt: ἔτε γὰρ τοῖς Φαινομένοις ὁμολογεῖ, ἢ τοῖς ἐν τῷ δευτέρῳ τῷ ἐπιδημιῶν εἰρημένοις μάχεται. pag. 94. Tom. III. Ed. Charterianæ. Similia etiam habet Comment. II. ad text. 22. p. 148. Unde intelligere licet interpolatum fuisse hoc Opus, cuius prima & secunda pars Hippocratis sunt, aliæ verò ab alia manu.

2. Protulimus Cap. I. locum ex Constitutionibus Apostolicis, in quo non malè Impositor, quisquis ille sit, inducit Apostolos dicentes: * ἔ γὰρ τοῖς ὀνόμασι χρὴ ὑμᾶς προσέχειν τῷ ἀποστόλων, ἀλλὰ τῇ φύσει τῷ πραγμάτων, ἢ τῇ γνώμῃ τῇ ἀδιασρόφῃ: non enim nomina oportet vos attendere Apostolorum, sed naturam rerum, & sententiam immutabilem. Igitur ut possimus iudicare an Liber sit Scriptoris, cuius nomen præfert, oportet nos diligenter legere alia ejus opera, si quæ supersint; ut quæ ejus fuerint opiniones quàm accuratissimè cognoscamus. Postquàm verò eas noverimus, ita ut nullum supersit dubium, tum demum Librum, in quo contrariæ defendentur, meritò rejicere poterimus quasi
sup-

* Lib. VI. c. 16.

suppositivum; nisi constet Scriptorem mutasse sententiam, quod de *Augustino*, exempli gratiâ, nos docent ejus retractationes. *Quintilianus* Inst. Orat. Lib. III. c. 5. postquam dixit perveniri ad speciem non posse, nisi generali excussâ quæstione, ita pergit: *Sunt tamen inscripti nomine Hermagoræ libri, qui confirmant illam opinionem, sive falsus est titulus, sive alius hic Hermagoras fuit. Nam ejusdem esse quomodo possunt, qui de hac arte mirabiliter multa composuit, cum, sicut ex Ciceronis primùm Rhetorico manifestum est, materiam Rhetorices in causas & theses divideret?* At idem nos docet maximos Scriptores interdum prioribus Scriptis damnatis alia substituisse; quod paullò post subjicit de eo opere Rhetorico *Ciceronis*. Idem ipse de se fatetur, mutatam, nimirum, à se sententiam, nec eadem semper inventum iri in libris, ex ipsius ore à discipulis exceptis, ac in Institutione Oratoria; quod excusat etiam exemplis *Hippocratis* & *Ciceronis*. Hippocrates, inquit Cap. VI. *clarus arte medicine videtur honestissimè fecisse, quòd quosdam errores suos, ne posterì errarent, confessus est. Et Marcus Tullius non dubitavit aliquos jam editos libros, aliis postea scriptis, damnare; sicut Catulum atque Luculum, & hos ipsos, de quibus modo sum loquutus, artis Rhetoricæ. Etiam supervacuum foret in studiis longior labor, si nihil liceret melius invenire præteritis.*

3. Verùm ut pernoscamus sententiam antiquissimorum Scriptorum, summo opere cavendum ne illam ex præjudiciis nostris interpretemur;

mur; hoc est, talem putemus, qualem oportuisse esse censemus, ut consentiat cum dogmatibus, quæ nos sola vera esse judicamus. Sic *Rufinus* se gessit erga *Origenem*, cujus sententiam eam non credidit fuisse, quam in ejus libris reperiēbat; sed qualem fuisse oportere judicabat, ut orthodoxus censeretur. Itaque debebat, aut immutabat quidquid videbatur favere dogmati Arianorum, aut aliis quæ falsa habebantur. Quare autem? Quia Hæreseos, à Nicænis Patribus, insimulatus non fuerat *Origenes*. Quasi verò multæ rationes ejus rei esse non potuerint! Omnes norunt, antequàm controversiæ magno æstu agitentur, multa dici impunè; quæ hæretica tum habentur, cum non minùs pugnatur adversùs homines, quàm adversùs dogmata. Tum demum multa, quæ condonata fuerant prioribus, acerrimè damnantur in posterioribus. Imò verò, dum in partes suas quisque antiquiores trahere nititur, ut scèius sentientes erroris sui patronos nituntur habere superiorum ætatum homines: ita & qui veriore sententiam tuentur omni ope conantur Majores suos malè sentientibus eripere, atque errorum omnium immunes potiùs pronunciant, quàm ut fateantur novatoribus favere. Sic *Origenes* excusatus, sic *Clemens* Alexandrinus, sic alii plures, à viris eruditis; qui eos quales cupiebant fuisse descripserunt, potiùs quàm quales fuerunt.

4. Quia res est magni, ad rectè judicandum de eorum operibus, momenti, exemplumque hoc ad alia trahi potest, subjiciemus nonnul-

la de eis judicia Veterum; qui ea legerant eorum opera, quæ non exstant, & integra habebant ac sincera, quæ ab *Rufino* interpolata, & malè versa ad nos pervenerunt. *Eusebius*, Eccles. Hist. Lib. VI. c. 14. institutum *Clementis* in Hypotyposicon opere describit, nec eum ullius Hærescos incusat. At *Photius* nos docet, Cod. CIX. plura fuisse, in eo opere, quæ nullo modo possent probari: ἐν τισι μὲν αὐτῶν ὁρθῶς δοκεῖ λέγειν. ἐν τισι δὲ, παντελῶς εἰς ἀσεβεῖς ἢ μυθώδεις λόγους ἐκφέρεται: in quibusdam, quidem rectè videtur dicere; in quibusdam verò, ad impios & fabulosos sermones defertur. Tum subjicit eum docere materiam esse æternam; Filium in rebus creatis numerare; animorum migrationes, multosque ante Adamum mundos comminisci; Evam ex Adamo, aliter ac Sacros Libros, educere; Angelis cum fœminis congressis liberos tribuere; Verbum carnem non esse factum dictitare, sed tantum videri, aliâque quæ, apud ipsum *Photium*, legantur. Tandem subjicit: ἢ ταῦτα πάντα ἀπὸ ρητῶν τινῶν πειρᾶται κατασκευάζειν τὸ γραφῆς. ἢ ἄλλα δὲ μυρία βλασφημεῖ ἢ φλυαρεῖ, εἴτε αὐτὸς, εἴ τέ τις ἕτερος τὸ αὐτῷ πρόσωπον ὑπακρυβείς: quæ quidem omnia, Scripturæ quibusdam testimoniis, nititur adstruere. Alia etiam sexcenta blasphemia effutit, sive ipse, sive alius sub ejus persona latens. Rectè & prudenter fecit *Photius*, qui *Clementem* non absolvit, quia constabat hæc omnia esse Platoniorum dogmata;

mata; quos à *Clemente* Alexandrino nimio in pretio habitos fuisse, nemo nescit. Imò verò, si animo defæcatiore legisset *Stromateas* & *Pedagogum Clementis*, nonnulla eorum dogmatum apertè & copiosè ab eo defensa fuisse comperisset, aliâque non meliora, ut alibi * ostendimus. Talia etiam docebat *Origenes*, in Opere de *Principiis*, & alibi, ut ostendunt *Hieronymus* & *Epiphanius*, ubi agunt de erroribus *Origenis*. Ubique autem & *Clementem* & *Origenem* fuisse depravatos, ubi *Platonem* sequuntur, credat *Rufinus*, & qui numquam attenderunt quæ fuerint Patrum illorum Philosophica dogmata. At discrepantia, inquit, sunt in aliis eorum Operibus. Quis verò eos docuit tam adcuratè illos ratiocinatos, ut sibi numquam non constiterit? Deinde vehementer dubito, an tam sæpe sibi contradicerent, ac videbantur. Cùm liberè & Philosophicè ratiocinabantur, multa dicebant quæ poterant videri contraria aliis eorum libris, ubi simpliciter tradunt quod inter Christianos vulgò solebat doceri; cùm ex illorum sensu contraria non essent, quia ex Philosophicis suis placitis loquutiones vulgò receptas intelligebant. Quæ omnia sunt diligenter expendenda iis, qui ex dogmatibus, genuinúsne an spurius sit liber, judicare adgrediuntur.

§ *Photius*, qui similia legerat, iis quæ antea in *Clemente* castigavit, in Libris *Origenis* de *Principiis*, propterea tamen eos suspectos non

* Primum in vita Gallica *Clementis Alexan.* qua est in Tom. X. *Bibliotheca Universalis*; deinde hujus *Artis Critica* Tom. 3. Ep. 1.

non habuit. Sic * ille, de primo ejus operis libro : ὁ μὲν πρῶτος περὶ πατρὸς, ἢ υἱῶ, ἢ ἀγίου πνεύματος, ἐν ᾧ πλεῖστα βλασφημεῖ. τὸ μὲν ὅν ὑπὸ τῶ πατρὸς πεποιηθῆναι λέγων, τὸ δὲ πνεῦμα ὑπὸ τῶ υἱῶ. ἢ διήκειν μὲν πατέρα διὰ πάντων τῶ ὄντων, τὸ δὲ ὅν μέχρι τῶν λογικῶν μόνον, τὸ δὲ πνεῦμα μέχρι μόνον τῶν σεσωσμένων. Λέγει δὲ ἢ ἄλλα παραλογώτατα, καὶ δυσσεβείας πλήρη. μετεμψυχώσεις γὰρ ληρωδεῖ, ἢ ἐμψύχας τὰς ἀσέρας, καὶ ἕτερα τέτοις παραπλήσια: *Primus est de Patre, Filio, & Spiritu Sancto, in quo multas habet blasphemias, dicens Filium à Patre factum esse, Spiritum à Filio; Patrem omnia quæ sunt pervadere, Filium vero ratione tantum prædita, Spiritum denique ea dumtaxat quæ servata sunt. Dicit & alia nimium absurda, impietatisque plena. Animorum migrationes, & stellas animatas delirè narrat, aliæque his similia.* Profectò si propter talia rejiciendus fuisset ille Liber *Origenis*, quasi *spurius*, aut interpolationis arguendus; omnia pænè ejus opera, ab antiquissimis temporibus, fuissent supposita, aut corrupta, cùm passim talia habeat. Audiendus *Hieronymus*, hac de re, in Ep. ad Pammachium & Oceanum, quamvis fortè nimius; audiendus, inquam, quia satis est partim verum esse quod ait, ut intelligamus non esse facilè confugiendum ad corruptionem exemplarium; propter ejusmodi errores, qui inveniuntur in operibus *Origenis*.

Tomi

* Cod. VIII.

Tom. IV. P. 2. col. 347. Ed. Bened. *Illud verò quod adserunt à quibusdam Hereticis, & malevolis hominibus, libros ejus esse violatos, quàm ineptum sit hinc probari potest. Quis prudentior, doctior, eloquentior Eusebio, & Didymo, adsertoribus Origenis, inveniri potest? Quorum alter sex voluminibus ἡ ἀπολογία ita eum, ut se, sensisse confirmat; alter sic ejus errores nititur excusare, ut tamen illius esse fateatur; non scriptum negans, sed sensum scribentis edisserens. Aliud est, si quæ ab hæreticis addita sunt Didymus, quasi bene dicta, defendat. Si exstarent hæ Apologiæ, ex illis intelligere liceret, utrum Origenes fuisset depravatus; nam quod hominis discipuli defendebant, id ejus sine dubio erat. Vidit etiam Photius recentiorum Apologiam, pro Origene, ubi non aliter defendebatur, quamvis ejus Scriptor diceret etiam corruptos fuisse Libros Origenis. Quo factum ut ita loquatur de ea Photius, ad Cod. CXVII. οὐκ ἔστι λύσις τῶν ἐπικλημάτων ὡς ἐπὶ τὸ πλεῖστον, ἀλλὰ συνηγορία τῆς κατηγορίας: non est ut plurimum solutio accusationum, sed criminationis adstipulatio. In hac defensione, Clemens pro discipulo suffragium etiam ferebat.*

6. Pergit verò Hieronymus, hisce verbis: *Solus inventus est Origenes, cujus Scripta in toto orbe falsarentur, & quasi ad Mithridatis litteras, omnis veritas uno die de voluminibus illius raderetur. Si unus violatus est liber, num universa ejus opera, quæ diversis & locis*

Tom. II.

Z

ἔ

& temporibus, edidit, simul corrumpi potuerunt? Ipse Origenes, in Epistola, quam scribit ad Fabianum Romanæ urbis Episcopum, pœnitentiam agit, cur talia scripserit, & causas temeritatis in Ambrosium refert, quod secretò edita in publicum protulerit; & quid adhuc εὐρεσιλογῶσιν aliena esse quæ displicent? Certè erat discipulorum Origenis vetera exemplaria proferre, in quibus aliena dogmata non legerentur. Erat etiam propugnatorum fidei Nicænæ, eadem ratione, Arianis ex Origene argumentantibus, non interpolatis exemplaribus, os occludere. Præterea ea dogmata Origenis non erant in uno, aut altero verbo sita, aut etiam in aliquot periodis, sed in toto Orationis contextu. Idem Hieronymus Lib. III. contra Rufinum, non procul ab initio, Tomi IV. P. 2. col. 439. Ed. Ben. ita cum adloquitur: *Quamvis mutes, quamvis corrigas, Catholica non probabis.* Si enim error esset in verbis, aut in paucis sensibus; possent detruncari mala, & bona pro his reponi. Ubi autem tota disputatio æqualis est; ut, universæ rationales creaturæ, quæ propriâ voluntate corruerant, in unum postea revertantur statum, ut rursus ex eodem principio aliæ sint ruinæ; quid habes emendare, nisi cuncta mutaveris? Quod si facere volueris, jam non libros alienos interpretaberis, sed condes tuos.

7. Hæc satis supérque sunt, ut adpareat non ex præconceptis opinionibus esse judicandum de sententiis Veterum, καὶ περὶ γνησιότητος ἢ νοθείας Librorum, qui illis adscribun-

buntur, uti frequenter fit. Nunc exemplum proferendum certissimi Scriptoris antiqui dogmatis, ex quo cognoscere licuit, si nullum aliud fuisset indicium, Librum, qui illi tribuebatur, suppositivum fuisse. Certissime constat Judæos omnes, adeoque Apostolos, credidisse falsum Numen ab Ethnicis coli, non idem quod à Judæis colebatur. Attamen Liber circumferebatur, quasi Petri, qui Κήρυγμα Πέτρου dicebatur; in quo contraria habebantur, ut multis ostendit *Clemens Alexandrinus*, *Stromat. Lib. VI. p. 635.* ubi eum Librum, mirâ confidentiâ, aut ἀβλεψία potius, quasi genuinum fœtum Petri, non semel laudat. Multò rectius * *Eusebius*, loco antea partim adlato, cùm memorasset Scripta falsò Apostolis adscripta, eaque jam aliis de causis repudianda dixisset: ἡ τε γνώμη ἡ ἢ ἐν αὐτοῖς φερομένων προαίρεσις πλεῖστον τ' ἀληθὲς ὀρθοδοξίας ἀπάδυσσα, ὅτι δὲ αἵρετικῶν ἀνδρῶν ἀναπλάσματα τυγχάνει σαφῶς παρίστανειν: sensus ipse ἐστὶν eorum quæ in illis dicuntur sententia, immane quantum à vera orthodoxia abludentia, clarè ostendunt ea esse hæreticorum hominum figmenta.

8. Cùm pleraque sunt recta, nec eo, à quo scripta feruntur, indigna; & pauca dumtaxat deterioris notæ hîc, illic adspersa; interpolationis potius Liber est suspectus habendus, quàm suppositionis. Ejusmodi erant interpolatæ *Ignatii Epistolæ*, ut ex vetere in-

Z 2

ter-

* *Hist. Ecclæs. Lib. III. c. 25.*

terprete Latino , & Codice Græco Medicæo, XVII. sæculo , intelligere licuit. Qua de re nihil ampliùs dicam , cùm virorum doctōrum libri , qui hac de re egerunt , sint in omnium manibus , in hac urbe recusi.

9. Sextus Aphorismus ita habet : *Liber in quo memorantur res , aut personæ Scriptore , cujus nomen præfert , recentiores , aut ejus non est , aut ab alio est auctus.* Hæc interpretatione nequaquam indigent , cùm sint clara. Sunt tantum exempla adjicienda. Objectum hoc est meritò Pseudo-Dionysio , ut docet *Photius* , Cod. I. ubi hæc verba sequuntur ea quæ ad Aphorismum III. adtulimus : Τρίτη δὲ (ἐνσασις δηλονότι) ὅτι πῶς τῷ κατὰ προκοπὴν ἐν τῇ ἐκκλησίᾳ ἢ διὰ μακρῶ τῷ χρόνῳ αὐξηθέντων παραδόσεων ἡ βίβλος αὕτη ἢ ἐξηγήσιν ποιεῖται ; ὁ μὲν γὰρ μέγας Διονύσιος σύγχρονος ἦν , ὡς δῆλον ἐκ τῶν πρᾶξεων , τοῖς Ἀποστόλοις. ἃ ἢ ἡ βίβλος περιέχει τὰ πλεῖστα τῷ κατὰ προκοπὴν ἢ ἐς ὕστερον ἐν τῇ ἐκκλησίᾳ αὐξηθέντων παραδόσεων ἐστὶν ἀναγραφὴ. ἀπίθανόν ἔν , μᾶλλον ἢ κακοπρασδόν τὰ κατὰ πολὺν χρόνον τῷ τελευτῆς τῷ μεγάλῳ Διονυσίῳ ἐν τῇ ἐκκλησίᾳ αὐξηθέντα Διονύσιον ὑπολαβεῖν ἀναγράφαι : *Tertia objectio ; quomodo traditionum earum , quæ paullatim & longo tempore auctæ sunt in Ecclesia , liber hic adcuratam expositionem habet ? Magnus enim Dionysius æqualis erat , ut adparet ex Actibus , Apostolorum.* Quæ verò habet Liber ea perti-
nent

nent ad descriptionem potissimum traditionum, quæ sensim & postea invaluerunt in Ecclesia. Non est ergo verisimile, inquit, imò verò confictum, quæ longo tempore post mortem magni Dionysii creverunt, ea Dionysium describenda suscepisse. Hoc eodem indicio multos Libros, qui pro Veteribus venditabantur, recentiores esse agnoverunt viri doctissimi, XVII. præsertim sæculo.

10. Sed & alterum indicium proferebatur contra Pseudo-Dionysium, sic enim pergit Photius: τετάρτη δὲ, πῶς μέμνηται τῆ Θεοφόρου Ἰγνατίου ἐπιστολῆς ἢ βιβλίου; ὁ μὲν γὰρ Διονύσιος τοῖς τῶν Ἀποστόλων ἐνῆκμασε χρένσις. Ἰγνάτιος δὲ ἐπὶ Τραϊανῶν διὰ μαρτυρίας ἠβλήσεν ἀγῶνα, ὃς καὶ βραχὺ πρὸ τῆ τελευτῆς ταύτην ἐπιστολὴν, ἥς ἡ βιβλίον μνημονεύει, γράφει: Quarta; cur Epistolæ divini Ignatii meminit hic liber? Dionysius enim temporibus Apostolorum floruit, Ignatius verò, Trajano imperante, martyrii certamen decertavit, & paullò ante mortem Epistolam, cujus meminit hic liber, scripsit. Talia multa animadverterunt viri eruditi, in Libris suppositiciis; quorum exempla suppeditabunt Coccius, Rivetus, Caveus, & alii.

11. Ex ejusmodi indiciis, præsertim si totus contextus orationis iis sit refertus, aut nulla firma ratio sit, quæ suadeat Scriptorem, cui opus quoddam tribuitur, reverà id scripsisse; ex ejusmodi, inquam, indiciis colligere licet librum esse suppositicium. Alio-

qui contingere posset , ut singulares quædam voces , aut etiam Periochæ , in margine primum scriptæ à recentiore manu interpretationis gratiâ , in contextum irrepsissent ; aut ut additamenta quædam essent adfuta , quæ non oblatrent , quominus ceteroqui Liber esset ejus Scriptoris , cujus nomen præferret. Constat jam , in Libris Mosi , & Caput ultimum Deuteronomii & alia aliquot loca esse à recentiore manu ; at non idèò minùs certum est Libros illos esse Mosi , ut multis in Dissertatione de Scriptore Pentateuchi , nostris in Mosem Commentariis præmissa , ostendimus. Quod idèò pluribus non persequemur.

C A P U T V.

De Suppositionibus & Interpolationibus. VII. & VIII. Indicia.

I. **L**IBROS proximè præterita sæcula aut indoctos , aut refertos fabulis , cùm extincta essent bonarum Litterarum studia & antiquiorum Librorum lectio propemodum sperneretur , doctissimis viris & Veritatis amantissimis tribuerunt quàm plurimos ; quam fraudem aut inscitiam elegantiorum Litterarum cultura , & præsertim Criticæ παλιγγενεσία , XVI & XVII sæculo , feliciter retexerunt. Hinc conflatum septimum suppositionis , vel interpolationis indicium , quod hoc Aphorismo expressimus : *Liber indoctus , aut imperi-*
tiâ

tiâ refertus non potest ulla ex parte, aut saltem totus viro docto tribui; nec fabulis scatens, viro non inepto, quem constat Veri amantem fuisse, adfingi; quamvis, in vetustis Codicibus, eorum nomina præferat. Sic cum olim quædam circumferrentur insignita nomine Periclis illius Olympii, qui non loqui sed fulgurare ac tonare dicebatur; ab acutioribus tamen Criticis repudiabantur, quod nihil iis inesset hominis eloquentia dignum. Qua de re audiendus Quintilianus Inst. Orat. Lib. III. c. 1. Cicero, inquit, in Bruto negat ante Periclem scriptum quidquam, quod ornatum oratorium habeat, ejus aliqua ferri. Equidem non reperio quidquam tanta eloquentiæ fama dignum; ideòque minùs miror esse, qui nihil ab eo scriptum putent, hæc autem, quæ feruntur, ab aliis esse composita,

2. Non diffitemur posse doctum & veri amantem virum, interdum cespitare, & indocta aut falsa, incuriâ aut credulitate, proferre; sed hoc rarum sit necesse est, nec in rebus nimis apertè indoctis, aut falsis situm. Nullus est vir doctus, præsertim ex iis qui πολυγράφοι fuere, cui non sit aliquid aliquando objectum; ex quo liqueret non fuisse ei semper perspecta omnia, de quibus loquutus esset, aut non satis diligenter pensitata. Verùm hîc de errore, qui quasi nævus in pulchra facie adparet non agimus; sed de frequentibus peccatis, issque crassioribus, quàm ut in ea vir doctus delabi possit. Talia innumera sunt in Commentariis, quæ Donati & Servii nomina præferunt, ex quibus

non immeritò viri eruditi eos interpolatos fuisse collegerunt. Ejusmodi est peccatum in Geographiam, quod adtulimus ex Servianis Commentariis, hujus *Artis Criticæ* P. I. C. I. §. 3. ubi *Hyrceaniam* in illis dici *Silvam Arabie* ostendimus. Ceteroquin innumera sunt, quæ non vulgarem eruditionem sapiunt, & quæ scribi non potuerunt, nisi à doctissimo viro, qui multos Scriptores legerat, quorum ab aliquot sæculis monumenta periere. Quod quia nemo nescit, pluribus non persequar. Idem de *Donati* reliquiis dixerim, licèt non sint, me quidem judice, reliquiis *Servii* æquiparandæ.

3. Vir acutissimi ingenii *Des. Erasmus*, cum libros *Hieronymo* falsò adscriptos voluntasset summâ diligentia, eos ad tres classes referendos judicavit. „ In prima, indicavit „ erudita, nec indigna lectu; in secunda, „ impudenter tributa *Hieronymo*, aut aliis „ auctoris; in tertia, docta sed suis titulis auctorem testantia, quæ tamen Hieronymianis lucubrationibus fuerant admista. Sed deprehendit & aliud genus esse Scriptorum *ψευδεπιγράφων*, quæ judicabat esse ex Hieronymianis & aliis commista, vel veriùs confusa. Horum omnium Catalogus Editionibus Frobenianæ & Gryphianæ, ex Frobeniana expressæ, est præfixus. Indoctorum autem Catalogo præmittit judicium, quo significat „ in eo nihil repertum iri, quod non „ sit ex æquo indoctum, infans & impudens; „ proinde, suâ sententiâ, nullum omnino „ esse lectionis operæ pretium. Sed invictam „ esse

„ esse imperitorum hominum pertinaciam ;
 „ cui plus satis datum ab se esse , in ejus ope-
 „ ris editione , magnóque sibi constare alie-
 „ nam stultitiam. Subjicit verò huic Catalo-
 „ go & aliam admonitionem , quam hñc etiam
 „ legi nostrâ interest. Ait ergo „ se reperisse,
 „ & alia quædam inscripta Hieronymo , pror-
 „ sus indigna quovis Hieronymi discipulo ;
 „ hoc autem sollemne fuisse Librariis , ut
 „ hujus unius titulo quemlibet librum emtori
 „ commendarent ; verùm quoniam antea
 „ numquam fuerant excusa formulis , adden-
 „ da se non putasse.

4. Inter illa verò , quæ falso titulo non
 unius sunt Scriptoris , potissimùm recenset
 Commentarios in omne Psalterium , conten-
 dítque palam eos præ se ferre , quòd non sint
 unius auctoris. Tum verò ita pergit : *si quis*,
 inquit , *meum requirat judicium , nihil illic*
esse arbitror Hieronymi ; verùm una pars est
hominis , quisquis fuit , planè docti & sermo-
nis expoliti , longè tamen discrepantis ab Hie-
ronymiano. Nam hic minùs habet nitoris ac
lenitatis , plus nervorum ; deinde ubique co-
piofior ac diligentior , & magis ostentans suas
opes. Altera pars est loquutulei cujuspiam , ac,
panè dixerim , rabule , & , nisi me fallit na-
sus , ejusdem qui sermones suos Augustini no-
mine nobis dedit , præter alia multa bella. Cu-
jus rei si quis gustum cupiat sumere , in ipsa
statim Præfatione , conferat initia cum fine.
Quamquam & ea conjectura arguebat non esse
Hieronymianum opus , quòd nec titulus , nec
Epistola cujusquam habeat nomen. Unde sus-

*picor illum sua nullo edidisse titulo, & Librarios Hieronymi nomen addidisse. Et fortassis hic ille est, cujus meminit Giennadius; quem ait nonnulla vertisse Origenis, sed datâ operâ titulis ademptis; cujus esse suspicor & adnotationes in Libros Regum, ac Paralipoménon. Sed ut quod cœperam absolvam, qui voluerit imposturam deprehendere, legat adtentè Commentarium in Psalmum LXXVII. Rem quidem ille sumpsit ex Commentariis in Matthæum, ceterum eam suis exornavit flosculis. Ineptit suis Dialogismis, delirat exclamationibus, balbutit acyrologiis, superfluit perissologiis. Legatur in Psalmum LXXX. in Psalmum XC. ubi doctè, scilicet, exponit quid sit σύμπλωμα, cum plures cadunt. Verum, ut in genere dicam, ipsa battologia, & dictionis character hominem ubique arguit. Integrum locum adtulimus, quamvis prolixior, quia Aphorismi nostri priorem partem eximiè illustrat; & tanti facimus *Erasmum*, ut perpaucos Veteres, non dicam anteferendos, sed æquiparandos ei esse censeamus.*

5. Non videtur tamen mihi dubium, quin varia sint, in illis Commentariis, ex *Hieronymo* excerpta, non minùs quàm ex aliis Scriptoribus. Tale est quod *Erasmus* indicat exstare ad Psalm. LXXVII. & quod antea protulimus. Sic & interpretationi Psalmi XCIII. inferitur locus ex *Hieronymo*, totidem verbis adlatus ab *Augustino*, in Epist. ad Fortunatianum. Leguntur etiam ad Psalmi L verba *Hieronymi* citata à *Gregorio Magno*, in explicatione IV. Psalmi pœnitentialis.

lis. At propter hæc & similia loca, ex *Hieronymo* à confarcinatore horum Comment. excerpta, credere omnia *Hieronymiana* esse, cum *Mariano Victorio*, hoc demum extremæ est *ἀκρίβειας*. Dicitur latere in Bibliothecis, *Hieronymi* Commentarius verus in Psalmos; & vidimus, in manibus viri eruditi, anonymum opus in Psalmos; quod ex stylo se intelligere dicebat esse Hieronymianum, quamvis totum allegoricum esset, ideoque ab eo sperneretur.

6. Cum nemo in dubium revocare queat an Apostoli fuerint veri amantissimi, ànve simplicissima illa Evangelica Veritas ab iis fuerit prædicata; meritò quæcumque fabulam redolent, aut manifestò ficta sunt, iis abjudicantur. Ejusmodi autem sunt pleraque omnia, quæ, præter Canonicos libros, in eorum nominibus adparuerunt. Cum, nempe, mirum in modum auctus esset Christianorum numerus, & vulgò, ut fit, audirentur querelæ curiosorum, de paucitate monumentorum Apostolicorum; ex quibus perpauca, de Apostolorum itineribus & prædicatione Evangelii, per totum terrarum orbem, scire licebat; exorti sunt homines nequam, qui plerorumque itinera & res gestas fingere adgressi sunt; & quæ ex nulla vetere historia haurire poterant, ea ex cerebro suo fabularum feracissimo desumserunt. Talia erant *ψευδε-πίστευα* Apostolica, * quæ ab *Eusebio* meritò rejecta, in superiore Capite, diximus.

At-

* *Eccles. Hist. Lib. III. c. 25. ad quod vide Henr. Valefi notata,*

Attamen multos olim videntur fefellisse, qui eorum auctoritate usi sunt; hoc enim malumus credere, quàm malam fidem suspicari in bonis viris, qui eorum testimoniis veritatem comprobare conati sunt; quamquam non possumus eos malæ fidei absolvere, nisi eorum negligentiam, aut ignorantiam in rebus Criticis incusemus.

7. *Rufinus*, exempli gratiâ, vertit Librum scatentem turpibus fabulis, *Recognitiones Clementis*, quasi genuinum, & à *Clemente Romano* ex ore Petri Apostoli exceptum, qui tamen Liber putidissimis nugis refertus est. Meritò de eo *Photius*: μυρίων ἡ ἀτοπημάτων ἡ πρᾶγματεία γέμει αὕτη, καὶ τῷ εἰς τὸ ὑὸν βλασφημίας κατὰ τὴν Ἀρείου δόξαν ἐστὶν ἀνάπλεως: *sexcentis absurditatibus opus hoc refertum est, & blasphemiâ, ex Arii sententia, in filium plenum.* Paullò pòst, de parte ejusdem operis: ἀποδοκιμάζεται ἐπιγραφόμενον ἐπ' ὀνόματι αὐτοῦ Πέτρου καὶ Ἀππίωνος πολύστιχος διάλογος: *rejjicitur nomine Petri & Appionis inscriptus dialogus, multis versibus constans.*

8. Simili de ratione, *Hieronymus* meritò repudiat Librum, cujus meminit in Catalogo Scriptorum Ecclesiasticorum, ubi de Luca. Postquàm dixit historiam Actuum Apostolicorum, usque ad biennium Romæ commorantis Pauli pervenire, id est, usque ad quartum Neronis annum, subjicit: *Ex quo intelligimus, inquit, in eadem urbe, Librum esse compositum. Igitur περιόδῳ Pauli & Theclæ, & totam baptizati Leonis fabulam, inter apo-*
cry-

cryphas scripturas, computamus. Quale est enim ut individuus comes Apostoli, inter ceteras ejus res hoc solum ignoraverit? Sed & Tertullianus, vicinus eorum temporum, refert Presbyterum quemdam in Asia πᾶσαις Ἀποστολῆς Apostoli Pauli, convictum apud Joannem, quod auctor esset libri, & confessum se hoc Pauli amore fecisse, & ob id excidisse.

9. Verum non ita ratiocinandum, de sequentium sæculorum Scriptoribus, qui aut infirmitate judicii, aut quod veri satis amantes non essent, fabulas fictas, inter ea quæ vera dicunt, miscent, Sic *Papias*, qui initio secundi sæculi floruit, figmenta pro rebus compertis scriptis mandavit, * σφόδρα μικρὸς ὢν ἔτι νέος, *vir*, ut loquitur Eusebius, parvo admodum ingenio. *Hegefippus* † etiam, qui haud multò post vixit, vanas narrationes pro veris Lectoribus suis obtrudebat; ut satis adparet ex iis quæ habebat de martyrio Jacobi, & quæ ex eo profert *Eusebius*. Sequentibus ætatibus, cum jam esset aliquod mentientibus præmium, à plebeculæ stultitia expectandum; neque finem, neque modum ullum mentiendi libidini homines nequam imposuerunt. Tunc nata vanissima illa Scripta, nequiter Apostolorum nomine confirmata, de quibus jam aliquoties diximus.

10. Ut à fabulis ad aliud νοθείας indicium veniamus, ita habet octavus noster Aphorismus: *Liber in quo tractantur, vel respiciuntur*

* *Hist. Eccles. Lib. III. c. 39.*
 II. cap. 23.

† *Vide Hist. Eccles. Lib.*

tur controversiæ natæ post tempora Scriptoris, cui tribuitur; aut in quo deprehenditur Scriptoris illo recentioris imitatio; ejus non est cujus nomen præfert, aut est interpolatus. Res est per se clara, nec, nisi pauculis exemplis, illustranda. Vir doctissimus cui *Origenis* Exgetica, quæ Græcè reperiri potuerunt, debemus, * verissimè observat „ propter illustre „ *Origenis* nomen, factum esse ut ab ignotis „ Scriptoribus profectæ lucubrationes, sic „ tamquam projecticii infantes, clarum *Ori-* „ *genis* nomen sibi libenter adsciverint; imò „ nonnumquam etiam operibus suis metuen- „ tes Scriptores subdolos, e mentium hunc „ prætexentes titulum, *Adamantii* famam ve- „ luti furto subripuisse; Bibliopolas etiam, „ mercibus suis venditandis emtorem hian- „ tem, fucatâ hac inscriptione, induxisse. At „ frequentius idem evenisse putat, nec imme- „ ritò, vel ex Librariorum oscitantia nomi- „ na nominibus commutantium; vel ex Cri- „ ticorum audacia, quidvis sibi licere in lit- „ teris putantium. Eò accessit quòd, pluri- „ mas *Origenis* scriptiones studiosè abolen- „ bus ejus adversariis & defensoribus; his „ quidem ut illius errores, illis verò, ut „ præclara ejus opera invidiosè celarent; mul- „ tas vice versâ, paribus de causis, nomini „ ejus subdiderunt. „ Inter libros ei suppo- „ sitos, fuit Commentarius Latinus in Jobum in tres libros divisus, ubi duo priora Jobi Ca- „ pita & tertii pars enarrantur. Ut cetera omit-
tam,

* In *Appendice Origenianorum.*

tam, Scriptorem eorum librorum colligere est vixisse post tempora Synodi Nicænæ, & Arianorum partibus fuisse addictum, ex hisce verbis: *Tria cornua fecit Diabolus, in typum atque figuram trionymæ illius sectæ, triūmque Deorum hæresis, quæ universum orbem terræ, in modum tenebrarum, replevit; quæ Patrem & Filium & Spiritum Sanctum aliquando tamquam tres colit, nonnumquam unum adorat, quemadmodum Græcorum Linguâ memoratur, Triada vel Homousion. Istam ergo Trinitatis sectam & hæresin atque infidelitatem, jam olim de longè designans, versutissimus ille Diabolus, tria cornua misit, ad Job deprædandum. Sic namque etiam nunc memorata trionyma hæresis præsertim prædatur, atque expugnat Ecclesiam. Nemo non videt hæc esse diu, post Origenis ætatem, scripta, postquam τὸ ὁμολογιον esset consecratum à Synodo Nicæna; cùm manifestò controversiæ Arianæ spectentur.*

II. Attamen in hoc negotio cavendum, ne posteriora omnia putemus, quæ favent cuiuspiam opinioni, de qua postea natæ sunt controversiæ. Nam anteriores potuere errare, non secus ac posteriores. At aliud est clarè respicere, aut adludere ad controversias jam ferventes; aliud docere obiter, & aliud agendo, id quod postea damnatum est. Hoc ipsum observavit, de Theodoro Antiocheno, seu Mopsuesteno, Photius, Cod. XXXVIII. τὸ Νεστορίῳ δόγμα, εἰ καὶ πρὸς Νεστορίῳ ὑπῆρχεν, ὑπερενυόμενⓄ: Nestorii sententiam, quamvis prior ille fuerit, tacitè vomit In Cle-
men-

mente etiam Alexandrino & *Origene*, permulta leguntur, quæ erroribus postea damnatis fat clarè patrocinantur.

12. Est ex antiquissimo Codice, ut alibi diximus, in lucem emissâ à *Patr. Junio* Epistola *Clementis* Romani ad Corinthios; at in ea clara sunt vestigia imitationis locorum quorundam *Clementis* Alexandrini, ex quibus collegerunt viri docti auctam eam fuisse Epistolam à Librariis, ut cariùs venderetur, utque priori Editioni, in qua brevior erat, præferretur, & avidiùs emeretur. Capite XLVI. ita *Clemens* Romanus: γέγραπται γάρ κολᾶσθε τοῖς ἁγίοις, ὅτι οἱ κολλῶμενοι αὐτοῖς ἁγιασθήσονται. ἢ πάλιν ἐν ἐτέρῳ τόπῳ λέγῃ. μετὰ ἀνδρὸς ἀθῶς ἀθῶος ἔση, καὶ μετὰ σρεβλῆ διασρέψεις: *scriptum est enim*: sanctis adhærete, quia qui illis adhærent sanctificabuntur. *Rursus in alio loco dicit*: cum viro innocente innocens eris, & cum perverso perverteris. *Quare innocentibus & justis jungamus nos; ii quippe sunt electi Dei.* Negat *J. Bapt. Cotelierius* se priorem locum in Scripturis invenisse; nec mirum, nusquam enim in iis legitur. Est hîc, scilicet, ut rectè animadvertit vir eruditus, *Ednard. Bernardus*, in Editione Amstelodamensi, prava imitatio *Clementis* Alexandrini, cujus verba Interpolator *Clementis* Romani credidit esse locum Scripturæ, quia proximè subjungebantur verbis ex Psalm. XVII. adlatis. Hæc sunt verba *Clementis* Alexandrini Strom. Lib. V. p. 572.

Γέγραπ-

Γέγραπται ἡ μετὰ ἀνδρὸς ἀθῶν ἀθῶⓈ ἔση.
 ἢ μετὰ ἐκλεκτῶ ἐκλεκτὸς ἔση. ἢ μετὰ σρεβλῶ
 διασρέψεις. κολλᾶσθαι ἔν τοις ἀγίοις προσή-
 κει, ὅτι οἱ κολλώμενοι αὐτοῖς ἀγιασθήσονται:
Scriptum est autem; cum viro innocente in-
 nocens eris, cum electo electus eris, & cum
 perverso perverteris. *Adhærere ergo par est*
sanctis, quia qui adhærent eis sanctificabuntur.
 Postrema hæc laudavit Interpolator Clementis
 Romani, quasi verba Scripturæ, sed nonnihil
 immutata. Res mihi clara videtur.

13. *Clemens Alexandrinus*, ut solet, duo
 loca Novi Testamenti conjunctim profert,
 sensumque potius attendit quàm verba, Strom.
 Lib. III. p. 472. * Οὐαὶ τῷ ἀνθρώπῳ ἐκεῖνῳ,
 φησὶν ὁ ΚύριⓈ, καλὸν ἔν αὐτῷ εἰ μὴ ἐγεννή-
 θη. † ἡ ἓνα ᾧ ἐκλεκτῶν μὲ σκανδαλίσαι.
 κρεῖττον ἦν αὐτῷ περιτεθῆναι μύλον καὶ κατα-
 ποντισθῆναι εἰς θάλασσαν, ἢ ἓνα ᾧ ἐκλεκτῶν
 μὲ διασρέψαι. *Vae homini illi, inquit Domi-*
nus, satius igitur illi si non natus esset, quàm
unum electorum meorum scandalizasse. Me-
lius esset illi circumpositam molam, & dejec-
tum eum esse in mare, quàm unum electorum
meorum pervertisse. Eadem autem hæc verba
 habet *Clemens Romanus*, eodem Capite. Ne-
 minem verò esse puto, qui à se impetrare
 possit, ut credat utrumque casu duo loca hæc
 conjunxisse & eodem modo immutasse; aut
Clementem Alexandrinum citasse Evangelia,
 Tom. II. A a ex

* Matth. XXVI, 24.

† Matth. XVIII, 6.

ex *Clemente* Romano. Sed nihil vetat nos censere hominem, qui Alexandrini *Clementis* verba alibi miscuit cum verbis Scripturæ, ex eo temerè hæc sumfisse.

14. Hinc factum ut quæcumque similibus, non modò sententiis, sed etiam verbis, exstant apud utrumque *Clementem*, ubi Alexandrinus Romanum disertè non laudat, ea vir doctus omnia ex Alexandrino desumpta, aut efficta existimet. Quod an verum sit nescio, sed simile quiddam suspicatus est, de alio loco *Clementis* Romani, primus ejus editor *Patric. Junius*. Is exstat Cap. VI. & certè, si modò nullum sit in eo mendum, Interpolatoris ineptiam usque adeò redolet, ut ausim dicere eos naso carere, qui fraudem non subolfaciant. Postquàm *Clemens* ex Vetere Testamento adtulit exempla eorum, qui ob invidiam aliorum, infontes multa mala passi sunt; ait se vetera relinquere, & venire ad recentiores Athletas. Tum Petrum, ac Paulum, & eos qui ad instar eorum constanter supplicia tulerant, Religionis causâ, commemorat. Dein, cùm alia omnia exspectarentur; nempe, exempla Christianorum, subdit:

Διὰ ζῆλον διωχθεῖσαι γυναῖκες Δαναίδες καὶ Δίρκη, αἰκίσματα δεινὰ καὶ ἀνόσια παθεῖσαι ἐπὶ τῷ πίστεως βέβαιον δρόμον κατήντησαν, καὶ ἔλαβον γέρας γενναῖον αἱ ἀσθενεῖς τῷ σώματι:

Propter zelotypiam vexatae mulieres, Danaïdes & Dirce, cùm gravia & dira supplicia pertulissent, pervenerunt in curriculum firmum fidei, & acceperunt corpore debiles generosum præ-

præmium. Nemo non videt hæc esse verba hominis infani, nec sacram nec fabularem historiam tenentis, easque turpissimè miscuentis; & quidem eo in loco, ubi omnino alia dicenda erant. Nemo non animadvertit balbutire hunc Impostorem; quis enim dixerit mulieres, propter zelotypiam malè habitas, ἐπὶ τῇ τῆς πίσεως βέβαιον δρόμον καταντῆσαι, καὶ λαβεῖν γέρας γενναῖον; Credebat *Junius* cum, qui hæc scripsit, ea partim hausisse ex *Clemente* Alexandrino, qui Lib. IV. *Stromateon*, ubi multa ex Epistola *Clementis* Romani habentur, post memoratas Juditham & Estheram, aliarum fœminarum ex Gentilibus meminit, quæ virilia facinora essent ausæ; inter quas Danaï filias recenset, de quibus scriptor Danaïdis dixerat:

Καὶ τότε ἄρ' ὠπλίζοντο θοῶς Δαναοῖο θυ-
γατρὲς,
Πρόσθεν εὐρρεῖῳ ποταμῷ Νειλοῖο ἄνακ-
τῳ.

Tum verò celeriter armatae sunt filiae Danaï, antea regis Nili pulchrè fluentis. Verùm quidquid statuatur de hoc loco, nisi mendum in cum irrepserit, dubium esse nequit, quin Semipagano Libratio debeatur. Numquam Clements fabulas conjunxisset cum veris historiis, & quidem fabulas, quæ ad rem nihil faciebant. Igitur sunt gravissimæ rationes, quæ persuadeant Epistolam Clementis, licèt genuinam,

nam, à malis atque imperitis hominibus, auctam fuisse.

15. Attamen ut quod aliquando suspicatus sum, de ultimo loco *Clementis*, aperiā; posse hunc locum emendari credebam, hoc modo, si pro vocibus *Δαναΐδες καὶ Δίῃν*, legamus *ἄνευ αἰδῆς*, ἢ *δίῃν* sine reverentiā & jure, hoc est, irreverenter habito sexū infirmiore, & contra jus & fas. Librarius ex ore dictantis scribens malè audire potuit, aut etiam ex scriptura non satis elegante, & partim deleta, hoc quod legimus extricasse. Verùm nihil mutare ausim, in *Clemente*.

C A P U T VI.

De Suppositione & Interpolatione. IX. & X. Indicia.

I. **S**UPERSUNT duo Suppositionis aut Interpolationis indicia, ex stylo & verbis petita; cùm superiora aut res ipsæ, aut Veterum testimonia, aut vetustorum Librorum indices suppeditarint. Nonus ergo Aphorismus crit: *Si stylus sit diversus à noto aut sæculi, aut Scriptoris stylo, ejus non est, quamvis nomen ejus præferat. Si sit idem ac stylus alius Scriptoris, hujus liber censeri debet, si modò nihil obstet.* Sic *Galenus* probavit partem quamdam Libri, de *Natura hominis*, non esse *Hippocratis*, non tantùm è re ipsa, ut antea dixi-

diximus, sed etiam è stylo, verbisque ejus ævo recentioribus. Ita claudit II. Commentarium: τῷ ᾧ νεώτερον εἶναι τὸν παραγράφαντα ταῦτα, ἢ ἡ τῷ συνεχὲς προσηγορία τεκμήριόν ἐστιν· ἔδαμόθεν γὰρ ἔδ' Ἰπποκράτης. ἔτε τις τῶ παλαιῶν τὸν συνεχῇ πυρετὸν ὠνόμασε συνοχον, ὥσπερ ἔδ' ἐρήματα τὰ ἔρα, ἀλλὰ ταῦτα ὀνόματα νεωτέρων ἐστὶν ἰατρῶν, ὅσοι τὴν παλαιὰν λέξιν ἠγνόησαν: *Junio rem eum fuisse, qui hæc addidit, certò ostendit adpellatio συνόχης (pro febre continua) neque enim umquam Hippocrates vel ex antiquis alius febrem continuam vocavit συνοχον, ut nec ἐρήματα ὕρινas; sed hæc sunt nomina recentiorum Medicorum, qui antiquam linguam ignorarunt.* Cum quidam emissæt librum, cujus inscriptio erat Γαληνὸς ἰατρὸς, *Galenus medicus*, quasi reverà esset Galeni, tituli novitate permotus vir quidam litterarum studiosus, pollicitationem ejus (hoc est, an præstaret quod inscriptio pollicebatur) explorare voluit, & duobus primis versibus lectis, continuo scriptum abjecit, hoc tantùm addito, non esse hanc dictionem Galeni, & falsò hunc librum esse inscriptum: ὑπὸ τῷ ξίνῃ τῷ ἐπιγραφεῖς κινηθεῖς τις ἀνὴρ, τῶ Φιλολόγων ἐβέλετο γνῶναι τὴν ἐπαγγελίαν αὐτῷ· ἢ δύο τὰς πρώτας σίχας ἀναγνὼς εὐθὺς ἀπέρριψε τὸ γράμμα· τῷτο μόνον ἐπιφθεγξάμεν· ὥς ἐκ ἐστὶ λέξις αὕτη Γαληνῶ, καὶ, ψευδῶς ἐπιγέγραπται τῷτι τὸ βιβλίον. Addit Galenus, in Proœmio Opusculi de libris

bris suis, unde hæc sunt defumta, eum hominem edoctum fuisse πρώτῃν παιδείαν, hoc est, humaniores litteras; sine quibus, de stylo iudicium ferre non potuisset.

2. Quantum indicio ex stylo petito crediderint veteres Romanorum Critici colligere licet ex hisce verbis A. Gellii, Lib. III. c. 3. *Verum esse comperior, inquit, quod quosdam bene litteratos homines dicere audivi, qui plerisque Plauti Comœdias curiosè atque contentè lectitaverunt, non indicibus Ælii, nec Sedigiti, nec Claudii, nec Aurelii, nec Accii, nec Manilii, super hisce fabulis, quæ dicuntur ambiguae, credituros; sed ipsi Plauto, moribusque ingenii, ac linguae ejus. Hac enim indicii norma Varronem quoque esse usum videmus. Nam præter illas unam & vîginti, quæ Varronianæ vocantur, quas idcirco à ceteris segregavit, quoniam dubiosæ non erant, sed consensu omnium Plauti esse censebantur; quasdam item alias probavit adductus stylo atque facetiâ sermonis Plauto congruentis, easque nominibus aliorum occupatas Plauto vindicavit. Lege, si vacat, reliquum Caput, dignum enim est, quod hanc in rem expendatur.*

3. Vitas excellentiûm Imperatorum, quas meritò vero Scriptori adfertis diximus, Cap. II. §. 6. *Cornelio*, scilicet, *Nepoti*, *Ciceronis* familiari, nonnulli cruditi viri, XVII. sæculo, sustinuerant tribuere Scriptori ignoto Theodosiani ævi; cùm manifestum esset elegantia ejus libelli multùm captum, atque ingenium eorum temporum superari. Vicissim
insep-

ineptam atque inficetam historiam Theodosiano ævo, ut videtur recentiore, audebant Librarii *Cornelio Nepoti* tribuere. Ea est *Daretis Phrygii*, de excidio Trojæ, historia, in qua *Josias Mercerus*, qui eam emendatiorem primus edidit, meritò aut ullam eruditionem, aut judicium, aut eloquutionis elegantiam negat inveniri; „ut nimis impudenter fecisse vi-
 „ deatur, qui *Corn. Nepotis* nomen ementi-
 „ tus est, quasi inficetæ versionis auctoris. In
 „ enarratione, inquit, totius Historiæ, ferè
 „ ubique diversus abit ab omni antiquitate;
 „ pauca similia vero de suo adstruit, absurda,
 „ inconsequentia plurima; ut vel id quod de
 „ variis plurium annorum ac mensium indu-
 „ ciis adfingit, ut ad decennium perveniat.
 „ Nec quidquam in toto Libro singulare,
 „ præter Theſidarum mentionem, quos unà
 „ cum Anio rem frumentariam curasse scri-
 „ bit; & inepti illi Trojanorum, Græcorum-
 „ que ducum, & mulierum formæ, ac mo-
 „ rum characteres. „ Præfixa est etiam Epif-
 „ tola, nomine *Corn. Nepotis*, ad *Sallustium*
Crispum scripta, sed quæ neminem falle-
 „ re queat; præter eos qui omni Latinitatis cog-
 „ nitione destituti sunt, aut planè aliud agunt,
 „ cùm ejusmodi Monachorum fraudes legunt.

4. *Hieronymus* negat se positurum fuisse *Senecam* in Catalogo sanctorum, nisi se epistole provocassent; quæ, inquit, leguntur à plurimis *Pauli ad Senecam*, & *Senecæ ad Paulum*. In quibus cùm esset *Neronis* magister & illius temporis potentissimus, optare se dicit ejus esse loci apud suos, cujus sit *Paulus*, apud *Christianos*.

Mirum est non monuisse *Hieronymum* simpliciores, ne fallaci titulo crederent; nisi fortè indignos qui à se monerentur judicavit, qui tam turpiter errabant. *J. Lipsius*, ad calcem vitæ *Senecæ*, hoc de iis fert judicium verissimum: „Quæ nunc sunt, non sunt tanti; imò
 „ certum est ejusdem auctoris & Pauli & Se-
 „ necæ illas esse, & compositas à semidocto,
 „ in ludibrium nostrum.„ Cùm hæc dixisset verissima, & nonnisi ab imperitis in dubium unquam revocanda; subjicit: „Ergo inter se
 „ non scripserunt? *Hieronymus*, *Augustinus*,
 „ atque etiam antiquior utroque *Linus* Pon-
 „ tifex adserunt, & passiva opinio olim fuit,
 „ atque adedò *Joannes Sarisberiensis* fortiter:
 „ desipere videntur qui non venerantur eum,
 „ quem Apostolicam familiaritatem meruisse
 „ constat.„ Atqui non adfirmat, ut vidimus, *Hieronymus*; quem etiam judicavit *Erasmus*, tacitè indicare erudito Lectori quid sentiat; nempe, eas epistolas falsò inscribi *Paulo* & *Senecæ*; cùm nihil illic sit neque *Paulo* dignum, neque *Senecæ*: * *Augustinus* verò ait dumtaxat se nonnullis indiciis invenisse, eum Apostolorum nostrorum claruisse temporibus; quam in rem, nequaquam opus est fictis illis Epistolis; quin & mirum est, de re tam clarâ, ita dilutè loquutum *Augustinum*, quasi non facilè intellectu esset claruisse eum temporibus Apostolorum, qui sub Neronis principatu vixit & interfectus est. *Lini* liber de passione Pauli manifestò est suppositicius, ut omnes

* De Civitate Dei Lib. VI. c. 10.

omnes fatentur ; ne exceptis quidem iis , qui ficta monumenta priscis Ecclesiæ Romanæ Episcopis adscripta acriter , quasi genuina , defendere solent. *Joannes* verò *Sarisberien*sis sententiam profert barbari sæculi , quo mentendi libido & ignorantia pari passu , atque erecto capite , ubique pænè incedebant. Igitur non satis κριτικῶς vir ceteroquin acutus vitam *Senecæ* , hisce verbis , claudit : „ Itaque „ rejicere hoc totum , & calcare non ausim. „ Fuerint aliquæ , sed aliæ ; si istæ , requiro „ judicium optimorum Patrum. „ Atqui ullas alias fuisse non constat , & certissimum est *Senecam* nullâ cognitione Christianismi fuisse imbutum , quod optimè omnium noverat *Lipsius* , qui videtur hîc nescio cui gratificatus.

5. Ex dissimilitudine styli , collegerunt omnes , qui omni Critico gustu destituti non fuerunt , Apostolica non esse varia quæ illis olim tribuebantur. Πέρρω , inquit * *Eusebius* , ὁ τ' Φράσεως παρὰ τὸ ἡθ' & τὸ Ἀποστολικὸν ἐναλλάττει χαρακτῆρ: longè dictionis forma abest ab Apostolica scribendi ratione. Attamen fefellerunt olim multos , iis sæculis , quibus magis excolebatur stulta credulitas , quàm litterarum studia. Existimarunt etiam plerique olim , si *Hieronymo* credimus , alteram Petri ejus non esse , ob diversitatem styli ; sed res est multò obscurior , nec eorum judicium præstare velim. Hæc verba sunt *Hieronimi* ,
A a 5 in

* *Hist. Eccles. Lib. III. c. 25.*

378 ARTIS CRITICÆ P. III. S. II. C. VI.

in Catalogo: *Scripsit duas Epistolas, quæ Catholica nominantur; quarum secunda à plerisque ejus esse negatur, propter styli cum priore dissonantiam. At multo verisimilius indicabat † Origenes, ὅτι ὁ χαρακτήρ τῆς λέξεως τῆς πρὸς Ἑβραίους ἐπιγεγραμμένης ἐπιστολῆς ἔκ ἐξ ἑ τὸ ἐν λόγοις ἰδιωτικὸν τῆς Ἀποστόλου, ὁμολογῶσάντων ἑαυτὸν ἰδιώτην εἶναι τῷ λόγῳ, ταῦτέστι τῇ φράσει: stylum Epistolæ ad Hebræos inscriptæ non habere in verbis illam ruditatem Apostoli, qui se fatetur esse idiotam sermone, hoc est, eloquentione. Subjicit: ἀλλὰ ἐστὶν ἡ ἐπιστολὴ συνθέσθαι τῆς λέξεως ἑλληνικωτέρα. πᾶς ὁ ἐπιστάμενος κρίνειν φράσεων διαφορὰς ὁμολογῆσαι ἂν: sed est Epistola hæc, verborum constructione, elegantius Græcè scripta; quod fatebitur quisquis, de styli diversitate, judicare norit. Quibus Hieronymus in Catalogo similia habet: Epistola, quæ fertur ad Hebræos, non ejus creditur, propter styli sermonisque distantiam; sed vel Barnabæ, juxta Tertullianum; vel Lucæ Evangelistæ, juxta quosdam; vel Clementis Romanæ postea Ecclesiæ Episcopi, quem aiunt sententias Pauli proprio ordinasse & ornasse sermone.*

6. Ex dissimilitudine styli intellexit Hieronymus, Libros nonnullos, qui tribuebantur Minutio Felici, ejus non esse. Postquàm dixit ab eo scriptum esse Dialogum Christiani & Ethnicici disceptantium, qui *Octavius* inscribitur,

* In Homiliis in Ep. ad Hebræos.

tur, subjicit : *Sed & alius sub nomine ejus fertur, de Fato, vel contra Mathematicos, qui cum sit & ipse disertus hominis, non mihi videtur cum superioris libri stylo convenire.*

7. *Dionysius Alexandrinus, ut docet * Eusebius, existimabat, si conferretur Evangelium Joannis cum prima ejus Epistola, facillè intelligi, ex similitudine styli, utriusque eundem Joannem auctorem fuisse; contrà, si cum illis contenderetur Apocalypsis, liquere hanc esse ab alia manu. Ut à posteriore initium faciam, hæc ille Capita profert dissimilitudinis I. Τεκμαίρομαι ἐκ τε τῆ ἡθῶς ἐκατέρων, καὶ τῆ τῶ λόγων εἶδους καὶ τῆ βιβλικῆς διεξαγωγῆς λεγομένης, μὴ τῶ αὐτῶν εἶναι. ὁ μὲν γὰρ Εὐαγγελιστὴς ὑδάμῃ τὸ ὄνομα αὐτῆ παρὲς γράφει, ἔδὲ κηρύσσει αὐτὸν, ἕτε δὲ διὰ τῆ Εὐαγγελικῆς, ἕτε δὲ διὰ τῆ Ἐπιστολῆς — ὁ δὲ ὅτι ἂν Ἀποκάλυψιν γράψας εὐθὺς τε αὐτὸν ἐν ἀρχῇ προτάσσει, καὶ τὰ ἐξῆς: Colligo enim ex genio utriusque, & forma loquendi, & ex libelli dispositione, non esse eundem. Quippe Evangelista quidem nullibi nomen suum adscribit, nec semet ipse, aut in Evangelio, aut in Epistola, prædicat — At ille, qui Apocalypsin scripsit, in ipso statim exordio, nomen suum præfigit, &c. Tum ejus rei exempla profert, quæ apud Eusebium poterunt legi. II. Ἀπὸ τῶ νοημάτων ὅτι καὶ τῶ ρημάτων καὶ τῶ συντάξεως αὐτῶν, εἰκότως ἕτερον ἕτερον παρ' ἐκεῖνον ὑπο-*

νοη-

* Hist. Eccles. Lib. VII. c. 25.

νοηθήσεται. συνάδουσι μὲν γὰρ ἀλλήλοις τὸ
 Εὐαγγέλιον καὶ ἡ Ἐπιστολὴ, ὁμοίως τε ἄρχονταί :
Ex sententiis verò & verbis, eorūque collo-
catione, facile conjicere est hunc ab illo diver-
sum fuisse. Nam Evangelium & Epistola sibi
mutuò consonant, & eodem ordiuntur modo.
 Deinde ex utroque subjecta verba comparat ;
 ἰσῆςque collatis, ita pergit : ἔχεται αὐτῶ, καὶ
 τῶ προθέσεων ἐκ ἀφίσταται. διὰ τῶ αὐτῶν
 κεφαλαίων καὶ ὀνόματων πάντα διεξέρχεται :
Ex se ipse pendet, nec à propositionibus suis
abit ; sed iisdem capitibus, ac verbis, cuncta
persequitur. Quod reverà, collectis pluribus
loquutionibus & sententiis, ostendit ; additque :
 καὶ ὅλως διὰ πάντων χαρακτηρίζοντας ἓνα καὶ τὸ
 αὐτὸν συνοραῖν τῶ τε Εὐαγγελίῳ καὶ τῇ Ἐπιστολῇ
 χρῶτα πρόκειται : *formam scriptionis expen-*
dentibus ubique & per omnia unum atque eum-
dem styli colorem in Evangelio & in Epistola
cernere licet. Apocalypsin verò, alio planè
modo, se habere contendit. Ἀλλοτριωτάτη
 τῇ καὶ ξένῃ, inquit, παρὰ ταῦτα ἡ Ἀποκάλυ-
 ψις, μήτε ἐφαπτομένη, μήτε γειτνιώσα τέ-
 των μηδενὶ σχεδὸν εἰπεῖν, μηδὲ συλλαβὴν
 πρὸς αὐτὰ κοινὴν ἔχουσα : *Apocalypsis verò ab*
his prorsus aliena est, & extranea, nulli pæ-
nè necessitudine, aut vicinitate contingens quid-
quam ex suprà dictis, ac ne syllabam quidem
unam cum illis communem habens. III. Ad-
 dit etiam Apocalypseos nullam esse mentionem
 in Epistola, ubi de ea aliquid dici de-
 buif-

buisse ei videtur: Ἀλλ' ἔδὲ μνήμην τινὰ, ἔδὲ ἔννοαν ἔτε ἡ Ἐπιστολὴ τῆς Ἀποκαλύψεως ἔχει, ἐῷ γὰρ Εὐαγγέλιον, ἔτε τῆς Ἐπιστολῆς ἡ Ἀποκάλυψις: *sed neque mentionem ullam, neque significationem habet Epistola Apocalypseos (Evangelium enim pratermitto) neque Epistolæ Apocalypsis.* IV. Denique, si Dionysio credimus, τῆς Φράσεως ἢ διαφορὰν ἐσι τεκμηῖρασθαι τῇ Εὐαγγελίᾳ καὶ τῇ Ἐπιστολῇ πρὸς τὴν Ἀποκάλυψιν. τὰ μὲν γὰρ ἔμνον ἀπαιδώς, κατὰ τὴν Ἑλλήνων Φωνήν, ἀλλὰ καὶ λογιώτατα ταῖς λέξεσι, τοῖς συλλογίσμοις, ταῖς συντάξεσι τῆς ἑρμηνείας γέγραπται. πολλὰ γε δεῖ βάρβαρον τινα Φθόγον, ἢ σολοικισμόν, ἢ ὅπως ιδιωτισμὸν ἐν αὐτοῖς εὐρεθῆναι — τῷ τῷ ἢ Ἀποκάλυψιν μὲν ἑωραθῆναι, καὶ γινῶσιν εἰληφέναι καὶ προφητεῖαν ἐκ ἀντερῶ. διάλεκτον μὲν τοι καὶ γλῶσσαν ἐκ ἀκριβοῦς ἑλληνίζουσαν αὐτὰ βλέπω, ἀλλ' ἰδιώμασι μὲν βαρβαρικοῖς χρώμενον καὶ παρὰ καὶ σολοικίζοντα: *Clarè intelligere est discrimen eloquutionis Evangelii ἔς Epistolæ, si conferantur cum Apocalypsi. Illa enim scripta sunt, non tantum sine peccato, ad Græcam linguam quod adinet, sed etiam elegantissimè, cum vocibus, tum ratiocinationibus, ἔς orationis compositione; nedum ut barbarum ullum vocabulum, aut solæcismus, aut nullus omnino idiotismus in iis inveniatur* — Nolim quidem negare huic visam esse revelationem, ἐκμque accepisse cognitionem à Deo ἔς prophetiam; at
dia-

dialectum & linguam non adcuratè Græcam in eo video, cùmque idiomatibus barbaricis utentem, & aliquando etiam solæcismos committentem. Quæ omnia profero, non quasi mihi videantur vera, nam hæc postrema præsertim planè falsa esse existimo; sed ut adpareat quâ ratione Veteres solerent γνώρισματa eruerе, ex quibus judicabant genuinane, an spuria essent opera, quibus illustria nomina erant præfixa. Ad methodum quidem quod adtinet, nihil est quod in *Dionysio* carpatimus; quærendum dumtaxat an ea, quæ statuit quasi certa, sint reapse vera, quod non credimus.

8. At non possum illi non adsentiri, in eo quod habet de similitudine rerum & loquutionum, quæ in Evangelio & prima Joannis Epistola occurrunt. I. Συνάδυσιν, inquit, μὲν γὰρ ἀλλήλοις τὸ εὐαγγέλιον ἢ ἡ ἐπιστολή, ὁμοίως τε ἄρχονται. τὸ μὲν φησὶν, ἐν ἀρχῇ ἦν ὁ λόγος. ἦδε, ὃ ἦν ἀπαρχῆς. τὸ μὲν φησὶ, ἢ ὁ λόγος σὰρξ ἐγένετο ἢ ἐσκήνωσεν ἐν ἡμῖν, ἢ ἐθεασάμεθα τὸ δόξαν αὐτοῦ, δόξαν ὡς μονογενῆς παρὰ Πατρός. ἦδε τὰ αὐτὰ σμικρῶ παραλλαγμένα, ὃ ἀκηκόαμεν, ὃ ἐωράκαμεν τοῖς ὀφθαλμοῖς ἡμῶν, ὃ ἐθεασάμεθα ἢ αἱ χεῖρες ἡμῶν ἐψηλάφησαν, περὶ τῆς λέξεως τῆς ζωῆς, ἢ, ἡ ζωὴ ἐφανερώθη. ταῦτα γὰρ προανακρίεται διατεινόμενος, ὡς ἐν τοῖς ἐξῆς ἐδήλωσε, πρὸς τὴν ἐκ ἐν σαρκὶ φάσκοντα ἐληλυθέναι τὸ Κύριον. διὸ καὶ συνῆψεν ἐπιμελῶς,

λῶς, καὶ ὁ ἐωράκαμεν μαρτυρῶμεν, καὶ ἀπαγγέλλομεν ὑμῖν ἡ ζωὴν ἡ αἰώνιον, ἥτις ἦν πρὸς τὸν Πατέρα, καὶ ἐφανερώθη ἡμῖν, ὁ ἐωράκαμεν καὶ ἀκηκόαμεν ἀγγέλλομεν ὑμῖν: *Nam Evangelium & Epistola sibi mutuo consonant, & eodem ordiuntur modo. Sic enim illud dicit: in principio erat Ratio; hæc verò: quod fuit ab initio. Illud ait: & Ratio caro facta est, & habitavit in nobis; & vidimus gloriam ejus, gloriam quasi unigeniti à Patre; hæc verò eadem habet aliquantulum immutata: quod audivimus, quod vidimus oculis nostris, quod perspeximus & manus nostræ contrectaverunt de verbo vitæ; &: vita manifesta est. Hæc enim ille veluti modulationis prologia præmittit, adversus eos qui dicebant Dominum non venisse in carne. Quapropter de industria subiunxit: & quod vidimus testamur, & adnunciamus vobis vitam æternam, quæ erat apud Patrem, & adparuit nobis. Quod vidimus & audivimus adnunciamus vobis.* II. Ἐχεται αὐτῷ καὶ τὰ προθέσεων ἐκ ἀφίσταται. διὰ τὴν αὐτῶν κεφαλαίων καὶ ὀνομάτων πάντα διεξέρχεται. ὧν τινὰ μὲν ἡμεῖς συντόμως ὑπομνήσομεν, ὁ δὲ προσεχῶς ἐντυγχάνων εὐρήσῃ ἐν ἑκατέρῳ πολλὴν ἡ ζωὴν, πολὺ τὸ φῶς, ἀποτροπὴν τῆς σκοτίας, συνεχῇ ἡ ἀλήθειαν, ἡ χάριν, ἡ χαρὰν, ἡ σὰρκα καὶ τὸ αἷμα τῆς Κυρίου, ἡ κρίσιν, ἡ ἄφεσιν τῶν ἁμαρτιῶν. ἡ πρὸς ἡμᾶς ἀγάπην τῆς Θεῆς, ἡ πρὸς ἀλλήλους ἡμᾶς ἀγάπης ἐντολήν. ὡς πάσας δεῖ φυλάσσειν τὰς ἐντο-

ἐντολάς. ὁ ἐλεγχ^θ τῷ κόσμῳ, τῷ διαβόλῳ, τῷ Ἀντιχρίστῳ; ἡ ἐπαγγελία τῷ ἁγίῳ πνεύματ^θ. ἡ ὑπόθεσις τῷ Θεῷ. ἡ διόλῳ πίσις ἡμῶν ἀπαιτημένη. ὁ Πατὴρ ἢ ὁ Υἱὸς πανταχ^θ. ἢ ὅλως διὰ πάντων χαρακτηρίζοντας ἓνα καὶ τὸ αὐτὸν συνορᾶν τῷ τε Εὐαγγελίῳ ἢ τῇ Ε'πιστολῇ χρῶτα πρὸκειται: *Totus ex se ipse pendet, & à propositionibus suis non discedit; sed iisdem capitibus & verbis cuncta persequitur; ex quibus nos nonnulla breviter commemorabimus. Qui verò aditutus erit, inveniet in utroque plurimam vitam, frequentem lucem, fugam tenebrarum, perpetuam veritatem, gratiam, lætitiā, carnem & sanguinem Domini, iudiciū, remissionem peccatorum, Dei erga nos amorem, præceptum de mutua caritate, omnia mandata servari oportere. Ad hæc occurrunt passim convictio mundi, Diaboli & Antichristi, promissio Spiritus Sancti, adoptio Dei, fides à nobis per omnia postulata, Pater & Filius ubique. Denique in omnibus formam scriptionis exquirentibus unus atque idem Evangelii & Epistolæ color proponitur. Ex hisce omnibus planè κριτικῶς & verè colligit unius, ejusdémque Apostoli Joannis esse Evangelium & Epistolam.*

9. Non opus est alia hanc in rem exempla adferri, verùm hīc se se nobis objiciunt sponte suā difficultates maximæ; animadverterunt enim viri eruditi, non tantum moveri controversias de Libris præferentibus nomina Scriptorum, quorum stylus ex aliis eorum operi-

operibus notus est ; sed etiam de Libris qui tribuuntur Scriptoribus , quorum aliud nihil exstat ; præter ea ipsa monumenta , quorum γνησιότης in dubium revocatur. Exempli causâ , cùm ad defensionem *Origenis* , profferretur Apologia , *Pamphili* Martyris nomine præscripta ; *Hieronymus* , qui tunc temporis erat Origenistis infensus , negabat id constare ; quòd nullus alius Liber à *Pamphilo* esset scriptus , ex quo de illa Apologia iudicium ferri posset. * *Si ab inimicis Origenis*, inquit , *Libros ejus dicitis esse violatos , ut infamarentur ; quare mihi non liceat dicere , ab amicis ejus & sectatoribus , compositum esse sub nomine Pamphili volumen , quod illum testimonio Martyris ab infamia vindicaret ? Ecce vos emendatis , in Origenis Libris , quod ille non scripsit ; & miramini , si edat aliquis Librum , quem ille non edidit ? Vos in edito opere potestis coargui ; ille , qui nihil aliud edidit , faciliùs patet calumniæ. Date quodlibet aliud opus Pamphili ; nusquam reperietis , hoc unum est. Unde igitur sciam quòd Pamphili sit ? Videlicet STYLUS & SALIVA docere me poterit !* Col. 347. 2 P. T. IV. Ed. Ben.

10. Duæ , XVII. sæculo , de ejusmodi Libris agitatæ sunt celeberrimæ controversiæ , atque eruditorum judicio diremptæ. Altera est de Epistolis , quæ antiquissimis Romanæ urbis Episcopis tribui solebant. Eas Magde-
Tom. II. B b bur-

* *Ad Pammach. & Oceanum de Error. Origenis.*

burgenses Theologi, in Centuriis, meritò quali suppositas criticâ censurâ infamaverant. Defendit verò *Franciscus Turrianus* Jesuita; quem postea ita confutavit *David Blondellus*, ut suppositionem in meridiana luce posuerit; quæ negari certè non potest, nisi ab iis, qui lucro sibi esse putant ejusmodi fraudes, & frontem planè perfricuerunt. Altera vero controversia fuit, de re sine dubio obscuriore; nimirum, de *Ignatianis Epistolis*, quas suppositas contendebant idem *Blondellus*, & *Joan. Dallengus*, defendit verò quasi genuinas *Joan. Pearsonius*; eo, nisi fallor, successu ut bellum illud, certâ ac perpetuâ victoriâ, confecerit. Attamen plerorumque omnium Episcoporum Romanorum, quibus tribuuntur *Epistolæ illæ Isidorianæ*, ne littera quidem ulla existat. Episcopi etiam Antiocheni nihil ad posteros pervenit, præter Epistolas in controversiam vocatas.

11. Cùm ergo viri doctissimi non possent alia eorum Scripta proferre, qui Epistolas illas oppugnare adgressi sunt, ex earum stylo varia protulerunt, aut proferre conati sunt indigna primævâ illâ antiquitate, aut certè quæ indigna ipsis videbantur. Contrà qui eas defenderunt, probarunt non esse eo ævo indigna, aut pro virili probare adnixi sunt. Ut alia omittam, *Blondellus* evidentissimè ostendit nihil esse in Epistolis Pontificiis, quod vel minimum primorum sæculorum stylum redolect; luculentis etiam argumentis, demonstravit *Pearsonius* quæ ab adversariis carpebantur, in Ignatiano stylo, ea non dissen-

re

re ab illius ætatis ingenio. Certè aliter opugnare aut defendere non possumus Scripta, quæ fuerunt, aut fuisse dicuntur unci fœtus eorum, quorum nomina præferunt. Ingenii & styli Scriptoris loco, nobis sunt forma & character ejus ætatis.

12. Ubi res est clara, propter nimium discrimen styli Scriptoris suppositicii, & rationis scribendi eorum omnium, qui iisdem temporibus vixerunt; non difficile est judicium rectum de eo ferre, imò difficile est errare; ut mirari subeat eorum ἀβελήαν, qui *Cornelii Nepotis* genuinum fœtum Theodosiani ævi fuisse, & *Daretis Phrygii* historiam barbaram & inficetam, quàmque adeò Theodosiana ætas non laudasset, *Ciceronis* temporibus tribuere sustinebant. Sed potest Liber tribui Scriptori cuiquam, & quidem falsò, qui stylo scriptus sit ab ejus dictione non prorsus abhorrente; ab alio, nimirum, ejusdem ævi aut proximi Scriptoris. Tum demum perspicaci ingenio opus est, atque arte magistrâ, quæ nonnisi longâ, adtentâque lectione adquiri potest. Nec mirum est *Ambrosio* & *Hieronymo*, exempli causâ, adscriptos proximè præteritis sæculis fuisse varios eruditos Libros, & quibus vix meliores scribere ipsi potuissent. Sola bonarum litterarum & Criticæ præsertim παιδαγωγεία ejusmodi errores rectegere poterat.

13. Decimus hic est atque ultimus noster Aphorismus: *Vocabula sequioris ævi indicant Scriptorem recentioris; in translatione verò.*

si quid sit quod non conveniat Linguae, quâ scripsisse constat auctorem cui liber tribuitur, aut non est translatio, aut est interpolata. Priorem partem hujus Aphorismi illustrare possemus plurimis exemplis, petitis ex Scriptis falsò *Clementi* Romano tributis, æque Pontificiis Epistolis; in quibus innumeræ sunt voces Apostolico ævo recentiores. Sed cum ea Scripta evolventi illico plurimæ se objiciant & §. I. è *Galenii* loco rem satis illustraverimus; exempla dumtaxat aliquot, quibus posterior pars Aphorismi confirmetur, subjiciemus.

14 Qui *Sapientiam* Salomonis nomine inscriptam, ex ejus Scriptis haustam esse volunt, & in Græcam Linguam translatam; cum conjecturam dumtaxat proferant, quam æquè faciliè rejeceris, ac in medium adfertur; præterea ab ea opinione revocari possunt, exemplo vocis, quæ nonnisi ex Lingua Græca, & quidem è *Platone*, aut *Platonicis*, consensu peti potuit. Ea est vox Λόγος, quâ Angelum significat *Sapientia* Cap. XVIII, 15, 16. ubi etiam Poëtæ Græci manifesta est imitatio. Sic habet, ex versione Vulgata: *Omnipotens sermo tuus* (vel potius *Ratio tua*, nam est οὗτος λόγος) *de cælo, à regalibus sedibus, durus debellator in mediam exterminii terram profiliavit. Gladium acutum insimulatum tuum imperium portans, & stans replevit omnia morte, & usque ad cælum adtingebat, stans in terra, ἡ γὰρ ἀνὰ μὲν ἤπαιτο, βεβήκει δ' ἐπὶ γῆς.* Vox Λόγος ad significandum Ange-

gelum , seu *Naturam Rationalem* imperia
lūmini Dei exsequentem , est Platonica , &
frequens apud *Philonem* , ut observavit *Hug.*
Grotius. Nam hīc sermo est de Angelo illo,
qui Ægyptiorum primogenitos omnes , unā
nocte , occidit. Eum vocat πανδύαμον
omnipotentem , quia Angelus , à Deo ad exse-
quenda ipsius imperia missus , potentiam ac-
cipit ad omnia quæ jubetur perficienda. Ejus
descriptio stantis in terra , & cælum vertice
adtingentis , est imitatio *Homeri* , aut *Calli-*
machi ; quorum prior quidem ita Eridem
describit , Iliad. Δ vers. 443.

Οὐρανῷ ἐσῆριξε κάρη , καὶ ἐπὶ χθονὶ βαίνει ,

Carlo firmat caput , & in terra ingreditur ;
posterior verò Hymno in Cererem , vers. 58.
Deam sic pingit :

ὀφθαλμοὶ μὲν χέρσῳ , κεφαλὰ δὲ οἱ ἄψατ'
ἐλύμπῳ.

Vestigia quidem ejus terram , caput verò teti-
git cælum. Quos imitatus *Virgilius* , IV. Æ-
neidos , vers. 177. in descriptione Famæ :

Ingrediturque solo & caput inter nubila
condit.

Nemo , ut opinor , non videt Judæum , An-
tiochenum fortè , aut Alexandrinum , imita-
tum hīc esse Poëtas Græcos , non Salomo-
nem

nem sequutum. Sumfit etiam ex Platonici opinionem, ad quam respicit Cap. VIII, 19, & 20. nempe, animorum προῦπαρξιν. Quæ, ut & cetera omnia, quisquis diligenter expenderit, numquam sibi Librum hunc Hebraicè primùm à Salomone conscriptum persuaderi patietur.

15. Sic & olim *Julius Africanus* scripserat, ut docet * *Hieronymus*, Epistolam ad *Origenem super questione Susannæ*, eo quòd diceret in Hebræo hanc fabulam non haberi, nec convenire cum *Hebraica Etymologia*, ἀπὸ τῆς σχίσεως σχίσαι, καὶ ἀπὸ τοῦ πρίν πρίσαι. Quod invictum est argumentum, cum ex re ipsa deductum sit; nam quæ conjicit *Origenes*, hunc librum Hebraicè olim scriptum, sed ab Hebræis suppressum, ac tandem è rerum natura sublatum, in honorem Gentis suæ, id parum verisimile est. Hoc enim duorum virorum facinus, præsertim cum à Daniele accerrimè repressum narraretur, non poterat magis nocere famæ Judæorum; quàm integræ tot scelerum historiæ, & castigationes, quæ cum in libris Historicis, tum in Prophetis leguntur. Sat multa sunt quæ verè Judæis objici possint, ut minimè necesse sit conjecturis inanibus eos infamatum ire; aut potius Religionem, quam profiteamur, quæ calumniis nequaquam eget. Sed viri doctissimi multis ostenderunt, frustrà à Patribus Judæos falsatæ Scripturæ Veteris Testamenti accusari. Itaque, ea de re, nihil addemus.

Lo-

* In Catalogo.

Locus autem, qui respicitur, exstat Cap. XIII. vers. 54. & seqq. *Nunc ergo si vidisti eam, dic sub qua arbore videris eos colloquentes sibi? Qui ait, sub schino (ὑπὸ σχίνου.) Dixit autem Daniel: rectè mentitus es in caput tuum. Ecce enim Angelus Dei, acceptâ sententiâ ab eo, scindet (σχιδῇ) te medium.* Similiter alteri seni dicit Daniel: vers. 58. *Nunc ergo dic mihi, sub qua arbore comprehenderis eos? Qui ait, sub prino. (ὑπὸ πρίνου) Dixit autem ei Daniel, rectè mentitus es & tu in caput tuum, manet enim Angelus Domini gladium habens; ut secet (πέσαι) te medium.* Hæc ostendunt à Judæo Græcè loquente primum scripta, cùm in vocibus Hebraïcis nulla similis agnominatio fieri queat; nam hoc tribuere Interpreti, cùm non constet ullum umquam fuisse Archetypum, hoc demum est hariolationes suas pro rebus compertis obtrudere. Scio Hebraïsmos dici esse, in hoc libro; sed hinc colligere est scriptum à Judæo Hebraïcè, aut Syriacè meliùs quàm Græcè sciente, non ipsum opus umquam Hebraïcè fuisse editum. Sic videmus Apostolorum Scripta scatere Hebraïsmis, cùm ab iis primum Græcè edita sint; quòd, nempe, essent Judaïcæ Linguæ peritiores, quàm Græcæ.

16. Ultimum exemplum addemus ex Libro, quem pro Origeniani operis Græcè scripti Latina translatione haberi voluerunt Librarii, & de quo jam antea Cap. V, §. 10. diximus. Hominis Latini esse vidit *D. Erasmus*, quod

hoc, inter alia, argumento probat. „ In-
 „ terpretatur interdum Græcas voces, sed ita
 „ ut Latinum agnoscas, veluti cùm docet
 „ nos quid & qualis sit *Adamantus*. Sic ha-
 bet locus: *Adamantus interpretatur, in Græ-
 ca Lingua, indomabilis, inflexibilis, inalte-
 rabilis*. At, ut rectè animadvertit *P. Dan.
 Huëtius*, possent hæc ab interprete esse ad-
 dita; verùm est alius locus ab eo prolatus,
 qui nonnisi Latinè scriptus fuit, ubi meminit
Luciani Martyris *Origene* multò recentioris:
Ita consummatus est, inquit, *beatus atque glo-
 riosus LUCIANUS, LUCIDUS vi-
 ta, LUCIDUS & fide, LUCIDUS*
etiam tolerantie consummatione; *oh hoc enim*
LUCIANUS cognominatus est, tamquam
*LUCIDUS, aut proprio lumine sibi ful-
 gens, aut aliis LUCENS*. Hanc agnomi-
 nationem, in sola Latina Lingua esse, nemo
 non videt. Itaque si hoc opus versum sit è
 Græco, oportet hunc totum locum ab Inter-
 prete esse additum. Hoc malle videtur vir
 doctissimus, in *Origenianorum Appendice*, cò
 quòd Interpres dicat in Prologo, opus hoc
 ante se ab aliis Latinè fuisse versum. At *Des.
 Erasmus* suspicatur esse suppositum Prologum,
 qua de causa ei indignatur vir eruditissimus;
 quòd styli congruentia probet esse auctoris
 Libri. Hoc nos ei concedamus, quamvis
 non usque adeò manifestum; sed si dixerimus
 hominem esse fide indignum, iudice vel ipso
Huëtio, qui cum interpolitorum commentor-
 um suorum orationi Græci Scriptoris, quem
 vertebat, incusavit, nobis, ut opinor, irasci
 non

non poterit ; nam deterius non est mentiri in Præfatione, quàm opus alienum tam turpiter interpolare. Certè hoc quoque mentiri est, tacitè enim adfirmamus id esse Scriptoris, quod Lectori, nequaquam monito nostrum esse, promiscuè cum ejus verbis legendum præbemus.

17. Atque hæc hætenus, de Indiciis ex quibus interpolata, ac supposita à sinceris & genuinis secernere licet ; qua in tractatione, ita *Andream Rivetum*, & *Guil. Caveum* sequuti sumus, ut neque eorum methodum, neque exempla exscripserimus ; sicut faciliè intelligent quicumque nostra, cum illorum Scriptis, contendere non gravabuntur. Ceterum non diffitemur, (quæcumque sint posterioris in nos merita) lectis eorum Canonibus, nostros Aphorismos à nobis esse formatos.

18. Hos autem ejusmodi visum iri confidimus, ut quisquis eos diligenter observabit, vix umquam sit à vero aberraturus. Verum ut horum Aphorismorum, quamvis per se clarorum, possit ubique auctoritas inviolata servari, fateor non mediocrem postulari eruditionem, nec exiguo tempore opus esse, ut dextrè ac feliciter iis uti addiscamus. At hæc est natura præstantissimarum quarumque Legum, ut quarum intra paucas horas justitia ac sanctitas intelliguntur, iis observandis homines nondum aduetti, tempore, meditatione atque exercitatione egeant, ut earum jugum æquo animo ferre adsuescant. Hoc tamen interest, quòd cum necesse sit omnes ef-

394 ARTIS CRITICÆ P.III.S.II.C.VI.

se bonos viros , & legum observantes , nemo cogatur difficillimam Artem Criticam profiteri. Sed quisquis hanc excolere tentabit , eum oportet intelligere quantum in se laborem suscipiat , & quibus Legibus teneatur. Sin minùs , infelicissimus erit Criticus , & pro maxima laude , quam eruditi viri hinc retulerunt , ludibrium omnibus debet. Hic mihi audire videor Lectorem à me quærentem , an ipse , qui hæc scribo , lauream hinc aliquam sperem ? Invidiosa hæc est interrogatio , cui quidquid reposuero captum iri me sentio. Itaque hic me sustinebo , si modò dixero me arduam ac periculosam hanc Artem non profiteri ; etsi profitentibus impensè favco & eorum Scripta libentissimè dudum lego ; ex quo factum est , ut fortè color aliquis Criticus mihi hæserit , útque hæc aliis , potiùs quàm mihi , scribere impetu quodam Critico adgressus fuerim.

P.III. Artis Criticæ Sect. II. Finis.

ARTIS CRITICÆ

P A R S III. (

S E C T I O III.

De Judicio , de Stylo & Charactere
Scriptoris ferendo.

C A P U T I.

*De iis quæ sunt in quovis Scriptore animad-
vertenda , ut de eo rectè judicare possimus,
deque forma scribendi Quinti Curtii.*

I.



U M de dignoscendis locis & libris spuriiis ageremus , diximus de iis judicaturis perspectrum esse oportere stylum & characterem Scriptoris , cui tribuuntur. Nunc verò , ut qui Artem Criticam pernosse cupiunt intelligant , quæ potissimum in quovis Scriptore sint animadvertenda ; ea paullo distinctius hîc persequemur , exemplumque dabimus Critici examinis ex *Q. Curtii* Historia , quam diligenter expendemus. Eadem operâ , illustrabitur id
Cri-

Criticæ munus, quo ad Artium normam exiguntur quivis Auctores. Quâ de re multis egit *Henr. Stephanus*, in Lib. de Criticis Veteribus * Græcis & Latinis, fermè ab initio Operis, quod adire poterunt Criticæ studiosi. Omnium Scriptorum libri expendi possunt & debent ad regulas Artis, quam privatim profitentur, legesque rectæ Rationis, quibus homines omnes, sine ullo gentium ac sæculorum, quibus vivimus, discrimine tenemur. Qui utrasque per omnia observarunt, sunt per omnia laudandi, at perpauca sunt; alii omnes, quatenus tantum observarunt. Quæ recta sunt laudari, sine malignitate, debent: quæ minùs, sine superbia, reprehendenda. Nos ergo *Curtii* opus ad Leges Historiæ, quandoquidem se Historicum professus est, & ad rectam Rationem, cujus scitis ac decretis æquè ac nos tenebatur, exigemus.

2. Triâ in omnibus Scriptoribus, ut intelligatur penitus eorum indoles, sunt diligentissimè adtendenda. Primum est delectus rerum quas habent; alterum rerum delectarum dispositio; tertium stylus, sive eloquutio. In primo & secundo, cruditio atque judicium Scriptoris; in tertio, ingenium & exercitatio in scribendo elucent. Aliud nihil in oratione scripta quæri potest, eâque si nobis sint perspecta, tum demum eruditionem, judicium atque ingenium Scriptoris nota nobis esse verè prædicare possumus; sin minùs, neque hæc novimus, &, hisce ignotis, nonnisi temè

* *Parif. 1587. in 4.*

merè de ejus ratione , formæque scribendi judicare adgredimur. Ut autem hæc nobis innotescant, non satis est nos semel atque iterum Libros ejus legere , aliud agentes ; aut etiam , eo dumtaxat animo ut cognoscamus qua de re agat , vel ut laudanda in ejus dispositione ac stylo imitemur ; sed de industria, post unam aut alteram lectionem , diligentissimè versandi sunt , eúmque in finem ut quid rectè & suo loco dictum , quid seciùs animadvertamus , memoriæque, vel chartæ potiùs mandemus. Quin & , si adcurati esse velimus , relegenda nobis sunt aliquoties nostra vestigia , ut , si quid temerè à nobis positum sit , id deleamus ; si quid omissum , quod sit alicujus momenti , id scribamus. Alioqui quamvis adtentè Scriptorem legamus , numquam satis adcuratè de eo judicare poterimus. Certè , ut quod mihi contigit dicam , non semel legeram *Q. Curtii* historiam, antequàm in eo pleraque , quæ postea de eo dicam, animadvertissem. Rerum gestarum , quas describit , magnitudine animus percussus, & styli elegantia delinitus , aliud nihil , præter fortitudinem , audaciam & felicitatem Alexandri videbat ; aliud nihil , præter sublimia verba facundissimi Scriptoris , audiebat.

3. Sed cùm postea *Curtium* eo animo legerem , non ut ea cognoscerem quæ jam mihi fat nota erant , sed ut quidquid habet exigere ad severas Historiæ leges & Veri immutabilem normam ; tum demum in eo animadverti , quæ in hac ultima *Artis Criticæ* Parte memorabo , & quibus mihi visus sum ita vir-
tu-

tutes ejus & vitia complecti ; ut faciem ejus operis pingere si adgrediar , eam omnes facile sint agniture , qui id norunt.

4. Ut ergo , veluti in minore tabella , id pingam ; existimo *Curtium* , quicumque fuerit , nam hoc me nescire fateor , cum diuturnam & diligentem operam arti oratoriæ dedisset , imò fortè eam alios doceret , viderétque neminem , apud Latinos , res gestas Alexandri Macedonis , prout argumenti dignitas postulabat , scribere adgressum esse ; hanc materiam elegisse , non tam ut Veritatis studio adcuratissimè historiam Alexandri posteris traderet , licèt hoc quoque tentarit , quàm ut eloquentiæ suæ specimen ederet. Eam in rem , res gestas à domitore Asiæ , non , ut curiosus singularum circumstantiarum Lector postularet , descripsit ; sed quemadmodum eas à Rhetore scribi posse , atque oportere credidit. Itaque ubicumque potuit orationum historiæ inferendarum occasionem captavit , easque eo stylo conscripsit , non qui deceret Macedonas rudes plerosque , & militaris artis multò quàm rhetoricæ scientiores ; sed qualis esset otiosi Rhetoris , qui in umbra atque in schola consenuisset. Narrationem ipsam non sentimus nativâ simplicitate , descriptionumque ἀκριβείᾳ & fide placere ; sed nitore & elegantia vocum , & totius styli ardore quodam , qui nusquam languet , nusquam est parum ornatus , aut ulla ex parte neglectus. Sicubi verò vel minima occurrit occasio descriptionis , ibi hominem videas avidissimè artis suæ vela pandentem , etiam ubi omnes

ta-

tacerent; præsertim in tam copioso argumento, & magnitudine ipsâ rerum, sine ornatu ullo procul quæsito, placente. Exempli causâ, multa flumina copiosè descripsit, quasi ad interioris Libyæ sitientes incolas opus hoc suum mittere voluisset; qui numquam fluvium ullum viderunt, & qui vel solis illis descriptionibus æstum, quo excoquuntur, recreare possent. Quia verò ubique res ipsæ tantæ non sunt, ut in admirationem Lectorem semper rapere queant, subinde hyperbolico stylo augentur; quem in historia mirentur quidem pueri, at rideant subactioris judicii homines. Uno verbo, elegantissimum declamatorem ubique expressit, potèstque, ad verba & loquutiones, gnomasque, quod adinet, materiam suppeditare Studiosis, quæ exornent orationem, & grandiore faciant styllum; & fortasse id unum, in hoc opusculo, spectavit.

5. At in eo desideres ferè ubique Historicum, qui diligenter omnia perquirat, seligatque tantùm digna narratu, numquam ad inania digreditur, numquam in descriptionibus rerum omnibus notarum ingenium ostendat; qui credibilia ab incredilibus secernit, hisque aut prorsus omisissis, aut breviter rejectis, credenda tantùm seriò profert; qui non modò conspicua illa vitia, qualia ebrietas, crudelitas, superbia, vituperat, sed & occultioribus illis, quæ nominibus virtutum velantur, larvam detrahit, eaque deridenda omnibus præbet; qualis erat ambitio illa, quæ Alexandrum usque aded vexavit, & belli gen-

ren-

rendi inexhausta cupiditas; qui circumstantias omnes, rerum, hominum & locorum, quatenus licet, memorat, adminiculorumque omnium rei bene gerendæ meminit, ut intelligat Lector, quæ facta sint quæ narrat; qui omnia pro temporum ordine collocat; ut sciant Lectores quo anno, quæve tempestate anni singula gesta sint; qui denique stylum rebus adcommodat, non res ipsas stylo; & simplicis Veri sacerdos, simplici oratione Numini, cujus fert sacra, litat.

6. Hæc & similia deesse *Quinti Curtii* Historiæ præstat eorum enumeratione particulatim ostendere, quàm diutiùs, generali hac descriptione, ejus nimios admiratores in nos concitare. Itaque primùm ostendemus quid in rerum delictu desit, deinde quid in dispositione meritò reprehendi possit, ac tandem eloquutionis ejus vitia describemus; quibus omnibus subjiciemus aliquot locorum apud eum, Librariorum potissimùm negligentiam, corruptorum emendationem. In hisce recensendis, eam rationem otii nostri & Lectoris habebimus, ut neque maximi quidquam momenti omittamus, neque omnia, quæ dicere possemus, huc congeramus.

7. Sed paucis verbis hîc invidiam deprecari necesse habemus, si modò sibi deprecatione ullâ satisfieri patietur. Ante omnia, sanctè affirmare possum, quidquid hîc à me scriptum est, non eo animo scriptum ac in lucem emissum, ut dotibus & veris *Curtii* laudibus quidquam detraherem, aut ut adolescentes ab ejus, similiùmque Scriptorum lectione deter-

terrere. Ejus facundiam ubique laudavi, & egregias sententias, quas passim habet, vehementer probavi; propter quæ dignissimus est, qui sæpius ab adolescentibus legatur, & à majoribus etiam natus in deliciis habeatur. Quod judicium fero etiam de antiquis quibuscvis Scriptoribus, huic nostro aliquatenus similibus, quicumque sint. Si quis eos spernat, ac fastidiat, quasi minùs ingeniosos ac eloquentes, quàm ut imitari eos, ad eloquutionem, inventionemque quod adtinet, debeamus; me numquam adsentientem habebit. Studiosè eos semper lectitavi, nec maturiore ætate minùs earum lectione delector. Quod bonâ fide atque ex animi sententia dico & profiteor.

8. Sed nolim juventutem, aut alios quos ætas juvenibus sapientiores non fecit, unâ cum Veterum virtutibus eorum vitia imbiberre & mirari quæ venia egent, nedum ut admiratione digna sint. Talia sunt in *Curtio*, quæ sunt sanctissimis & certissimis Historiæ, Rationisque legibus contraria; quæ condonari quidem ei æquum sentio, sed laudari non fero.

9. Nec sanè aliter ac ego sentiunt, qui contrâ sentire videntur, cum in Recentioribus vituperaturi sine dubio essent, quæ in Veteribus reprehendi non patiuntur; quæ iniquitas summa est, & quam nullo fuce umquam ita incrustabunt, ut à prudentioribus animadverti nequeat. Verùm eò etiam major est, quòd Recentiorum laudibus malignè detrudere soleant, cum sciant eo modo iis no-

ceri ; dum non sinunt Veteres jure reprehendi , quibus tamen ea reprehensio minimè nocet , cùm profitiis qui eos legunt , ne imitentur , quod fugiendum est. Præstaret sanè Veteres non legi , quàm ita legi , ut isti volunt , hoc est , sine judicio ; cùm eâ lectione ineptiores nos fieri necesse sit. Legendi verò illi sunt , & quidem studiosè , si mihi creditur , ut laudanda imitemur , ignoscenda verò fugiamus dum iis ignoscimus ; quo modo *Curtius* , aliique similes , ut jam dixi , utilissimi legentibus erunt , nec ullo modo nocere poterunt. Hæc Invidiæ obiter reponenda censui , quam placare si nequeam , æquo animo feram ; cùm vitare seriò studia Litterarum colenti non semper hodie liceat , uti nec olim licuit.

C A P U T II.

Quintum Curtium fuisse Astronomiæ & Geographiæ planè imperitum , ob quam imperitiâ in multis peccavit.

1. **U**T initium faciam à rebus ipsis , quæ in *Curtii* historia meritò castigari posse videntur ; quamvis cum illis non sentiam , qui ab Historico accuratam omnium pænè disciplinarum , de quibus incidere potest sermo , cognitionem exigunt ; attamen optandum est ut liberaliorum plerarumque eatenus saltem
ele-

elementa adtigerit, ut pudendam ruditatem deposuerit, utque à gravibus peccatis, si forte quidpiam ex iis delibandum sit, cavere sibi queat. Aut certè, si de iis loquendum, quæ nescit, ab aliis, quæ dicenda sunt, mutua sumat oportet. Duæ autem sunt disciplinæ, germanæ veluti sorores, quarum una Historico planè necessaria, altera sæpe non prorsus inutilis est, & quas tamen vix à limine salutasse videtur *Curtius*. Eæ sunt Astronomia, & Geographia, quarum planè rudem se se prodit.

2. Exemplis utrumque breviter demonstrabo; & ad Astronomiam quidem quod attinet, cum planè ejus imperitum esse oportuit, qui credidit Lunam deficere, non modò cum Terræ umbram subiret, sed etiam cum *Sole premeretur*. Sic autem loquitur *Curtius* * de Eclipsi Lunæ, quæ contigit cum Alexander ad Darium, secundum cum eo pugnaturus, contenderet: *Illi (nempe Ægyptii) qui satis scirent temporum orbis implere destinatas vices, Lunamque deficere, cum aut Terram subiret, aut SOLE PREMERETUR, rationem quidem ipsis perceptam non edocent vulgus, &c.* Quam etiam ignorabat *Curtius*, qui se tamen noluisse, sine dubio, cum imperito vulgo misceri. Vult quidem *Matthæus Raderus*, Solis pressione hîc intelligi silentia Lunæ, cum Luna Soli proxima faciem illustratam integram ei obvertit; sed nemo defectum Lunæ hoc vocavit umquam, præter ipsum, nec, ut

C c 2

pu.

* Lib. IV. c. X, 5.

puto, *pressionem Solis* situm Lunæ Soli proximum. Non est is sermo Astronomi, sed hominis, qui ne vocabula quidem artis norat. Silentia Lunæ nemo mirabatur, quæ singulis mensibus recurrunt; sed *defectus* rariores vulgus horrebat.

3. Ex hac eadem Astronomiæ ignorance, natæ sunt descriptiones regionum planè falsæ; quodd nesciret sub quo Climate sitæ essent, seu quantum à linea æquinoctiali distarent. Sic loquitur de Parapamisadis *; *Gelidissimum septemtrionis axem ex magna parte spectant. Bactrianis ad occidentem conjuncti sunt; meridiana regio ad mare Indicum vergit. Paullo post: vites, inquit, & arbores, si quæ in tanto terræ rigore durare potuerunt, obruunt; penitus hieme defossæ latent, cum nive discussa aperiri humus capit, cælo, solique redduntur. Ceterum adeo altæ nives premunt terram, gelu & perpetuo penè rigore constrictæ, ut ne avium quidem feræve ullius vestigium exstet. Obscura cæli veriùs umra, quàm lux, nocti similis premit terram, vix ut quæ propè sunt conspici possint. Cetera non exscribo, nam hæc omnem ineptiam superant. Quis non dixerit à Curtio describi Thulen, aut tractum ejusmodi intra circulum arcticum situm, vel polo vicinum? At numquam Scythiæ septemtrionales partes adiit Alexander, qui vix meridianam ejus oram adtigit; & Parapamisadæ, Bactrianis vicini, sunt sub clementissimo Climate, quippe inter trigessimum quartum & qua-*

* Lib. VII. c. 3.

quadragesimum gradum latitudinis septemtrionalis siti, quemadmodum meridianaë partes Græciæ; in quibus sanè multò magis timendus æstus, quàm frigus hibernum, quod & exiguum & breve est. Eos tractus nunc vocant *Mawaralnabram*, quorum Metropolis est *Samarcanda*, atque omnium rerum copiâ abundare omnes qui adiere narrant. Aut si mavis magis ad ortum Parapanisâdas quærere, populi erunt ad Septemtriones *Cabulis* & *Cassemiræ*, qui sunt montani tractus iique frigidi, & diuturnis nivibus tecti. At in montibus ipsis nemo habitat, sed in montium convallibus, ubi tanta nix non est, nec diu durat; quod videmus, in nostris oris, circa *Genevam*. Sunt illic montes ad ortum, quos *maledictos* vulgò vocant, perpetuâ nive tecti; sed in quibus non sunt incolæ, neque vites ullæ, sed tantùm in vicinis campis. Præterea satis liquet *Curtium* frigus intolerandum, in illis oris describere, non tantùm hiemis, nivisque causâ; sed quòd ita polo vicina sint, ut potiùs crepusculum illic quàm diem habeant. Qua in re planè hallucinatus est, cùm in illo climate noctes hibernæ non sint longiores quàm in Italia. Quod probè observandum, neque enim frigus simpliciter, in iis locis, sed frigus Arctœum, à longa nocte, qualis intra circulum Arcticum, ortum, reprehendimus. Verùm hac de re pluribus Gallico sermone egimus, *Bibliothecæ Selectæ* Tom. III. p. 221. & seqq. Si situm singulorum locorum accuratiùs cognoscere aveas, adeunda eorum Arabica

descriptio *Abulfeda*, quæ est à *Joan. Gravio* edita.

4. Sed, quod omnia ἀτοπήματα multis parasangis antecedit, idem ille *Curtius*, qui sub benignissimo cælo glaciale Zonam & tenebras Cimmerias invenit, in tractibus ad septemtrionem Parapamisadarum sitis, torridam apprehendit Zonam. Sic enim iter Alexandri, per loca deserta Sogdianorum, describit, haud multò post * : *Arenas vapor æstivi Solis accendit, quæ ubi flagrare ceperunt, haud secus quàm continenti incendio cuncta torrentur. Caligo deinde, immodico terræ fervore excitata, lucem tegit; camporumque non alia, quàm vasti & profundi æquoris, species est. Nocturnum iter tolerabile videbatur — ceterum cum ipsa luce æstus oritur, omnemque naturalem absorbet humorem siccitas, &c.* Non aliter potuisset loqui de itinere, per meridianos Persidis tractus, aut ad Jovem Hammonem. Certè his similia habet *Arrianus* Lib. VI. ubi de reditu Alexandri per solitudines *Gedrosorum*, qui populi meridianam Persici Imperii oram, ad Occanum Indicum, incolebant. Fortasse *Gedrosos* cum *Sogdianis* miscuit *Curtius*, aut alium eos confundentem, nec satis tempora distinguentem sequutus est.

5. Ex ignorantia Astronomiæ profluxerunt etiam τερατολογίαι, quas inducit dicentes Alexandri milites, ad Hypasin fluvium: † *In alium orbem paras ire, & Indiam quaris*
In-

* Lib. VII. c. 5. † Lib. IX. c. 3.

Indis quoque ignotam ; inter feras , serpentēſque degentes eruere ex latebris & cubilibus ſuis expetis , ut plura QUAM SOL VIDET victoriā luſtres. Fuisset vix tolerabilis hyperbole , ſi dixiſſent : *quæcumque Sol videt victoriā luſtres ;* at hîc Macedones timent ne abducantur in terras , quas numquam Sol vidit ; quaſi minùs , aut aliter Solem oriri vidiffent , apud Indos , quàm apud Macedonas ! Tam abſurdè loquentes numquam induxiſſet Aſtronomiæ peritus. Nec putes noſtro hoc excidiſſe , placuit hæc illi *ἐννοια* ; iterum enim , in ſequentibus * , Macedones queruntur ſe trahi extra ſidera & ſolem , *cogique adire quæ mortalium oculis natura ſubduxerit.* Nullum præmium ſe manere , victis tot gentibus , niſi *caliginem ac tenebras , & perpetuam noctem profundo incubantem ; repletum immanium belluarum gregibus fretum ; immobiles undas , in quibus emoriens natura deſecerit.* Hæc poſſent ferri , ſi Macedones ita quererentur † poſtquàm à Caſpio Mari rectà ad Septemtriones ducti fuiſſent , per aliquot hebdomadas , & quidem circa brumam ; vidiffent enim noctes præter modum augeri , & frigus intendi. Sed euntibus in Auſtrum , Solémque quotidie altiorem ſupra capita cernentibus , & calorem augeri ſentientibus ; ſuſpicio nulla æternæ noctis , immobilis freti , & emorientis naturæ , iis eſſe potuit. Verùm homo

C c 4

de

* Lib. IX. c. IV, 18. † Vide Pedonis Albinovani fragmentum , de navigatione Germanici per Germanicum Oceanum , apud M. An. Seneccam Suſſor. I.

declamitando adfuctus tam pulcrum locum prætermittere non poterat. Conferantur hæc cum iis, quæ ex declamatoribus collegit *M. An. Seneca* Suasoriâ primâ, & germana videbuntur, ac forsan inde expressa. Illic enim deliberanti Alexandro, an Oceanum navigaturus sit, dissuadet *Avitus* hisce verbis: *Stat immotum mare, & quasi, deficiente in suo fine naturâ, pigra moles; novæ ac terribiles figura, magna etiam Oceano portenta, quæ profunda ista vastitas nutrit; confusa lux altâ caligine, & interceptus tenebris dies; ipsum verò grave & defixum mare, & aut nulla, aut ignota sidera.* *Oscus* verò: *Tempus est, inquit, Alexandrum cum orbe & cum Sole desinere, &c.* *Nescio quid humanis natura subduxit oculis, extrema nox obruit. Musa denique: Fæda belluarum magnitudo, & immobile profundum testantur, Alexander, nihil ultra esse quod vincas; revertere.* Quæ omnia portentosa Astronomiæ non omnino imperitis, pulchra tamen sine dubio videbantur *Curtio*; alioquin imitatus non esset.

6. Nec dixeris illo ævo, quo vixit *Curtius*, Astronomiam satis notam nondum fuisse, ut ejusmodi errores caveri possent; quodd si ad Alexandri ætatem adscenderimus, minorem etiam ejus fuisse disciplinæ cognitionem, ideoque & *Curtium* & milites Alexandri potuisse, sine dedecore, ejusmodi sermones habere. Fateor inter Rhētoras, Astronomiam vulgò notam non fuisse; sed quæ scripsit *Ptolemæus*, non multò recentior *Curtio*, ostendunt sat notam fuisse, ut ejusmodi ineptiæ vitari possent;

sent; neque enim *Ptolemæus* ejus scientiæ inventor fuit, sed cultor dumtaxat & propagator. Nec talia dicere poterant milites Alexandri, inter quos erant Chaldæi, Ægyptique Astronomiæ periti, & vicini præterea locis, de quibus ea monstra jactantur. Ac sanè *Arrianus*, qui Cœnum etiam dissuadentem Alexandro, ne ulterius pergeret, inducit Lib. V. sub finem, nullas habet ejusmodi *τερατολογίας*, ex solo cerebro otiosorum Rhetorum natas.

7. *Jos. Scaliger* de Emendat. Temporum Lib. II. p. 118. Edit. posterioris, profert hæc verba *Curtii* Lib. VIII. c. 9. ad calcem Capituli, de mensibus Indorum: *Menses in quinos denos descripserunt dies. Anni plena spatia servantur. Lunæ cursu notant tempora, non ut plerique cū orbem sidus implevit, sed cū se curvare cœpit in cornua, & idcirco breviores habent menses, qui spatium eorum ad hunc Lunæ motum dirigunt.* Tum ita loquitur: „sanè
 „verum est breviores menses esse, quàm aliorum, cū *quinis denis* tantū diebus
 „constent. Sed quomodo à Luna corniculata, si non etiam à plenilunio alternatim?
 „& si à plenilunio, quomodo constant ea, quæ dicit, non ab eo tempore putari, cū
 „implevit orbem sidus? Quid enim aliud est, quàm à plenilunio? Rursus, si *quini deni*
 „dies mensi adtribuuntur, quomodo constanter servabitur ille numerus, ut tandem rationes Lunæ non labascant, siquidem Lunares menses alternis pleni & cavi? — Si
 Cc 5 „ igi-

„ igitur semper à Luna corniculata ; ergo
 „ menses non *quinis denis* diebus , ut perpe-
 „ ram scribit auctor alioqui facundissimus sed
 „ tricenis & undetricenis constabunt. *Matth.*
Raderus conatus est *Curtii* verba ita exponere
 ut intelligatur hoc voluisse , mensem unum
 incipi & numerari paullò post Lunæ silentium
 ad plenilunium ; deinde alterum à tempore ,
 quo decrefcere Lunâ incipit , ad sequens ejus
 silentium. Sanè hæc ejus debuit esse senten-
 tia , sed parum aptè est loquutus , cùm dixit
 lunam decimo sexto die *se incipere curvare in*
cornua , nulla enim *cornua* nisi septem circiter
 post plenilunium diebus adparent. Sed & ante
Raderum Thomas Lidyatus rem aliter inter-
 pretari conatus erat ; at rectè ostendit *Scali-*
ger in Prolegomenis ad *Canones Isagogicos* ,
 p. 11. nec à *Lidyato Curtium* , nec à *Curtio*
 fortè Scriptorem , quem exscripserat , intel-
 lectum fuisse. Veteres Persæ utebantur etiam
 mensibus quinûm denûm dierum , & viginti
 quatuor habebant intra anni solaris circuitum ,
 ante Mohammedismi tempora , ut disertè tes-
 tatur *Joannes Chardinus* *Itinerar. Persici* Tom.
 II. p. 14. Ed. in 4.

8. Nunc ut ad Geographiam veniam , quæ ,
 quatenus spectat descriptionem , sitûmque re-
 gionum , notior multò erat , quàm Astrono-
 mia ; immania etiam sunt peccata , quæ in
 eam admisit *Curtius*. Hanc verò Historico
 minùs utilem esse nemo dixerit , cùm sine e-
 jus cognitione , necesse sit ut itinera , expedi-
 tionésque exercituum perversè describat , &
 Lectorem locorum imperitum subinde fallat ;
 quem-

quemadmodum facit *Curtius*, nisi Lectores à viro Geographiæ peritiore admoneantur. *Polybius* certè, antequàm manum historiæ suæ admoveret, lustrare ipse voluit loca potissima, de quibus erat loquuturus; ne in peccata incideret, in quæ delapsi fuerant veteres Historici, quibus minùs notus erat terrarum orbis.

* Τὸ πλεῖον, inquit, τέτε χάριν ὑπεδεξάμεθα τὰς κινδύνους καὶ τὰς κακοπαθείας, τὰς συμβάσας ἡμῖν ἐν πλάνῃ τῇ κατὰ Διόνην καὶ κατ' Ἰβηρίαν, ἔτι ἢ Γαλατίαν ἢ ἢ ἔξωθεν ταύταις τῇ χώραις συγκυρῆσαν θάλατταν. ἵνα διορθωσάμενοι ἢ τῇ προγεγονότων ἄγνοϊαν ἐν τέτοις γνώριμα ποιήσομεν τοῖς Ἕλλησι ἢ ταῦτα τὰ μέρη τῇ οἰκισμένης: interprete H. Casaubono: *cum tot pericula tantisque suscepimus labores, quantos in peregrinatione Africae, Hispaniae, item Galliae, & maris externi, quæ has regiones adluit, exantlavimus; id potissimum spectavimus, ut Antiquorum ignorantiam harum partium corrigeremus, & illos quoque tractus nostri orbis Græcis hominibus aperiremus.* Superiùs transitu Hannibalis per Alpes narrato, † ἡμεῖς, inquit, περὶ τέτων εὐθαρσῶς ἀποφαινόμεθα, διὰ τὸ περὶ τῇ πράξεων παρ' αὐτῶν ἰσορρῆκεναι τῇ παρατετευχότων τοῖς καιροῖς, τὰς ἢ τόπῳ κατωπτευκέναι, ἢ τῇ διὰ τῇ Ἀλπεων αὐτὸς κεχρῆσθαι πορείᾳ, γνώσεως εἵνεκα ἢ θέας: *nos autem de hisce rebus*

60

* Lib. III. p. 293. Ed. Amstel. † Ead. Lib. p. 280.

eo majore fiducia scribimus, quia ab illis hominibus eas didicimus, qui temporibus illis vivebant; & quòd loca ipsi lustravimus, qui visendi studio ac veritatis noscendæ, Alces adiimus. Sic & Diodorus Siculus, initio Historiæ: μετὰ πολλῆς κακοπαθείας ἡ κινδύνων ἐπήλθομεν πολλὴν τὴν τε Ἀσίας ἡ τὴν Εὐρώπης, ἵνα τῶν ἀναγκαιοτάτων ἡ πλείων μερῶν αὐτόπται γενησώμεν. πολλὰ γὰρ παρὰ τὰς ἀγνοίας τῶν τόπων διήμαρτον, ἔχουσιν οἱ τυχόντες μόνον τὴν συγγραφέων, ἀλλὰ τινες ἡ τὴν δόξην πεπερωτευκότων: cum multa molestia & periculis, peragravimus magnam Asiæ & Europæ partem, ut maximè necessarios & plerosque tractus ipsi videremus. Multum enim locorum inscitia peccatum est, non tantum à vulgo Scriptorum, sed à nonnullis etiam, qui primum gloriæ decus obtinent. Hæc quidem non à quovis Historico exigì queant; at minimùm à Curtio lectam oportuit descriptionem Geographicam tractuum, quos subdidit Alexander; quales sine dubio multæ eo ævo exstabant, præter eas quas Curtio antiquiores etiamnum habemus. Nihil tamen minùs curasse videtur, quàm ut regionum, de quibus loquuturus erat, situs teneret, sicut ex re ipsa liquebit.

9. Claudius Salmastius Exercitationum Plinianarum Cap. XL. pag. 582. Ed. Ultrajectinæ, dudum observavit Curtium nugari (Lib. III. c. 1.) qui Lycum & Marsyam confundit, cum Marsyas Apameam adluat, vel interfluat, Lycus Laodiceam. Sed in situ minorum fluvio-

viorum erranti venia debetur, quæ vix concedatur aliis erroribus, quibus ipsa Geographiæ elementa convelluntur. Aut hac de re *Lucianum* de conscribenda Historia: τὸ καὶ περὶ τὰς τόπας αὐτὰς ψεύδεσθαι, ἔπρασάγγας μόνον, ἀλλὰ καὶ σάβμας ὅλας, τίς ἢ καλῶν ἔοικεν; *Etiam circa locos ipsos mentiri, non parasangas tantum, sed & integras mansiones, cuinam egregiorum (historicorum) simile est?* Sic loquitur *Curtius* de situ celeberrimi Hammonis Oraculi, qui notissimus fuit, ut liqueat illi ignota fuisse & Clima cœli, & vicinorum sedes: * *Cœli mira temperies, verno tempore maximè similis, omnes anni partes pari salubritate percurrit.* Quis nisi planè ἀγεωγράφητος ignorat eam non esse temperiem interioris Libyæ, circa vigesimum octavum gradum latitudinis septemtrionalis? At præsentia Dei miraculum hoc tribuebatur à nonnullis Scriptoribus; quos sequutus pueriliter *Curtius*, qui non verissima, sed παραδοξώτατα solet seligere. Similia etiam † *Diodorus Siculus*, ex iisdem fortè Scriptoribus, hauserat. Sed *Arrianus*, haud paullò acutius iudicio præditus, quàm uterque, ‡ ejusmodi nugas omit- tit.

10. Sic verò describit *Curtius* finitimarum gentium situm: *Accolæ sedis sunt ab oriente proximi Æthiopum; in meridiem versus Arabes spectant, Troglodytis cognomen est, quorum re-*
gio

* Lib. IV. C. VII, 17.

† Lib. XVII. p. 527.

‡ Initio Lib. III.

gio usque ad rubrum mare excurrit. At quæ vergit ad occidentem, alii Æthiopes colunt, quos Scenitas vocant; à Septemtrione Nasamones sunt, Gens Syrtica, navigiorum spoliis questuosa; quippe obsident littora, & æstu destituta navigia, notis sibi vadis, occupant. Inspectantur Ptolemæi Alexandrini, ac proinde eorum locorum peritioris, tabulæ, & adparebit ad Orientem vicinos fuisse Nitriotas populos, & Oasitas Nomos, deinde superiorem Ægyptum, ac tandem Arabas, qui Troglodytæ dicebantur, quos malè ad meridiem collocat Curtius, & amplioris æquo tractûs incolas facit. Ad meridiem erant primùm Libyes, deinde remotiores Æthiopes. Ad occidentem incolebant Nasamones, qui an vagarentur ad Syrtes usque nescio. Ad septemtrionem erant Libyes, Ægyptiis vicini, qui tractum maritimum inter Alexandriam & Cyrenas porrectum occupabant. Paullò aliter Diodorus, sed tamen ad hæc magis accedit, quàm ad Curtianam Geographiam: περιειχῶσι κατὰ τὴν μεσημβρίαν ἢ δύσιν Αἰθίοπες, κατὰ τὴν ἀρκτικὴν Λιβύων νομαδικῶν ἔθνη, καὶ τὸ πρὸς τὴν μεσόγειον ἀνήκον τὸ τῶν Νασαμώνων ὀνομαζόμενον ἔθνος: circum habitant ad meridiem & occasum Æthiopes; ad septemtrionem Libyæ gens erratica, ad mediterraneum verò tractum porrecta gens quæ dicitur Nasamonum. Postrema verba minùs adcurata sunt, nam mediterraneus tractus & meridianus idem sunt, & Nasamones potiùs ad occasum erant collocandi; ne jam dicam à Diodoro omisso orientales Hammonis adcolas. II. Non

II. Non peritiùs describit *Curtius* iter Alexandri ex Assyria Babylonem versùs, decursumque Tigris & Euphratis. Postquàm narravit Arbela ab Alexandro capta fuisse, docet hinc profectum exercitum rectà Babylonem duxisse, ejusque itineris descriptionem ita orditur : * *Euntibus à parte læva, Arabia odorum fertilitate nobilis regio, campestre iter est.* Manifestum est *Curtium* designare Arabiam Euphrati proximam, quam perperam existimat esse odoriferam illam, seu quæ *Felix* dici solet; cùm sit *Arabia deserta*. Deinde falsò à læva euntibus, ex Assyria, nempe, Babylonem, Arabiam collocat; cùm sit Arabia deserta ad dextram, procul verò ad meridiem aromatifera. Præterea cùm Alexander Darium vicisset ad Arbela, trans Tigridem, ad ortum, si rectà, ut ait *Curtius*, illinc ivit Babylonem; potiùs per Assyriam ad Tigridem iter fecit, quem trajecit, deinde per Mesopotamiam Babylonem tetendit; unde ad meridiem progredienti procul abest ad dextram Arabia. Non dissimulabo tamen, *Xenophontis* tempore, oram Mesopotamiæ ad Euphratem Arabiam etiam dictam fuisse & ut odoriferam descriptam, ut ex Lib. I. Exped. Cyri c. V, 1. liquet. Sed idem *Xenophon* à septemtrionibus ad Austrum per eam progredientibus Euphratem ait fuisse ἐν δεξιᾷ ad dextram. Scio esse qui *Aturiam* hîc scribi velint, sed *Aturia*, seu *Assyria*, potiùs erat ad dextram quàm ad lævam Babylonem Arbelis euntibus, & mentio odorum de Arabia agi ostendit.

12. De

* Lib. V. c. 1. 12.

12. De Tigri & Euphrate , paullò pòst ita loquitur : *Ipsi amnes ex Armenia montibus profluunt , ac magno deinde aquarum divortio iter , quod cepere , percurrunt* — *Iidem , cùm Mediæ & Gordianorum terras secare cœperunt , paullatim in arctius coeunt , &c.* Potest hoc dici de Gordiæorum solo , at de Media dici non potest ; quam non modò Euphrates nequaquam adtingit , sed ne Tigris quidem , qui magis ad Orientem fluit , quàm Euphrates. Adluit Tigris occidentales partes Assyriæ , sed aliquot dierum itinere , à Medorum finibus , abest. Scio *Diodorum* Siculum , Lib. II. dicere hos fluvios * ἐνεχθέντας διὰ Μηδίας ἢ Παρσιανῆς ἐμβάλλειν εἰς τὴν Μεσοποταμίαν : *delatos per Mediam & Paratacenem , incidere in Mesopotamiam.* Sed non minùs errat , omniumque Geographorum veterum & recentiorum auctoritate facilè potest confutari. *Paratacenem* septemtrionalem tractum Persidis vocat *Ptolemæus* , quò usque porrectum fuisse Tigrim nemo somniavit.

13. Ut decursum duorum nobilissimorum fluviorum multò ampliorem facit *Curtius* , quàm est : sic & tractus terrarum nimium interdum amplificat , ut cùm de Bactriana ita loquitur : † *Inflabat impios animos regio cui præerant , armis , virisque & spatio locorum nulli earum gentium secunda ; tertiam partem Asiæ tenet.* Quod nemo Geographorum somnians cogitavit , nemo , præter nostrum , scripsit.

14. Sed

* Pag. 99. Ed. Rhodm. † Lib. V. C. X, 3.

14. Sed longè maximus error *Curtii* in eo situs est, quòd *Pontum Euxinum* subinde miscet cum mari *Caspio*, & *Caucasum* cum *Parapaniso* vel *Parapamiso*; ex quo errore factum est, ut situm vicinorum omnium locorum confuderit. Scio cum à Græcis nonnullis Scriptoribus, qui haud aliter errant, deceptum fuisse; sed nisi imperitus Geographiæ fuisset, numquam sibi tam turpiter imponi passus esset. Certè *Eratosthenes* Cyrenæus hunc eorum, qui res gestas *Alexandri* scripserant, errorem dudum rectè animadverterat; cui mirum est *Arrianum*, iudicii ceteroque subacti Historicum, cum res esset manifesta, veritum esse adsentiri. Dicebat *Eratosthenes*, Macedonas, ut æquarent *Alexandrum* *Baccho* & *Herculi*, finxisse eum loca victoriis emensum esse, quæ illi adierant; * τὸ Κανκάσον τὸ ἕρος ἐκ τῆς Πόντης εἰς τὰ πρὸς ἑω μέρη τῆς γῆς καὶ τῆς Παραπαμισάδων χώραν, ὡς ἐπὶ Ἰνδοῦ, μεταγείν τῷ λόγῳ τῆς Μακεδόνας, Παραπάμισον ἔντα τὸ ὅριον αὐτὴς καλεῖντας Κανκάσον, τῆς Ἀλεξάνδρου ἕνεκα δόξης, ὡς ὑπὲρ τῆς Κανκάσον ἄρα ἐλθόντα Ἀλέξανδρον: *Caucasum* verd montem ex *Ponto* ad orientales terræ partes & *Parapamisadarum* regionem, ad *Indos*, nimirum, *Macedonas* suis sermonibus transferre, & *Parapamisum* montem *Caucasum* vocare, in *Alexandri* gloriam, ut pote qui *Caucasum* superavit. Similia animadvertit *Strabo*, Geographiæ

Tom. II.

Dd

phiæ

* Apud *Arrianum* Lib. V. p. 102. Ed. Hen. Stephani.

phiæ Lib. XI. p. 348. Ed. Genevenfis Casaubonianæ.

15. Ex hoc uno errore multi, ut dixi, profluxerunt, quasi ex illo fonte scaturientes, qui passim, apud *Cartium*, adtendentibus occurrerent. Aliquot tantum exempla proferemus, ex quibus facile de ceteris judicium feretur. Idem Darius, in alteris ad Alexandrum * litteris, rhetorico fumo, non regiâ gravitate, refertis, inducitur dicens *transseundum esse Alexandro Euphratem, Tigrim & Araxem*, quasi *Araxes* esset remotior ad orientem, quàm Tigris; cum sit Armeniæ fluvius, in mare Caspium ab occasu influens, ad meridiem Caucasi. Si Persidis fluvius intelligeretur, nimis tenuis esset, quàm ut cum *Tigride & Euphrate* conjungeretur. Paullò post, idem Darius, ex Persarum Rege in declamatorem Asiam ignorantem subito mutatus, quærit ab Alexandro, quando aditurus sit *Sogdianos & Arachosios*, nomine tantum notos, ceterasque gentes ad *Caucasum & Tanaim* pertinentes; cum Darius non multò minùs abesset à Caucaso & Tanai, quàm Alexander. Sed quia notum erat Tanaim esse ultra Caucasum ad Septentriones, translato hoc monte ad Bactrianæ fines, fuit etiam invitâ naturâ, derivandus illic Tanais. Indidem † *Cercetæ, Mosyni & Chalybes*, populi ad ortum Ponti Euxini, meridiemque Caucasi siti, à *leva sunt Hyrcanis*; ab altera parte *Leucosyri*, hoc est, Cappadoces. Hinc inter probabiles opiniones refer-

tur

* Lib. VI. c. IV, 4. † Lib. VI. c. IV, 17.

tur eorum sententia, qui in Caspium mare
 * *Mæotin paludem cadere putant.* Vicissim
 fluvios & tractus Asiæ minoris, ad meridiem
 Ponti Euxini sitos, transfert in superiorem
 Asiam, meridianasque Caspio mari plagas.
 † *Hyrcaniæ*, inquit, *finitima gens Amazonum,*
circa Thermodoonta amnem, Themiscyræ inco-
lentium campos. Quem fluvium, quàmque
 urbem Cappadociæ esse nemo nescit. Tum
 quasi hæc regio & Colchis eadem esset, sub-
 dit: *Reginam habebant Thalestrim omnibus in-*
ter Caucasum montem & Phasim amnem im-
peritantem; quo tamen in loco, verum Cau-
 caso situm servat. Alibi, simili errore, di-
 cit ‡ *Arachosiorum regionem ad Ponticum ma-*
re pertinere.

16. Non multò pòst, postquàm descripsit
 Parapamisadarum gentem, haud multò aliter
 ac Laponiam hodie describunt, ut jam antea
 diximus, ait § inde agmen processisse ad *Cau-*
casum; *cujus dorsum*, inquit, *Asiam perpetuo*
jugo dividit. *Hinc simul mare, quod Ciliciam*
subit, illinc Caspium fretum, & amnem A-
raxem aliâque regionis Scythicæ deserta spectat.
 Manifestò miscet *Caucasum*, cum monte *Tau-*
ro, ut inspectæ quævis tabulæ docebunt; sed
Araxis fluvii hîc suo loco meminit, cùm ali-
 bi de eo loquatur, quasi ultra Tigrium esset.
 Postea tamen distinguit: *Taurus*, inquit, *se-*
cundæ magnitudinis mons committitur Cauca-
so, à Cappadocia se adtollens Ciliciam præterit,

Dd 2

Ar-

* *Ibid.* 18. † *Cap.* V, 24. ‡ *Lib.* VII. C. III, 4.§ *Ibidem.* 19.

Armeniaque montibus jungitur. In sequentibus miro errore, *Caspium* mare ab *Hyrcano* distinguit. * *Asia*, inquit, *omnia ferè flumina, alia in Rubrum, alia in Caspium mare, alia in Hyrcanum & Ponticum decidunt.* Mox † à Pontico mari, quasi *Bactrianæ* vicino, ventos in eam regionem spirare ait, & quidquid sabuli in campis jacet converrere.

17. Superato *Oxo*, quem ab ortu in *Caspium* mare incidere notum est, *Alexander* procedit ad *Tanaïm* amnem, quasi nullus esset propior fluvius. Néve dubitare possimus propriè dictum *Tanaïm* intelligi, narrat noster ab *Alexandro* missum *Penidam* quemdam ex amicis, ad eos *Scythas* qui *Europam* incolunt, denunciaturum ne *Tanaïm* amnem regionis, injussu regis, transirent. ‡ Ex tota narratione, liquet *Curtium* existimasse *Tanaï* *Bactrianam* à *Scythia* separari; adeoque ingens illud spatium, quod à palude *Mæotide* ad *Iaxartum* fluvium, *Caspio* mari influentem ab ortu, porrigitur, pro nullo habuisse; quo errore, major admitti non poterat; nec plures quæremus. Excusare fortè quis tentet *Curtium*, exemplo *Græcorum*, quos sequutus erat; quod elevat quidem culpam, sed non tollit; nam non est *Historici* exscribere quæcumque ab aliis ante se scripta sunt, sine examine. *Arrianus* saltem sub finem *Lib. III.* significat postquam nomen *Tanaïs* adhibuisset, alium esse *Tanaïm* ab eo, qui aquas in *Mæo-*

* *Ibidem.* 21. † *Cap. IV., 27.* ubi iter facientibus per *Bactrianam* aptat quæ de *Libya* dicuntur.

‡ *Capp. V., VI., VII., & VIII.*

Mæotin paludem evolvit. Præterea ex adlatis, manifestò liquet *Curtio* nullam planè fuisse cognitionem sitûs horum locorum, atque ab illo vera falsis perpetuò ferè mista fuisse. Fuerunt etiam qui emendationibus, aut potius violentis depravationibus, tentarint *Curtium* cum veriore Geographia in concordiam redigere; quasi quisquam de ejus, hac in parte, imperitia dubitare possit, aut liceat tot loca, invitis omnibus Manuscriptis, emendare! Certè si hoc liceret, passim legeremus apud Veteres, Criticorum operâ, non quæ illi scripserant, sed quæ scribere debuerant, aut quæ debuissent viderentur hodiernis Criticis.

CAPUT III.

A Q. Curtio malè eligi, quæ sequatur, & fabulas subinde describi.

I. CONQUERITUR alicubi *Arrianns*,
 ἔδὲ τὰς πάνυ πιστὰς εἰς ἀφῆγησιν καὶ
 συγγενομένους ἐν τῷ τότε Ἀλεξάνδρῳ, ὑπὲρ
 τῶν γνωρίμων τε καὶ λαθόντων σφᾶς ὅπως διε-
 πράχθη, ξύμφωνα ἀναγράψαι: ne fide qui-
 dem dignissimos, ad narrationem quod adtinet,
 & qui tunc *Alexandri* comites fuerunt, de re-
 bus notis, neque ipsis, quomodo sint gestæ, la-
 tentibus convenientia scripsisse. Quod, ex *A-*
ristobuli & *Ptolemæi* historiis prolato exem-
 plo, probat. Nec quisquam est, qui tempus

aliquod in legendis Historiis posuerit, cui plura similia non occurrerint.

2. Sunt autem duo genera hominum, qui ex antiquis monumentis Historias contexere, seu, ut loquitur initio Historiæ *Herodianus*, πάλαι γεγονότων μνήμην ἀνανεώσασθαι, *olim gestorum memoriam renovare* adgrediuntur. Alii, quantum licet, veritatem expiscari conantur, & diligenter omnia expendunt; ut verisimillimam sequantur narrationem, cum non licet res exploratas proferre. Alii verò de veritate non multum laborantes ea eligunt, quæ maximè mirabilia videntur; quia faciliùs exornari possunt, & grandiori orationi materiam suppeditant. Hi, ut egregiè idem Historicus, παιδείας κλέειν αἰδίδιον μνώμενοι, ὅπως μὴ σιωπήσαντες λάθοιεν εἰς τὸ πολὺν ὁμιλον ἀριθμύμενοι, τὸ μὲν ἀληθείας ἐν τῷ ἀφήγησιν ὀλιγώρησαν, ἐχ' ἥκιστα δὲ ἐπεμελήθησαν φράσεώς τε καὶ εὐφωνίας. Θαρρύντες ὡς εἴ τι καὶ μυθῶδες λέγοιεν, τὸ μὲν ἡδὺ τὸ ἀκροάσεως αὐτοὶ καρπώσονται, τὸ δὲ ἀκριβὲς τὸ ἐξετάσεως ἐκ ἐλεγχθήσεται: hoc est, interprete *Ang. Politiano*: dum famam eruditionis adsecutant, nomenque suum conantur ab injuria oblivionis adferere, minus sanè multam in veri per investigatione, quàm in exornanda componendâque oratione, industriam posuerunt; rati, scilicet, neque si quid, in rebus à suo sæculo remotissimis, falsi proderetur posse refelli, & se tamen suavitatem narrationis, amplissimum laboris, ingeniique sui fructum percepturos.

3. In posteriorum numero fuisse *Q. Curtium* res ipsa ostendit, etiam me tacente. Pauca dumtaxat exempla proferam, ceteris diligentiae Lectoris, qui rem penitiùs cognoscere avebit, relictis. In plerisque praeliis, in quibus victores fuere Macedones, numerum hostium occisorum planè incredibilem proferret, praesertim si cum paucitate Macedonum, quos in iis cecidisse narrat, comparatur. In praelio ad Issum commissso, * *caesa sunt Persarum peditum centum millia, decem verò millia interfecta equitum.* Incredibilis per se est ille numerus, nam quamvis Persae nequaquam essent, fortitudine aut scientià militari, æquiparandi cum Macedonibus, attamen non erant planè pecudes. Incredibilior erit, si, ut dicit *Curtius*, *ex parte Alexandri quatuor & quingenti dumtaxat saucii fuere, triginta omnino & duo ex peditibus desiderati, equitum centum quinquaginta interfecti.* Ut hoc esset, oportuisset gladios Persarum fuisse ligneos, nec ulla tela cuspidibus ferreis praefixa; aut Macedonas Vulcaniis armis fuisse tectos, ad quæ accidentia aut impacta mortalium fabrorum opera illico frangerentur; Macedonum verò gladios & tela non modò durissimo chalybe fabrefacta, sed numquam frustra mota, aut coniecta. Nam ipse *Curtius* docet circa Darium memorabilem editam fuisse pugnam, strenuèque certasse cum Oxathrem Darii fratrem, tum Satrapas plures; atque in dextro cornu, primùm Persas equites superio-

Dd 4

rio-

* Lib. III. C. XI, 27.

riores fuisse. Erant præterea triginta millia Græcorum, *qui haud sanè fugientibus similes evaserunt*. Quis credat Persis & Græcis non fîctè, certè per breve tempus, pugnantibus, occisos dumtaxat ducentos Macedonas? Fateor ab aliis Historicis non multò minorem numerum Persarum cæsorum, nec maiorem mortuorum Macedonum proditum esse; sed erat adcuratoris Historici non facilè iis credere, aut si nihil verisimilius occurreret, obiter significare sibi videri non ex vero numerum illum cæsorum scriptum esse. Certè * *Arrianus* ait quidem Persarum cæsas fuisse decem myriadas, inter quas myriada equitum recenset; sed eorum qui perierunt è Macedonibus numerum non init, sine dubio quia eum pudebat stultitiæ eorum, qui ducentos aut trecentos dumtaxat Macedonas cecidisse scripserant.

4. In altero prælio, quo Alexander Darium prorsus debellavit, & in quo acriùs multò pugnasse dicuntur Persæ, † *cecidere*, ut ait *Curtius*, *Persarum, quorum numerum definire potuerunt victores, millia XL. Macedonum minùs quàm trecenti desiderati*. Hæc quoque sunt incredibilia, quamvis non usque adeò à verisimilitudine abeant ac priora. At dignus est & ipse § *Arrianus*, qui irrideatur, cum, nullâ additâ significatione iudicii sui, dicat narrari triginta myriadas Persarum interiisse, Macedonum verò summum centum. Sed rariùs ita peccat, neque ex hoc peccato,

* *Sub finem Lib. II.* † *Lib. IV. C. XVI. 26.*
§ *Lib. III. p. 63.*

to, de reliqua ejus historia, judicium ferri debet.

5. Verùm *Curtius* non modò in præliis Persarum & Macedonum, talia habet; sed etiam in pugna Macedonum contra Lacedæmonios, quæ narratur initio Lib. VI. Quamvis pars descriptionis ejus prælii interciderit, adparet tamen ex iis quæ supersunt, Lacedæmonios diu victoriam dubiam fecisse Macedonibus, ac proinde inultos nequaquam cecidisse. Quinimò Laconum virtutem ut pingeret *Curtius*, rhetoricos omnes colores absumsit; attamen post tam pertinax prælium, *cecidere*, inquit, *Lacedæmoniorum V. millia & CCCLX, ex Macedonibus haud amplius CCC.* Nemo hæc tulerit, qui sciverit quâ audaciâ, & pertina-ciâ pugnare solerent Lacedæmonii; hoc est, qui non fuerit in Græcorum Historiis planè tiro. *Diodorus* certè Siculus, cùm de numero Lacedæmoniorum & sociorum cæsorum consentiat propemodum cum Scriptoribus, quos sequutus est *Curtius*, nam sexaginta dumtaxat viros numero adlato detrahit, ait cecidisse * ἑ μὲν Ἀντιπάτρης τρισχιλίαις ἢ πεντακοσίαις, *ter mille quingentis.* Crederem emendandum hinc *Curtium*, nisi ex multis aliis locis constaret hominem παράδοξα studiosè esse sectatum, quæ certè loca emendari omnia nequeunt.

6. Visne scire, quâ lege hoc sibi licere existimarit *Curtius*? Audi *Ciceronem* ingenium & consuetudinem Rhetorum, qui Historias scrip-

.D d 5 tita-

* Lib. XVII. p. 357.

titabant, pulcherrimè describentem : * *Concessum est*, inquit, *Rhetoribus ementiri in Historiis, ut aliquid dicere possint argutius; § ut enim tu nunc de Coriolano, sic Clitarchus, sic Stratocles de Themistocle finxit. Nam quem Thucydides, qui Atheniensis erat & summo loco natus, summusque vir & paullò ætate posterior, tantum mortuum scripsit, & in Attica clam humatum; addidit fuisse suspicionem veneno sibi conscivisse mortem; hunc isti aiunt, cum taurum immolavisset, excepiisse sanguinem paterà, & eo poto mortuum concidisse. Hanc enim mortem Rhetoricè & Tragicè ornare potuerunt; illa mors vulgaris nullam materiem præbebat ad ornatum.*

7. Non alia de causa, *Curtius* fabulas, quas in antiquioribus Scriptoribus inveniebat, & quas Veri amans Historicus aut prætermisisset, aut commemoratas arguisset mendacii, avidè adripuit, & pro veris magnificà oratione descripsit. Ejusmodi est fabula, quâ *Thalestris* Amazonum Regina dicitur ad *Alexandrum* ivisse, prolis suscipiendæ causâ, quam fabulam seriò narrat *Curtius* † : *Erat*, inquit, *Ilyrcaniæ finitima gens Amazonum, circa Thermodoonta amnem, Themiscyræ campos incolentium. Reginam habebant Thalestrim, omnibus inter Caucasum montem, & Phasin amnem imperitantem. Peccata hîc sunt, ut antea ostendimus, immania in Geographiam, eoque absurdiora, quodd ipsum iter Alexandri, ut à*
Cur-

* In *Bruto*, num. 42, 43. § Loquitur *Atticus*, respiciendo ad id quod *Cicero* dixerat de morte *Coriolani*. † *Lib. VI. c. 5.*

Curtio narratur, eum in rectam viam revocare debuerat, adeoque docere inane esse quod de Amazonibus jaëtabatur; nam si Phasis & Caucasus ad ortum Hyrcaniæ fuissent, & interjectus tractus paruiisset Thalestri; Alexandrum, in Bactrianos & Sogdianos euntem, necesse erat per ejus fines transire, & ab ea auxiliares copias exposcere, ut vicinis ejus bellum inferret; quod tamen factum non esse liquet, ex ipsius *Curtii* narratione, in qua nulla Amazonum postea mentio.

8. Pergit tamen *Curtius*, his verbis: *Hæc, cupidine visendi regis accensa, finibus regni sui excessit* (in Hyrcaniam itura, illic enimerat tunc Alexander) *& cùm haud procul abesset præmisit indicantes venisse Reginam, adeundi ejus cognoscendique avidam. Protinus factâ potestate veniendi, ceteris jussis subsistere, CCC feminis comitata processit.* Cetera non describam, legent ea qui volent in *Curtio*. Non ostendam etiam esse fabulam; qui enim illico rem non olfacit naso caret, nec dignus est quem ad rectiorem sententiam revocemus. Fabulæ hujus originem ostendit olim pater meus, *Quæstionum Academicarum* II. quam, si videatur, adito.

9. Fabulosa etiam sunt, quæ de perturbatione & metu Macedonum tumidè narrantur, * cùm primùm æstum Oceani vidissent; nam res erat Græcis jam dudum nota, ut ex *Herodoto* aliisque Scriptoribus, qui ante Alexandrum vixerunt, liquet. Præterea à Persis, qui

* *Lib. IX. c. 9.*

qui ad Oceanum usque incolebant , erântque in exercitu Alexandri , poterant moneri Macedones. Huc etiam accedit quòd æstus in mari Indico exiguus sit , nec tantos tumultus creare possit. Facile equidem crediderim reciprocum Oceani æstum Macedonibus admirationi fuisse , sed tantas turbas fecisse , quantas describit *Curtius* , quæ jam dixi me non patiuntur credere. At si rem ex vero narraffet , inutilis fuisset omnis ille rhetoricus fucus , quo eam incrustavit ; & bella occasio prætermissa ostentandi , in descriptione inanis inetûs , ingenii. Nemo etiam legisset pisces , mari destitutos , per siccum solum ambulantes. *Bellæ quoque* , inquit noster , *fluctibus destitutæ terribiles vagabantur.*

10. Non verius est quod habet , ad calcem totius operis , de cadavere Alexandri : *Septimus* , inquit , *dies erat , ex quo corpus regis jacebat in folio* — *Et non aliis , quàm Mesopotamiæ regione , fervidior æstus existit , adeò ut pleraque animalia , quæ in nudo solo deprehendit , exstinguat ; tantus est vapor solis & cæli , quo cuncta velut igne torrentur.* — *Ut tandem curare corpus exanimum amicis vacavit ; nullâ tabe , ne minimo quidem livore , corruptum videre qui intraverant. Vigor quoque , qui constat ex spiritu , non destituerat vultum.* Mendacia hæc sunt adulatorum Alexandri etiam mortui , aut declamatorum figmenta ; ut omnia in Alexandro inusitata viderentur , útque mors ejus Tragicè ac Rhetoricè ornari posset. Liqueat hoc ex collatione aliorum Historicorum , quam suppeditabit

Joan.

Joan. Freinshemius. Addendum his silentium Arriani, qui in hisce adcuratissimus est.

II. At hoc Curtius, inquires, habuit ex aliis, quos etiam laudat Plutarchus. Non diffiteor, neque hoc etiam reprehendo, quod scripserit id quod ab aliis proditum reperiebat; verum hinc additum oportuit quod alia de re dicit Arrianus: * ταῦτα ἐμοί, ὡς μὴ ἀγνοεῖν δόξαιμι μᾶλλον ὅτι λεγόμενά ἐστιν, ἢ ὡς πιστὰ ἐς ἀφήγησιν, ἀναγεγραφέω: Quæ quidem à me, potius ne videar ignorare dicta esse, quàm ut fide & narratu digna, scripta sunt. Non dissimulandum tamen Curtium alicubi significasse se non omnia credidisse, quæ scriberet; verum frequentius hoc dictum oportuit, quemadmodum ab Arriano prudenter factum est; iisque potissimum locis, quæ adtulimus, subjici debebat monitum illud, quod alibi legitur: § PLURA transscribo quàm credo; nam nec adfirmare sustineo de quibus dubito, nec subducere quæ accepi. Quod si factum esset à nostro, ejus diligentiam laudaremus, nec fidem ac judicium requireremus.

* Lib. VII. sub finem.

§ Lib. IV. c. I, 34.

CAPUT IV.

A 2. Curtio nonnulla malè descripta esse, alia repugnantia prodita.

1. **I**N descriptione falcatorum curruum, quibus utebantur Persæ, hæc habentur: *Ex summo temone hastæ præfixæ ferro eminebant; utrimque à jugo ternos direxerant gladios; quæ facilitè possunt intelligi, sed sequuntur verba difficillima, nisi à proprietate vocum multum recedamus, intelligamúsque non tam quod dixit, quàm quod dicere voluit Curtius: & inter radios rotarum plura spicula eminebant in adversum; aliæ deinde falces summis rotarum orbibus hærebant, & aliæ in terram demissæ, quidquid obvium, concitatis equis, fuissent amputaturæ.*

2. *Inter radios*, si propriè loquamur, nihil potest *eminere*, quod motum currûs non sufflaminet. Præterea quid sibi vult, *in adversum*? An poterant *eminere spicula*, nec tamen *in adversum* esse directæ? Deinde quid sunt *summi rotarum orbis*? Estne summa pars *apsidis*, vel *canthi*? Sic videtur. Sed in rotæ cantho, neque summa pars est, neque infima, dum rota movetur; quia vicibus, omnes canthi partes sunt summæ & infimæ. Sic tamen intellexit rem Curtius, ut sequentia ostendunt: & *aliæ in terram demissæ*. Sed quomodo ex cantho rotæ potuerunt *demitti* fal-

falces *in terram*, quæ ejus motum non impedirent? Igitur verè judicavit * *Joan. Schæfferus*, hanc descriptionem esse impeditissimam; qui rectè etiam neque *Godefc. Stevechium*, neque *Matth. Raderum* potuisse pingere currus, ex descriptione *Curtii*, ostendit.

3. Sed omnino videtur descriptionem currus falcati, ad posteriorem partem quod attinet, non satis intellexisse *Curtius*, undecumque eam sumserit. Oportuit dicere non *inter radios eminnisse spicula*, sed ex cantho, seu apside rotæ; deinde ex summo axe geminas emissas falces, unam directam juxta longitudinem axis, aliam ex axe transversim ad terram demissam, Falces & spicula è rotis vel axe eminentia, & falx deorsum ex axe demissa, non modò erant ad secanda, lacerandaque obvia quæcumque starent; sed etiam ad eos, qui in tumultu, curruum impressione creato, hinc atque inde non procul cecidisse poterant, etiam jacentes abscindendos.

4 Ut constet hanc fuisse falcatorum currum formam, aut similem, duorum Scriptorum, Latini alterius, alterius Græci verbis eos describemus. Sic ergo de iis loquitur *Livius*, Lib. XXXVII. c. 41. *Falcata quadrigæ — armatæ in hunc maximè modum erant. Cuspides circa temonem, ab jugo, decem cubita exstantes velut cornua habebant, quibus quidquid obvium daretur transfigerent; & in extremis jugis binæ circa eminebant falces,*

* *De re Vehiculari Lib. II. c. 15.*

ces, altera æquata iugo, altera inferior in terram convexa; illa ut quidquid ab latere objiceretur abscinderet, hæc ut prolapsos, subeuntesque contingeret. Pro hisce quatuor falcibus, Curtius habet ternos gladios, minùs quàm falces timendos. Cetera ita describit: Item ab axibus rotarum utrimque binæ, eodem modo diversæ, deligabantur falces. Hoc voluit Curtius, his verbis: aliæ deinde falces in summis, &c. sed quæ absurda sunt, nisi ex Livio intelligantur. Diodorus verò Siculus, de his ipsis curribus falcatis, ita loquitur * Lib. XVII. Τάτων ἐκάστω (ἄρματ' ὀρεπανηφόρῳ) παρ' ἐκάτερον τῷ σειροφόρῳ ἰσπῶν ἐξέκειτο προσηλωμένα τῷ ζυγῷ ξύσρα παραμήκη τρισπίθαμα, ἥ ἐπιστροφὴν τῇ ἀκμῇ πρὸς τὴν κατὰ πρόσωπον ἐπιφάνειαν: ex singulis enim, juxta equum utrumque funalem, spicula iugo adfixa, trium spithamarum longitudine, prominebant, acie in adversam (hostium) faciem conversâ. Hæc respondent priori parti descriptionis Curtianæ, sequentia verò posteriori: πρὸς ἣν τῇ κατακλισίῃ τῇ ἀξόνων ἐπ' εὐθείας, ἄλλα δύο, ἥ μὲν τομὴν ὁμοίαν εἶχοντο πρὸς ἣν κατὰ πρόσωπον ἐπιφάνειαν τοῖς πρότερον, τὸ ἣ μῆκ' ὀρεπανηφόρων συνήρμοστο ἣ τῇ τάτων ἀρχαῖς ὀρεπανα: in inflexionibus verò axium (hoc est, sub ipso curru, quo loco axes currum sustinent) aliæ duo spicula hærebant in rectum, quæ eodem modo

* Pag. 530.

do habebant aciem faciei hostium obversam ac priora, sed longiora & latiora erant. Aptatae etiam erant horum initiis falces, hoc est, summis axibus. Crediderim hæc, aut similia, à Curtio non satis intellecta, præbuisse ei descriptionis absurdæ occasionem; qua de re, videndus etiam Joan. Schefferus, qui tamen frustra nititur emendare Curtium, mutato orbitibus in apsis. Mihi mirum non est hominem declamitandi dumtaxat arte instructum, peccasse in ejusmodi descriptione; nec, reclamantibus Codicibus, peritiorum rei militaris facere voluerim. Lucianus similiter irridet Corinthium nescio quem Historicum, ὅτι μὴδὲ κατὰ τοίχῃ γεγραμμένον πόλεμον ἑώρακε, ἀλλ' ἔδὲ ὅπλα ἐκεῖνός γε ἤδῃ, ἔδὲ μηχανήματα οἷα ἐσὶν: quòd ne in pariete quidem pictum bellum viderat, neque arma norat, neque machinæ quales sint. Ideoque vult historicum suum hæc omnia vidisse.

§. Ignoscendum Rhetori, si minùs rectè descripserit falcatas quadrigas, quales nunquam viderat; verùm vix venia dignus est, cum in aliis rebus, per se perspicuis, cespitat, secumque non consentit. Sic describit locum, in quo alterum prælium cum Dario commisit Alexander *: *Opportuna explicandis copiis regio erat, equitabilis & vasta planities; ne stirpes quidem & virgulta operiunt solum, liberque prospectus oculorum, etiam quà procul recessere, permittitur.* His præ-

Tom. II.

E e

mis-

* Lib. IV. c. IX. 10.

missis, quis crederet subjunctorum *Curtium*: *Itaque si quæ campi eminebant, jussit æquari, totumque fastigium extendi?* Hæc planè contraria sunt superioribus; quæ ut consentirent cum sequentibus, dicendum erat: *ubique propemodum equitabilis & vasta planities*; deinde subjiciendum: *quæ verò campi eminebant, &c.* Verùm postea meminit etiam editi collis, & montium. * *In edito colle*, Mazæus cum delectis equitum confederat, sed paullò pòst ad Darium rediit. *Macedones verò eum ipsum collem, quem deseruerat, occupaverunt; nam & tutior planitie erat, & inde acies hostium, quæ in campo explicabatur, conspici poterat.* Sed caligo, quam circa humidi effuderant montes, agminum discrimina atque ordinem prohibuit prospici. Hæc contraria sunt, nam collis & montes impediunt prospectum. Attamen similia pænè habet etiam *Arrianus* Lib. III. ubi campos, in quibus pugnatum est, describit.

6. Cùm ad Hypasin fluvium pervenisset Alexander, † *dubitabat, an Macedones tot emensi spatia terrarum, in acie & in castris senes facti, sequuturi essent*; quæ si intelligantur de bellis ab Alexandro gestis absurda sunt, cùm à paucis annis regnaret, & à paucioribus bellum Dario intulisset. Nec ignorabat hoc *Curtius*, qui infrà Alexandrum ita loquentem inducit: ‡ *Victor utriusque regionis, post novum regni mei, post vigesimum atque octavum ætatis annum, videórne vobis in excolenda gloria, cui me uni devovi, posse cessare?* At consue-

rant,

* Cap. XII, 19. & seqq. † Lib. IX. C. II, 10. ‡ C. VI. 21.

tant, inquit, in bellis à Philippo gestis, quæ sunt conjungenda cum expeditione hac Alexandri. Verùm hoc frustra commemoratur, quia Alexandro imputare non poterant stipendia, quæ sub Philippo meruerant.

7. Attamen, ne quid dissimulem, quod ad defensionem *Curtii* faciat, vox *senex* interdum hominem non propectæ admodum ætatis significat, ut colligere est ex verbis *Livii*, ubi ita veteranum Imperatorem Annibalem loquentem inducit *: *Quod ad me adtinet, jam ætas senem in patriam revertentem, unde puer profectus sum, jam secundæ, jam adversæ res, ita erudierunt, ut rationem sequi, quàm fortunam malim.* Verùm postea idem Annibal, apud Carthaginenses, † *novem*, inquit, *annorum à vobis profectus, post trigesimum sextum annum redii.* Erat ergo annorum quadraginta quinque, quæ vix dicatur *senilis* ætas, si eâ voce id significemus quod vulgò γῆρας vocant Græci; at opposita pueritiæ, aut adolescentiæ, eo nomine adpellari queat. Sic & in exercitu Alexandri, milites, qui ab octo annis signa ejus sequebantur, poterunt dici *senes facti*; si adtigerant eandem ætatem, quâ Annibal senem se vocabat; imò veriùs senes dici poterant, si quinquagesimo anno nomen militiæ dedissent.

8. Cœnus in oratione, quam pro toto exercitu habet, ita loquitur: *Jam tela hebetia sunt, jam arma deficient* — ‡ *quoto cuique lorica est? quis equum habet?* Quæ non sunt hyperbolæ,

E e 2 fed

* Lib. XXX. c. 30. † Cap. XXXVII.

‡ Lib. LXC. III, 10, 11.

sed mendacia Historiæ contraria ; quæ docet non semel pugnasse postea Alexandri exercitum, quod fieri non potuit sine armis. Præterea si adlata ex Macedonia decrant, potuerant alia in Asia fabricari & comparari, nec dux non improvidus inermes milites esse passus esset. Itaque *Curtius* hæc verba Cæno tribuere non potuit, nisi secum ipse pugnaret, quam in rem tumido stylo videtur abreptus fuisse.

CAPUT V.

A Q. Curtio inutilia interdum narrari, necessaria verò omitti.

i. CUM infinitæ fuerint circumstantiæ, innumerique eventus, in rebus ab Alexandro gestis, omnia hæc narrari nequeunt; non modo quia pleraque Historicis latent, sed etiam quia delectus est habendus, circumcissisque inutilibus, necessaria dumtaxat seriei Historiæ sunt narranda. In jejuno argumento, & quod nisi accersitis ornamentis adaugeretur, nudum nimis & exile videretur, possint fortean ferri descriptiones rerum vulgarium; sed in copiosa materia, prorsus sunt intolerandæ. Sic se gesserant Historici, de quibus *Lucianus* in sæpius memorato libello : εἰς γὰρ τινες οἱ τὰ μεγάλα μὲν ἔπεπραγμένων, ἢ ἀξιωμακόμενα παραλείπουσιν ἢ παρὰθέουσιν. ὑπὸ δ' ἰδιω-

ἰδιωτείας, καὶ ἀπειροκαλίας, καὶ ἀγνοίας τῶν
 λεκτέων, ἢ σιωπητέων, τὰ μικρότάτα πάνυ
 λιπαρῶς καὶ φιλοπένως ἐρμηνεύουσιν ἐμβραδύ-
 νοντες: *Sunt enim qui rerum gestarum maxi-*
mas & memoratu dignissimas omittunt; aut
prætercurrunt. Præimperitia autem & ineptia,
& ignorantia dicendorum, vel tacendorum,
res minimas, valde prolixè & studiosè immo-
rando, persequuntur. Ejusmodi sunt descrip-
tionες, quibus, si alius quisquam, abundat
Q. Curtius, quod paucis nobis demonstnan-
dum est.

2. Quid est frequentius & notius fluviiis?
 Attamen crebræ sunt eorum descriptiones,
 non ut singulares eorum naturas edoceatur
 Lector, aut quodd memorabile quidpiam ad
 eorum ripas sit gestum, quo fiat ut fluvii sint
 paucis Historico describendi; sed ut Scriptoris
 ingenium, in ejusmodi descriptionibus, ad-
 miremur. Sic pingit Marfyam Phrygiæ am-
 nem: *Mediam, illâ tempestate, interfluebat*
Marfyas amnis; fabulosis Græcorum carminibus
inclutus. Fons ejus ex summo montis cacumine
excurrens in subiectam petram, magno strepitu
aquarum; cadit. Inde diffusus circumjectos ri-
gat campos, liquidus & suas dumtaxat undas
trahens. Itaque color ejus, placido mari similis,
locum Poëtarum mendacio fecit; quippe tradi-
tum est Nymphas, amore amnis retentas, in
illa rupe considere. Ceterum quamdiu intra mu-
ros fluit, nomen suum retinet, at cum extra
munimenta se evolvit, majore vi ac mole agen-
tem undas Lycum adpellant. Si quam difficul-

tatem creasset ille fluvius Alexandro, aut singulare quidpiam ad eum contigisset, ferri posset illa descriptio, quamquam operosior. Sed ut intelligas quàm inutilis sit, eam legendo omitte; & videbis, eâ prætermisâ, narrationi nihil deesse. Non ægrè fero describi à *Curtio* * *Cydnum* amnem, qui mediam *Tarson* interfluebat; quodd in eo *Alexander* se abluerere voluerit, & cùm in eum calidum adhuc corpus coniecisset, in gravissimum morbum inciderit. Non invitus, inquam, lego *Cydnum non spatio aquarum, sed liquore memorabilem; quippe leni tractu è fontibus labentem puro solo excipi; nec torrentes incurrere, qui placidè manantis alveum turbent. Itaque incorruptum, eundemque frigidissimum, quippe multâ riparum amenitate inumbratum, ubique fontibus suis similem in mare evadere. Hæc enim Alexandrum invitare potuerunt, ut in eo se se ablueret, ideoque non sunt prorsus inutilia.*

4. At nihil intererat describi *Pasitigrin*, ut ex tota serie Historiæ liquet. Sic tamen describitur; datâ enim operâ, verba *Curtii* adfero, ut ex tædio legendi descriptiones fluviorum intelligat Lector, quàm pænè putidè se se eos describendi arte venditet. † *Rex, inquit, quartis castris pervenit ad fluvium; Pasitigrin incolæ vocant; oritur in montibus Uxi-orum, & per quinquaginta stadia, silvestribus ripis præceps inter saxa devolvitur. Accipiunt deinde eum campi quos clementiore alveo præterit, jam navium patiens. Sexcenta stadia sunt*

* *Lib. III. C. IV. 2.* † *Lib. V. C. III. 1.*

sunt mollioris soli, per quod leni tractu aquarum Persico mari se insinuat. Quid verò contigit Alexandro, ad hunc fluvium? Nihil, nisi quòd illum trajecit.

4. Inferiùs, * non majore necessitate adactus, describit iterum † Persidis fluvios, quos *Araxem & Medum* vocat. *Araxes amnis*, inquit, per hos campos multorum aquas torrentium evolvit in *Medum*. *Medus* à mari & ad meridiem versus, minor amnis eo quem accepit evehitur; gignendæque herbae non alius est aptior, quidquid adluit floribus vestiens. *Platani* quoque & *populi* contegunt ripas, ita ut procul visentibus continuata videantur montibus nemora riparum; quippe obumbratus amnis pressò in solum delabitur alveo, imminèntque colles ipsi quoque frondibus lati, radices eorum humore subeunte. Non quæram quid sibi velit, à mari versus, ubi sermo est de fluvio, mendosum enim quidpiam hîc esse posset, & viri docti suspicantur. Luxuriantem tantùm Rhetoris stylum, & fluviorum inutilibus descriptionibus nimis gaudētis, Lectori expendendum offero.

5. Fortasse condonandum magis est quod de Zioberi Hyrcaniæ flumine narrat, quia singulare quidpiam est in ejus decursu; quod Alexander experiētiâ cognoscere voluit. Verùm hoc solum dicendum erat, non alia, quæ ad rem nihil faciebant. Sic verò loquitur ‡:

E c 4

Ne-

* Lib. V. C. IV. . 7. † Cavendum ne Armenia fluvios dici putemus, manifestò enim Curtius agit de Perside. Vide Strabonem Lib. XV. p. 729. Ed. Par. ‡ Lib. VI. C. IV. 4.

Nemus præaltis densisque arboribus umbrosum est, pingue vallis solum rigantibus aquis, quæ ex petris imminetibus manant. Ex ipsis radicibus montium Zioberis amnis effunditur, qui tria ferè stadia in longitudinem universus fluit; deinde saxo, quod alveolum interpellat, percussus, duo itinera veluti dispensatis aquis aperit. Inde torrens & saxorum, per quæ incurrit, asperitate violentior, terram præceps subit. Per CCC stadia conditus labitur, rursusque velut ex alio fonte conceptus editur, & novum alveum intendit; priore sui parte spatiosior, quippe in latitudinem XIII. stadiorum diffunditur, rursusque angustioribus coercitus ripis, iter cogit. Tandem in alterum amnem cadit, cui Rhidago nomen est. Incolæ adfirmabant quæcumque demissa essent in cavernam, quæ propior est fonti, rursus ubi aliud os amnis aperit, existere. Itaque Alexander duos tauros, quæ subeunt aquæ terram, præcipitari jubet; quorum corpora, ubi rursus erumpit, expulsa videre qui missi erant, ut exciperent. Propter hoc postremum, satis erat dicere hunc fluvium, postquam terram subiit, iterum existere. Reliqua sunt inutilia, & Rhetoris, non Historici.

6. Similiter describitur Polytimetus, fluvius Sogdianæ *: *Ingens spatium rectæ regionis est, per quam amnis; Polytimetum vocant incolæ; fertur torrens. Eum ripæ in tenuem alveum cogunt, deinde caverna accipit, & sub terram rapit. Cursus absconditi indicium est aquæ*

* Lib. VII. C, X, 2.

aquæ meantis sonus; cùm ipsum solum, sub quo tantus amnis fluit, ne modico quidem resudet humore. Possem hisce addere descriptionem fluviorum * Indiæ, sed me jam tædet laboris, in exscribendis inanibus hisce Episodiis; & Lectorem plura legere pigeret.

7 Sed ne quid dissimulem, non solus fuit *Curtius*, qui in talibus peccavit, ut liquet ex *Luciano*, qui sic loquitur de Historico quodam Græco: Ἀλλ' τις αἰοίδιμ' ἐπὶ λόγων θυνάμει, Θεκυδίδη ἢ ἔτ' ἐμίοι, ἢ ὀλίγω ἀμείνων αὐτῶ, πάσας πόλεις ἢ πάντα ὄρη, ἢ πεδία ἢ ΠΟΤΑΜΟΥΣ ἐρμηνεύσας πρὸς τὸ σαφέστατον, ἢ ισχυρότατον, ὡς ᾤετο: alius quispiam dicendi facultate celebris, ipse etiam *Thucydidi* similis, vel paulò melior, omnes urbes, omnes montes, & campos, & fluvios quàm planissimè & vividissimè, ut putabat, descripsit. Idcò & postea, inter leges historicas, hanc tulit, ne quis ejusmodi descriptionibus luxuriaret. Verba ejus proferemus postea, Cap. VIII.

8. Si conferatur *Curtius* paulò diligentius, cum aliis Scriptoribus rerum ab *Alexandro* gestarum, & præsertim cum *Arriano*; multæ circumstantiæ occurrent, à nostro omissæ, quæ non parum faciunt ad Historiæ seriem, résque quæ narrantur probè intelligendas. Multas memini me animadvertere, ex quibus unam, sed singularem, in medium adferam. Cùm legerem prælii ad Issum descriptionem, apud *Curtium*, nondum inspecto *Arriano*, planè

E c 5 mihi

* Lib. VIII. c. IX.

mihi ex ignorantia Geographiæ errare videbatur, quemadmodum sæpe alibi, quòd circumstantiam necessariam omiserit. Ait * *eadem nocte & Alexandrum, ad fauces quibus Syria aditur; & Darium, ad eum locum, quem Amanicas Pylas vocant, pervenisse.* Veniebat Darius ab Euphrate, Alexander verò ab urbe Tarso. † Itaque videbatur Alexandri quidem dextrum cornu ad mare Cilicium fuisse, lævum ad montes; contrà verò Darii dextrum cornu debuisse ad montes spectare, sinistrum ad mare. Attamen Curtius ‡ *à mari dextrum Darii cornu tectum* ait, § lævum verò Alexandri *ad mare pertinuisse.* Hæc concoquere non poteram, nec certè ex narratione *Curtii* intelligi possunt. At conjectis oculis in *Arrianum*, tota res patuit. Narrat Alexandrum, cùm audisset in Syria ad Sochos esse Darium, Mallo ad Pylas ivisse, earumque angustias superasse, & ad *Maryandrum* urbem castra posuisse; Darium verò, qui nesciebat ab Alexandro Amanicas Pylas esse superatas, eas transisse ut in Ciliciam iret, & Isson occupasse. Itaque ut prælium iniretur, oportebat Alexandrum quidem veluti è Syria in Ciliciam redire; contrà verò Darium convertere agmen, ut Alexandro occurreret. * Ὑπερβαλὼν, ait *Arrianus*, τὸ ὄρον Δαρειῶν τὸ κατὰ τὰς πύλας τὰς Ἀμανικὰς καλεσμένας, ὡς ἐπὶ Ἰσσοῦ προῦ-

* *Lib. III. C. VIII. 13.* † *Ut hac probe intelligantur, oportet habere Asia Minoris Tabulam præ oculis.* ‡ *Lib. III. C. VIII, 27.* § *Ibid. C. IX, 2.* * *Lib. II. p. 34.*

προῆγε, καὶ ἐγένετο κατόπιν Ἀλεξάνδρῳ λαθὼν:
*Darius superato monte, qui est juxta Amanicas portas, ut vocantur, ad Issum duxit, & imprudens erat à tergo Alexandro. Alexander verò, re intellectâ, *προπέμφει ὡς ἐπὶ τὰς πύλας τῶ ἰππέων ὀλίγας τινὰς καὶ τῶ τοξοτῶν, προκατασκηφομένους τὴν ὁδὸν τὴν ὀπίσω, ὡς ἐπὶ τὰς πύλας. καὶ αὐτὸς τῷ νυκτὸς ἀναλαβὼν τὴν στρατίαν πᾶσαν ἤει, ὡς κατασχεῖν αὐτῷ τὰς πύλας: præmittit ad portas paucos equites & sagittarios, qui viam retro relictam priùs specularentur, portas versùs. Ipse verò nocte, sumto toto exercitu, procedebat, ut iterum portas occuparet. His occupatis, Alexander, instructo ad prælium exercitu, dextrum cornu ad montes habebat, sinistrum verò ad mare.*

9. Res est clara, sed duo in hac narratione mira sunt, quæ Darius potuerit ignorare Macedonas ad Maryandrum urbem confedisse; (si exploratores rem ignorabant, at non ignorabatur ab incolis eorum locorum, qui videntur in Darii partibus adhuc fuisse, eodem tempore) & quæ Alexander Darii tantum exercitum Pylas transiisse ignoraverit, eumque transeuntem non invaserit, cum pars jam transgressa montes alteri auxilium ferre non posset; quâ ratione magnus Darii exercitus facile ex parte, & sine periculo, cædi potuit. Attamen situs cornuum utriusque exercitus, rem ita se habuisse ostendit. Ea autem quod magis mira res est, eò minùs à Curtio prætermitti

* Ibid. p. 35.

mitti debuit; cum præsertim, omisâ tam insigni circumstantiâ, ejus narratio intelligi non possit.

10. *Unâ nocte, & Alexandrum ad fauces, quibus Syria aditur, & Darium ad eum locum, quem Amanicas Pylas vocant, pervenisse* dicit. Certè Syriæ portæ, ut docet *Strabo* Lib. XIV. sunt ultra Maryandrum, Amanicæ verò non procul ab Illo. Sed dicendum omnino erat, factum hoc esse utriusque exercitûs errore, qui hostem quærebat ubi non erat; quod profectò dignum fuit narratu. Verùm, ut quod sentio dicam, credibile est *Curtium* sequutum Scriptorem, qui hoc omiserat, nec tamen animadvertisse narrationi quidquam deesse. Sequentia hoc persuadent, ubi narrat Macedonas, quos Darius oppresserat in urbe Illo, quæ erat ad occasum Amanicarum Pylarum, & quibus manus amputaverat, ad castra Macedonum penetrasse, *Darium quàm maximo cursu posset sequi nunciantes*. Non poterant nunciare sequi Dariûm, quem norant Ciliciam ingressum, quo tempore Alexander in Syriam ibat.

11. Interea verissimum est quod dixit *Curtius*, de situ utriusque cornu exercituum, quamvis difficulter ex ejus sola narratione intelligi queat. Hinc colligendum facillimè posse fieri, præsertim in brevioribus Historiis, ut ii occurrant nodi, qui vix ac ne vix quidem solvi possint; non quòd mentitus sit Historicus, sed quia circumstantias omisit, sine quibus narrationis series intelligi nequit. Quod verissimum est potest, ejusmodi silentio, falsissimum

simum videri; nisi sit ad manum alius Historicus, qui rem pluribus narret. Non est ergo facilè incusandus Historicus mendacii, quia partes narrationis non satis inter se cohærent; oportet præterea argumenta suppetere, ex quibus res aliter gesta esse intelligatur. Si nulla suppetant, cohibendum judicium, resque in medio relinquenda, donec lux alicunde adfulgeat.

12. Possem & aliud omissionis genus, in Q. Curtio, ostendere, sed quod ei cum præstantissimis Historicis commune est, quamvis cum adcuratæ narrationis legibus non consentiat. Sæpe, nimirum, ex serie orationis animadvertimus, in antecedentibus omissam esse circumstantiam, ex qua quæ postea dicuntur pendent; quæ quidem circumstantia interdum exigui est per se momenti, commemorari tamen suo loco debuit ab Historico; aut omitti quidquid intelligi difficulter potest, nisi præmissa fuerit. Omnia quidem non sunt in Historia dicenda, sed nihil omittendum ab iis, qui adcuratorum Historicorum laudem referre volunt, quod narrationi tenebras offundat, si modò id resciri possit. Exempli causâ, Curtius, ubi descripsit quâ ratione Darius exercitum instruxisset, addit: * *uxorem, matremque Regis & aliarum feminarum gregem in medium agmen acceperant*. Postea describit etiam aciem Macedonicam, tum prælium. Nemo, qui eatenus leget, non credet Darii uxorem & matrem interfuisse prælio. At † ex

sequen-

* Lib. III. C. IX. 6 † Ibid. C. XI, 24. & seqq.

sequentibus adparet eas in castris interea fuisse, nec scivisse quonam in cornu stetisset Darius. Itaque si vera prior illa circumstantia, oportuisset *Curtium* addidisse, Darii uxorem & matrem vidisse quidem instructam aciem, sed antequàm classicum caneretur rediisse in castra. Aut si hanc circumstantiam omittere voluit, & priorem prætermittam oportuit.

13. Alibi, * in descriptione expeditionis, quâ subacta est Bactriana, hæc leguntur: *hinc ad Craterum, qui Artacacna obsidebat, redit, &c.* Cujus tamen obsidionis inchoatæ nullam mentionem fecit, nam quod est antea; *in eorum obsidione Cratero relicto, &c.* ad aliam obsidionem spectat. Alio in loco †, postquàm descripsit Ptolemæum, cum omnibus turmis Hydaspis ripis obequitantem, quasi vadum quæreret, ut manum Pori distineret, dum Alexander fluvium paulld̄ superiùs trajiciebat, subjicit illico narrationem prælii cum Poro; cui prælio interest etiam ‡ Ptolemæus, quamvis eum nusquam dixerit transiisse. At res, inquit, satis intelligitur, neque enim Ptolemæus in acie esse poterat trans Hydaspem, cum toto equitatu, nisi eum transmisset. At mora aliqua ad hoc opus fuit, & res digna erat quæ uno verbo significaretur. Non dicam eam ab *Arriano*, ex *Ptolemæo* ipso oculato teste, aliter narrari, nam hoc non agimus.

14. Ejuscemodi omissiones non fert, sine dubio, adcurata narratio; sed quia, post alios opti-

* *Lib. VI. Cap. VI, 33.* † *Lib. VIII. C. XIII, 18.* ‡ *C. XIV, 15.*

optimos Scriptores, peccat hac in parte *Curtius*, eis condonemus *Curtii* delicta; ne nimis acrem in præstantissimos viros censuram exercere videamur. Exempla hujusce rei alii jam collegerunt. Unum nos addemus, quod nobis occurrit nuper aliud agentibus. Est apud *Herodianum*, Lib. II. C. IV. 1. ubi ita elegantissimus Scriptor de Pertinace: ἐπεὶ δὲ διεφοίτησεν ἡ φήμη ὅτι τε λεχθέντων ὑπ' αὐτοῦ ἐν τῇ συγκλητῷ, καὶ ὅτι πρὸς δῆμον γραφέντων ὑπερήδοντο πάντες: *postea verò quàm fama vulgavit, quæ ille vel in Senatu dixisset, vel ad populum scripsisset, omnes letabantur.* At nulla ante mentio ullius Edicti, quo populum compellasset Pertinax.

15. Animadverterunt etiam viri docti, ex collatione Historiæ Curtianæ, cum *Arriano*, aliisque Scriptoribus, qui omnes res gestas Alexandri litteris mandarunt, aut obiter attigerunt, „ * *Curtium* in postremis Libris valde „ de properare; quædam magna negotia omnino „ prætermittere, alia leviter attingere. „ Quo factum putant, ut expeditionem in al- „ terum Porum, illius magni nepotem, cujus „ præter *Arrianum* etiam *Strabo* meminit, „ verbo tantum signarit. Cujus & alia exempla proferri possent, nisi nos quoque ad hujus Opusculi finem properaremus.

* *Jean. Freinsheimius ad Curt. Lib. IX, Cap. I, 8.*

C A P U T VI.

2. *Curtius perperam fabularum Græcarum documenta, apud Indos quærit, Asiæque remotissimis annibus nomina Græca imponit.*

1. **V**IT IUM est Græcis & Romanis Scripto-
ribus commune, ut Numina sua, &
fabulas in Græcia atque in Italia natas, &
pænè dixerim mortuas (nam nonnisi à pueris
tandem credebantur) quærant inter Barba-
ros; qui numquam quidquam de iis audive-
rant, antequàm Græci & Romani eorum re-
giones adirent. De eo pluribus egimus, hu-
jus *Artis Criticæ* Part. II. Sect. I. C. XIII.
Sed hîc ostendemus *Curtium* nostrum ejus
immunem non fuisse, & temerè etiam sequu-
tum¹ esse Græcos Scriptores, qui nomina
habebant non vera, sed in Græcam Linguam
detorta fluviorum, & locorum apud Indos,
quos constat Græcæ Linguæ ignaros fuisse.
Præterea eorundem Græcorum pravam con-
suetudinem imitatur, qui interdum nomina
propria barbara Græcè interpretantur, & pro
nominibus veris, interpretamenta sua nobis
obtrudunt. Quod perinde est ac si Galli no-
mina Germanica nunc immutarent in voces
Gallicas, nunc interpretarentur, iisq;ue
suis interpretationibus Germanicorum nomi-
num loco uterentur. Quis verò ferret histo-
riam

riam Gallicam rerum à *Gustavo Adolpho*, Sueconum Rege, in Germania gestarum eo modo scriptam? Ignoscimus tamen Veteribus, qui similia peccarunt, quia id peccatum virtutibus innumeris pensant; at ita iis ignoscendum est, ut intelligamus esse grave peccatum; cum sine dubio multi eos legant, qui ne hoc quidem animadvertunt.

2. Alexandro fines Indiæ ingresso occurrunt Indorum reguli, imperata facturi; * *illum tertium Jove genitum ad ipsos pervenisse memorantes; patrem Liberum, atque Herculem famâ cognitos esse, ipsum coram adesse certaque.* Si tale quid ab Indis dictum umquam fuisset, qui primi hancce historiam scripserunt, eos oportuisset nomina barbara edere, quibus utebantur Indi, nam sine dubio Græca non erant; cum ne Romani quidem, quorum eadem erat Religio ac Græcorum, quique ex Græcis orti, nec procul ab iis remoti, iisdem nominibus uterentur; quis enim nescit, *Neptunum, Mercurium, Minervam, Venerem, Cererem, Dianam, &c.* alia prorsus nomina, apud Græcos, habuisse? Quanto magis Indi aliis adpellationibus Numina sua, quæcumque tandem essent, vocitabant? Etiamnum hodie Persæ loquuntur de nescio quo *Rustemo* Indo, qui antiquissimis temporibus vixit, fuitque Gigantæ staturæ; cui fabulæ Indicæ multa miranda facinora tribuunt, & cujus sculpta forma in Persepolitaniis sepulcris cernitur, ut testatur testis *αὐτόπτης* *Joan.*

Tom. II.

Ff

Char-

* Lib. VIII, C. X. 1,

Chardinus, qui *Rustemum* interpretatur *Herculem*, Itinerarii Persici Tom. III. p. 121. Ed. in 4. sed & eo nomine Heroas eorundem temporum vocare solent. An sint in iis historiis, quæ *Herculis*, aut *Liberi* facta referant, ignoro.

3. Si verum dicere licet, hæc ficta à Macedonibus crediderim, qui, ut antea ex *Eratosthene* & *Strabone* observavimus, Herculi & Libero Patri Alexandrum æquare omni ope conabantur. Facetus hîc est *Arrianus*, qui cùm mendacium olfaceret, non ausus est quod sentiebat profiteri, religione veluti impeditus. Hisce verbis, ille orditur Librum V: Εἰς τὴν τῆς χώρας ταύτης ἦντινα μεταξὺ τῆς τε Κωφίνης καὶ τῆς Ἰνδοῦ ποταμῶν ἐπαῖλθεν Ἀλέξανδρος, καὶ Νύσσαν πόλιν ὠκίσθαι λέγεται. τὸ δὲ κτίσμα εἶναι τῆς Διονύσου, Διόνυσον δὲ κτίσαι τὴν Νύσσαν ἀφ' ἧς τὰς Ἰνδοὺς ἐχειρώσατο. ὅσις δὲ ἔστι ὁ Διόνυσος, καὶ ὁπότε ἡ ὁθεν ἐπ' Ἰνδοὺς ἐσβάτευσεν, καὶ γὰρ ἔχω συμβαλεῖν, εἰ ὁ Θεβαῖος Διόνυσος εἰς ἐκ Θεβῶν, ἢ ἐκ Τρωάδος τῆς Λυδίας ὁρμηθεὶς ἐπ' Ἰνδοὺς ἦκε στρατίαν ἄγων τοσαῦτα μὲν ἔθνη μάχιμα, καὶ ἄγνωστα τοῖς τότε Ἑλλήσιν ἐπελθὼν, καὶ δὲν δ' αὐτῶν ἄλλο ὅτι μὴ τὸ Ἰνδοῦν βίᾳ χειρωσάμενος: *In hoc tractu, quem inter Cophenem & Indum fluvios situm ingressus est Alexander, Nysam etiam urbem conditam ferunt; & quidem à Baccho, qui eam condiderit, postquam Indos subegerat. Quisnam verò is Bacchus fuerit*

rit, & quando, aut unde bellum Indis intulerit, conicere non possum; sitne is qui Thebanus ex Thebis, an verò ex Tmolò Lydiæ profectus in Indos exercitum duxerit, qui cum tot bellicosas, & Græcis tunc temporis ignotas Gentes adierit, nullam ex his præterquam Indorum vi subegerit. At hæc ipsa ostendebant Græcos Baccho Thebano, aut Lydio expeditionem in Indos stultè tribuere; atque hinc ementitos etiam esse Macedonas, in honorem Alexandri sui intelligere licebat. Scio quidem à * viris doctis observatum, & eruditè probatum Bacchum esse Orientis Numen; sed hîc de Thebano Semeles filio agimus, quem Græci Babylonio, aut Ægyptio fortè, substituerunt. Præterea ne Orientalem quidem illum Bacchum, aut Dionysium, quisquis fuerit, Indis bellum intulisse credibile est, quod demonstrare hîc non adgrediar. Vide, si vacat, Strabonem Lib. XV. non procul ab initio.

3. Verùm operæ pretium est audire *Arrianum*, qui ita pergit: Πλήν γε δὴ ὅτι ἔκ ἀκριβοῦς ἐξετάσῃν χρὴ εἶναι ὑπὲρ τῆς Θεῆς ἐκ παλαιῶ μεμυθευμένων. τῷ γὰρ τοι κατὰ τὸ εἰκὸς ξυντιθέντι ἔπισα, ἐπειδὴ τὸ Θεῖον τίς προσβῇ τῷ λόγῳ, ἢ πάντα ἄπισα φαίνεσθαι: Hoc tantum censuerim neminem nimis accuratum censorem esse oportere eorum, quæ olim de Numine fabulis prodita sunt. Si quis enim merito non credibilia scripserit, quandoquidem

F f 2

Deum

* Sam. Bochart. in Phaleg. Lib. L. c. 2.

Deum admiscet sermoni, non planè incredibilia videntur. Quod si æquum esset fieri, mendacio, interpolatâ fide publicâ, concessa esset potestas pari passu cum veritate ambulandi. Mendacio enim Numen dumtaxat admiscendum esset, ut ne adcuratiùs expendetur, fidemque soli veritati debitam inveniret. At antiquis, inquires, fabulis solis is honos exhibebatur, non quibusvis mendaciis. Verùm quo jure Veteribus mentiri licuit, posteris non licebit? Quo jure vetera ἀβασανίσως excipi oportere à posteris, posteriora verò ad examen adcuratum revocari contendere poterant? Ita tamen sentiebant Ethnici, ceteroqui non fatui, ut videre est ex verbis *Arriani*; cui præiverat *Diodorus Siculo*, qui Herculis historiam inchoaturus ita loquitur: * Καθόλου ἐν τῇ ἱστορήμεναις μυθολογίαις ἔκ ἐκ παντὸς τρόπου πικρῶς ἢ ἀλήθειαν ἐξετασέον. ἢ γὰρ ἐν τοῖς θεάτροις πεπεισμένοι μήτε Κενταύρους διφυεῖς ἐξ ἑτερογενῶν σωμάτων ὑπάρξαι, μήτε Γηρυῶνην τρίσωμαλον, ὅμως προσδεχόμεθα τὰς τοιαύτας μυθολογίας, ἢ τῇ ἐπισημασίαις συναύξομεν ἢ τῇ Θεᾷ τιμὴν: *Universè in fabulosis narrationibus, non ex omni modo veritas acerbè exigenda est. Nam & in Theatris, cùm sciamus, neque Centauros fuisse, duplici naturâ diversorum generum constantes, neque Geryonem triplici corpore; tamen has tales fabulas excipimus, & plausibus nostris honorem Dei amplificamus.* Sic & Macedo-

nes

* Lib. IV. Biblioth. p. 216,

neſ honorem Alexandri mendaciis amplificandum ſibi cenſuerunt; & Scriptores eos ſequuti certatim, ex Græcanicis fabulis, Indos Alexandro blandientes induxerunt. Ejusmodi eſt oratio, quam iis tribuit *Arrianus*, initio Libri V.

4. *Curtius* etiam noſter, de Nyſæis: † *A Libero Patre conditos ſe eſſe dicebant, & vera hæc origo erat.* Quasi verò hoc ullo vel minimo indicio conſtaret! *Sita eſt, ſub radicibus montis, quem Meron incolæ adpellant. Inde Græci mentiendi traxere licentiam, Jovis femine Liberum Patrem eſſe celatum.* Quæſiverim an *Meros* ſit vox Indica, quam Macedones Græcam *μηρὸν* eſſe rati ſint? Si ſit, quidni nomen *Bacchi* Indicum ediderunt? Deinde cur dictus eſt *Bacchus*, non ſimpliciter ἐν τῷ μηρῷ τετράφθαι, ſed ἐν τῷ τῆ Διὸς μηρῷ; Sed hæc mendacia ſunt Macedonum, & veriſimilius eſt Thebanum *Bacchum*, ab antiquiſſimis Thebanis Phœnicum colonis, dictum eſſe ortum è femore *Jovis*, Phœniciâ loquutione, quæ Hebræis frequens eſt, ad ſignificandum eum è poſteris *Jovis* fuiſſe.

5. Macedones non modò *Bacchum*, civem Thebanum, apud Indos notum compererunt, ſi iis credimus, ſed & alterum Numen ex eadem urbe oriundum; *Herculem*, nimirum, ut jam vidimus. § *Herculis ſimulacrum agmini peditum præſerebatur. Id maximum erat bellantibus incitamentum, & deſerviffe geſtan-*

F f 3 *tes*

† *Lib. VIII. c. X, II.*

§ *Lib. VIII. c. XIV, II.*

*tes militare flagitium habebatur ; capitis enim sanxerant poenam iis , qui ex acie non retulissent ; metu , quem ex illo hoste quondam conceperant , etiam in religionem , venerationemque converso. Hæc & similia habet Curtius , similia etiam alii ; quorum nulli memorant quo nomine Indi Herculem vocitarent , quia hæc erat mera Macedonum fictio ; qui , ut Alexandrum etiam Herculi præferrent , jactabant Petram Aornon , quam cepit Alexander , * ab Hercule frustra obsessam fuisse , terraque motu coactum absistere.*

6. Fabulam hanc esse subolfecit *Arrianus* , ita enim de Petra Aorno loquitur Lib. IV. † Λόγῳ ὑπὲρ ταύτης κατέχῃ ἡ δὲ Ἡρακλεΐ τῷ Διὸς ἀλωτὸν γενέσθαι ἢ πέτραν. Εἰ μὲν δὴ καὶ ἐς Ἰνδοὺς ἀφίκετο ὁ Ἡρακλῆς ὁ Θεβαῖος , ἢ ὁ Τύρις , ἢ ὁ Αἰγύπτιος ἐς ἑτέτερα ἔχω ἰσχυρίσασθαι. μᾶλλον γὰρ δοκῶ ὅτι οὐκ ἀφίκετο (ἄλλα γὰρ ὅσα χαλεπὰ οἱ ἀνθρώποι ἐς τόσον ἂν αὐξέουσιν αὐτῶν ἢ χαλεπότητα , ὥς καὶ τῷ Ἡρακλεΐ ἂν ἀπορα γενέσθαι) ἀληθεύειν : *Fama est ne Herculem quidem , Jovis filium , hanc capere potuisse. Ego vero an Hercules Thebanus , an Tyrius , an Aegyptius ad Indos penetrarit , nihil habeo quod adfirmare possim. Potius tamen non eò penetrasse (quæcumque enim difficilia sunt , eorum homines difficultatem usque adeo augent , ut ne ab Hercule quidem posse fieri dicant) verum esse crediderim. Pro hominibus , debebat dicere Græcos , nam*

cx

* Lib. VII. C. XI. 2.

† Pag. 98.

ex Græcorum sermonibus nata erat hæc fabula, & fortasse soli Græci Herculi tribuebant decantatos illos labores.

7. *Eratosthenes* * quidem *Cyrenæus*, qui oranium acutissimè mendacia Macedonum retextit, dicebat eos ἐν τῇ τ' Ἰνδῶν γῇ βῆς ἰδόντας ἐγκεκαυμένους ῥόπαλον, τεκμηριῶσθαι ἐπὶ τῷδε ὅτι Ἡρακλῆς ἐς Ἰνδοὺς ἀφίκετο: cum in Indorum regione vidissent boves, quibus clavæ inustæ erant, ex hoc collegisse Herculem ad Indos pervenisse. Crediderim potius rem totam confictam; aut summum Macedonas Herculem vocasse Numen quodpiam Indorum; de quo nonnulla dicebantur ab Indis, similia iis quæ de Thebano Hercule à Græcis jactabantur. Videnda quæ de eo habet *Arrianus* in Indicis, nam nec vacat rem copiosius excutere, nec si vacaret operæ pretium esset.

8. Non possumus ignoscere iis, qui primi res ab Alexandro gestas scripserunt (nam minus hac in re vituperandus *Curtius*, qui quod nesciebat dicere non potuit) quòd adpellationes Græcas, pro barbaris nominibus, passim habeant. Talia sunt *Polytimetus*, † Πολυτιμητός, nomen fluvii Sogdianæ; § *Erymanthus*, Ερύμανθος, nomen fluvii Indiæ; ‡ *Dadala* regio, Δαιδάλη; §§ *petra αἶον*, quo

F f 4

* Apud *Arrianum* Lib. V. p. 103. † Lib. VII. C. X, 2.

§ Lib. VIII. C. IX, 10. ‡ d. X, 16.

§ § C. XI, 2.

quo nomine lacus fuit in Epiro ; * *Ecbolima*, nomen regionis , Εχβολίμα ; aliâque id genus plurima.

9. Pro vocibus Persicis , Græci suis utebantur , quos sequutus est *Curtius* , qui nomina Græca Latinæ orationi inferuit , non secus ac si essent Persica. † *Doryphori*, inquit, vocabantur , proximum his agmen soliti vestem excipere regalem. Non aliter loquitur in sequentibus , prolatâ voce verè Persicâ : *Cidarim Regium capitis vocant insigne*. Paullò pòst, similiter dicit : *Quindecim inde , quas armamaxas adpellant , sequebantur*. Sic & alibi, de gente Indis finitima : § *Iter pronounciari jubet in Agriaspas , quos jam tunc mutato nomine Evergetas adpellabant ; ex quo frigore , victûsque penuriâ Cyri exercitum adfectum tectis & com meatibus juverant*. At nemo nescit Cyrum Græcè non esse loquutum , & notum est ex *Herodoto* Lib. VIII. C. 85. bene de Rege meritos solitos esse *Orosangas*, Persicâ Linguâ , vocari. Non potest non mirum videri , non à *Curtio* tantum , qui *Persepoleos* multis meminit Lib. V. c. 7. sed & ab aliis omnibus Veteribus , verum nomen priscæ Metropoleos Imperii Persici , ubique suppressum , ut nomen Græcum *Persepoleos*. ei supponerent ; quo factum est ut planè intercederit. Existimabat *Christ. Cellarius* fuisse id nomen *Elam* , hoc est , 𐤎𐤋𐤍 Hebraicè , in notis ad *Curtii* caput memoratum ; nam Elymais

* C. XII, 1. † Lib. III. C. III, 15.

§ Lib. VII. C. III, 1.

maïs dicebatur tractus ille , & urbs etiam Macchabaïcorum Scriptori vocatur. Sed vix ei credere auserim. Si conijcere licet , potiùs adquieverim in conjectura *Joan. Chardini*, qui in Itinerario Persico , putat dictam *Fars-abad* , aut *Pars-abad* , hoc est , habitationem Persarum ; neque enim dubium est quin se Persæ פֶּרְסִי *pharas* vocarint, & אֲבָד *abad* est habitatio ; quod nomen subjicitur in compositione ejusmodi nominum urbium , in Lingua Persica.

כ. Rectè fecissent & Græci Scriptores & *Curtius* , si , quoniam Persica vocabula nesciebant , dixissent vocatos eos , quos diximus , nominibus Persicis ; quæ idem significabant , quod vocabula Græca , quæ Persicorum loco protulerunt. Satiùs etiam fuisset *Curtium* Græca vocabula Latinè interpretari , ne , ab imperitis Linguae Græcæ , Græca vocabula barbara ipsa nomina esse crederentur.

CAPUT VII.

A Q. Curtio perperam omissos esse annos & tempestates , quibus singula gesta sunt.

1. **D**UO sunt Historiæ veluti oculi , quorum utroque quidem demto , per densas tenebras videtur ambulare ; alterutro verò , sine gravissimo incommodo , carere non potest. Alter est Geographia , quâ locorum , quorum incidit mentio , situs notatur ; alter

verò Chronologia , quâ anni ab insigni Epocha numerantur , tempestatésque annorum , quibus quæque gesta sunt , studiosè adduntur. Quanti quidem momenti sit Geographia antea probavimus , cùm peccata à *Curtio* , in eam disciplinam , multa esse ostendimus. Chronologiam verò non minùs ab eo neglectam esse , hoc in Capite probabimus. Quibus ex rebus consecrarium hoc colligi poterit , Curtianam Historiam multùm à forma ejus Historiæ , quæ pro exemplari scribentibus proponi queat , abesse. Scio alios è Veteribus posse proferri , qui neque annos , neque annorum tempestates usquam designarint , quisque in pretio tamen habentur. At laudentur cetera , per me licet ; modò ne elevetur culpa , quâ vix major ulla esse potest in Historia. Quis enim intelligat quomodo quidpiam geri potuerit , præsertim in calidioribus oris , nisi tempestas anni indicetur ? Quis constantiam ac fortitudinem militum , aut nimios calores ferentium ; aut cum frigore acerrimo conflantium ? Quis ducis providentiam , in administranda re frumentaria , pabulationibúsque regendis ? Quis celeritatem , quæ maxima est Imperatoris virtus , & quæ summa in Alexandro fuit , adsequatur ; ubi nulla est annorum , quibus quæque gesta sunt , significatio ?

2. *Curtius* tamen , in iis quidem quæ supersunt , utrumque planè neglexit , nec ex ejus Historia rerum gestarum annos & tempestates colligere licet , nisi conjiciendo , aut ex diligenti observatione eorum quæ narrat ; si fortè aliud

aliud agens quidpiam dicat, ex quo intelligere queamus tempus, quo factum est id de quo loquitur; aut denique ex serie Historiæ. Nescio an in prioribus Libris, qui injuriâ temporum interciderunt, Chronologiam rerum ab Alexandro gestarum tradidisset; cum tamen considero quæ supersunt, vix opinor in aliis adcuratorem fuisse. Nam aut suis locis indicanda sunt tempora, aut nusquam. Scio à Chronologis res Alexandri in suos annos esse digestas, atque hinc lucem Curtio peti posse; sed tribui ei non potest, quod ex aliis potissimum Historicis haustum est. Hic verò tentabimus ex illo solo tempora digerere, ut appareat & quàm neglectum, hoc in negotio, se gesserit, & quàm utile fuisset singularum rerum tempora adcuratè describi.

3. Tempore Isfici prælii, ut hinc, initium faciamus, quia in superioribus nullum occurrit tempestatis anni indicium, instabat hiems; paullo enim ante prælium, suadentibus Græcis dividere copias, respondet, inter alia, Darius, * *trahendi belli vix ullam esse rationem; tantæ enim multitudini, utique cum jam hiems instaret, in regione vasta, & invicem à suis atque hoste vexata, non suffectura alimenta.* Liquet hoc ex sequentibus, nam non multò post prælium, dicuntur § *Gangabæ*, sic Persæ vocabant humeris onera portantes, Damasco egressi, ut gazam regiam inde efferrent, cum frigus tolerare non possent (quippe & procel-

* Lib. III. C. VIII. 8.

§ Lib. eodem, C. XIII, 7.

cella subito nivem effuderat, & humus rugebat gelu) tum adstrictas vestes, quas cum pecunia portabant, auro & purpurâ insignes, induisse. Possemus ex Arriano ostendere rectè à Curtio tempus hîc indicatum; sed oportuit, datâ operâ, id factum, non colligendum Lectori relictum. Contigit hoc anno Periodi Julianæ 4381.

4. Postea, ut initio Libri quarti docet, Syria subacta est, tum Phœnice, exceptâ Tyro, quæ ab Alexandro obsessa est. Initium hujus obsidionis, vix ante veris initium, fieri potuit. Statuamus Martio mensē inchoatam, * *Tyrus septimo mense, quàm oppugnari cœpta erat, capta est.* Itaque Septembri expugnata fuerit. Post tam difficilem, tamque longam obsidionem, Alexandri exercitui aliquot diebus ad quiescendum opus fuit, præsertim cùm esset in Climate multò calidiore, quàm Macedonia.

5. Postea Alexander ivit † obsessum Gazam, quam præfectus *Betis* acriter defendit; machinisque admotis, & vi superatus est. Ponamus exercitum antea per mensem quievissē, ac proinde initio Novembris demum cœpissē Gazensem obsidionem, & per mensem unum durasse; Alexander Ægyptum, nonnisi mense Decembri, aut Januario sequentis anni, Periodi Julianæ 4383. ingredi potuerit. § *Septimo die, postea quàm à Gaza copias moverat, in regionem Ægypti, quam nunc castra Alexandri*

700-

* Lib. IV. C. IV, 19.

† Lib. IV. C. VI.

§ Ibid. C. VI, 3.

rocant, pervenit. Non multo opus fuit tempore, ad invadendam Ægyptum, ejusque res componendas; cum Ægyptii à Persis illico defecerint, nec Persæ Alexandri adventum sustinuerint, neque is quidquam ex patrio Ægyptiorum more mutarit. His peractis, Alexander adire Oraculum *Hammonis* statuit; quod eò facilius tunc fieri potuit, quod tempus ejus itineris incidebat in finem hiemis, vel veris initium. Illo enim tempore, tolerandi sunt Libyæ calores; per quam homines Græci, adulto vere, aut æstate, impunè iter numquam fecissent. Digna res erat, quæ ab Historico notaretur; at si eam animadvertisset *Curtius*, periisset illi æstûs insoliti descriptio:
** Sol omnia incenderat, siccæque & adusta erant; cum repente, sive illud Deorum munus, sive casus fuit, obductæ cælo nubes condidere solem; ingens æstu fatigatis, etiamsi aqua deficeret, auxilium. Enim verò ut largum quoque imbrem excusserunt procellæ, pro se quisque excipere eum, quidam ob sitim impotentes sui, ore quoque hianti, captare ceperunt.* *Curtius* post reditum ab *Hammonis* oraculo Alexandriam conditam docet Lib. IV. c. 8. quod etiam credibile est, adeoque referri res nequit ex hac narratione, nisi ad annum memoratum, qui incidit in sextum Alexandri, quamvis aliter sentiat *Jac. Usserius*, cujus Annales vide ad ann. P. J. 4382. A. Ch. 332. Rem hîc pluribus expendere non est necesse.

6. Cur-

* Lib. IV. c. VII, 13,

6. *Curtius* non addit quamdiu Alexander in Ægypto manserit, neque quod tempus absumserit in itinere ad Euphratem, neque quo loco cum fluvium trajecerit. Ait dumtaxat eum *undecimis castris* pervenisse ad Euphratem, sed unde cœperit numerare castra non dicit. At paullò ante prælium ad Arbela, Eclipsin Lunæ * in iis locis conspectam docet. Collegit autem † *Jos. Scaliger* cum ex rationibus Astronomicis, tum ex aliis Scriptoribus, anno Periodi Julianæ 4383. Septembris vigesimo die, visam; nec aliter sentiunt *Dionys. Petavius* & *Jac. Usserius*. Igitur Alexander ætatem absumserat in Ægypto, & in itinere ad urbem *Tharsacum*, ubi Euphratem transiit, atque ab Euphrate ad Tigrin, ultra quem, ad ortum, commissum est prælium. Factum id est, ut aiii docent, undecimo die, postea quàm conspecta esset Eclipsis.

7. Paullò post victoriam, Alexandro § tradita sunt Arbela, hoc est, initio Octobris; issque in locis Alexander, ut quiesceret exercitus, per aliquot dies mansit. § § *Ingruentibus deinde morbis; quos odor cadaverum totis jacentium campis vulgaverat, maturius castra movit.* Cum jam ergo hiems instaret, Alexander Babyloniam ingressus; quod ejus exercitui multò commodius fuit, quàm si æstate in fervidiores tractus ivisset. Illic *exercitus ille dormitor Asiæ per XXXIV. dies saginatus est.* Igitur reliquum annum Babylo-

ne

* Cap. X. 2. † *De Emend. Temporum Lib. V. p. 420.*
Ed. Rover. § Lib. V. C. I, 10. § § Ibid. II.

ne transegit, neque quidquam adgressus est, nisi sub finem Novembris, aut Decembri, vel sequente anno.

8. Initio ergo anni Periodi Julianæ 438⁴ aut fine antecedentis, Alexander ivit in *Satrapenen* ut habet *Curtius*, aut potius *Sittacenen*, ut suadent sequentia. Regio est inter *Cossæos* & *Babylonios*, ad ortum *Tigris*,
** copiâ rerum & omni comœatu abundans. Itaque diutius ibi substitit, ac ne desidēs otio dimitterent animos, judices dedit, præmiâque proposuit, de virtute militari certantibus.* Hic fuerunt veluti hiberna *Alexandri*, in quibus milites refecit, & præter alia negotia, rei frumentariæ sine dubio providit; quamquam hæc omnia tacet *Curtius*; quasi *Alexandri* milites ignorassent tempus hibernorum, & sine comœatu quocumque jubebantur ivissent. Statim postea *Susa* profectus est, quæ ei sunt illico dedita. Sine dubio jam ver erat, & in Climate calidiore, licet montibus referto, nullæ ampliùs erant nives, quæ quominùs superarentur montes obstarent. Itaque *Alexander* ingressus est montana † *Uxiorum*, Madatémque regionis præfectum, non sine certamine, ad deditionem compulit. Illinc quinto die ad § *Susidas Pylas* pervenit, quas, defendente *Ariobarzane*, ægrè superavit; unde rectâ ‡ *Persepolin* ivit, quæ ei è vestigio dedita est.

9. Occupatâ & direptâ *Persepoli*, *Alexander* ** cum mille equitibus, peditumque expedi-

* Cap. II, 2. † Cap. III. § Ibid. § 17.

‡ Cap. V. ** Cap. VI, § 12.

ditâ manu, interiorem Persidis regionem, sub ipsum Vergiliarum sidus petiit; multisque im-
bribus & prope intolerabili tempestate vexatus,
procedere tamen quò intenderat perseveravit.
Ventum est ad iter perpetuis obsitum nivibus,
quas frigoris vis gelu adstrinxerat. Quo fri-
gore non parum vexati sunt milites, ut mul-
tis narrat Curtius; qui occasionem ejusmodi
descriptionum nullam prætermittit. Ex re
ipsâ, colligere est debuisse dicere, sub occa-
sum Vergiliarum. Plinius Hist. Nat. Lib. II.
c. 47. Post id æquinoctium (Autumni) die-
bus ferè quatuor & quadraginta, Vergiliarum
occasus hiemem inchoat, tempus in III. Idus
Novembris incidere consuevit. Phrasis Curtia-
na sub ipsum sidus, significat potius, paullò
ante exortum sideris, quàm paullò post: ut
alibi, apud eundem, sub lucis ortum, est
paullò ante lucem. Quo sensu dixit etiam
sub ortum dici, sub noctem, aliâque, quæ vi-
de in Freinshemiano Indice. Fortè credidit
Curtius tum oriri Vergilias, cùm occidunt;
nam de ortu, si notum ei fuit ejus tempus,
cogitare non potuit. Plinius ibidem: Datus
est huic (subsolano) exortus Vergiliarum sub
totidem partibus Tauri, sex diebus ante Maias
Idus.

10 Alexander, eâ expeditione, reliquas partes Persidis in potestatem suam redegit. * Itaque trigesimo die, postea quàm à Persèpoli profec-

* Ibidem §. 19. Mardorum subactionem hic malè collocat Curtius, cùm subigi non potuerint, nisi subactâ Hyrcania, cujus ad Caspi maris meridiana littora, vicini erant. Idèr Curtius idem iterum repetit Lib. VI. c. V, 11. quasi gemina esset Mardorum gens, quam unam memorant omnes alii.

fectus erat, eodem rediit; hoc est, mense Decembri. Persepoli hiemavit Alexander cum exercitu, eamque incendit.

11. Anno Periodi Julianæ 4385. initio veris, Alexander Darium, cui plusquam integrum annum ad reparandum bellum (quod observatu dignum fuit) concesserat, persequi iterum cœpit. Interea accepit varia militum supplementa, quibus imminutum exercitum præliis, belli vexationibus, morbis, & præsidiiis in arcibus necessariò relinquendis ipse quoque auxit; Gazas Persicas invasit, quarum ope amplissimis præmiis suos donare potuit, & vel totam Græciam in orientem adlicere, propositâ spe mercedis; fertilissimæque Persici imperii provincias subegit, unde ei ad ultteriores eunti commeatus subvehi possent. Primùm ergo in * Mediam movit, quò fugerat Darius; † cùm verò audiret Darium in Hyrcaniam contendere, cò iter ipse quoque intendit, eumque jam interfectum adsequutus est. Hoc initio æstatis contigisse oportet, cùm Alexander summâ celeritate Darium sequutus sit, nec totum exercitum exspectarit.

12. § *Ut primùm instantibus curis laxatus est animus, militarium rerum quàm quietis otiique patientior, excepere eum voluptates; & quem arma Persarum non fregerant, vitia vicerunt. Intempestiva convivia, & perpotandi, pervigilandique insana dulcedo, luditam.* II. G g que

* Cap. VII, 12.

† Cap. XIII, 2.

§ Lib. VI. Cap. II. 1.

que & greges pellicum , omnia in externum lapsa sunt morem. Ita cœpit vitam instituerre , potissimum post mortem Darii ; tametsi in Perside , eo etiamnum vivo , pergræcatus non semel fuerat , regiâque Orientis Persopolin ebrius combusserat. Eo loco , quo Darium adsequutus fuerat, ubi ita genio indulgebat , recensuit captivos , nobilésque à plebeiis secrevit. Aliquot diebus ita absumtis ,
 * in Parthienem pervenit , atque in urbe , eâ tempestate clara , Hecatompylo , condita à Græcis , stativa habuit , commeatibus undique advectis. Ortâ seditione otiosi exercitûs , eâque compressâ , castra illinc tandem mota , adultâ , ut videtur , æstate ; § tertiôque , per Parthienem , die , ad fines Hyrcaniæ penetrat. Castra in valle communiuntur , ** & quartum jam diem eodem loco quietem militi dederat , cùm litteras Nabarzanis accepit. Inde ulteriùs in Hyrcaniam ingressus est , in qua ad autumnum mansit , ut liquet ex hisce Curtii verbis : §§ præter alios commeatus , quorum tam copîa regio abundabat , pomorum quoque ingens modus nascitur , & uberrimum gignendis solum est.

14. In Hyrcania nemo occurrit , qui bellum moveret ; tamen tempore opus fuit , ut peragraretur. At Mardi vicini , vi admotâ , terrendi fuere , ut se dederent ; quibus in fidem acceptis , * * quinto die , Alexander in stativa revertitur. Huc eum invisit Thalestris,
 fi

* Ibid. §. II , & 15. § Cap. IV, 2. ** Ib. 8.
 §§ Ib. 21. * * C. V, 21.

fi Curtio, & vanioribus Historicorum credamus; cujus libido Alexandrum, * *ut paucos dies subsisteret, perpulit; tredecim dies in obsequium desiderii ejus absumpti sunt. Tum illa regnum suum, Rex Parthienae potiverunt.* Tametsi hæc falsa sunt, & ficta à Græculis; tamen colligere fortè ex hisce liceat, Alexandrum aliquamdiu in Hyrcania, post subactos Mardos, fuisse.

15. Ex Parthiæ ivit Alexander in Bactrianam, § quam sub finem autumnii partim subegit, non sine labore. In ea regione ** *jam stativa erant; cum externâ vi non interritus modo rex, sed invictus, intestino facinore petebatur; conspiratione, nempe, suorum, cujus princeps erat Philotas Parmenionis filius.* Ad quæstionem habendam, plectendisque eos, aliquot diebus opus fuit. Jam hiems aderat, nec eo secius Alexander iter pronuntiari jubet in Agriaspas, in quorum fines ex Bactriana quinto die pervenit. Hos & vicinos subegit, ac *sexaginta diebus gentem Evergetarum ordinavit; in cujus agris proinde, per magnam hiemis partem, confedit.*

16. Anno sequente, Periodi Julianæ 4386, brevi expeditione, hieme etiamnum durante, sed in illis oris nequaquam gravi, domiti sunt ** *Aracosii.* Potuit tamen fieri ut, mense Febuario aut Martio, in montanis oris frigus insolitum senserint Macedones; cum

G g 2

ra-

* *Ibid.* 32. § *Cap. VI.* ** *Lib. VII. c. III, 1.*
 & *seqq.* §§ *Ibid.* 4.

rarum non sit frigus hibernum interdum initio veris oriri, sed non diuturnum. Cùm ergo ver adventaret, non mirum est Alexandrum ausum esse in * *Parapamisadas* novam expeditionem suscipere; apud quos tamen, si credimus *Curtio*, initio veris (nam rerum series & verba Historici adlata id evincunt) maximo frigore vexatus est exercitus. Verùm qualecumque fuerit, diuturnum, ut dixi, esse non potuit; nec usque adeò insaniebat Alexander, cupiditate gloriæ, ut mediâ hie-me, jam mortuo Dario, occupatâque longè maximâ parte, eâque ditissimâ Imperii Persici, exercitum periculis famis & frigoris, sine ulla necessitate, objiceret. Scio Bessum in vivis fuisse, sed qui non veritus erat annum integrum Dario, ad reparandum bellum, concedere; an is usque adeò timebat Bactrianæ præfectum, ut unum aut alterum mensem hiberni temporis ad quiescendum exercitui suo dare non posset? Tantopere cum festinasse, cum perniciæ suorum, tam mihi credibile est, quàm Parapamisadarum regionem *gelidissimum septemtrionis axem spectare*, seu ab eo non esse remotam. Profectò & *Curtius* & Græci, quos sequutus est, tempestatis anni majorem rationem non habuerunt, quàm Climatis. Somniabant Alexandrum esse ad Caucasum montem, & quidein mediâ hie-me; cùmque magna illic frigora & longas hiemes audissent esse, & rhetorico more omnia augerent, intolerandum frigus, unâ cum
Cau-

* *Ibid.* 6.

Caucaso in Indiam ferè transtulerunt, & quidem in ea loca, in quibus Macedones potiùs præmaturum æstus timere potuerunt.

17. Inde Alexandri * agmen processit ad Parapamisum montem, quem, ut diximus, Caucasum vocavere Macedones, & *septemdecim dierum spatio eum superavit*. Aufugit Bessus trans Oxum, & Bactriana Alexandrum excepit, qui Oxum quoque trajecit, & ad § *Tanais* usque, hoc est, Iaxartum, varias gentes subegit, atque in fidem accepit; sed non sine sanguine & labore. Scytharum legationem deinde excepit, quos, trajecto Tanai, invasit, præliisque superavit. In Bactrianam deinde rediit, quam, cum denuo rebellasset, recepit, ut & Sogdianam, cujus inaccessam petram stratagemate ad deditionem compulit.

18. Huc usque Historiam Alexandri perducit *Curtii* Liber VII. nullo planè indicio tempestatum anni addito, post illud quod §. 16. ex frigoris descriptione colligere licuit. Sed hæc, sine dubio, æstatem & autumnum anni memorati absumserunt, & fortè partem hiemis anni sequentis. ** *Arrianus* certè Alexandrum Nautacis in Sogdiana hibernasse docet; ἀμα ἡ τῷ ἡρὶ ὑποφαίνοντι προχωρῆσαι ὡς ἐπὶ τὴν ἐν τῇ Σογδιανῇ πέτρᾳ, *imminente verò vere, ad Petram Sogdianam profectum*. Itaque ante hujus Petræ deditionem, collocandum initium anni Periodi Julianæ 4387.

G g 3

19. Sub-

* *Ibid.* 19. & 22. § Cap. VI. ** *Lib.* IV. p. 91.

19. Subactis prorsus Sogdianis & vicinis aliis populis, Alexander * *Maracanda* Bactriana metropolim repetiit, ubi stativa habuit. Illic occisus est Clitus, & § *decem dies consumptos* ait Curtius. Addit illinc ** *cum parte exercitus Hephaestionem in regionem Bactrianam missum, commeatus in hiemem paraturum*, quasi Maracanda in Bactriana non fuissent. Sed hoc omittimus, ut observemus circumstantiam, de parando commeatu in hiemem, aut omitti debuisse, aut ita exprimi, ut intelligeremus de cujus anni hieme verba fierent. Nisi enim cum ex rebus gestis, tum ex *Arriano*, constaret integrum annum absumptum, ab expeditione in Parapamisadas ad deductionem Sogdianæ Petræ, nemo non crederet loqui *Curtium*, de hieme anni superioris. Itaque quod intra biennium confecit Alexander, id videretur, præter omnem verisimilitudinem, anno vertente gestum.

20. Captâ Sogdianâ Petrâ, §§ *Massagetæ, Dahæ & ceteri Sogdiani sunt subacti. Transfugæ Bactriani & Sysimitres ad incitas sint reducti, aliâque gesta, quæ apud Curtium legi poterunt.* † *His compositis, Alexander tertio mense ex hibernis movit exercitum, regionem quæ Gabaza adpellatur aditurus.* Factum hoc initio oportet anni Periodi Julianæ 4387. In itinere oppressit Macedonas gravissima tempestas, quam tumidè describit *Curtius*, ut solet. Hinc Alexander ‡ *Sacas* petiit, eorûmque

* *Lib. VIII, C. 1, 7, 10.* § *Cap. II, 12.* ** *Ibidem.*

§§ *Lib. VIII. C. 1, III.* † *C. IV, 1.* ‡ *Ib. §. 20.*

que regionem diripuit. Tum ingressus tractum, cui Cohortanus præerat, cum in fidem accepit, ejusque filiam Roxanen duxit. Ab eo tempore, de bello Indis inferendo, cogitare cœpit; * & ne quid à tergo quod destinata impedire posset moveretur, ex omnibus provinciis triginta millia juniorum legi jussit & ad se armata perducere, obsides simul habiturus & milites. Interea rebelles nonnullos domuit, & vicinos tractus subegit. Statuere videtur *Curtius* Alexandrum, antequàm Indiam ingrederetur, delectum illum accepisse; nam § *CXX. armatorum millia* cum sequuta ad id bellum ait. Si verum hoc est, dudum antea delectum haberi jusserat, nam si ex omnibus Provinciis Imperii quod subegerat expectandi fuissent milites, per annum illic fuisset desidendum. Interim Hermolaus in Alexandrum conspiravit, & pœnas cum consociis conspirationis dedit.

21. Jam sine dubio æstas instabat, aut etiam inchoata erat, cùm Alexander in Indiam movi. §§ Multis eam expeditionem, ad devictum usque Porum describit *Curtius*; sed nulum discrimen æstivorum aut hibernorum occurrit, nec indicium temporis ullum. At cùm ampla non esset regio à Cophene ad Acesnem, & imbelles populi; non multo tempore Alexander indiguit, præsertim cum tanto exercitu, quem dividere sine periculo poterat. Itaque hæc, intra æstatem & autum-

G g 4

num

* Cap. V. 1.

§ Ibid. 4.

§§ A Capite IX. ad finem Libri VIII.

num anni memorati , fieri potuerunt. Hoc si apertè dixisset *Curtius* , gloriam Alexandri minuire fortè se existimasset ; certè , quæ de nonnullorum Indorum robore & fortitudine dixit , vana visa fuissent.

22. Hibernorum hujus anni nulla apud *Curtium* mentio fit , quam crederem datâ operâ omissam , propter calorem Climatum , in quibus versabatur Alexander ; si Indiæ situs *Curtio* notus fuisset , & nisi alibi , cùm in ora esset Alexander multò magis meridiem spectante , dixisset Alexandrum *ver exspectasse* , ut postea videbimus. Itaque ex rebus gestis ductâ conjecturâ , statuemus Alexandrum hunc annum & sequentem , in domandis Indis , peragrandissque eorum regionibus , absumpsisse.

23. Quæ gesta sunt à domito magno Porca brevius à *Curtio* narrantur , ut antea diximus ; neque nos eorum epitomen hîc proponemus. Legantur Libro IX. *Curtii* , & parcorum conferatur in annum Periodi Julianæ jam memoratum , aut omnia , si ita videatur , in annum 4388. * Cùm Alexander evectus esset in Oceanum , quadringenta stadia , ex ostiis Indi fluminis , adversum fluvium subit classis ; & altero die adpulsa est , haud procul lacu falso. Leonnato deinde præmissio , ut puteos foderet , quâ terrestri itinere ducturus exercitum videbatur , quippe sicca erat regio , ipse cum copiis substitit , *vernum tempus exspectans*. At satius fuisset hibernâ tempestati iter facere , per ea loca , in quibus vix ulâ
et

* Lib. IX. Cap. IX, 27. Cap. X, 1. & seqq.

est hiems, si conferatur cum Europæis, & ver æstates Græciæ sine dubio calore æquat. Sed, miro errore, *Curtius* credidit maritimos Indiæ tractus, in quibus versabantur tunc temporis Macedones, ad Septemtriones spectare. * *Quæ propiora sunt mari*, inquit, *Aquilones maximè decurrunt; ii cohibiti jugis montium ad interiora non penetrant, ita alendis frugibus mitia.* Contrarium voluit dicere, nam australibus ventis maximè uruntur littora Indiæ; isque, jugis demum montium septemtrionalium impediti, non penetrant ad Indi fontes; circa quæ loca in *Kassemiræ* regno, vicinissque, fertilissimi sunt tractus, & Boreâ refrigerati. Hic demum nives adspiciuntur, nam ad austrum montium, quibus cinguntur, præ calore non ningit. Non minùs falsa sunt, quæ habet *Curtius* in sequentibus: *Adeò in illa plaga mundus statas temporum vices mutat, ut cum alia fervore solis exæstuant, Indiam nives obruant; rursumque ubi cetera rigent, illic intolerandus æstus existat.* Si India, tempore *Curtii* nota, fuisset in meridiana illis oris, ultra Tropicum Capricorni sitis, quas navigationes nostræ nondum adierunt, hæc possent ferri; sed nemo nescit quæcumque adiit Alexander, ea esse cis Tropicum Cancræ; in ceteris verò Indiæ partibus, inter hunc Tropicum & Æquatorem sitis, nullas esse nives.

24. In ceteris, ad mortem usque Alexandri, narrandis, multò brevior est *Curtius*,
G g 5 ut

* Lib. VIII. Cap. IX, 12.

ut ex *Arriano* & supplementis Freinshemianis liquet. Sed omnia videntur geri potuisse, intra annum Periodi Julianæ 4389 & sequentem ad mensem usque Aprilem, quo mortuus Babylone Alexander, & quidem XVIII. die, teriâ quartâ, ex calculo * *Jos. Scaligeri*; aut XXII. Maii, ut vult *Jac. Usserius*, vel ad XIX. Julii, si *Dionys. Petavio* credimus.

25. Excusare quis tentet *Curtium*; eò quòd Græci Scriptores, quos sequutus est, in adnotandis temporibus adcuratiores fortè non fuerint; nec potuerit semper scire, quibus tempestatibus singula evenissent. Non negaverim quidem nonnullos Historicos Græcos diligentiores *Curtio* non fuisse; at erant libri, ex quibus quod illis, hac in parte, deerat suppleri poterat. Exstabant, tempore *Curtii*, αἱ βασιλικοὶ ἐφημερίδες, regia diaria, in quibus scriptum erat quid singulis diebus fecisset Alexander, & ubi fuisset. Ex iis varia proferunt § *Plutarchus* & *Arrianus*, qui post *Curtium* vixisse videntur; nam hunc sub Vespasiano floruisse credimus. Exstabant etiam *Baton* & *Diognetus*, qui descripserant τὰ ἡμέρας ἡ ἀλεξάνδρου περιείας, & quos *Plinius*, ** nostro æqualis, vocat *itinerum ejus mentores*, nec semel ad testimonium citat. Hisce uti oportebat *Curtium*, ut Alexandri tempora digereret, & si quod in Geographicis dubium occurreret, eos consuleret.

25. Scio

* De emend. temporum Lib. V. p. 416. § Sub finem vite Alexandri. ** Vide Ger. Joan. Vossium de Hist. Græcis Lib. IV. c. 9. & Indicem Scriptorum à Plinio laudatorum.

26. Scio etiam non per omnia consentire Scriptores , de harum rerum Chronologia; *tanta* , ut verba *Curtii* de eorum in aliis dissensu hîc usurpem , * *tanta* , inquam , *componendum vetusta rerum monumenta* , vel *securitas* , vel , *par huic vitium* , *credulitas fuit* ! At illæ ipsæ discrepantiæ erant in medium proferendæ , & variantium sententiarum simillima veræ eligenda: quòd si nulla se , magis quàm aliæ , probaret , iudicium cohibendum fuisset , Lectorisque rei arbitrium permitendum. Sed elegantiam sermonis , non *Æschylæ* narrationis , spectavit *Curtius* ; ut & multi alii Veteres , qui eo nomine profectò non sunt laudandi.

CAPUT VIII.

Q. Curtium perpetuò propemodum declamatoris stylo uti.

I. **H**ISTORICI eloquutionem oportere mediam esse , inter quotidianum sermonem & oratorium , docuerunt dudum § Magistri artis , nec opus est nos huic rei immorari. At ostendemus *Curtium* nequaquam mediam illam viam instituisse , sed ferè semper declamatorem egisse ; quippe qui hoc argu-
men-

* *Lib. IX. C. V. 21.*
Antis Hist. C. XXIX.

§ *Vide Ger. Joau. Vossium*

mentum selegit, non tam ut doceret quid verum sit in Alexandri Historia, quidve laude aut vituperio dignum; quàm ut elegantiam styli, & facultatem dicendi ostentaret. Varia ex iis quæ jam diximus hoc ipsum comprobant, quales sunt descriptiones frequentes, quæ in eo occurrunt, æque rhetorico prorsus stylo expressæ. Sic fluvios multos, sic molestiam itineris per æstum, aut per frigus plus semel, & planè tumidè descripsit. Hoc eleganter *Lucianus* ait esse *sumum ipsius negotium agere, omissâ historiâ*; cujus finis unicus est docere, non delectare verborum flosculis. Μάλισα γ, inquit, σωφρονητέον ἐν ταῖς τῶ ἑρῶν, ἢ τειχῶν, ἢ ΠΟΤΑΜΩΝ ἐρμηνείαις, ὥς μὴ δύναμιν λόγων ἀπειροκάλως παρεπιδείκνυσθαι δοκοῖης ἢ τὸ σαυτῆ δρᾶν, παρεῖς τὴν ἰστορίαν. ἀλλ' ὀλίγον προσάμεν, τῆ χρησίμῃ ἢ σαφῆς ἕνεκα, μεταβῆσθαι, ἐκφυγὼν τὸ ἰξόν τ' ἐν τῷ πράγματι, καὶ τὴν τοιαύτην ἅπασαν λιχνείαν: *imprimis verò sibi temperandum, in descriptionibus montium, vel murorum, vel FLUMINUM, ne dicendi facultatem ineptè ostentare videaris, & omissâ historiâ tuum ipsius negotium agere. Sed cùm illa paullùm adtigeris, utilitatis & perspicuitatis tantùm gratiâ, mox inde digrediaris; evitato, quod in illa re est, glutino, & omnibus hujuscemodi cupediis.* Quale monitum si animo versasset *Curtius*, scopulum in quem nimis sæpe impegit vitasset. Sunt & alia, in eodem libello *de Con-*
scri-

scribenda Historia , ex quibus *Curtium* castigare licet.

2. Ejus historia in duas veluti partes potest dividi ; quarum altera ipsius Historici verba complectitur ; altera verò orationes , quas scripsit sub eorum persona , quos loquentes inducit. Utrobique autem haud paullò meliorem declamatorem se præstitit , quàm Historicum ; qui non scribit quæ ipse dixisset , si rebus interfuisset , sed quæ re verâ dicta sunt , aut eorum sententiam. Si ergo ostenderimus , in utraque parte , *Curtium* declamare , potiùs quàm narrare ; hoc præstiterimus , quod in inscriptione hujus Capitis polliciti sumus.

3. Ut à narratione initium faciam , pauca dumtaxat exempla proferam , monitus enim Lector alia facilè inveniet. *Primò* , non contentus eventus narrasse , exclamationes non breves , sed sat prolixas eis subjicit. Ita narratâ alterâ Darii , ab Alexandro victi , clade ;
 * *Quis tot , inquit , ludibria fortunæ ; ducum , agminumque cadem multiplicem ; devictorum fugam ; clades nunc singulorum , nunc universorum , aut animo adsequi queat , aut oratione complecti ? Propemodum sæculi res , in unum illum diem , fortuna cumulavit.*

4. *Secundò* , nimis frequentes sunt , apud eum , hyperbolæ , nec ex modestæ , sed sæpe Poëticæ. Sic postquàm recensuit copias Darii : *Bactrianos & Sogdianos , & Indos , ceterosque rubri maris adcolas ,* *IGNOTA* etiam ipsi

* Lib. IV. c. XVI, 10.

478 ARTIS CRITICÆ P.III.S.III.C.VIII.

ipsi gentium nomina, festinatio prohibebat acciri. * Est hoc nimis hyperbolicum, *gentium nomina ignota* earum Regi, præsertim in narratione. Præterea nullos meliùs fortè norat Darius, quàm rubri maris adcolas; cùm non multùm abessent Babylone, Susis, ac Persèpoli regiis urbibus. Sed illi remotissimi erant à loco, in quo declamitabat *Cartius*, eique parum noti; quo factum ut Persarum Regi imprudens suam ipsius ignorantiam tribuat.

5. Mortuam uxorem Darii, non modò lacrimulâ dignatur Alexander, quod multùm fuit, sed luget quasi matrem; usque adedò verum est, declamatoribus modicum nihil placere! † *Rex haud secus*, inquit noster, *quàm si parentis suæ mors nunciata esset, crebros edidit gemitus, lacrimisque obortis, quales Darius profudisset, in tabernaculum, in quo mater erat Darii defuncto adsidens corpori, venit. Hic vero renovatus est mœror, ut prostratam humi vidit*——Credères Alexandrum inter suas necessitudines flere, & solatia non adhibere sed querere, cibo certè abstinuit, &c. Nemo non videt hæc nimia esse; quòd si Alexander usque adedò humanus erat, debuisset ad virum uxorem remittere, ad patrem filias, ad filium matrem, quod tamen non fecit. Certè mulieres Darium non adjuvissent, ad bellum reparandum. Nimis durus, hac in re, fuit Alexander; in lacrimis verò, nimis humanus.

6. Ad

* *Lib. III. C. II, 9.*† *Lib. IV. C. X, 20.*

6. Ad alia Hyperboles exempla digitum tantum intendam, ne Scriptorem, omnium manibus tritum, tædiosè exscribere videar. Adito ergo descriptionem sitientium Lib. IV. Cap. XVI, 12. & seqq. obsidionis Tyri Lib. IV. Cap. II. & seqq. & lege quæ de ea habet *Arrianus* sub finem Lib. II. itineris per montes *Perfidis* Lib. V. Cap. IV. quam confer cum *Arriano* Lib. III. pag. 65. pugnae quam edidit Alexander in *Oxydracorum* urbe Lib. IX. C. V. aliâque similia, ubi magna Hyperbolicarum loquutionum seges

7. *Tertiò*, non Hyperbolas modò Poëticas adhibet, sed etiam aliquando intolerando prorsus tumore turget, ut ferè nescias quid sibi velit. Tale est quod habet in Alexandro, ab *Hammonis* oraculo reduce: * *Memnonis, Tithonique celebrata regia vetustatis avidum trahebat pænè EXTRA TERMINOS SOLIS.* *Memnonis* regia illa *Thebis* erat, in superiore *Ægypto*, nec procul invisenda. Dein quid est *extra terminos Solis*? Debuisset potiùs dicere *intra terminos Solis*, hoc est, intra *Tropicos*, nam in meridiem eundem erat, quamquam, ut dixi, non procul. Verùm in animo habebat † *Virgiliana* illa:

— jacet extra sidera tellus,
Extra anni, Solisque vias.

Sed *Virgilius* intellexit occiduos *Africæ* tractus, & Poëtæ condonantur, quæ in Historico non feruntur.

8. Tu-

* Lib. IV. C. VIII, 3. † *Æneid.* VI, 795.

8. Tumidissima est descriptio imbris & frigoris, Lib. VIII. C. IV. quam non exscribamus. Postquàm fulmina, imbrémque & grandinem simul cadentia descripsit, ita pergit: *Ergo, ordinibus solutis, per totum saltum errabundum agmen ferebatur; multique prius metu quàm labore defatigati, prostraverunt humi corpora, quamquam imbrem vis frigoris, concreto gelu, adstrinxerat.* Non dicam rarò tum cadere grandinem, rarò pluere, rarò fulmina delabi, cùm tantum potest oriri frigus, ut imber concreto gelu adstringatur; sed quæram quî milites ulque adeò procellâ terreri possent, ut solo metu defatigarentur, & animum desponderent; deinde quodnam hoc suffugium esset contra frigus, jacere humi, quam contextit glacies? Hæc certè, præter tumorem, sonitumque inanium verborum, nihil habent; sed deteriora sunt sequentia: *Alii se stipitibus arborum admoverant, id plurimis & adminiculum & suffugium erat. Nec fallebat ipsos morti locum eligere, cùm immobiles vitalis calor linqueret; sed grata erat pigritia corporum fatigatis, nec recusabant extinguere quiescendo.* Quasi verò malint homines frigore mori stantes, quàm incedere, aut è filicis venis ignem excitare! *Quippe non vehemens modo, sed etiam pertinax vis mali insis-tebat.* Frigus, nimirum, ut videtur, quod facile fuit igne vincere, aut per aliquot horas præsertim incedentibus ferre. At lucem naturale solatium, præter tempestatem haud disparem nocti, sylvarum quoque umbra suppresserat. Erátne umbra hæc truncorum, & r

me

morum sine frondibus ? Certè non alia esse potuit, tempestate anni, quâ milites, in frigida regione, si cum ludia conferatur, nati, innumeris laboribus indurati, frigore exanimabantur. Verùm quî tanta esse poterat arboribus foliis nudatis, *ut lucem supprimeret* ? Oblitus erat *Curtius*, tempore, quo foliis vestitæ sunt arbores, tantum frigus non oriri. *Rex unus* (nam solus, in tanto exercitu, frigore non obtorpuerat) *tanti mali patiens*. Sed quid tandem factum, in illa calamitate ? Audi Rhetorem : *Ceterùm efficacior in adversis necessitas, quàm RATIO*, frigoris remedium *INVENIT* ; dolabris enim silvas sternere adgressi, passim acervos struēsque accenderunt. Annon videntur Macedones similes hominibus, primùm ex terra editis, qui nesciunt quî frigus expelli possit, & casu, potiùs quàm ratione, artem excitandi ignis, & se se calefaciendi inveniunt ? Debuisset noster hisce omnibus *τερατολογίαις* addere, non ab hominibus, qui frigentes licèt ea de re ne cogitabant quidem, sed fulmine accensum esse ignem, ut apud primos homines, quibus

*Fulmen * detulit in terras mortalibus ignem Primitus ; inde omnis flammaram diditur ardor.*

Sic tumidus stylus tandem, tumore suo, fit frigidus. Sed, quod miremur, alibi etiam *Curtius* circuitione usus est, ad dicendum frigem.
Tom. II. H h

* *Lucretius. Lib. V.*

gentes Macedonas ignem accendisse: * *Fortè castris*, inquit, *ante mœnia ipsa in silvestri loco positis, nocturnum frigus vehementius quàm aliàs horrore corpora adfēcit, opportuniūque remedium ignis oblatum est.* Cæsis quippe silvis flammam excitaverunt, quæ igni alita oppidanorum sepulcra comprehendit. Alius dixisset, cùm eâ nocte insolitum frigus ortum fuisset, Macedonas solito etiam majores ignes accendisse. At noster, dum rem humilem vult rhetorico stylo nimium extollere, in frigus incidit. Quid est *flamma igni alita*? † *Tannaquillus* quidem *Faber* legit; *lignis alita*; sed hoc quoque frigidum esset, nam quid opus est dicere flammam *lignis ali*? quis hoc ignorat? Sed ut redeamus ad prioris frigoris descriptionem, sequentia omnem *τερατολογίαν* superant: *Memoriæ proditum est quosdam adplicatos arborum truncis, & non solum viventibus, sed inter se conloquentibus similes esse conspectos durante adhuc habitu, in quo mors quemque comprehenderat.* Frigus, nimirum, hoc, in Indiæ silva, Arctoo frigore multò majus, idem poterat, ac Medusæ caput, efficere, ut homines stantes, momento temporis, in statuas mutarentur; &, quod multò mirabilius est, ut qui stare poterant, incedere nollent, mallentque ita perire, quàm accendere ignem. In sequentibus, credo esse mendum; nisi calamus etiam *Curtii*, dum hæc scriberet, obriguerit. *Fortè Macedo, gregarius miles, séque & arma sustentans tandem in castra pervenerat*

* Lib. VIII. Cap. X, 7. † Ep. Crit. P. I. Ep. LV.

nerat. Nihil frigidius additione illâ, *ſέque ἔ*
arma ſuſtentans ; poterátne gregarius miles in-
 cedere , niſi ſe *ἔ* *arma ſuſtentaret* ? Editio
Barthol. Merulae rectè habet : *vix ſέque ἔ* *ar-*
ma ſuſtentans , ſive ex Codice MS. ſive ex
 conjectura. Sunt & alia , quæ meritò in hac
 deſcriptione carpi queant ; ſed quæ diximus
 rem , quam hîc ſpectamus , in clara luce col-
 locant. Hanc animadverſionem claudemus ;
 veriſſimo judicio eximii Critici : * Οὕτως δὲ
 ἔοικεν εἶναι τὸ οἶδεῖν ἐν τοῖς μάλιστα δυſφυλακ-
 τότατον. Φύσς γὰρ ἅπαντες οἱ μεγέθς ἐφιέ-
 μενοι , Φεύγοντες ἀσθενείας καὶ ξηρότητ^ς κα-
 τάγνωſιν , ἔκ οἷδ' ὅπως ἐπὶ τῶν ὑποφέρονται ,
 πειθόμενοι τῷ ,

Μεγάλως ἀπολιſθαίνειν ἀμάρτημ' εὐγενές.

Κακοὶ ὃ ὄγκοι , καὶ ἐπὶ ſωμάτων καὶ λόγων , οἱ
 χαῦνοι καὶ ἀναλήθεις καὶ δῆποτε περιſſάντες ἡ-
 μᾶς εἰς τ' ἐναντίον. ἔδεν γάρ , φασι , ξηρότε-
 ρον ὑδρωπικῆ : *Videtur omnino tumor inter ea*
eſſe , quæ difficillimè vitantur. Quicumque
enim ejus ſunt indolis ut granditatem ſtyli ad-
ſeſcent , dum vercatur ne infirmitatis ἔ *sicci-*
tatis damnentur , nescio quomodo in hoc ipſum
delabuntur , ſequenti hoc dictum ; magnis exci-
dere peccatum nobile eſt. Malus vero eſt tu-
mor , ἔ *corporis ἔ* *orationis , fungoſus eſt ἔ*
vero ſucco deſtitutus , ἔ *aliquando etiam in*

Hh 2

con-

* Longini de Sublim. Cap. III. §. 9.

contrarium nos conjicit. Hydropico enim, aiunt, nihil est siccius.

9. *Quartò*, qui granditatem styli nimiùm captant, ii ut plurimùm frequenter in ἀκυρὰ incident; qualia in *Curtio* plura animadvertimus, ex quibus pauca proferemus. Librum V. ita inchoat: *Quæ interim, ductu imperiòque Alexandri, vel in Græcia, vel in Illyriis, ac Thracia gesta sunt; si quæque suis temporibus reddere voluero, interrumpendæ sunt res Asiæ.* Qui Latinè sciunt, ii norunt ea dici geri *ductu*, *imperiòque* ducis, quæ ipse præsens gerit; *auspiciis* verò, quæ per legatos; quam vocem hîc adhibitam oportuit, cùm sermo sit de rebus ab Antipatro gestis, dum Alexander in ultima Asia esset. Ipse *Curtius* se damnabit, prolato loco ex Lib. VI. C. III, 2. ubi de his ipsis rebus ita loquitur: *Ut omittam Illyrios, Triballos, Bæotiam, Thraciam, Spartam, Achaëos, Peloponnesum; quorum alia ductu meo (præsens, nimirum) alia imperio, auspiciòque perdomui.* Sed & hîc mallet omiffam esse vocem *imperio*, quæ vix differt à *ductu*. Vide, de discrimine *ductûs* & *auspiciorum*, *Just. Lipsium* de Milit. Romana, Lib. II. Dial. 12.

10. Lib. IX. Cap. XIV, 24. ita loquitur: *Momento temporis, repressus est imber, ceterùm adeò spissæ intendere se nubes, ut conderent lucem, vixque conloquentium inter ipsos facies noscicaretur.* Propriè dicendum fuit *nebulas*, nam *nubes* altiores sunt. Scio à Poëtis hæc misceri, sed non sine ἀκυρολογία, quæ

quæ Historico minùs licita est. *Isidorus* Lib. XIII. C. 9. *Nebula inde dicta, unde & nubilâ, ab obnubendo, hoc est, operiendo terram, sive quòd nubes volans faciat. Exhalant enim valles humidae nebulas, & fiunt nubes* — *Nebulae autem ima petunt, cum serenitas est; summa, cum nubilum.* Sic *Livius* Lib. XXXVII. Cap. 41, 2. *Nebula matutina, crescente die, levata in nubes, caliginem dedit.*

11. Est ἀκυρον frequentissimum in *Curtio*, quo * *regia* pro tentorio regis dicitur; cum certum sit subaudiri *domum*, quæ vox Latine de tentorio à nemine dicatur. *Paulus* Diaconus: *Regia; domus ubi rex habitat.* Præstitisset ergo dicere semper regium tentorium, aut prætorium.

12. Sed nulla esset ἀκυρολογία minùs tolerabilis, si locus sanus esset, quàm quæ est Lib. IX. C VII, 16. ubi ita de *Dioxippo*: *Pugil nobilis, & ob eximiam virtutem virium Regi pernotus & gratus.* Nemo umquam, ut puto, dixit *virtutem virium*: sed cum legatur in *Palatino MS.* *virium magnitudinem*, rescribendum omnino crediderim: *eximiam virtutem, viriûmque magnitudinem.* Sic de *Dioxippo*, ejûsque adversario loquitur *Diodorus Siculus*, Lib. XVII. p. 567. ἀμφοτέρων ἢ τῇ τε τῷ σώματι ῥώμῃ, ἢ τῇ τῇ ἀλκῇς ὑπεροχῇ θαυμαζομένων οἷονεῖ τις θεομαχία μέλλουσα γίνεσθαι προσεδόκηθη:

Hh 3

cum

* Vide Lib. IX. C. V, 30.

cùm uterque , propter vires corporis , & eximiam fortitudinem , admirationi esset , quasi futura quædam Deorum pugna expectabatur. Scio virtutem interdum dici proprietatem & efficaciam , ut quando de virtutibus herbarum , aut medicamentorum sermo est ; sed virtutem virium neminem alium dixisse puto. Hac unâ ratione , defendi hæc loquutio possit , si dicatur esse Hellenismus ; quia , apud Græcos , dos quævis ἀρετὴ dicitur , & fortè diceat διὰ τὴν διαφέρσαν ἀρετὴν ἰσχύϊ , propter eximiam virtutem viriam ; ut Plato dixit Lib. X. δι' ἀρετὴν πολιτείας , propter præstantiam formæ reipublicæ , non procul ab initio. Sed Hellenismos non usque aded sectari videtur *Curtius* , ut propterea inusitatum , apud Latinos , loquendi genus adhibuerit.

13. Quintò , * quo vitio declamatores ævi illius laborabant , *Curtius* est nimis in sententiis , quas non modò in orationibus , sed & in narratione & obliquas , & directas passim ingerit. Harum exempla non proferam , cùm ubique occurrant , atque ex majusculis litteris , quibus in adcuratoribus editionibus sunt expressæ , vel à pueris dignosci queant. Hoc tantùm dicam , ne nimia directarum copia Lectori displiceret , *Curtium* interdum obliquas interponere , quæ pænè vi in eam formam detortæ sunt. Sic Lib. X. C. I, 6. de iis qui Parmenionem occiderant , quisque ob alia scelera apud Alexandrum accusabantur : Plerique amicorum Alexandri ——— leti
reci-

* Vide Quintilianum Lib. IX. C. 5.

recidisse iram in iræ ministros, nec ullam potentiam scelere quæsitam, cuiquam esse diuturnam Directa sententia est: *NUL LA potentia scelere quæsitam cuiquam est diuturna; quâ egregius sensus rectè exprimitur. Sed ut obliqua fiat, & uni eventui aptetur, debent voces universales, ut cum Logicis loquar, in singulares mutari, aut omitti. Itaque dicere debuit Curtius: læti recidisse iram in iræ ministros, & potentiam scelere quæsitam illis non fuisse diuturnam. Alioquin universalibus vocibus expressa, quamvis in obliquam formam inflectatur, eminet extra corpus orationis, nec in texto vestibus colore nitet.*

14. Hæc & similia digna sunt, quæ diligenter animadvertantur; ne talibus locis vim inferamus, quod ejusmodi gnomæ non satis commodè expressæ sint. Exempli gratiâ, ita Curtius, de fuga exercitûs Darii, post prælium ad Issum commissum: * *Tum verò ceteri dissipantur metu, & quâ cuique patebat ad fugam via, crumpunt; arma jacentes, quæ paullò antè ad tutelam corporum sumserant; ad eò pavor etiam auxilia formidabat.* Quædam editiones Batavæ habent *formidat*, quo modo etiam ex conjectura legendum censet vir acutissimus † *Tan. Faber, Est enim, inquit, gnome, quæ ad omnes omnium temporum homines pertinet; qui metu correpti præsidia sua abjiciunt, quæ retinere debuerant.* Sed similis ratio suaserit, emendandum etiam esse locum superiorem, quod nemo audeat.

Hh 4

15. Ut

* *Lit. III. C. VI, 12.*† *Ep. LI. P. I.*

15. Ut nunc ad orationes veniamus, quas directas plurimas habet *Curtius*, ut vix totidem alibi occurrere in tam parvo volumine existimem; ante omnia, profiteri necesse habeo me esse in eorum sententia, qui in Historia gravi orationes omnes & directas & obliquas omittendas censent; nisi essent, aut earum sententia certissimè sciri possit. * Scio quid viri eruditi scripserint, ut ostenderent licere Historico orationes tribuere iis, quorum res gestas scribit; non quales habuerint, sed quales habere potuerint, aut etiam, iudice Historico, debuerint, ad res ipsas quod attinet; quamquam fatentur, plerosque omnes, qui loquentes inducuntur, eloquentiâ, & ingenio nequaquam Scriptorem æquasse. Scio etiam plerosque ex Veteribus ejusmodi orationes Historiis suis inseruisse. Sed, si verum amamus, elegancia orationum, quas in iis legimus, iudicio eorum, qui eas in Historia probant, præstigias fecit; nam nulla ratio est, quâ possit homini Veri amanti persuaderi, in hac re, licere Historicis ementiri. Neque enim multò minus mendacium est, inducere hominem dicentem quod non dixit, quia dicere potuit; quàm describere facièntem, non quod fecit, sed quod poterat facere. Si credibile sit eos, quorum vitæ, aut res gestæ litteris mandantur, rationibus quibusdam usos, aut permotos fuisse, quas Historici commenticiis illis orationibus intexunt; eas proferat ipse Historicus suo nomine, moneâtque Lectores
se

* Vide G. J. Vossium in *Arte Historica* Cap. XX. & XXI.

se existimare has, aut similes fuisse rationes; quibus ii, de quibus scribit, adducti fuerint ad ea gerenda quæ fecerunt. Quod cùm fit, nemo queri potest se falli, quamvis fortè in Historico majus judicium, aut acumen desideret; neque ex rationibus ita expositis aut minor lux Historiæ oritur, aut tenuior utilitas ad Lectores redit: nihil enim in orationibus directis dici potest, quod non æquè commodè exprimatur, in obliqua rationum expositione.

16. Tantùm abest, ut Veritati quæ sola in Historia spectanda est, quali potissimus scribentis finis, satisfiat fictis orationibus, ut ne verisimilitudo quidem servetur. Nam quid absurdius fingi potest, quàm idiotas, aut barbaros, inducere loquentes æquè eleganter & disertè, ac si per multos annos Rhetoricæ operam dedissent? Quid ineptius ac putidius, quàm omnes, qui loquentes inducuntur, æquè eloquentes videri? Hoc autem animadvertet; quisquis orationes directas, non modò *Curtii*, sed quorumvis Historicorum leget. Si consuetudo hæc toleranda suadet, at ratio, verique, imò & decori studium ferri non posse clamant; querenturque semper Veritatem, ornamentis Mendacii ita corrumpi, non illustrari.

17. Præterea hac quoque ratione fit, ut contra decori leges, ab imprudentibus Historicis, gravissimè alio modo peccetur. Rectè monuerat *Callisthenes*, ut docet *Athenæus* de machinis, p. 2. Ed. Par. *eum, qui scribere aliquid instituit, à persona minime aberrare debe-*

re, sed sermones cūm personæ, tum rebus convenientes adhibere. Δεῖ τὸν γράφειν τι πειράμενον μὴ ἀσχεῖν τῷ προσώπῳ, ἀλλὰ οἰκίως αὐτῷ τε καὶ τοῦ πράγμασι τὰς λόγους θεῖναι. Sed cūm omnibus suam eloquentiam commodent, non modò doctos & indoctos parī dicendi facultate instructos producunt; sed etiam cūm sit unum Historico ingenium, quod non facilè alienos mores induit, eosque diversissimos; omnes quibus orationes mutuas dat, ii ex indole non sua, sed Scriptoris, loquuntur. Apud *Curtium* omnes sunt declamatores, qui Scriptoris ingenio sapiunt, non suo. Darius declamat, Alexander declamat, milites ejus declamant; * Scythæ ipsi, omnium litterarum rudes, rhetorico calamistro inusti in medium prodeunt. Hoc in memoriam mihi revocat familiam illam, quæ tota cantabat. Pedes abluentes convivis, & paronychia tollentes, in hoc tam molesto officio, obiter cantabant. Potionem poscentem paratissimus puer non minùs acido cantico excipiebat; & quisquis aliquid rogatus erat ut daret. Pantomimorum, non patris familiæ, triclinium credidisses. Sic, apud *Curtium*, omnes sunt disertī, & Rhetores; omnes gnomas multas, vel minimā loquendi occasione oblatā, profundunt.

18. Sed & sensim, cum hisce figmentis, subit major fingendi licentia. Qui adsueta sunt suum ingenium, suamque dicendi facultatem loquentibus commodare, iidem paullatim

* Lib. VII. c. 2,

tim prudentiam res gerentibus mutuam dant, circumstantiâsque, pro sua sapientia, addunt, quando in antiquiorum Scriptis eas non inveniunt; ut sic tandem Historia in Milesiam fabulam, magna ex parte, mutetur. Quòd si contingat Scriptorem non satis esse peritum rerum, temporum aut locorum, non mendacia modò, sed repugnantia naturæ rerum ab eo proferuntur. Vñ exemplum ex *Curtio*? En tibi duplex, & quidem insigne Lib. X. Cap. I, 24. Orsines, Persagadarum Satrapa, dicitur *Regi cum omnis generis donis, non ipsi ea, sed etiam amicis ejus, daturus occurrisse*: cùmque hos donis super ipsorum vota coluisset, Bagoæ spadoni, qui Alexandrum obsequio corporis devinxerat sibi, nullum honorem habuit, admonitûsque à quibusdam quàm Alexandro cordi esset, respondit: amicos Regis, non scorta, se colere; nec moris esse Persis mares ducere, qui stupro effceminarentur. Quibus auditis, spado potentiam flagitio & dedecore quæsitam, in caput nobilissimi & infantis exseruit. Gênerosum profectò est hoc responsum Orsinis, & dignum etiam Macedone; sed ita loqui non potuit homo Persa, qui sciebat Dariûm alii Bagoæ regnum debuisset, & cum memorato consuesse. Quibus persuadere posset *Curtius*, nobilem Persam, & ad amplissimos honores evectum, id ignorasse quod * multi Græci scripserunt, ipsèque adeò *Curtius* litteris prodidit? Ita enim loquentem inducit Alexandrum Lib. V. Cap. III,

* Vide Supplementorum Freinsheimianorum Lib. II. C. I, 1.

III, 12. *Ne Darius quidem hereditarium Persarum cepit Imperium ; sed in sedem Cyri, beneficio BAGOÆ, hominis castrati, admisit.* Capite sequente §. 10. in litteris Nabarzanis, legimus, *Darium, cum occidisset Bagoam, hac excusatione satisfacisse popularibus, quod insidiantem sibi interemisset.* Postea Cap. V, 23. inter dona, quibus Nabarzanes Alexandrum placare conatus est, dicitur fuisse *Bagoas specie singulari spado, atque in ipso flore pueritiæ; cui & Darius fuerat adfuetus, & mox Alexander adsuevit.* Fuerat etiam *Teridates*, puer Eunuchus, *Artaxerxi* in deliciis, ut docet *Ælianus* Var. Hist. Lib. XII. Cap. I. in *Aspasiæ* historia. Nemo jam non videt *Curtium* finxisse responsum rei ipsi contrarium, dum vult homini è posteris Cyri digna tantâ nobilitate verba cominodare; aut summum alium non prudentiorem exscripsisse.

19. Sed & Alexandro dum providentiam suam mutuam nimis benignè dat, stultè se se eum gerentem inducit; quod profectò fieri non potuit, in re usque aded tunc temporis Macedonibus explorata. Alexander, paullò ante mortem, infinita animo complexus, statuerat omni ad Orientem maritimâ regione perdomitâ, ex Syria petere Africam Carthagini infensus; tum alia facere in Occidente, quæ memorat *Curtius* Lib. X. C. I, 17. Quam expeditionem animo conceptam ut exsequi posset, *Mesopotamiæ prætoribus imperavit, materiâ in Libano monte casû, devectâque ad urbem Syriæ Thapsacum, ingentium carinas navium*

vium ponere; septiremes omnes esse, deducique Babylonem. Non dicam mandari potius hoc debuisse Syriæ Prætori, in cujus præfectura situs erat mons Libanus; sed quis non videt ineptire nostrum Rhetorem, qui * septiremes in Euphrate instituit, ut ex Syria petat Africam, quâ mari interno obtenta est? At eam classem paratam fuisse in Arabas, utque coloniæ circa Sinum Persicum mitterentur, docet *Arrianus* Lib. VII. Verum hoc fortasse vult *Curtius*, hisce verbis: *omni ad orientem maritimâ regione perdomitâ*, quibus verbis designari potest Arabia. Verum digna res erat, quæ pluribus exponeretur, ut omnis ambiguitas tolleretur; alioquin ea peccavit *Curtius* in Geographiam, quæ facile persuadent eum credidisse ex Euphrate posse, brevissimâ viâ, Carthaginem navigari. Certè hoc eum voluisse suadet magnitudo navium, quarum hîc meminit; majoribus enim non solebant vulgò navigare mare mediterraneum, nec aptæ erant Euphratis & Tigridis alveis.

20. Hæc de *Curtii* stylo dicenda habebamus, quæ pluribus exemplis illustrassemus, & copiosius persequuti essemus; nisi ejus Historia omnibus manibus versaretur, & quæ diximus aded essent manifesta, ut quicumque Latinè sciunt ea sic, ut demonstravimus, se habere nullo negotio videre possent. Nec tamen nos elegantiae ejus styli, & sententiarum

* Qui sciunt quid sit septiremis, Euphratem tantas naves ferre potuisse non faciliè concedent. Maximas quinquevemes memorat *Alexianus*, easque tantum duas, p. 161. Lib. VII.

rum quidquam detractum imus, aut propterea minùs sumus adolescentibus ejus legendi auctores ; modò eum quasi Rhetorem habeant, cujus lectione stylus expoliri potest, & adsurgere, si necesse sit, atque ex quo egregias sententias excerpant, quamquam nimis crebras, & alienis locis positas ; non quasi Historicum, Veri studiosum, cui adcredere possint, aut quem liceat, in Historia scribenda, per omnia imitari, si quis cò studia sua convertet.

C A P U T IX.

2. Curtium laudatorem potiùs esse ambitionis nimie Alexandri, quàm vituperatorem. Egregia de illa Senecæ & Lucani loca.

I. **C**UM Historia scribatur, non delectandi causâ, sed docendi ; ejus Legibus cautum est, ut Historici vitia, de quibus loquuntur, aut disertè damnent, aut ita describant ; ut intelligant Lectores vitia esse, bonis omnibus diligenter fugienda. Nec ea vitia dumtaxat intelligenda, quæ aperta sunt, sed etiam quæ specie virtutum induta minùs perspicaces fallunt. Inter priora fuerunt ebrietas, superbia, crudelitas, quæ in Alexandro, post superatum Darium, se se exseruerunt, & quæ non rarò castigavit *Curtius*. Sed posterioris generis fuit illa inextincta regnandi cupid-

piditas, quâ Alexander, non modò Persis, sed & innumeris pacatis Gentibus. quæ nullâ ratione eum læserant, imò ne quidem noverant, bellum intulit. In eo adfectu, superbia, injustitia, crudelitas, ignorantia sui, conjunctæ sunt cum juris divini & humani tanto contemptu, ut vix ullum sit deterius, atque exitius vitium. Hoc factum ut innumeræ innocentissimæ familiæ, urbes, nationes ab Alexandro sint bello vexatæ, direptæ, & aliquando ad internecionem deletæ. Superbis, libidinosis, avaris & crudelibus militibus ac præfectis, gentes maximæ, hoc vitio, omnibus calamitatibus impunè mactandæ traditæ sunt. Attamen Græci Scriptores hæc scelera, atque latrocinia tantùm abest ut damnent; ut consceleratum Regem, crudelissimūque exercitum, nobis, quod audacter hæc omnia fecerit, quasi heroas quosdam describant; nec ab eorum sententia discrepat *Curtius*, qui ubique quantopere hæc admiraretur ostendit. Quod si Ethicæ Philosophiæ tantam operam dedisset, quantam dedisse videri voluit, frequenti illo moralium gnomarum usu, quas ubique adhibet, numquam passus esset à Græculis sibi fucum ita fieri; numquam, cum vulgo, usque ad eò desipuisset, ut horrenda facinora Virtutis veste indueret, & laudibus ornaret. Hac in re, etiam agnoscere licet declamatoris ingenium, quod speciosa sectatur, & vulgo plaudenda, potius quàm vera & sapientibus placitura.

2. Dixerit hîc fortè quispiam, nos ea postulamus.

tulare ab Ethnico , quæ supra cognitionem Ethnicorum erant posita. Quod meliùs confutare non possumus , quàm adlatis Ethnicorum testimoniis , qui *Curtio* antiquiores erant. Eorum hac de re iudicia digna sunt , quæ & hîc & alibi legantur ; nam & hodie multi Christiani vix *Curtio* oculatiores sunt. Igitur ea integra proferre non gravabimur.

3. Auctor est * *Plutarchus* , *Aristotelem* nonnulla scripsisse ad Alexandrum , ut superbiam ejus retunderet , quæ utinam integra exscripsisset ; ex iis enim clariùs adpareret quid de eo senserit Philosophus , cui notissimus erat. Quæ profert ea sunt subobscura , sed fortè datâ operâ , ad vesanum juvenem , scripserat obscuriùs *Aristoteles*. Οὐ μόνον , ἔφη , τοῖς πολλῶν κρατέσιν ἐξεῖναι μέγα φροεῖν , ἀλλὰ καὶ τοῖς περὶ θεῶν δόξας ἀληθεῖς ἔχουσι. χρήσιμα γὰρ καὶ πρὸς πολεμίας καὶ πρὸς ἐχθρὰς τὰ τοιαῦτα.

Δυσήνων δέ τε παῖδες ἐμῷ μὲν ἀντιώωσι.

Καὶ περὶ τῆ Περσῶν βασιλείας , μεγάλα γὰρ καλεμένα , ὁ Ἀγασίλας , τί δὲ ἐμῷ γε μείζων ἐκεῖν , εἰ μὴ καὶ δικαιοτέρῳ ; dixit non his tantum , qui magnum tenerent imperium , permixtum esse magnificè de se sentire ; sed his etiam , qui veras opiniones de Diis haberent. Utilia sunt etiam adversus hostes ἔτι inimicos isthæc :

Proгна-

* De sui laude p. 545. T. II,

Prognatos miseris nostræ fors objicit hastæ.

Et de Persarum Rege , qui magnus vocabatur , Agesilaus : qui , inquit , major me est , nisi & justior ? Duo hitce , si quid judico , significare voluit *Aristoteles* ; primum eos non posse gloriari , qui amplissima imperia subegissent , quemadmodum Alexander ; nisi pietatem erga Numen colerent , quæ in illò nulla fuit , cùm Diis æquari vellet ; deinde nullâ laude dignos esse eos , quibus regna maxima parèrent , nisi simul benefici & justî essent ; quorum neutrum fuit Alexander. Si enim beneficentiam ejus comparemus cum calamitatibus , quas in hocis intulit ; numquam effugiet quin censeatur iræ divinæ flagellum , nedum ut humani generis deliciæ haberi queat. Pro perpaucis militibus , hoc est , carnificibus , pro aliquot meretricibus , adulatoribus , aut tyrannis , quos muneribus donavit , aut benigniùs habuit ; quot myriadas hominum , & familiarum fortunis omnibus evertit , crudeliter vexavit , atque è medio sustulit ? Miseros omnes reddidit , qui sua contra ejus rapacitatem tueri paullò constantiùs ausi sunt ; nec potuit *Aristoteles* meliùs maleficam illam indolem describere , quàm versù Homérico , quo utitur Achilles , similis vesaniæ exemplar ; ad quod se se componebat Alexander , qui & ab illo ortum se gloriabatur :

Prognatos miseris nostræ fors objicit hastæ ;

cùm orbos fecerit innumeros parentes , qui
florentes ætate liberos , dum patriam pio &
justo bello defenderent , amiserunt. Justum
ejusmodi hominem nemo dixerit , qui omnia
sua esse contendebat , sc̄que natum ut omni-
bus imperaret , ceteris verò mortalibus solam
gloriam obsequii relictam ; quem denique op-
timè pinxeris , iisdem coloribus , quibus *Ho-
rati*us * pingi voluit Achillem :

*Impiger , iracundus , inexorabilis , acer ,
Fura negat sibi nata , nihil non adrogat ar-
mis.*

Hunc Spartanorum regulo , justitiæ obser-
vante , ex sententia Agesilai , quâ nihil ve-
rius , jure dixeris minorem ; quamvis latissi-
mè pateat ejus imperium. Hanc *Aristotelis*
mentem fuisse omnino existimarim , obscu-
riùs licèt expressam , quòd sibi timeret à fe-
rocissimi discipuli ira.

3. Utinam exstarent libri *Ciceronis* , de
Republica ! Sine dubio in iis summi viri gra-
vissimum judicium de Alexandro legeremus ;
ut colligere est ex fragmento , quod ex ter-
tio ejus Operis libro profert *Nonius Marcel-
lus*. Est responsum Piratæ , ex quo intelli-
gere potuit Alexander , quodnam discrimen
inter se & ejusmodi homines esset ; nam cùm
quæreretur ex eo , inquit Cicero , quo scelere
compulsus mare haberet infestum uno myoparo-
ne ? Eodem , inquit , quo tu orbem terræ.

Vix

* *De Arte Poëtica* ,

Vix dubito quin Cicero, suffragio suo, Piratæ responsum confirmaret; cum hæc verba ex eodem libro proferat idem Grammaticus: *Est genus injustæ servitutis, cum ii sunt alterius, qui sui possunt esse*; quæ verba ad populos liberos, ab Alexandro subactos, pertinent.

4. Sed clariùs loquentem Senecam atque infatigabilem hominis cupiditatem (nam cetera omitto vitia) damnantem audiamus. Cum victor Orientis animos supra humana tolleret, Corinthii, aut Megarenses, per legatos, gratulati sunt, & civitate illum suâ donaverunt. Ridenti verò Alexandro hoc officii genus, unus ex legatis, *nulli*, inquit, *civitatem umquam dedimus alii, quàm tibi & Herculi*. Tum libens accepit delatum honorem, cogitavitque non qui sibi civitatem darent, sed cui dedissent; & homo gloriæ deditus, cujus nec naturam, nec modum noverat, Herculis, Liberique vestigia sequens, ac ne ibi quidem resistens, ubi illa defece- rant, ad focium honoris sui respexit à dantibus; tamquam cælum, quod mente vanissimâ complectebatur, teneret, quia Herculi æquabatur. *Quid enim*, subdit Seneca, ** illi simile habebat vesanus adolescens, cui pro virtute erat felix temeritas? Hercules nihil sibi vicit, orbem terrarum transivit, non concupiscendo, sed vindicando. Quid vinceret malorum hostis, bonorum vindex, terrarum, marisque pacator? At hic à pueritia LATRO,*
I i 2 GEN-

* De Beneficiis Lib. I. c. 13. ubi vide notas M. Ant. Muræti.

GENTIUMQUE VASTATOR ; *tam hostium perniciēs , quàm amicorum ; qui summum bonum duceret terrori esse cunctis mortalibus , oblitus non ferocissima tantum , sed ignavissima quoque animalia timeri , ob virus malum.*

5. Cùm ea esset indoles Alexandri , is finis ejus bellorum ; mirum est *Curtium* ita adloquentem milites cum inducere potuisse , ante Issicum prælium : * *illos terrarum orbis LIBERATORES ; quasi Macedones de cujusquam liberatione cogitassent ! Verùm diu in illa imagine non hæret Alexander ; illico contrarium , sed verum , subdit : emensosque olim Herculis & Liberi Patris terminos , non Persis modò , sed etiam omnibus gentibus IMPOSITUROS JUGUM.* Nimirum , *liberatores orbis* eo animo bellum gerebant , ut *omnibus gentibus imponerent jugum.* Sed ut commemoratus Hercules , cui conferre volebat *Curtius* Macedonas , effecit ut *liberatores* eos vocaret : ita Veritas ab eo extorsit , ut in sequentibus eos describeret , quasi jugum omnibus gentibus imposituros. Declamatores qui partim ex vero , partim ex libera fictione , loquuntur , non semper sibi constant. Verùm ad *Senecam* redeamus.

6. Alibi , ne fortè temerè ab illo , loco adlato , castigatum Alexandrum quis putet , non minùs severè de eo judicat : § *Alexandro* , inquit , *quamquam in littore maris rubri steterat , plus deerat , quàm quà venerat. Illius*

* *Lib. IV. C. X. 5.*§ *De Bmif. Lib. VII. C. 2.*

lius ne ea quidem erant quæ tenebat , aut vicerat ; cùm in Oceano Onesicritus , præfectus classis , præmissus explorator erraret , & bella in ignoto mari quæreret. Non satis adparebat inopem esse , qui extra naturæ terminos arma proferret ? Qui se in profundum , inexploratum & immensum , aviditate cæcâ , prorsus immitteret ? Quid interest quot eripuerit regna , quot dederit , quantum terrarum tributo premat ? Tantum illi deest , quantum cupit.

7. Epistolâ CXIX. æquè graviter in eum invehitur : *Numquam parum est , inquit , quod satis est ; numquam multum est , quod satis non est. Post Darium & Indos , pauper est Alexander Macedo. Quærit quod suum faciat , scrutatur maria ignota , in Oceanum classes mittit novas , & , ut ita dicam , mundi claustra perrumpit. Quod naturæ satis est homini non est. Inventus est qui concupisceret aliquid , post omnia. Tanta est cæcitas mentium & tanta est initiorum suorum unicuique , cùm processit , oblivio ! Ille modò ignobilis anguli , non sine controversia , dominus , de tanto sine terrarum , per suum rediturus orbem , tristis est.*

8. Ex hisce satis liquet , infinitam illam alienorum cupiditatem , quæ in Alexandro fuit , audaciam & artem quibus ea invadebat , conjunctas cum viribus nocendi , quibus abutebatur , fuisse vitia longè maxima , eoque exitialiora , quod pluribus nocebant. Attamen , si credimus Rhetoribus & Poëtis , heroicæ virtutes fuerunt ; quibus factum est ut Alexander pænè dignus visus sit , qui Deo-

rum ordinibus adscriberetur. Hisce vitiis, sed velatis nominibus fortitudinis, scientiæque militaris, vitia alia ita pensari existimant, vix ut ea illi exprobrari patiantur. Sic, profluititiam! vitia minora vitiis multò majoribus excusatum eunt; perinde ac si quis furtum, cujus accusaretur, homicidio excusaret.

9. Non potuit ei *Seneca* cædem *Callisthenis*, egregii Philosophi, ignoscere, atque hoc solum scelus, omnibus, quæ in *Alexandro* laudari potuerunt, gravius existimavit. *Hoc est*, inquit, *Alexandri crimen æternum, quod nulla virtus, nulla bellorum felicitas redimet.* Nam quotiens quis dixerit: occidit Persarum multa millia; opponetur: & *Callisthenem*. Quotiens dictum erit: occidit *Darium*, penes quem tunc magnum regnum erat: opponetur: & *Callisthenem*. Quotiens dictum erit, omnia Oceano tenus vicit, ipsum quoque tentavit novis classibus, & imperium ex angulo *Thraciæ*, usque ad *Orientis* terminos protulit; Omnia licet antiqua exempla Regum, ductumque transferit; ex his quæ fecit nihil tam magnum erit, quàm scelus *Callisthenis*.

10. Ad id exemplum si licet ratiocinari, (& quidni liceat?) quoties dicetur in eo fuisse * *vis incredibilis animi, laboris patientia propemodum nimia, fortitudo non inter Reges modò excellens, sed inter illos quoque, quorum hæc sola virtus fuit*; objiciemus fuisse simul

* *Curtius Lib. X. Cap. V, 25.*

mul incredibilem alieni cupiditatem , cui ut satisfaceret , nihil fuit tam sanctum inter homines quod pedibus non conculcasset , nullum periculum quod non adiret , nullus labor quem recusaret ; adeò ut fures , latrones , piratæ , ex desperatione rerum suarum , ad sceleratas illas artes conversi , nihil sint præ illo. Quoties in illo laudabuntur *liberalitas sæpe majora tribuentis , quàm à Diis petuntur ; clementia in devictos ; tot regna aut reddita , quibus eà demserat bello , aut dono data ; & mortis , cujus metus ceteros exanimat , perpetua contemptio* ; dicemus liberalem fuisse ex raptis , & plerumque in indignos , spoliataque ab eo oppida & regna , ut alienas facultates in adulatores aut carnifices profunderet ; clementem fuisse in eos solos qui se ei servire paratos significabant , cum non minus liberi nati essent ac Macedones ; contemptum vero mortis ex vecordia manasse , cum , ne quid aliud dicam , omnia possideret , propter quæ vitam amare debebat ; denique , si quæ fuit in eo significatio virtutis , nullâ ratione esse æquiparandam cum latrocinandi libidine , quâ , quibuscumque videbatur , inferebat bellum , nisi se se ei in servitutem darent. Cum mors communem hunc generis humani hostem rapuit , parabat , Oriente subactis , Occidentem , nisi sibi sponte pareret , incolarum ejus sanguine inundare ; qui tamen (plerique certè) vix illum de nomine norant , nec ubi locorum esset Macedonia sciebant.

II. Sed non opus est verbis nostris uti , ut ostendamus res gestas *Alexandri* memoriam

ejus inter homines infamare , potiùs quàm
illustrare , si faperent , debuiffe ; audiamus
* *Lucanum* , patruì egregiè vestigia sequu-
tum , ejùsque verbis Caput hoc claudamus.
Sic ille de sepulcro Alexandri , quod Alexan-
driæ viscebatur :

*Illic Pellai proles vesana Philippi ,
Felix PRÆDO jacet , terrarum vindice
fato*

*Raptus. Sacratìs , totum spargenda per or-
bem ,*

*Membra viri posuere adytis ; Fortuna pepercit
Manibus , & regni duravit ad ultima fatum.*

*Nam sibi libertas umquam si redderet orbem ,
Ludibrio servatus erat , non utile mundo*

*Editus exemplum , terras tot posse sub uno
Esse viro. Macetùm fines , latebràsque suo-
rum*

*Deseruit , victàsque patri despexit Athenas ;
Pérque Asiæ populos , satis urgentibus , actus
HUMANÀ CUM STRAGE
ruit , gladiùmque per omnes*

*Exegit gentes ; ignotos miscuit amnes ,
Persarum Euphraten , Indorum sanguine
Gangen.*

*Terrarum fatale malum , fulménque quod
omnes*

*Percuteret pariter populos , & sidus iniquum
Gentibus. Oceano classes inferre parabat ,
Exteriore mari. Non illi flamma , nec undæ ,
Nec sterilis Libye , nec Syrticus obstitit Am-
mon.*

Isset

* Lib. X. vers. 20. & seqq.

*Isset in occasus , mundi devexa sequutus ,
Ambissetque polos , Nilumque à fonte bibisset ;
Occurrit suprema dies , naturaque solum
Hunc potuit finem vesano ponere Regi .*

12. Jam nemo , opinor , hisce lectis , nos nimia exigere à *Curtio* , homine Ethnico , dicere poterit ; cùm contendimus Alexandri latrocinia ab eo debuissè vituperari , si gravem Historicum , potiùs quàm declamato-rem , egisset. Hoc unum hìc spectavimus ; nam ad rem ipsam quod adinet , eam subtiliùs tractare hìc adgressi non sumus. Obiter tamen adtigit *Curtius* , in oratione Scytharum , quæ legitur Lib. VII. C. VIII. & in qua hæc dicentes Scythæ inducuntur : *Tu qui te gloriaris ad latrones persequendos venire , omnium gentium , quas adisti , latro es*. Verùm non oportebat rem tantam obiter & dumtaxat in uno loco obliquè adtingi , sed & copiosiùs exponi , & frequentiùs , nec ab hostibus modò Alexandri , sed ab ipso etiam Historico , alienâ personâ minimè tectò , inculcari.

13. Hoc erat nostrum de *Curtio* judicium , quod qui non à contemptu elegantissimi Scriptoris , sed ab amore Virtutis & Veritatis , studioque juvandi Litteras & juvenes qui iis operam dant , profectum esse judicabit , æquum se & peritum judicem præstabit. Sanctè hoc adfirmare possumus , nec justam ullam rationem nobis hac in re fidei negandæ præbuisse confidimus. Attamen hoc judicium nobis fuit defendendum , ante

aliquot annos, quod Gallico sermone fecimus *Bibliothecæ Selectæ* Vol. III. quo Lectorem amandamus. Nonnihil etiam, hac de re, in Præfatione *Pedoni Albinovano* præfixa diximus. Hic plura non addemus, ne optimæ causæ diffidere videamur.

C A P U T X.

Aliquot loca Q. Curtii tentata, aut emendata.

I. **U**SUS sum primùm, in legendo *Curtio*, editione secunda *Joannis Freinsheimii*, quæ prodiit Argentorati anno MDCLXX. Ea cum habeatur emendatissima & libello variarum Lectionum, cum ex Editionibus, tum ex Libris Manuscriptis collectarum ornata sit, instar omnium esse potest. Alias, nisi postea, non inspexi, nec in iis quidquam quod magnopere esset *Freinsheimianis* antefendum inveni. Animadverti tamen virum diligentissimum, & laboris patientissimum non semel admisisse eas Lectiones in contextum orationis, quæ falsæ sunt, cum veræ in aliis Editionibus legerentur; & Critico acumine, rarius quàm par erat, aut etiam aliquando infeliciter usum. Quod non eò dico, ut laboribus ejus quidquam detrahā, quibus persæpe & grato animo utor; sed certum est colligendo & conscribendæ Historiæ aptiorem fuisse, quàm conjiciendo aut dijudicando, quæ

quæ dos est maxima Critici. Exempla nonnulla, hoc in Capite, proferemus, ex quibus res fiet manifesta.

2. Cùm mater & uxor Darium lamentarentur, quasi in acie cecidisset; misit Alexander ad eas Leonnatum, qui indicaret Darium vivere. Ille, cum paucis armigeris, ad earum tabernaculum se confert, missumque à Rege se nunciari jubet. At ii, qui in vestibulo erant, ut armatos conspexere, rati actum esse de dominis; in tabernaculum currunt, vociferantes adesse supremam horam, missosque qui occiderent captas. Itaque, ut quæ nec prohibere possent, nec admittere auderent; nullo responso dato, tacitè opperiebantur victoris arbitrium. * *Leonnatus* verò, ait *Curtius*, *expectato diu, qui se intrmitteret, posteaquàm nemo PRODUCERE audebat; relictis in vestibulo satellitibus, intrat in tabernaculum.* Ait ad hunc locum *Freinsheimius*, in Bongarsiana, Lugdunensi & Amstelodamensi editionibus legi *procedere*; quod non displicet, inquit, sed & *Sebifius* ita legendum putabat. De re clara, non erat dubiè loquendum; nam *producere* absurdum est, hoc in loco; significat enim, ubi de hominibus sermo est, egredientes comitari. Hic verò neminem egredi ausum ait *Curtius*, quod significat vox *procedere*. Rem notissimam exemplis probare nihil adinet, sed locum *Rufini* proferam, in re planè simili; qui licèt non satis castigatè ubique loquatur,

ta-

* Lib. III. c. XII, 10.

tamen passim ostendit melioris ævi Scriptores à se tritos fuisse. Sic ille, in Recognitionibus *Clementis*, Lib. I. c. 12. *Cùm hospitium* (Barnabæ & Petri, quos quærebat Clemens) *reperissem, atque ante fores constitissem, ingre-
rebam janitori quis essem atque unde adventa-
rem; & ecce Barnabas PROCEDENS*
—— *adprehensum me manu introducebat ad
Petrum.* Cùm deesset Leonnato, qui hoc
faceret, sponte suâ ingressus est. Ita etiam
sentire postea vidi *Joan. Schefferum* in notis
in *Curtium*, quæ proflare cœperunt Amste-
lodami, anno 1698. & *Matth. Raderum* sic
edidisse.

3. Non multò * pòst, narratâ humanitate
Alexandri erga matrem, uxorem & filias Da-
rii: *sed nondum*, inquit, *fortuna se animo
ejus infuderat; itaque orientem eam moderatè
& PRUDENTER tulit, ad ultimum mag-
nitudinem ejus non cepit.* Lege PUDEN-
TER, hac enim in re pudor est, potiùs
quàm prudentia. Vox est *Ciceronis*, *Catulli*,
Horatii, aliorum. Huc facit *Ausonii* præcep-
tum Epist. VIII.

*Fortunam reverenter habe, quicumque re-
pente
Dives ab exili progrediare loco.*

Ante nos, ita legendum viderat *Valens A-
cidalius.*

4. Lo-

* *Ibid.* §. 20.

4. Locus est in * *Curtio*, qui frustra Criticos exercitos habuit. Narrat supplicium sumtum de Præfecto Damasci, qui quædam munimentis oppidi fidens, pecuniam regiam, cum pretiosissimis rerum, efferri iusserat, fugam simulans; reverâ ut prædam Parmenioni offerret. Expositâ eâ fraude, direptioneque gazæ Persicæ, subdit *Curtius*: *Ceterum Dii tantæ fortunæ proditorem, SEPULTURÆ celeriter debitâ pœnâ persequuti sunt; namque unus è consciis, credo, Regis vicem, etiam in illa sorte, reveritus interfecti proditoris caput ad Darium tulit. Matth. Raderus & Cbr. Cellarius omittunt sepulturæ, quod tamen habent MSS. Suspiciatur Freinsheimius, legendum ulturi, sed suæ conjecturæ non fidit. Joan. Schefferus, in notis postumis in Q. Curtium, legit seque ulturi, putatque vitium hoc natum ex eo quodd in libris antiquis esset scriptum seq. ulturi, per compendium, unde factum primùm sepulturi, deinde sepulturæ. At durum est verbum ulturi duplici significato, in una eademque phrasi sumi; nam alio sensu se ulti sunt Dii, alio ulti sunt proditorem, ut ipse animadvertit Schefferus. Tan. Faber † audacior multò, sed & acutior Criticus, legit securum sceleris. Sed hæc nimium abeunt à veteri scriptura. Legendum censeam imposturæ, nam hoc crimen scelerati hominis fuit, quod aliter stellionatus dici solet. Ulpianus, Digg. Lib. XLVII. Tit. XX. 1. 3. docet stellionatum obji-*

* Lib. III. C. XII, 17.

† Ep. Lib. I. E. II.

§IO ARTIS CRITICÆ P. III. S. III. C.X.

objici posse his, qui dolo quid fecerunt, & locum habere cum in omni dolo, qui peculiari nomine caret, tum si quis IMPOSTURAM fecerit, vel collusionem in necem alterius. Glossæ veteres: *Impostura, stellionatus, ἡ ἐπίθεσις, ἡ χλεύη.* Quamvis ea vox in antiquioribus non occurrat, inferiorem tamen esse Vespasiani ævo non existimo; cum verbum *imponere*, fallendi significatu, non raro in ejus & superioris ætatis Scriptoribus legatur; nec dubium sit, quin Jurisconsulti priscas multas voces Latinas soli nobis servarint.

5. Sic describuntur campi, in quibus commissum alterum cum Dario prælium: * *equitabilis & vasta planities, ne stirpes quidem & brevica virgulta operiunt solum, liberque prospectus oculorum, etiam quæ procul recessere, permittitur.* Nulla est constructio in his verbis, *etiam quæ procul recessere.* Legendum ergo, *quæ procul recessere*, verbumque hoc conjungendum cum nominativis *planities & solum*, qui antecesserunt; aut legendum: *illorum etiam quæ procul recessere.* Conjectura Fr. Modii, *legentis permittitur*, in quam inclinat Freinsheimius, absurda est. Joannes quidem Schefferus legit, *in quæ permittitur*; hoc est, permittitur prospectus in ea quæ procul recessere. Sed minore mutatione sanari locus potest, ut ostendimus.

6. Patron Græcorum dux, accusaturus Bessum & Nabarzanem, apud Darium, ut sibi fidem faciat, ait se nihil ab ullo sperare pos-

* Lib. IV. C. IX, 10.

posse, præterquam à Dario; cùm Bactriani, alisque præmia ab aliis possent expectare: * *Amisimus*, inquit, *Græciam*, *nulla Bactra sunt nobis*; *spes omnis in te*, *utinam & IN ceteris esset!* Delendum posterius IN, nam optat Patron ut ceteræ copię Darii nullam spem nisi in eo haberent, futuræquippe fideliores. Sic quidem mavult *Freinshemius*, fert tamen & *vulgatum* in ceteris, *quamquam multò languidior inde sensus exit*. Imò verò nullus, qui seriei orationis conveniat, nam Latinè nemo dicat: *utinam in ceteris omnis spes in te esset!* IN delevit etiam, ut postea vidi, *Matth. Raderus*.

7. Cùm accusatus esset Philotas à Nicomacho, præsentē Cratēro, hic omnem lapidem movet, ut Alexandrum ad perdendum Philotam adducat, vetatque credere hunc veniā mutari posse, tum addit: † *At ego, etiam si ipse vel pœnitentiā, vel beneficio tuo victus quiescere velit, patrem ejus Parmenionem tanti ducem exercitūs, & inveterata, apud milites tuos, auctoritate, haud multum infra magnitudinis tuæ fastigium positum, scio non æquo animo salutem filii sui debiturum tibi. Quædam beneficia odimus, meruisse mortem confiteri pudet. Superest ut malit videri injuriam accepisse, quam vitam.* Quibus dictis, quid hinc Alexandro colligendum esset his verbis significat: Proinde scio tibi cum illis de salute esse pugnandum. Legendum SCITO, nam hic scio locum habere non potest, ut in supe-

* Lib. V. C. XI, 6. † Lib. VI. C. VIII, 7.

§12 ARTIS CRITICÆ P. III. S. III. C. X.

perioribus. *Raderi* Editio habet *scias* in contextu, *scio* in margine, quæ est lectio MSS.

8. *Hermolaus*, cum fassus esset se in *Alexandrum* conspirasse, mortemque propterea expectaret, ita orationem claudit: * *De cetero parce, quorum orbam senectutem suppliciis ne oneraveris.* Legendum *parentum*, non *parce quorum*. Aliæ conjecturæ duriores sunt, & magis recedunt à scripturæ hujus vestigiis, ut liquebit, si consulatur *Commentarius Freinsheimii*, vel adeantur *Notæ Joannis Schefseri*, ad hunc locum. *Raderus* habet *parce bis, quorum*.

9. Hæc in *Curtio* emendanda nobis videbantur, quibus & alia nonnulla potuissemus addere; sed, sine auxilio MSS. Codicum, multa mutari posse non censemus. Itaque hîc judicio nostro, de *Curtio*, finem imponemus; quod si per omnia non probaverint Critici, non mirabimur; nec ipsi, qui nostris potiùs quàm alienis oculis credimus, solemus omnia illorum probare.

* *Lb. VIII. C. VII, 15.*

III. Sectionis III. Partis Artis Criticæ

F I N I S.

AOI 1467.584



